

文山先生全集

一

文山先生  
集二十卷

四部叢刊初編集部

重刻文山先生文集序

吉安舊刻文山先生文集簡帙龐雜篇句脫誤歲久浸漉  
幾不可讀中丞德安何公遷來撫江右既出素所養者布  
之教令復表章列郡先哲以風厲士人會郡守浦江張公  
元諭始至即舉屬之張公手自編緝釐類剔訛出美幣選  
良梓刻將半致中丞之命於洪先併序所以校刻之意嘗  
觀孟子論北宮黝孟施舍之養勇而有憾焉彼其不挫與  
無懼者若詛盟而要結之終其身不可解也夫二子憑氣  
者也猶有爲之所者以主於中矧其進於是者耶洪先於  
是反覆先生之事取證其詩與書因得其平生之詳而論  
之始先生弱冠及第憂歸四年授京兆幕而邊遽起董奄  
力主和議首應詔數其罪乞斬之以安社稷且自罷免既  
改洪州復自罷尋用故事以館職召進刑部郎而董奄復  
用上又疏求罷自知瑞州轉江西提刑爲臺臣論罷後兼  
學士爲福建提刑即又連論罷如江西已而權學士院草  
制件賈似道嗾臺臣劾之罷其少監及除湖南運判又論  
罷之遂引錢若水例致仕去當是時年纔三十七耳當其  
甫入朝著非有兵革艱大之委而剛事它屬又無臺諫糾  
刺之權其言與否宜未有訾及者乃不能一日稍待何哉  
人之遭蹉跌者往往回顧而改步三已不愠古人難之今

罷而仕而復罷經歷摧創至于六七志愈堅氣愈烈曾  
一不以自悔此其中必有爲之所者矣且自始進而遽早  
休當盛年而甘退處目爲倡狂而不辭置之危地而不改  
彼非異人之情也亦曰爲世道計吾之心未能已也與吾  
相持而不使其直遂者勢也吾屈勢而違心耶亦求以自  
盡耶是故事寧無成不敢隱忍以諱言言寧不用不能觀  
望以全身身寧終廢不欲玩愒以克位其必爲此不爲彼  
決絕審固於死生之間秋毫無所皇惑是先生之平生也  
今觀其文辭矯乎如雲鴻之出風塵汎乎如渚鷗之志機  
械寧乎如匣劍之蘊鋒芒至於陳告敷宣肝膽畢露旁引  
廣喻曲盡事情則又沛乎如長江大河百折東下莫有當  
其騰迅者此豈一朝一夕之故偶得之者哉及其灑泣入  
衛捐家餉軍流離顛頓出萬死一生以圖興復力既不支  
猶以拘囚之餘從容燕市收三百年養士之功跡愈久而  
聲光不減使天下後世曉然知有人臣之義莫不以爲處  
死之難古今未若是烈者不知其屢罷而不悔爲之者誠  
豫也使幸而不值其變則處死者人必不聞不幸而聞於  
人人且歎其難矣或振之憑氣而莫能原其所以爲心使  
先生平生所養卒不暴白於天下後世是尚爲知論世矣  
乎夫不幸非人所常值也值其幸而能自盡則亦何至於

屢罷夫惟求自盡而不免屢罷則知決絕審固於死生之間蓋有大不得已而非先生所願明矣非所願而必豫為之所逆知其不免而未嘗少動古之知所養者蓋如此有世道之責者其思有以豫待之哉洪先生先生之鄉想慕其平生設以身處而深有感於養氣之說因序集而并著之嗚呼使人人皆知所養不徒仰嘆先生之難將於世道必重有賴二公風厲之意至是效矣

嘉靖三十九年庚申二月望後學吉水羅洪先頓首謹書

文山先生全集目錄

卷一文集

詩

次鹿鳴宴詩

集英殿賜及第恭謝詩

御賜瓊林宴恭和詩

明堂慶成恭進詩

敬和道山堂慶瞻御書

刘左司餞潘秘丞次韻

秘省再會次韻

送曹大著知廣德軍

贈秘書王監丞

題卓大著順寧精舍

送卓大著知漳州

和蕭安撫送行韻

和朱衡守約山韻

題玄潭觀雪浪閣

玄潭觀和龔宰韻

送朱制幹象祖

送林溶孫歸省

京城借求福寺

司戶弟生日

梅

暑布送王廷舉

題陳國秀小園

題靜山

贈拆字嗅衣相士

贈閻丘相士

贈神目相士

贈鏡湖相士

贈秋月相士

贈曾蘭谷相士

贈月洲相士

贈刘矮跛相士

贈梅谷相士

贈碧眼相士

贈徐相士

贈鑑湖相士

贈趙神眼

贈桂岩相士

宣州罷任再贈

贛州再贈

贈彭別峯

贈黃生

贈楊樵隱

贈葉大明

贈舒片雲

贈彭神璣

贈刘忠樸

贈金稱

贈余月心

贈涂内明

贈一壺天

贈蕭巽齋

贈曾一軒

贈龔諫軒

贈徐吉甫

贈魏山人

贈廖希說

彭通伯衛和堂

贈適庵

贈可軒

慧和尚

象奕等級四絕

贈彭善之

贈曹大崧

贈蕭文彬

題周山甫錦繡段

還梅尉詩軸

贈羅雪屋

題得魚集

題彭小林詩

題王聲甫松坡苦唱

題毛霆甫詩集

送趙王賓

又送前人琴棋書畫 題羅道士玉潤

聽羅道士琴 和雲屋道士

遊集靈觀 題凝祥觀

遊青原 題碧落堂

和龔使君 餞新班第

別弟赴新昌 送劉民章

題宣州疊嶂樓 題宣州覽翠堂

登雙溪閣 題吳城山

貧女吟 名姝吟

東方有一士 和故人

賦吉州隆慶寺塔火 寄故人劉方齋

題高君寶紺泉 題曾氏連理木

題滕王閣 題黃岡寺

龍霧洲覺海寺 題積學齋

題八窓玲瓏 予鄧峒

題六梅亭

卷二文集

詩樂府并詞附

文山即事 出山

關山寄朱約山 山中即事

宿山中

山中謾成東劉方齋 山中載酒

山中立夏 山中和韻

山中自賦 入山即事

山中感興三首 山中呈聶心遠

再用前韻 山中六言三首

用蕭敬夫韻 山中

竹花 夜歸

八月十六日見梅 和蕭秋屋韻

月夜 江行

紙帳 為劉定伯索油藤

山中小集 新年

生日和聶吉甫 生日和謝愛山

生日謝朱約山 生日和蕭敬夫

與朱古平飲山中 所懷

山中偶成 次約山杏花韻

贈黃梅峯 送人往湖南

題張景召梅墅 和謝愛山

別謝愛山 和胡琴窓

七月十三夜 病中作

又二絕

又賦

又賦

借道冠

又賦

病甚夢至帝所

病愈簡劉小村

夜坐偶成

簡琴窓雲崖竹軒諸友

用前韻留琴窓

又用韻簡李深之

早起偶成

又用韻

曉起

夜坐

和松坡

陳貫道浩浩歌

借朱約山韻

用前人韻賦招隱

用前人韻招山行

翰林權直罷歸

慶羅氏祖母百歲

拜羅氏百歲母

醉清湖

羅山長存叟來

壽朱約山八十

壽朱約山八十三

賀龔翁遷居

挽李制帥

挽孫庸齋

挽龔用和

挽萬監丞

哭彭止所

挽吳西林

挽晏桂山

挽鄆晉叔

挽王遠叔

挽蕭神機

挽朱尚書

挽朱太將

挽黎致政

壽江古心

送張宗甫兄弟

送胡端逸

題楚樓觀

別宋安序

贈周東卿畫魚

別李肯齋

幕客舟中序別

用韻謝諸客

湘潭道中贈丁相士

別徐暎

和宋安序送行

贈萍鄉道士

白髭行

將母赴贛道西昌

快閣遇雨觀瀾

題轆孤臺

用韻別五湖翁

用韻謝前人

翠王樓晚雨

翠王樓觀雪

翠王樓和胡端逸

翠王樓

合江樓

皂蓋樓

石樓

馬祖巖

禪閣

吸江

塵外

雲端

清江何漢英

送曾巖山

和前人賦別

贈蕭信叔

贈碧鑑相士

送吉州陳守

贈鍾正甫

改題疑祥觀

題倪氏山水圖歌 山中次胡德昭韻

山中泛舟 病中作

山中即事 挽吳齋先生

送劉其發 贈周蒼崖

題竹巖摘蕪 挽劉知縣

古樂府壽人母 齊天樂

齊天樂

卷三文集

對策 封事 內制

御試策題 已未上皇帝書

癸亥上皇帝書 輪對劄子

擬進御筆 又擬

擬冊立皇太子文

卷四文集

表牋

門謝表 湖南提刑到任謝表

謝皇太后表 謝皇后牋

皇太子生日賀皇帝表 賀皇太后表

賀皇后牋 皇子進封賀皇帝表

賀皇太后表 賀皇后牋

皇女進卦賀皇帝表 賀皇太后表

賀皇后牋 知贛州到任謝表

謝皇太后表 謝皇后牋

壽崇節本州賀皇帝表 賀皇太后表

賀皇后牋 壽崇節兵馬鈐轄賀表

賀皇太后表 賀皇后牋

乾會節本州賀皇帝表 賀皇太后表

賀皇后牋 乾會節鈐司賀皇帝表

賀皇太后表 賀皇后牋

皇子賜各本州賀皇帝表 賀皇太后表

賀皇后牋 皇子賜名鈐司賀皇帝表

賀皇太后表 賀皇后牋

皇帝登寶位本州賀表 賀皇太后表

賀皇太后表 皇帝登寶位鈐司賀表

賀皇太后表 賀皇太后表

謝皇帝登極赦文表 太皇太后加尊號本州賀表

賀皇太后表 賀皇太后表

太皇太后加尊號鈐司賀表 賀皇太后表

賀皇太后表 皇太后加尊號本州賀表

賀皇太后表 賀皇太后表



皇太后加號鈐司賀皇帝表	賀太皇太后表
賀皇太后表	大行皇帝升遐本州慰皇帝表
慰太皇太后表	慰皇太后表
大行皇帝升遐鈐司慰皇帝表	慰太皇太后表
慰皇太后表	百日慰皇帝表
慰太皇太后表	慰皇太后表
期年慰皇帝表	慰太皇太后表
慰皇太后表	再期慰皇帝表
慰太皇太后表	慰皇太后表
禪祭慰皇帝表	慰太皇太后表
慰皇太后表	賀皇帝聽政表
賀太皇太后同聽政表	天瑞節本州賀皇帝表
賀太皇太后表	賀皇太后表
天瑞節鈐司賀皇帝表	賀太皇太后表
賀皇太后表	大行皇帝謚號本州慰表
慰太皇太后表	慰皇太后表
大行皇帝謚號鈐司慰表	慰太皇太后表
慰皇太后表	冬至節本州慰皇帝表
慰太皇太后表	慰皇太后表
啓攢慰皇帝表	慰太皇太后表

慰皇太后表	發引慰皇帝表
慰太皇太后表	慰皇太后表
祔廟慰皇帝表	慰太皇太后表
慰皇太后表	正旦慰皇帝表
慰太皇太后表	慰皇太后表
改元賀皇帝表	賀太皇太后表
賀皇太后表	曆日謝皇帝表
謝太皇太后表	謝皇太后表
壽崇節本州進功德疏	鈐司進功德疏
乾會節本州進功德疏	鈐司進功德疏
天瑞節本州進功德疏	鈐司進功德疏
大行皇帝升遐本州進功德疏	鈐司進功德疏
皇帝違和保安諸廟疏	本州宮寺保安疏
鈐司宮寺保安疏	道疏
大行皇帝遺詔本州成服道疏	僧疏
鈐司成服道疏	僧疏
本州成服滿散疏	鈐司成服滿散疏
大行皇帝本州追嚴道場疏	鈐司追嚴道場疏
申省狀	

辭免新除秘書省正字狀

再狀

辭免知寧國府狀

卷五文集

書

回胡僉判請文寄

賀吳提本

回聶吉甫

賀何縣尉

上丞相

通廟堂

通江參政

通潭州安撫江丞相

與李復卿

與孫子載

與胡觀洲

與楊李錄

與巽齋先生

與前人

又

回劉架閣會孟

回魯衛教

回李宮教

與朱大傅

與鄧縣尉

與顏縣尉

與聶吉甫

回王國智

與劉司戶

與胡端逸

與黃主簿

與劉正伯

回鍾叔王

與黎節判

與劉民章

與梅制幹

與杜教授

回謝教授

與劉知縣

與李知縣

與陳知縣

回唐知縣

回劉運使

與袁守雷侍郎

與知贛州翁舟山

賀翁舟山兼憲

賀方逢辰

賀前人除江西漕

回許秘丞

賀倪提舉

與趙月山

與知吉州江万頃

賀知吉州黃提舉

與前人

賀楊提刑

與知吉州繆知府

回吉州竇檢閱

回江州李都丞

回潘檢閱

回鍾編校

回吳制帥

回宣州洪倅

回吳直閣

與游提刑

與趙知郡

賀前人得盱守

與趙監丞

慰前人

回安福趙宰

回孟之摺

卷六文集

書

回寧國陳節推

與吳提刑

與陳提舉

回林學士

回穎守李宗丞

回李宗丞

與江西黃提刑

回林司業

回信豐羅宰

回羅子遠

與汪安撫

回前人

與胡都丞

慰胡通判

與李大卿

回永州楊守

回林侍郎

回楊祕監

與劉尚書

與陳察院

與鄧校勘

與陳直院

與魯縣尉

與曾架閣

回吉守王提舉

與龔知縣

與許權縣

賀劉敬德

賀鍾有謙

與周德甫

與文侍郎及翁

與楊大卿

與趙戶部

與陳侍郎

與宋衡州

與錢運使

與曹提刑

回汀州陳守

與趙大卿

與江西趙倉

與吉州劉守

回吉州趙倅

回袁州鄒倅

回臨江婁倅

回隆興熊倅

與楊縣尉

回唐書記

回黃強立

回文教

與胡節推

繳奏彙上中書札子

賀江端明

與前人

與吉州守李寺丞

回曹提刑

回陳侍郎

與湖南廖提刑

與安撫李大卿

與吉州劉漢傳

回李端明

回岳縣尉

回洪端明

與贛州屬縣宰

回袁永州

賀曾尚書

回曾知縣

回魯連推

回李本中

回傅縣尉

卷七文集

啓

上權郡陳通判

上倉守李愛梅

賀吳丞相

謝吳丞相

謝丞相

謝樞密

謝何樞密

謝江樞密

賀江丞相

賀馬右相

通章僉書

賀趙編脩

回瑞州羅權府

回吉州繆守

回朱約山

魏朱約山

回前人魏啟

回前人賀生日

回彭知縣

回太和趙宰

回太和趙尉

回胡宣教

回蕭子倉

和朱大傅

送書主簿

回廬陵趙簿

回吉州陳守

賀前人

賀劉省元

迎交代孟知府

通交代李樸峯

賀前人

又賀生日

賀化地冬

賀化地正

賀僉書冬

賀參政正

賀江丞相

賀前人除特進

回前人送札

謝江丞相宴

送前人九日禮

回前人送九日札

賀前人冬

送前人折筵

回前人送冬酒

賀前人正

送前人酒

回前人送春

賀前人赴名

通羅提本

回前人

送前人七夕

請前人宴

回前人折筵

請前人九日宴

送前人折筵

通董提本

回前人到狀

迎前人

送前人洗拂

回前人送私親

謝前人招宴

送前人新除禮

送前人折俎

回前人中秋請宴

回前人折俎

回前人送酒

賀前人冬

又送冬至酒

送前人歲節酒

賀前人正

回前人送春

得贖送前人禮

回前人請宴

送前人折俎

回前人送酒折俎

賀宋吏部

回前人到任狀

請前人到任宴

送前人洗拂

謝前人招宴

送前人特會折俎

回前人送物

回前人賀雪

回前人餽歲

謝前人折俎

送前人折俎

回前人賀正  
回前人請宴

請前人宴  
回前人請聚宴

回宋衡袖請宴  
請前人宴

請前人別會  
回前人請

謝送禮物  
通胡都丞

回楊秘監

卷八文集

啓

通丁侍郎  
通楊提刑

回李安撫  
回前人賀遷秩

送前人冬  
賀前人冬

餽前人歲  
賀前人正

送前人元宵  
賀前人納子婦

送前人別會  
謝章僉書

謝高尚書  
謝陳尚書

謝陳正言  
謝陳侍郎

賀曹尚書  
賀劉尚書

賀趙侍郎  
賀汪制帥

迎李經畧狀  
請廣帥會

折送諸監司  
回朱帥參

回刘志叔  
回葉茶塲

賀桂陽劉守  
賀寶慶王守

賀道州王守  
賀永州袁守

回前人  
請雷州虞守

送前人別禮  
回諸郡守冬

回諸郡送半酒  
回諸郡賀年

送徐權府折俎  
回前人請宴折俎

回前人轉官折俎  
回前人送冬

回柯權郡  
回前人賀得轅

回李潭倅  
回諸郡倅賀冬

回諸郡倅賀正  
回諸僉幕賀冬

回諸司諸郡幕賀  
回施帥

回洪準  
回趙檢法

回諸郡教官賀冬  
回諸郡教官送別

回桂陽劉教授  
回林教授

回張教授  
回胡山長

回邢山長  
回衡州江判官

回趙判官  
回郭判官

回陳撫屬張監倉  
回黎知縣李司理

回永州司戶  
回謝司法

回諸縣宰賀冬  
回諸縣宰賀正

回衡山趙宰  
回善化韓宰

回鄱縣晏宰  
回攸縣郭宰

回湘潭張權縣  
回永興趙權縣

回瀏陽任丞  
回寧遠簿到任

回攸縣趙簿衡陽易尉  
回衡陽歐陽尉

回楊料院  
回宋稅院

回劉學錄  
通交代廖提刑

與袁州安守  
回袁守不赴請

回交代孫提刑  
回陳侍郎

賀曾京尹  
回曾主簿

回吉州權府  
回李寺丞

回前人  
回前人送冬禮

回黃主簿  
回錢監魁

賀府簿  
回大庾縣尉

記

吉州州學貢士莊記  
吉州右院獄空記

龍泉縣梓檀祠記  
文山觀大水記

鄒文叔垂芳堂  
李氏族譜亭記

撫州崇安縣進士題名記  
瑞州三賢堂記

建昌軍青雲莊記  
贛州趙清獻祠堂記

贛州嘉濟序記  
贛州與國縣安湖書院記

道林寺衍六堂記  
五色賦記

衡州上元記  
雷州十賢堂記

雷州重建譙樓記

孫容菴甲藁序  
危恕齋論序

金匱歌序  
張宗甫木雞集序

趙維城洗冤錄序  
龔知縣帥正錄序

蕭燾夫米若集序  
羅主簿一鶚詩序

曾季輔杜詩句外序  
忠孝提綱序

八韻閑健序  
壬戌童科小錄序

題家保狀序  
又家保狀序

曾叔仁義約籍序  
送隆興鄒道士序

送彭叔英序  
送玉山立序

與山人黎端吉序  
贈林梅所序

送項異可入南序  
送賴伯玉入贛序

送李秀實序  
送彭和父游學序

贈談命朱斗南序  
又贈朱斗南序

贈子政劍客序

贈山人黃煥甫序

贈黃璘翠微序

贈仰顏峯序

送僧了敬序

吉水縣永昌鄉義役序

燕氏族譜序

龍泉縣鄉舉題名引

卷十文集

題跋

題先人遺墨後

跋曾子美萬言書畫

跋李景春萬言書畫

跋劉翠微罪言畫

跋繆上舍論大全詞案

跋歐陽公與子帖

跋胡景書堂字

跋呂逢德收平園文字

跋誠齋錦江文畫

跋崔丞相帖

跋李世脩藏累科狀元帖

跋李龍庚數策

跋王元高詞科擬畫

跋呂元吉先人介軒記後

題周蒼厓南岳六圖

跋李孟博東山夢境圖

跋周一愚負母圖

題陳尚書雲萍錄

題劉左史雲萍錄

跋辛龍泉行狀

跋蕭敬夫詩畫

跋李敬則懋唱畫

跋劉王恣詩畫

跋周汝明白鳴集

跋胡琴恣詩卷

跋趙靜齋詩卷

跋王道州仙麓詩卷

題勿齋魯魯詩畫

跋惠上人詩卷

跋婁道士詩卷

跋彭道士虛碧房

跋番禺徐應明拂雲帙

跋王邦立藏元祐閱書

跋賈端老不忘室

題張德從長心堂

題戴行可進學齋

跋周應可千葉物目後

跋彭和甫族譜

跋吳氏族譜

跋楊宰連理木

跋彭叔英談命錄

跋王金斗談命錄

跋劉季文畫像

跋李氏譜

贊

吳齊先生像贊

替龔知縣龍

替程縣丞龍

替何了翁帳龍

贊三山莊之龍魁星

贊沈俊之筆

自贊

銘

彭叔英砥齋銘

黃山人羅鏡說

辭

劉良臣母哀辭

贈蕭才叔談命

鄒羣屏改壘哀辭

吳伯海滄浪歌辭

說

荅歐陽秘書承心制說

吳郎中山泉說

徐應明恕齋說

勉耘說

何晞程名說

王通孫名說

陳逢春肖軒說

呂元吉麥舟說

龍泉縣修橋說

葉校勘社倉說

濟和尚西極說

慧和尚說

深衣吉凶通服說

卷之十一文集

講義

西澗書院釋菜講義

熙明駁進講義

行狀

先君子華齋先生行實

知湖州東岩洪公行狀

墓誌銘

知韶州刘容齋墓誌銘

義陽逸叟魯公墓誌銘

羅融齋墓誌銘

羅母墓誌銘

鄒月近墓誌銘

鄒仲翔墓誌銘

樂菴老人墓誌銘

刘定伯墓誌銘

王推官母仇氏墓誌銘

徐溪莊墓誌銘

蕭明允墓誌銘

蕭從事墓誌銘

祭文

祭歐陽巽齋

祭胡石壁

祭郭正言

祭道州徐守

祭鄒主簿

祭彭秘書

祭安撫蕭

祝文

過家告廟文

代雷州醉魁星文

代醉解星文

卷之十二文集

樂語

宴交代寧國孟知府致語

宴交代湖南李運使致語

宴朱衡守致語

宴湖南董提舉致語

宴交代權贛州孫提刑致語

文宴前人致語

上梁文

山中堂屋上梁文

山中廳屋上梁文

代曾衡教秀峯上梁文

公牘

與湖南大帥論奉寇劄子

提刑節制司墓文撫司循環曆

大使司回

十月二十六日

大使司回

十一月初五日

大使司回

文判



宣州勸農文

湖南憲司隆久疎決批牌判

斷配典吏侯必隆判

審問楊小三死事批牌判

平反楊小三死事判

門宗奉陵周太吾為訴劉權縣事判

卷十三

指南錄

自序

後序

赴闕

所懷

自嘆

鐵錯

和言字韻

愧古人

求客

紀事

紀事

紀事

信雲父

則堂

思蒲塘

思方將軍

峻都

二王

氣槩

使北

杜架閣

聞雞

命裏

留遠亭

平江府

無錫

吊五木

哭尹王

常州

鎮江

渡瓜洲

弔戰場

回京口

思小村

沈順家

脫京口

定計難

謀人難

踏路難

得船難

給北難

定交難

出門難

出巷難

出隘難

候船難

上江難

得風難

望城難

上岸難

入城難

真州雜賦

天下趙

議糾合兩淮後興

出真州

至揚州

賈家庄

揚州地分官

思則堂先生

高沙道中

至高沙

發高沙

稽庄即事

秦州

卜神

旅懷

懷德堂寶堂

貴卿

憶大夫人

即事

紀閑

苦聲

即事

發海陵

聞馬

如舉

聞謀

哭金路分

懷揚通州

海船

發通州

石港

賣魚灣

即事

北海口

出海

漁舟

揚子江

使風

蘇州洋

過揚子江心

入浙東

夜潮

亂樵洋

夜走

綠漪堂

過黃巖

至温州

長溪道中和張目山韻

和自山

林附祖

呈小村

二月晦

有感呈景山校書諸丈

即事

所懷

自嘆

題蘇武忠節圖有序

卷十四

指南後錄

過零丁洋

元夕

懷趙清逸

二月六日海上大戰

又大噫

言志

南海

有感

登樓

海上

贛州

出廣州第一宿

英德道中

晚渡

珊瑚吟

和中甫端午韻不依次

又呈中齋

又

竹間

越王臺

南華山

南安軍

黃金市

萬安縣

泰和

蒼然亭

別里中諸友

癸吉州

臨江軍

隆興府

湖口

安慶府

池州

魯港

采石

建康

金陵驛

懷忠襄

早秋

睡起

中秋

南望軍和東坡醉江月

和中齋韻

再和

和友人

驛中言別友人

和

懷中甫

行宮

和王夫人滿江紅韻以庶幾后山妾薄命之意

代王夫人作

王夫人詞

浪淘沙

東海集序

送行中齋三首

發建康

江行有感

真州驛

望揚州

維揚驛

過邵伯鎮

高郵懷舊

發高郵

寶應道中

淮安軍

過淮河宿關石有感

發淮安

小清口

桃源道中

發崔鎮

發宿遷縣

中原

望邳州

徐州道中

彭城行

燕子樓

戲馬臺

發彭城

沛歌

歌風臺

固陵道中

又

發魚臺

自歎

遠遊

六歌

發潭口

新濟州

汶陽道中

汶陽館

自汶陽至鄆

發東阿

宿高唐州

來平館

發鄆州喜晴

平原

發陵州

獻州道中

潭滄河二河

河間

保州道中

趙太祖墓

樓乘

涿鹿

過梁門

白溝河

懷孔明

劉琨

祖逖

顏杲卿

許遠

過雪橋過琉璃橋

五月二日生朝

胡笳曲

上巳

寒食

覽鏡

讀赤壁賦

自嘆

端午初度

端午即事

自述二首

五月十七夜大雨歌

先太師忌日

築房子歌

有感

正氣歌

七月二日大雨歌

誄懷

偶成

移司即事

不睡

宮籍監

還司即事

夜起二絕

還獄

偶賦

讀杜詩

感懷二首

先兩國初忌

重陽

又三絕

夜

雨雲

偶成

得兒女消息

為或人賦

世事

斷鴈

小年

除夜

壬午

生日

端午

自歎

病目

有感

早起

贈許拍溪惟一

卷十五

吟嘯集

生朝

西瓜吟

足石三峯詩

蚤秋

寄惠州第

感傷

自歎

虎頭山

高沙道中

戰場

哭崖山

上塚吟

墓無主墓碑

邳州哭母小祥

哭母大祥

哭妻文

先太師忌日

告先太師墓文

雁隄行有感而賦于七音

和夷齊西山歌

又從而歌之

十二月二十日作

二十四日

立春

遇靈陽子談道贈以詩歲祝聖闕月赤奮若日

焉逢涒灘遇異人指示以大光明正法於是死生

脫然若遺矣作五言八句

巳卯歲除

元日

庚辰四十五歲

感興

正月十三日

上元懷舊

讀史

感傷

遣興

又

四月八日

夜起

端午感興三首

見文有感

自嘆

自遣

自述

不睡

七夕

有感

聞季萬至

有感

感懷

重陽

巳卯十月一日予入燕城歲月冉冉忽復周星而

予猶未得死也因賦八句

巳卯十月五日予入燕獄今三有六旬感興一首

去年十月九日余至燕城今周星不報為賦長句

冬至

冬晴

自嘆

戊寅臘月二十日空坑敗被執于今二周年矣感

懷八句

所懷

除夜二首

元日二首

初六日即事

人日

自歎

元夕二首

卷十六

集杜詩

自序

社稷

理宗度宗

誤國權臣

瀘州大將

襄陽

荆湖諸戍

黃州

陽羅堡

京湖宣閫

渡江

鄂州

江州

安慶

魯港之遁

建康府

相陳宜中

召張世傑

鎮江之戰

將相棄國

京城二首

陵寢二首

江陵

淮西師

揚州

京湖兩淮

景炎擁立

福安府

幸海道

景炎賓天

祥興登極

祥興七首

陳宜中

張世傑二首

蘇刘義

曾淵子

江丞相萬里

趙侂鼎發

將軍王安節

李安撫節

李制置庭芝

姜都統才

張制置珪

陸樞密秀夫

勤王

蘇州

拜相

出使

發京師

去鎮江

至真州

行淮東

自淮歸浙東

至福安

福安宰相

南劍州督

汀州

梅州

贛州

江西二首

復入廣

駐惠境

駐潮陽

同府之敗

行府之敗

南海二首

至廣州

至南安軍

過章貢

至吉州

吉州二首

過臨江

過隆興

江行五首

北行六首

至燕城三首

入獄六首

懷舊五首

金應

張雲

劉欽貢元

呂武

鞏宣使信

張秘撰沐

繆朝宗

閔二士

諸蕃客

趙太監時賞

劉沐

孫鼎

彭司令震

蕭從事叢夫

蕭架閣

陳督幹

陳少卿

鄒處置二首

刘監簿二首

蕭資

杜大卿詩二首

徐榛

林檢院琦

曾先生

鄧禮部

家樞密絃翁

墳墓

宗族

母

舅

妻 二女

次子 妻子二首

長妹 長子

三女 第四首

次妹 思故鄉七首

雜然寫其本心二十九首 歎世道中

卷十七

紀年錄

卷十八

拾遺

與方伯公書 正月書

齊魏兩國夫人行實 遺墨

遺像

卷十九

附錄

文天祥傳 宋史

文丞相傳 劉岳申

丞相傳 胡廣

文丞相督府忠義傳 鄧光薦

卷二十

附錄

生祭文丞相文 王炎午

望祭文丞相文 前人

文丞相祠重修記 楊士奇

宋丞相文信國公祠堂記 羅倫

墓田記 羅元泰

文信國公祠堂祭田記 彭序

重修富田祠堂記 羅洪先

文丞相傳序 許有壬

文山先生文集序 韓雍

文山別集序 王守仁

文山先生全集序 鄒懋卿

文山舊隱祠記 王育仁

跋文山先生遺墨 蘇伯衡

文丞相像贊 孫燧

浮丘道人招魂歌 汪水雲

哭文丞相詩 虞伯生

文山先生全集目錄終

文山先生全集卷之一

文集

詩

次鹿鳴宴詩

時提舉知郡李愛梅  
迪舉送弟壁同薦

禮樂皇皇使者行光華分以及鄉英貞元虎榜雖聯捷司  
隸龍門幸綴名二宋高科猶易事兩蘇清節乃真榮囊書  
自負應如此肯遜當年禰正平

集英殿賜進士及第恭謝詩

於皇天子自乘龍三十三年此道中悠遠直參天地化昇  
平奚羨帝王功但堅聖志持常人須使生民見泰通第一  
臚傳新渥重報恩惟有厲清忠

御賜瓊林宴恭和詩

壬戌以秘書  
省官南宴

奉詔新彈入仕冠重來軒陛望天顏雲呈五色符旗盡露  
立千官雜珮環燕席巧臨牛女節籀章光映璧奎間獻詩  
陳雅愚臣事况見廢歌氣象遠

明堂慶成恭進詩

於皇藝祖德乘乾聖主宣光奕葉前運再庚申皇建極祀  
同癸亥數參天中嚴外辨三千禮累洽重熙四十年願贊  
帝心長對越至忱功用貫孩提

敬和道山堂慶瞻御書韻

墨灑天奎映籀紅斯堂殿閣與俱隆方壺圓嶠神仙宅温

洛榮河造化工列聖文章千載重諸孫聲氣一時同著庭  
更有邦人筆稽首承休學二忠著作之庭乃胡忠簡  
公書周文忠公立

次韻劉左司前以著作耶主秘書省管繕事時落

成適潘祕丞得郡攜李并餞行有詩

蓬壺日月四時春金碧新來絢帝宸俎豆幸陪麟省雋衣  
冠中有虎符新詩餘和氣生談麈坐久風光入醉茵多謝  
蘭臺舊盟主好歸群玉領儒珎

祕省再會次韻

蓬萊春宴聚文星多荷君恩錫百朋四座衣冠陪賀監一  
時梁棟盛具興圖書光動青藜杖人物温如古玉升好是  
木天新境界螢窓容我種金燈古玉升見  
續律曆志

送曹大著知廣德軍

暫出瀛洲客來臨汴水民山川歸史記岳牧屬詞人館舍  
朋簪舊都門祖帳新儒林官可紀何止吏稱循

贈祕書王監丞

君不見祕書外監賀放翁鏡湖一曲高風又見太子  
師傳兩疏氏東門祖帳羅群公人生晚節良不易稷波直  
下誰障東使人知有在我者二三君子為有功我公金華  
山下住亦松安期白雲處風骨細瘦真神仙急流勇退不  
肯顧我昔山中想風采幾回擊節歸田疏適來追陪水蒼



佩親見辭歸白雲路御筆擢公領蓬山師表王立東宮官  
兩年苦口一去字未許鷗鷺從公閑瑤池深深鎖策府王  
皇宮闕僑其間暫分赤符管下界半空雲氣常往還多少  
持麾辭上國悠悠風塵見此客莫作尋常太守看踞賀以  
來偉人物夜瞻婺女次舍中一點光明射南極公歸眠食  
重調護世道尚憑公氣力

贈莆陽卓大著順寧精舍三十韻

人生天地間一死非細事識破此條貫八九分地位趙岐  
圖壽藏杜牧擬墓志祭文潛自撰荷鍾伶常醉此等蛟浮  
生見解已不易齊物道遙游大抵蒙在意聖門有大法學  
者必孔自知生未了了未到知死地原始則返終終始本  
一致後來得西銘精蘊蕞洙泗吾體天地塞吾氣天地帥  
一節非踐形終身莫繼志舜功禹顧養參全穎錫類伯奇  
今無遠申生恭不貳聖賢當其生無日不端揣彼豈不大  
觀苦勤與碌吾順苟不虧吾寧始無愧人而有所忝曠  
達未足智卓哉居士翁方心不姿媚蒙諛以去國七年無  
怨懟風雨三間茅松楸接蒼翠斯丘亦樂哉未老先位置  
宇宙如許大豈以為敝屣當其歸去來致命聊自遂天之  
生賢才初意豈無為民胞物同與何莫非已累君方仕于  
朝名高貴所萃乾坤父母身方來日川至西銘一篇書順

事為大義請君觀我生姑置末四字

送卓大著知漳州

蓬山隔風雨芸觀司陽秋厭作承明直出為漳浦遊問俗  
便桑梓過家拜松楸錦堂事相儷棠舍陰易留何來瀾蕙  
間何物輒負舟翻覆十年事行止隨流倘來豈不再遲  
取終無尤太守執此往邦人庶其謬昔早援西銘期子以  
前備願觀弘濟學四海放一舟

陸氏登三閣源明出一麾清聲光漳浦便道拜長  
基赤子歌來暮同寅賦去思西銘功用大矧駘順  
寧詩

大陸登三閣源明出一麾臨軒視策後上冢過家  
時秋色吳山外春風漳水涯斯文交獨厚羗賦送  
行詩此初詩也不及用今附見此

和蕭安撫平林送行韻達原字惠父樞密檢詳江西安撫

得失元來付塞翁何心桃李問東風人皆有喜榮三仕我  
尚無文謝五窮秘苑固知朋可正畏途猶恐甲方東欲酬  
長者敢勤祝坎止流行學四忠

和朱衡守約山韻渙字行父大理寺丞

昔人一出正朋字今我慚非行秘書人樣相看願元祐詩  
章甚雅突黃初競言及慙猶湏復或謂頽愚亦可如把酒

對花姑勿論春行後長莫妨徐

題玄潭觀雪浪閣用誠齋韻

棄官學道勾山許學到至人本無怒赤子賦職如魚頭不堪妖孽腥上流鉗鍵長潭鐵樹立摩崖李石寶劍濕當時豈忍如是觀毒流不可開眼看英風凜凜萬古寒

玄潭觀和龔宰韻

晉代何曾谷此陵到今樓觀隱居亭幻成鷗鷺乾坤闊陶盡魚龍雲水腥仙有神功然造化人將故事入丹青我來欲去長橋孽祠下徘徊夜乞靈

送朱制幹象祖

一官聳漫任如何屢疏幾天氣不磨宋祚萬年陳大計周圖五字訂前訛重尋范老憂時著旁豎文公衛道戈投甌近年殊不少有人說似此君麼

送三山林濬孫歸省

東書遊京師孤雲瞻太行辭歸慕何蕃捨養殊歐陽山林乾坤靜菽水日月長好味諸公詩勝讀寒泉章

京城借永福寺漆臺口占似王城山

心如明鏡臺此言出浮屠後來幾精義并謂此臺無此臺

已是贅何况形而器圓釋正超然點頭會意思多謝城山

翁一語迎禪鋒顧我塵俗人與物方濬

景定壬戌司戶弟生日有感賦詩

夏中與秋仲兄弟客京華椒柏同歡賀萍蓬可歎嗟孤雲在何處明歲却誰家料想親帟喜中堂自點茶

梅

梅花耐寒白如王干涉春風紅更黃若為司花示薄罰到底不能磨滅香

香者梅之氣白者梅之質以為香不香鼻孔有通室我有天者在一白自不易古人重伐木惟恐變顏色大雅久不作此道豈常息詩翁言外意不能磨滅白

暑布送王廷舉用蕭敬夫韻

平生涼薄資延陶誤大窰誰知此石惟愈沃乃愈焦崐嶙織火鼠頓易鴉衣飄榮我絲羅附免此蒲柳凋服之雪湯白長秋風搖搖表之以霧縠綠之以烟綃振衣從姬滿佩王遊西瑤

高人不烟久跳出天地窰掀然立千仞塊視金與焦香袂拂靈冷紫髯逐風飄摩挲雲真樹豈隨群卉凋但知仙骨輕不學倒影揉人間盡描貌妙不在生綃揭斗斟天漿霞衣却瓊瑤

題陳國秀小園

席地自乾坤半樹閱今古池館豈不寬每換世冊主園公

非隴傭獨捐占春風弄影不在多臭香知乃翁

長鶴展輕翻遠棲松桂林故宇入清臺盤盤亦苦心中林  
風月餘十畝團幽陰林下有奇士繞樹從之吟

題靜山

地得一以寧凝然者卷石堪爇及培塿異形不異質古之  
能定者悟此為一極春榮秋以悴一歲百態出鳥鳴花落  
句此意誰與詰所以尼丘人仁智不廢一萬象此緯經死  
灰彼何物明發此乎遊參入觀水術

贈拆字嗅衣相士

水火坎離紫陽在滑波皮骨長坡駭解州得解解中膠費  
家封鋪同一解驗字從金詩及窮貝何為分田何同黃絹  
幼婦我自樂竹犬多事鴉鶴翁

阿英薰蒸透肌理不潔未蒙好西子芙蓉浪中薔薇水蘇  
合蟻娘忘彼已馬嵬新鞞釣新月腥臊千年天地裂是問  
曾著鼻孔麼梅香竇臭無如何

贈閭丘相士

急流勇退識真臞昔有麻衣撥地爐我亦愛君雲水趣莫  
言雷雨起江湖言余遇水則發故云

贈神目相士

道茂數遁甲長房得役鬼風鑑麻衣仙地理青烏子擇術

患不精精義本無二奇哉豪筆生熊魚掩前氏

贈鏡湖相士

五月五日揚子江心水鑄作道人雙瞳子吾面碟子大安  
用鏡照二百里

贈秋月葉相士

急流勇退神仙跋蹙龍鐘將相借問華山中何似天津  
橋上

贈魯蘭谷相士

許負眼彌衡口巧言甘莠言醜

贈月洲相士

月洲月眼閱人多且道西州事君何朱紫貴人皆好命不  
知中有孔明麼

贈劉矮跛相士

鍊石為形鏗金為音世方好圓癡守方心陰陽網組人一  
氣質善惡之微證于聲色意所欲發雖吾不知彼美子劉  
洞其先幾旣辨雜合今世道病如子所言生稟已定懸夫  
勇士性徃一偏以視妾婦豈不猶賢洪範得三二曰剛克  
會其歸其好是正直學問工夫氣質用微汝能觀形安知  
其餘子術已定吾情已成子執子術吾安吾情

雙姍三尺軀舉止如不揚瞻視照肝膽音吐何琅琅君看

水中兔不及鶴脛長昔聞夔嶙螭未聞一足僂萬物各自  
適形色安足量子言良有理與子持酒漿

贈梅谷相士

當年壽陽額春風點顏色後來廣平勝冰雪時氣骨世人  
識花面識花還自淺花有歲寒心清貞堅百鍊君家在梅  
谷自詭知梅熟須得花性情不假花頭目莫說和羹事花  
祇和羹累突兀烟水村我梅自林氏

贈碧眼相士

蒼蒼垂天雲靈昭行下土秋江浸草木魚蝦歷可數眉山  
老麻衣偷入此阿堵色界只點頭從人道吾瞽

贈鏡齋徐相士

鄒忌不如徐公美引鏡自窺得真是門下食客纔有求昏  
昏便與妻妾比徐家耳孫却不然自名一鏡京師市世人  
無用看青銅此君雙眼明秋水君以無求游公卿勿令此  
鏡生瑕滓蝶子太百何難知從今光照二百里

贈鑑湖相士

瘦竹凌風弄碧漪山光雲影共熹微月黃昏裏踈枝外認  
取半天孤鶴飛

贈趙神眼

一條一褐髯如鐵神為秋水眼為月欲從壺子覓三機劍

首終然吹一呷

贈桂巖楊相士

榮悴紛紛未可期夕多未振已朝披得剛難免於今世行  
好須看有驗時嘗畫堂前惟有母槐陰庭下豈無兒好官  
要做無難做身後生前是兩岐

宣州罷任再贈

貧賤元無富貴思泥塗滑滑總危機世無徐庶不如尉見  
到淵明便合歸流落卅心天肯未崢嶸青眼古來稀西風  
爲語巖前桂若更多言却又非

贛州再贈

此別重逢又幾時贈君此是第三詩衆人皆醉從教酒獨  
我無爭且看棋凡事誰能隨物競此心只要有天知自知  
自有天知得切莫逢人說項斯

贈彭別峯太極數

手把先天已後書常來一畫本全無白雲山下冷冷水自  
在人間太極圖

贈黃生銀河數

乘槎人從天上來天上知有君平術黃生能談君平書不  
知曾認支機石

贈楊樵隱應炎談命

莘郊一介堯舜君民微山二難百世忠清富春耕叟涕淚  
雲臺終南遜士仕宦梯媒是數公者俱以隱名木石一跡  
霄淵異情九華山人賣樵江湖請筭世間幾種樵夫

贈葉大明

大明標榜葉氏子自稱後村門下士誤言木吉字爲災後  
村曾發一笑來其師流傳說如此寧知禍福乃不爾羣腰  
貂首徒勞人甘藜藿無苦辛我生有命殊六六木字循  
環相起伏袖中莫出將相圖盡洗舊學讀吾書

贈舒片雲

麻源謫仙人嗑呵成陰陽向來懷袖間冉冉天孫裳一夕  
大雷電六丁下取將仙人乘風來帝鄉又從膚寸起飛揚  
仙術亦如此天機神翁張有時行渾天周游十三萬里強  
往來仙馭不可韉正恐問命人望氣蓬萊隔渺茫

贈彭神機

挽強二石徒碌碌學到穿楊精藝熟百發百中無虛弦百  
中一跌前功辱彭君絕識透黃間不師逢弄師玲瓏天度  
三百六十強一筭不容失正鵠吾聞天機難語人往來了  
了拈衆鏃君姑藏用疑於神矢口莫輕談禍福

贈劉忠樸

檀何爲折劍何借鬢肯爲拂糞肯宜馬公布余王公飯石

家錦障丁家香忠邪倭邪兩無定一瓊一璞異其性中樸  
先生躔法高古今四者豈閑命五九六餘能善惡鐵筭不  
是并州錯便從忠樸問如今忠果誰忠樸誰樸

贈金稱

我有一叢籬下花黃金滿眼無人拾夜看璇璣度王衡後  
啼雨外青山濕

贈余月心五首

月之所在謂之身朝市山林幾樣人靜看一輪如此潔莫  
將身著輓紅塵

我生之辰月宿斗如何謗譽由箕口月明只合醒眼看  
亦何須挹漿酒

月比於人歷世多纒圓又缺幾消磨只因受用長生藥嗟  
尔死蛙如何月

一種黃州月曹蘇善惡幾吾磯連月釣此月是邪非  
子心月其明子術星之數爲月詰衆星不知何以故

贈涂內明

老云五色令人盲面壁不視佛慧生彼皆去眼絕人偽孰  
知涂者出天成有口能談貴人命有耳能聽貴人聲此中  
一片光明藏管欲淡處天機深

贈一壺天李日者

汝南市人眼壺小天地大誰知賣藥翁壹寬天地隘李君  
血肉身大化中一芥天度三百餘蒲腔契著蔡仙翁以過  
謫長房以術敗造化多漏泄鬼神爭訝惟君歸視斯壺口  
貌深覆蓋得錢且沽酒日晚便罷賣

贈蕭巽齋

未有大捷書先有伏羲易古人尚卜筮今人信命術八卦  
與五行皆自河圖出易中元有命道一萬事畢卦義六十  
四蕭君得其一江湖旅瑣瑣談命以巽入人情愛委曲喉  
舌熈棘棘言言依忠孝君平意未失我生獨翫辭動取無  
妄疾是有命流行誰隕復誰誦安能從兒女朝夕談昵昵  
若卦有人買不妨君賣直

贈曾一軒

磨蝎之宮星見斗斂之揚之箕有口昌黎安身坡立命謗  
毀平生無不有我有斗度限所經適然天尾來臨丑雖非  
終身事干涉一年貝錦紛雜糝吾家祿書成巨編徃往日  
者迷幾先惟有一軒曾正德其說已在前五年陰陽造化  
蕩晝夜世間利鈍非偶然未來不必更臆度我自存我謂  
之天

贈龔豫軒數術

挾筮考休徵巫甘邁何追君亦布靈草乃復探其微載觀

河洛書今也休明時天高鳳鳥翔擊拊邀以嬉

贈剋擇徐吉甫

東望會稽山穆陵辭豈荒卜壤藏劍履伯也昭其勞昔者  
遊仙人龍耳致君王君家世其傳芳躋疇可量青囊落君  
手辯語如流河尋雲履高阜湯湯俯長波朔風渺天垂萬  
里草離離安得結方軌為君起遐思

贈魏山人

君不見而家直臣犯天怒身死未寒碑已仆又不見而家  
處士承天溼閉門水竹以自樂雲仍妙參曾揚訣謂余地  
宅誰優劣小煩穩作子午針靈於已則靈於人

贈老菴廖希說

短辰平生幾兩穿錦囊真得當家傳山中老去稱菴主天  
上將來說地仙面斂不妨筋骨健舌存何必齒牙全金精  
深處苓堪飯更住人間八百年

彭通伯衛和堂

理身如理國用藥如用兵人能保天中和於身為太平外邪  
奸其間甚於寇搶攘守護一不謹棄間敵益勅古有黃帝  
書猶今六韜經悍夫命雄喙仁將資參苓羽衣為其徒識  
破陰陽爭指授別生死錚然震能名道家攝鉛汞膚滕如  
重肩到頭關鍵密六氣無敢嬰君方建旗鼓不敢走且驚

他時察吾弓閉門讀黃庭

贈適菴舟士

本是儒家子學為方外事此身恨鳧短有意求蟬蛻猶留  
鼎餘藥還授人間世從君卧山中共談弘景秘

贈劉可軒寫真

燕頰為有都易寫從前只道點睛難近來阿堵君休問燈  
下時將頰影看

慧和尚三絕

畫我郎潛先帝時而今白髮漸參差若交傳入都人眼疑  
汝前身妙善師

傳神

風雪衡山涕滿膺懶殘不管自家身發動撥火分煨芋却  
有工夫到別人

相

花光老矣墨婆娑無賴梅花一白何為問西來宗旨道世  
間色相是空麼

畫

象奕各有等級四絕品四人高下

螳臂初來攫晚蟬那知黃雀沫饒涎王孫挾彈無人處一  
夜凋盤薦玳筵

右一為周子善言蕭耕山能勝二劉不覺敗於子

善子善敗於我

射虎將軍髮欲枯茫茫沙草正迷途小兒謾取封候去還

是平陽公主奴

右二為耕山言老夫敗於子善也

坐踞河南百戰雄少年飛槊健如龍世間只畏兩人在上  
有高公下慕容

右三為劉淵伯言所畏者惟吾與子善

擊柱論功不忍看築壇刑馬誓河山當年緣灌知何似只  
在春秋魯衛間

右四為劉定伯言與淵伯上下也

贈樂軒彭善之

吾家小黃溪其間石甚巨可寫歸來辭可刻盤谷序晉唐  
文章手誰敢以自負異時此重來煩君作王筋

贈墨林曹大崧

魏我幼婦碑伶傳七步詩又得墨林墨淋漓湊作曹家三  
絕奇

贈刊圖書蕭文彬

蒼榴書法祖斯米篆家豪昔人鋒在筆今子鋒在刀收功  
棠谿金不禮中山毛囊雖脫穎出鑄崖齊天高

題周山甫錦綉段

客從西北來遺我錦綉段上有雙鳳凰文彩何燦燦置之  
篋笥中歲月亦已晏天孫顧七裏雷電下河漢鳳凰忽飛

去遽然失把玩貧家機杼寒秋蟲助子嘆

題梅尉詩軸

乃翁聖俞君瑰辭燦琳琅吾鄉歐陽子逸韻諧宮商人物  
雄中原園囿盛洛陽釀郁追皇風詭恠抑晚唐雲仍四方  
志生長百戰塲憂國杜少陵感興陳子昂我亦青原人君  
遺明月光掩卷不能和握手談肝腸

贈羅雪厓樵青

蕭蕭山下人閉門衣裘單春心動溪谷曉起捫松看

題得魚集史評

男兒生作事豪傑死留名天運常相禪江流自不平百年  
多險夢千古有閑評諸父淵源在吾猶及老成

題彭小林詩稿

其父號雅林

晚識宗文憶浣花刪餘今見雅名家牙籤料理西風讀共  
笑鍾山說老鴉

題王聲甫松坡樵苦唱後

倚柯睨蒼髯短策挾風雨談道誰我知對奕者其侶狂吟  
發悲調谷鳴相律呂爽屐豈不怨寧售大夫股長鑣斲仙  
岑獲新為吾者

題毛霆甫詩集

雲澗美毛霆甫詩也

英英白雲在澗之濟彼美人兮其德孔純

英英白雲在澗之阿彼美人兮其思孔多

白雲英英澗水泱泱彼美人兮碩大且昌

雲澗三章章四句

送趙王賓三首

風流不比賀家狂瀟灑黃冠意更長自有武夷溪九曲鑑  
湖何必問君王

蕭然被褐不求知歸倚溪船理釣絲却笑荆山空自售未  
應有智不如葵

懶從原上訪桃花又不青門去種瓜傳得神仙蟬蛻法君  
如覓我問烟霞

又送前人琴棋書畫四首

不知甲子定何年題蒲柴桑日醉眠意不在言君解否壁  
間琴本是無絃 琴

我愛商山茹紫芝逍遙勝似橘中時紛紛玄白方龍戰世  
事從他一局棋 棋

茶邕去後石軍死誰是風流入品題只少蛟龍大師字至  
今風骨在涪溪 書

欲覓龍眠舊時事相傳此本世間無黃金不買昭君本只  
買巖陵歸釣圖 畫



題延真羅道士玉潤

雙巖夾方流知有至妙蘊山石發清暉草木得餘潤泉源  
皆寶氣樵牧駭潛蜃仙翁獨危坐華池養水性神澤溫而  
栗骨峭老益勁苔磯枕泓碧時有魚出聽糜瓊飯潺湲冲  
淡意無朕

聽羅道士琴

斷崖千仞碧下有寒泉落道人揮絲桐清風轉窳廓飄飄  
襟袂舉水統不禁薄紫烟護丹霞雙舞天外鶴  
吾聞泗濱磬暗合角與徵又聞天樂泉淨洗箏笛耳如何  
碧一泓乃此并二美藍田滄海意請問玉溪子

閑居和雲屋道士

一樽聊共此時心文字追隨落醉吟仙子樓臺脩竹外行  
人冠蓋盡橋陰一年芳草東風老五月空江夜雨深且作  
蘭亭歡喜集更論誰後又誰今

遊集靈觀

時奉  
詞錄

小洞烟霞國重陽風雨秋歐公蒿嶽步朱子武夷舟香火  
真吾識觥籌且此遊龍山馬臺事糠粃舊王侯

題疑祥觀

前路風塵走且僵我來一日此徜徉歐公自是遊蒿觀迂  
叟原非過太行始信神仙還有國不知蠻觸是何鄉世間

如此紛紛者贏得山林作道場

遊青源二首

鍾魚聞日月竹樹老風烟一徑溪聲滿四山天影圓無言  
都是趣有想便成緣夢破啼猿雨開元六百年  
空庭橫蟻蝓斷碣偃龍蛇活火茶禪筍真泉透佛茶晚鍾  
何處雨春水蒲城花夜影燈前客江西七祖家

題碧落堂

知瑞  
州日

大厦新騰燕雀歡與君聊此共清閑地居一郡樓臺上人  
在半空烟雨間脩復盡還今宇宙感傷猶記舊江山近來  
又報秋風緊頗覺憂時鬢欲斑

和龔使君韻

名琦知  
瑞州日

淡和心事膏天民回首歸來清渭濱長倩君賓孫子行道  
原義仲輩流人一生受用忘非是萬事升沉等故新近日  
貞元朝士少蒲輪有命出楓宸

餞新班弟

送君天上去當戶理瑤琴萬里白鷗遠千山黃葉深江空  
行路影日暮倚門心若見西湖雪霜橋人正吟

別弟赴新昌

十載從遊久諸公講切精天淵分理欲內外一知行立政  
須規範脩身是法程對床小疏隔戀戀弟兄情

和韻送逸軒劉民章庚午秋  
名子俊

少日屠龍事已勞，送人千里發江濤。  
蓬萊地近風方細，閩門開日正高春。  
裏看花須款款，雨中剪韭且陶陶。  
金吾已辦長安月，雙鳳扶雲立海鰲。

題宣州疊嶂樓

初日照高樓，輕烟在疎樹。  
峨峨遠岫出，泯泯清江去。  
簷隙委殘籬，屋隅連宿莽。  
蒼蔚互低昂，熹微分散聚。  
城郭諒非昔，山川儼如故。  
蒼蒼零落殊，頽遲莫沈沈。  
澹忘歸欲歸，重回顧。

題宣州推官廳覽翠堂前宣州推幕李君於其廡

作亭梅聖俞以覽翠名之而為之記今去之二百

餘年碑埋沒久矣天台陳君客實來發而得之復

表之亭上江山如昨翰墨宛然廬陵文某時守茲

土既為作頽問二字復詩以志之

都官自楚產文采光陸離當年從事君如與山川期歲月  
忽已過天球落塵土豈曰無辜質過者不我顧誰令赤城  
子發坎出方珉靈物必復見其見乃以人回視城南端飛  
薨備者借物理有屈伸流峙豈云變寒聚南樓月至今有  
遐音千年一邂逅共調風中琴亦欲結方軌覽蒞事幽尋  
行行且言邁踟躕思何深

登雙溪閣

碧落神仙宅當年度謝來烟雲連草樹山水近樓臺萬雉  
銀缸舉千鴉鐵騎回梅花衣上月把玩為徘徊

題吳城山

龍行人鬼外神在地天間彭蠡石斧出洞庭商舶還秋風  
黃鶴闌春雨白鷗閑雲際青如粟河流接海山

貧女吟四首春夏  
秋冬

柴門寒自閉不識賞花心春筍翠如玉為人拈繡針  
竹扇掩紅顏辛苦紉白苧人間羅靈香白苧汗如雨

西風兩鬢鬆涼意吹伶俜百巧不救貧誤拜織女星  
巧梳手欲水小鑿為寒怯有時衿肘露頗與雪爭潔

名姝吟

大夫至白首鍾鼎垂功名未有朱門中而無絲竹聲與主  
共富貴不見主苦辛名姝從何來婉孌出神京京人薄生  
男生女即不貧東家從王侯西家事公卿吾行天下多朱  
紫稀晨星大都不一甚者曠數城如何世上福冉冉歸  
樽罍乃知長安市家家生貴人

東方有一士

萬金結遊俠千金買歌舞丹青映第宅從者塞衢路身為  
他人役名聲落塵土他人一何傷富貴還自苦東方有一  
士敗垣半風雨不識絲與竹飛雀滿庭戶一飯或不飽夜

憂無驚籍此事古來多難與俗人語

和故人韻

去歲湟中救醫瘡咸羅新一言堪救藥三秩敢貪嗔自是  
仁由已休論哲保身當時若瘖默何面見鄉人

人情嗟愈變世法合何如氣以心平定才因意廣疎時行  
或時止無咎亦無譽第一嚴交際琴紳敢不書

賦吉州隆慶寺塔火

王塔穿空不可梯剌然霹靂暗招提四城决破吳君眼一  
柱然成漢卓脐風雨蒲山連地捲鬼神現世竟天低時人  
子細回頭看禹事悠悠落日西

寄故人刘方齋

溪頭濁潦擁魚鰕笑殺漁翁下釣差棹取扁舟湖海去悠  
悠心事寄蘆花

題高君寶緝泉

亭亭巖下泓澄碧落梧影寒瑤披清袞殘月照滌浚俯淵  
測浮雲流日蕩蒼穎向來滄浪歌孺子不可詞載霓衣上  
塵懷古意深末招招素心人相期發深省

題曾氏連理木

皇后嘉樹生僂僂四衢五衢合一軌德澤純洽八方一乘  
木而王固如此大明香琴橘貞觀王華李一時面傳傳奇

現榮華過眼轉九易惟有武城宅前樹不知何年已連理  
從來縣官不以聞武城子孫世專美人言恟氣薰嘉生此  
家孝友陶協氣朱門多少鎖喬木百年瞬息滋一喟焉得  
鼎鼎為輪菌受命不遷相曾氏傳聞此木更八世方遇麻  
陽大夫記誠齋先生字麻陽又幾年却入青螺地輿  
志北來微當路表名連瑞里有日捧鬲上嘉禾靈草共青  
史物生隱顯殆有時展如之人亦應爾爾補杞梓離奇生  
繼此廬陵城北不止稱三瑞

題滕王閣

五雲窓戶瞰滄浪猶帶唐人翰墨香日月四時黃道闕江  
山一片畫眉長迴風何處搏雙鴈凍雨誰人駕獨航回首  
十年此漂泊閣前新柳已成行

題黃岡寺次吳養齋韻

名潛丞相

長江幾千里萬折必歸東南浦驚新鴈廬山隔晚風人行  
荒樹外秋在斷無中何日洗兵馬車書四海同

龍霧洲查海寺次李文溪壁間韻

名鼎英侍郎

閣黎鐘後訪團蒲江色漫漫畫欲晡一笛梅邊何滿子斗  
築蘆外筆頭奴急風吹鴈還家未新雨生濤到海無本是  
白鷗隨浩蕩野田漂泊不為孤

題鍾聖舉積李齋

東家築黃金西家列珊瑚嘆此草露晞良時聊斯須古人  
重孜孜殖李乃苗裔彼美不琢瑀積中竟何如空同白雲  
深君子式其蘧斐几照初陽垂籤動涼虛方寸起岑樓一  
勺生龍魚辰乎曷來選競諸復競諸

題頽景彙八窓玲瓏

我闥無纖埃風日自清好面固有芙蓉何如交翠草

吾聞開十牖不及一戶明泰宇有天光八荒盡夷庚

予鄧峒 聖齋歐陽先生為淦鄧峒賦詩以孝子

慈孫望於人先生之盛心也敢不拜手敬贊鄧君

勉之

乃翁猶旅殯霜露我君蒿日與清江遊雲連桂嶺高時無

郭元振夢有令孤絢日斷方田墓招寬我欲騷

題陳正獻公六梅亭

相府亭前梅六株四圍香影護琴書月華猶帶玉堂色風

味曾分金鼎餘五柳門前空寂寞三槐堂上竟蕭疎惟渠

不變凌霜操千古風標只自如

文山先生全集卷之二

文集

詩索附并

文山即事

宇宙風烟關山林日月長開辯通燕尾代石割羊腸盤谷

堪居李廬山偶姓康知名摠閑事一醉棹滄浪

出山

日日騎馬來山中歸時明月長在地但願山人一百年一

年三百餘番醉

關山寄朱約山

一笠一簑三釣磯歸來不費買山費洞天福地深數里石

壁湍流清四時樵牧舊踪今可馬鬼神天巧不容詩先生

曾有空同約那裏江山未是奇

山中即事

攜壺藉草醉斜陽白鶴飛來月下雙蘆葉西風驚別浦芭

蕉夜雨隔疎窓千年帝子朱籬夢一曲仙人鐵笛慙若問

山翁還瘦否手持漁竹下寒江

宿山中用前韻

南山之隩北山陽羽扇輕風共影雙書葉菰蒲明月笛青

燈蟋蟀白雲窓半生遊子成行債一夜佳人作別腔倚釣

重來此策笠梅花十里雪空江

文山先生全集卷之一終

山中

滄州棹影荻花涼款乃一聲江水長  
類有蕩風堪斫膾便無花月亦飛觴  
山中世已驚東晉席上人多賦晚唐何處  
魚羨不可飯蚤拚泉石入膏肓

山中

名夢桂居南湖大師公女孫

東風解凍出行嬉一闌烟塵隔翠微  
自有溪山真樂地從來富貴是危機  
二三輩行惟須醉多少公卿未得歸  
明日主人酬一座小船旋網鱖魚肥

山中

載酒用蕭敬夫韻賦江漲

拍拍春風滿面浮出門一笑大江流  
坐中狂客有醉白物外閑人惟奕秋  
晴抹雨粧總西子日開雲暝一滌州  
忽傳十萬軍聲至如在浙江亭上遊

山中

中立夏用坐客韻

歸來泉石園日月共溪翁夏氣重淵底  
春光萬象中窮吟到雲黑淡飲勝裙紅  
一陣紋聲好人間解溫風

山中

中和韻

白扇揮殘暑青鞋踏嫩晴花床尋小隱  
石鼎引長鳴紗帽有時去酒壺惟意傾  
山僧擬與坐閑却瘦彌明

山中

自賦

門外蒼松一水脩不必清高逼  
巢許祇

教瀟灑勝由求空花自滿三千界  
老樹相看五百秋坐有鷹揚人物在  
怕牽昨夢上漁舟

入山即事

江流風濤濺雲薄雨絲絲上馬忙  
呼繳巡簪靜看棋露天厨作淨沙地  
水生池秉燭留前夕茲遊更絕奇

山中感興三首

載酒之東郊東郊草新綠一雨生  
江波洲渚失其足青春豈不惜行樂  
非所欲采芝復采芝終朝不盈掬  
大風從何來奇響振空谷我馬何玄  
黃息我西山麓

山中有流水霜降石自出驟雨東南  
來消長不終日故人書問至為言北  
風急山深人不知塞馬誰得失挑燈  
看古史感淚縱橫發幸生聖明時漁  
樵以自適

桃花何夭夭楊柳何依依去年白鳥  
集今年黃鸝飛昔為江上潮今為山  
中雲江上潮有聲山中雲無情一年  
足自念况復百年長但存松栢心天  
地真茫茫

山中呈再心遠諸客

誰入山來問野舟一篙花外渡深流  
小艇風樹蹠蹠鶴淺約滿沙浩蕩鷗  
湖上有特恩洛社人間何處不滌洲  
徘徊才是黃昏候短笛先催月上樓

再用前韻

黃葉婆娑上釣舟喚回舊夢到江流多情政自憐橋燕兩  
鬢然當付野鷗未說離懷向南浦須知詩意在夔州朔風  
昨夜吹沙急早覺寒聲戰玉樓

山中六言三首

兩兩漁舟垂下雙雙紫燕飛回流水白雲芳草清風明月  
蒼苔

鶴外竹聲簌簌座邊松影踈踈夜靜不收棋局日高猶卧  
紗厨

風暖江鴻海燕雨晴簷鵲林鳩一段青山顏色不隨江水  
俱流

用蕭敬夫韻

庭院芭蕉碎綠陰高山一曲寄瑤琴西風遊子萬山影明  
月故鄉千里心江上斷鴻隨我老天涯芳草為誰深雪中  
若作梅花夢約莫孤山人姓林

山中

烟雲開窈窕荆棘剪離披蠟屐上下齒竹枝長短詞半山  
江色透獨樹午陰蓬世上兒孫老有人猶看棋  
倏忽當年遇蒙茸幾度披水霞明畫卷草樹幻騷詞鳥過  
目不瞬江流意自遲世人空黑白一色看坡棋

竹花

黃家紫家聞魏姚夷齊王立青蕭蕭便是人間小天地不  
特水上作萍萍

夜歸

市橋燈火未闌珊一簇人家樹影間想把神仙爭羨我不  
知我正羨渠間

八月十六日見梅

廣寒殿裏王樓開那得孤山處士來半夜西風半身影夢  
中騎得雪驢回

和蕭秋屋韻

蘆花作雪照波流黃葉聲中一半秋明月嬋娟千里夢扁  
舟汗滂五湖遊星辰活動驚歌笑風露輕寒敲拍浮贏得  
年年清賞處山河全影入金甌

月夜

月到中天雲劃開斷橋幻出玉樓臺夜深一鶴掠舟過疑  
是坡仙亦壁來

江行

日日看山好山山色蒼蒼忘機鷗下早戀旆馬行忙松曉  
清風濕荷秋流水香短策吹鐵笛年歲大江長

紙帳

紙帳白如雪上有坐客影一白不自由黑光蕩無定人倦

影已散依然雪花瑩須臾秉燭眠相忘心目靜

為劉定伯索油蕨

我欲登山去采薇江南秋雨正霏霏仙家解有逡巡手一  
飭西風落翠微

山中小集

江山開勝賞萬戶不須留客醉客多事吾詩吾自酬夕風  
吹絳蠟春色漾黃流賓從歸來夜滌翁無此遊

新年

梅花枕上聽司晨起縮金章候拜親喜對慈顏看鋪鬢髮  
雖踈脫未如銀

生日和聶吉甫五月朔

青蒲花未老黃竹筍初生細味詩工部開評字率更大江  
流日影時鳥說春榮共作千年計身謀政自輕

生日和謝愛山長句崧老字伯華

余屏跡山間誦昌黎三星行政自多感亦何有於初度  
客謝愛山翩然遠來貽我長句噓拂而縑籍之者至矣

奇歌而和愧不成章

寓形落落大塊間噓吸一氣自往還葉孤未了男子事何  
能局促甘囚山昔年此日作初度賓客如雲劇歡舞今年

避影却閉門捧觴自壽白頭母故人憶我能遠來虹光滿

袖生瓊瑰一栝相屬慰岑寂使我發笑愁顏開簸揚且聽  
箕張口丈夫壯氣須衝斗夜闌拂劍碧光寒握手相期出  
雲表

生日謝朱約山和來韻

元豐五年正月日洛中耆英佳話出當時韓公七十九歡  
噉寒酬老吟筆偉然冠劍照孔鸞背鳩杖蒲輪安韓公  
而下文寬夫相高以壽不以官洛壘已隨流水急雲仍相  
逢松下石顧我行輩真我來蕪幕故事強安排約對青山  
共長久醉歌要賽滁州守願隨後社著深衣闌風伏雨從  
是非便今攜樽西墅去山花山鳥為歌舞招招瑤母來庭  
闌拍手共笑偷桃兒吾山陂陀白雲蒲依鶴司我北門管  
紫霞隔斷雞犬聲下有琥珀滋長齡向來福地七十二此  
亦清高仙地位朝遊崑崙暮崆峒駕風鞭霆迎我公丹厓  
翠壁千萬丈與公上上上上

生日山中蕭敬夫韻

山深不用結涼棚風起江蘋暑氣輕處士林泉自今古男  
兒孤矢付豪英客來不必籠中羽我愛無如橘裏枰一任  
蒼松栽十里他年猶見茯苓生

與朱古平飲山中和蕭敬夫韻古平名植字聖問丙辰賦魁太傳辛

江山自足引千杯况有如今此客哉石室只還湖守住蘆

峯屈晦翁來酒酣刺有詩酬唱步倦何妨車馬回遊徧  
此山方可別北厓莫遣曉雲開

所懷

芙蓉香蕙盛朝華收拾東風作一家燕語鶯啼春又夏燈  
花別盡暗窓斜

山中偶成

白鶴飛來牽我衣東風吹我下漁磯當年祗爲青山誤直  
草君王一詔歸

次約山賦杏花韻

名花韻在午晴初雨心臙脂臉更敷蒲驛莫妨娛刺史錦  
坊豈不勝中書時無艷曲臨軒縱公莫魏壇韞匱沽春老  
綠陰青子近東風來往一吹噓

贈南安黃梅峯

清淺風流聖得知黃昏歸鶴月來時嶺頭更有高寒處却  
是江南第一枝

送人往湖南

鴈拖秋月洞庭邊客路凄涼野菊天雲隔酒尊橫北海風  
吹詩史落西川夜深鬼火千山雪春後鶉花一樹烟爲我  
祝融峯上看朝暾白處禮蓬仙

題張景召簿尉梅墅并餞入南

喚醒三影燕支魂一枝半樹專黃昏江南暗香鬢不住霜  
風吹入羅浮村疎枝不入朝川畫暗香不到東山棋雲階  
一枕梨花夢參橫月落無人知

和謝愛山晚吟韻日晚與客散步因誦夕陽雜好  
不多時之句謝愛山欣然賦之余亦率然口占以  
和亦一時之樂也

日落未落天蒼涼懸厓掛壁留餘光紫烟翠霧空迷萍颺  
颺度壑松風長牛背短笛催歸忙飄飄逸興空悠悠揚襟懷  
灑落萬慮亡須臾薄暝山色藏長歌浩浩相激昂淡雲弄  
月微昏黃

別謝愛山

綠綺知音早青燈對話逢那知今雨別又重故人思山隔  
詩情遠雲含容思悲小樓今夜笛莫向月中吹  
君今拂衣去我獨枕書眠一片過林雨數聲當戶蟬情長  
空有恨吟苦不成篇後會知何日西風老鴈天

和胡琴窓

名曰宜  
字德昭

買得青山賞似金瘦筇上下費沉吟花開花落相閱意雲  
去雲來自在心夜雨一江漁唱小秋風兩袖客愁深夾堤  
密與栽楊柳剝有行人待綠陰

七月十三夜用燈牌字韻湊成一詩與諸賓一笑



赤壁當年賦子虛西風忽復到菰蒲蟾蜍影裏千秋鑑  
蟬聲中七月圖詩思飄飄入雲漢歌聲隱隱動江湖萬家  
簫鼓連燈火見說來年此事無

病中作

歲月侵尋見二毛劍花冷落鶻鴟膏睡餘吸海龍身瘦渴  
裹奔雲馬骨高百忌不容親酒具千愁那解燄詩豪起來  
大作屠門嚼自笑我非兒女曹

又二絕

瞿塘隘處直重險勾漏坡前又一灘世事不容輕易看翻  
雲覆雨等閑聞

病中忽悟通真理靜處專尋入定工雨汗淋漓頭都不管湏  
史和氣自冲融

又賦

一病忽兩月蓬頭夏涉秋形羸心自壯手弱筆仍道昨夜  
燈如喜今宵諱莫愁問誰驅五疢正與五窮謀

一病四十日西風草木凉倚床腰見骨覽鏡眼留眶倦策  
吟詩杖類燒讀易香夜深排果餌乞巧太醫王

又賦

病裏心如故關中事更生睡猶隨我癩黠鼠向人鳴羽扇  
看棋坐黃冠扶杖行燈前翻自喜瘦得此詩清

驟雨知何處一溪秋水生苦吟看鶴瘦多病耳蟬鳴隱几  
惟便睡挑包正倦行山深明月夜乞我半窓清  
寄與對吾病吟詩老此生風高鳴鴈起晴久鶉鳩鴻野樹  
辭秋落溪雲帶雨行晚涼便懶坐移傍竹陰清

借道冠有賦

病中蕭散服黃冠笑倒群兒指為彈秘監賀君曾道士翰  
林蘇子亦祠官酒壺釣具有時樂茶竈筆床隨處安幸有  
山陰深密處他年煉就九還丹

又賦

時以草果數百枚  
作枕遠得汗

一番朝信過時暫脫熬煎心似輓纏轉身如微纏纏夜聽  
飢鼠齧畫看伏雌眠急雨千山動應知為解孩

病甚夢召至帝所復有覺而頓愈遂賦

耳聽風雷叱天官赦小臣平生無害物不死復為人道德  
門庭遠君親念慮新自憐螻蟻輩豈意動蒼旻

病愈簡劉小村

秋光沁人骨意氣曉來新古鼎龍團雪虛簷塵尾春商山  
奕棋老赤壁洞簫宿風月真倉扁招呼入屋頰

倦餘心似醉病起首如蓬黃竹斷橋雨白蘋長笛風僂僂  
鷗屢舞咄咄鴈書空孤負秋來眼開挑費下桐

夜坐偶成

蕭蕭秋夜涼明月久我戶隴衣起中庭仰見牛與女生久  
寒露下悲風動執素不遇王子喬此意誰與語

簡琴窓雲屋竹軒諸友

世情千萬變險甚劍頭炊箸傳姑成癖登山且作癡烟霞  
非疾痼泉石自心馳獨喜精神健山中剩有詩

用前韻留琴窓

百年茅上浙萬事枕中炊病苦還思老貪嗔未若癡雲低  
天欲動江長岸如馳明月西風健山頭賦別詩

又用韻簡李深之

名道大 號深齋

晚尊和月吸早飯帶星炊鵬鷄從高下螳蟬任黠癡水澄  
神自止雲遠意俱馳門外誰車馬故人來課詩

早起偶成

澹澹池光曙沉沉野色秋片雲生比舍隻馬過南樓有見  
皆成趣無言總是愁芭蕉夜來水嚙罷自搔頭

又用韻

江山如有意天地可無秋夜月馮驩飲西風王粲樓露晞  
令我喜烟草爲誰愁且醉杯中物相看尚黑頭

曉起

憂破風烟迥余寒不自由鍾聲到枕曙月影入簾秋鴈過  
江山老蛩吟草樹愁整冠人共笑兩月不梳頭

遠寺鳴金鐸踈窻試寶薰秋聲江一片曙影月三分倦鶴  
行黃葉癡猿坐白雲道人無一事抱膝看回文

夜坐

淡烟楓葉路細雨暮花時宿馬半江畫寒蛩四壁詩少年  
成老大吾道付透遲終有劍心在閒難坐欲馳

和朱松坡

學醫未至太醫王笑彼年年折臂傷屏裏江山如出色亭  
畢松菊已成行細參不語禪三昧靜對無弦琴一張多謝

嶺頭詩寄我蒲園梅意弄春光

陳貫道摘坡詩如寄以自號達者之流也爲賦浩

浩歌一首

浩浩歌人生如寄可奈何春秋去來傳鴻燕朝暮出沒奔  
羲娥青絲冉冉上霜雪百年歛若彈指過封侯未必勝瓜  
圃青門老子聊婆娑江湖流浪何不可亦曾力士爲脫靴  
清風明月不用買何處不是安樂窩鶴脰豈長鳧豈短夔  
足非少蚊非多浩浩歌人生如寄可奈何不能高飛與遠  
舉天荒地老懸網羅到頭比邱一杯土萬事碌碌空奔波  
金張許史久寂寞古來賢聖闢丘軻乃知世間爲長物惟  
有直我難滅磨浩浩歌人生如寄可奈何春憂婆娑春憂婆  
拍手笑呵呵是亦一東坡非亦一東坡

借朱約山韻就賀桂冠

身健尚堪松下飯，眼明正好插中棋。青山有約當朱戶，白首何心上彩闌。栗里田園供雅興，午橋鍾鼓賞清時。晚來倦客秋江上，坐看半天黃鶴飛。

用前人韻賦招隱

釣魚船上聽吹笛，煨芋爐頭看下棋。滕有晚愁歸別浦，已無春夢到端闌。去年尚憶桃紅處，好景重逢橘綠時。却重山人招隱意，猿啼鶴嘯白雲飛。

用前人韻招山行以春為期

掃殘竹徑隨人坐，鑿破苔磯到處棋。一水樓臺開曉鏡，萬山花木放春闌。雪中便有回舟興，林下豈無燒筍時。莫待東風吹柳絮，眼穿籠鶴遠湖飛。

翰林權直罷歸和朱約山韻

閑雲舒卷無聲畫，醉石敲推一色棋。試問挂瓢棲碧洞，何如襍被卧形闌。夢中芳草還成路，別後黃花又是時。羞殺今年堂上燕，片心寄與鴈南飛。

慶羅氏祖母百歲 羅氏慶門壽母百歲父老見

所未嘗鄉閭夸以為盛某既交朋升堂為壽退布

席慶事與橫舟昆弟子姪舉酒盡歡酒酣賦詩志

喜也

麗日萱花照玉雲，升堂風采見乾淳。蓬萊會上逢王母，瑤女光中見老人。雨露一門華髮潤，江山蒲座綵衣新。只將千載奉為壽，更住人間九百春。

拜羅氏百歲母之明日主人舉酒客張千載心賦

詩某喜贊不自已見之趣韻

翠微三鳥近畫闌，五雲橫水鷗聲滑。夕陽鴉背明尊前，持一笑花下卧餘醒。曾見瑤池母，不為虛此生。

醉清湖上三日存叟獨不在坐即席有懷

石鼎吟方透瑤觴，醉未闌。疎林花密綴舊壘，燕新安春半。湖山好，夜深江海寒。主孫隔芳草，初月正相看。

羅山長存叟兄弟來謝宴山中

存叟名 耕登科

天開盤谷隱春到浣溪家，一水樓臺影滿山。桃李花春風寄橫笛，夜月擬乘槎。政好逢佳客，江空比斗斜。

壽朱約山八十韻

九月十日

翠袖瓊樓八十翁，平安曉宇看孤鴻。五湖圖裏添彭祖，南極光中約祝融。日日青山醉春色，年年黃菊飽西風。鷹揚但願無施處，臣老婆娑一釣蓬。

壽朱約山八十三歲

八十餘翁雪滿顛，深衣大帶耳垂肩。磻溪回首今三載，絲縣論心又十年。歸去來兮真富貴，美哉壽也活神仙。門前

燕雀紛如雨 媿我白雲深處眠

賀秘書歐陽巽齋先生遷居

名守道字公權

先生快冊當箇會不待辛勤有屋廬宅樣只還齊里舊鄉  
風好似穎川居鏡湖今日賀外監瀛館前年虞秘書天下  
經綸猶一室時人尚敢說吾迂

挽李制帥二首

名遇龍字叔典

上下荆淮劍氣雄進據全蜀凜英風將壇歎血金湯志白  
腹填天竹帛功治法征謀開世道精忠定力簡皇衷傷哉  
生出瞿塘險翻落黃梁一夢中

世變江河渺未涯如公真是濟時危幾年荆益龍驤譽一  
日滿湘鵬識悲天下皆傳清獻節人心自有武侯碑即君  
昔共慈恩約拭泪西風寄此詞

挽孫齋齋

推翁

淮水奇人物樞星偉第兄泰山開學譜雲谷發時源委吏  
初行志條文莫逐窺功名傳久遠賴有二郎存

挽棄用和

結屋南陵三十秋田園舊隱隔江流卽州避亂杜工部下  
澤乘車馬少遊名利無心付隍鹿詩書有種出烟樓長淮  
清野難歸玉菟鳧猶應恣故立

挽万監丞益之

文華時輩右質朴古風餘壁上春陵記屏間太極圖雲山

居士屋風雪故人書一夢中觀化堯夫以後無

哭秘書彭止所

名方迥字辰省元

人物孤中秘神山返異仙日穿陪紉處哀斷曝書年玉質  
應無死帝編豈不傳莫芻和泪遺此月向誰圓

挽湖守吳西林

名道夫字深澤波於湖

凜凜千軍筆堂堂一面威荆流春浪湧峽樹莫雲飛素壁  
鯨猶在中橋鶴不歸劍亭遺跡古豐石照山輝

傾蓋歲年晚相知江海深春天思北樹夜雨話西林五嶺  
生前夢中原地下心英雄凋落及慷慨一霜襟

挽高郵守晏桂山

名尚字復之秘書丞

淮南已仙去桂樹鬱青青五馬賢聲望三丞舊典刑邦人  
多感嘆諸老半凋零何日持雞酒傷心請葬銘

挽鄂晉叔主簿

名晉同榜

此君何坦坦迴首杏園遊鳧鳧湘潭去聲名彭澤休百年  
中道短千里故鄉愁六子三方幻遺言可泪流

挽王遠叔

孟嘗生五日白首嘆遭逢燈火殘編雨蠶鹽短褐風八天  
下鷓鴣半水偃蛟龍原上諸生哭黃化衰草中

挽蕭帥機虎溪

名了翁字明可

世以千金重誰能學隱君一門名似兩滿座客如雲志願  
生無憾聲華死有聞韓碑昭原草含笑有斯文

挽朱尚書貌孫

一代文昌貴千年諫議名天球聲渾厚元酒韻和平巖穴  
思風采朝廷惜老成東西生死別江水泪為傾

挽太傅朱古平

白氏賢司馬昌黎直學官江湖警落筆朝野望彈冠天馬  
高風骨秋鷹折羽翰萊庭人白髮烟雨萬松寒

鐵硯傷同志青燈憶舊游臨軒朝鳳閣馳道聽雞籌魏野  
神仙宅元龍湖海樓西風一揮泪世事蓋棺休

挽黎致政茶探花祖

楚峯天地闊四世百年家鶴髮垂袍葉龍孫上榜花詩書  
新雨露松栢老烟霞白馬蒼山路斯人忽已遐

古心江先生以舊齋出鎮長沙癸酉十月乙亥是  
為七十六歲門人文某以一節趨走部內謹擬古  
體一首為壽

炎圖啓丕運皇路熙以平蛇蠖發令姿有夷洵一人鴻藻  
舒朝華大音鏘韶鈞黼璫麗三階火龍昭統紘桓圭殿南  
服能游被金城瞻彼鵠為火翼軫宜其精祥鸞舞瑤席鳴  
鳳翔竭筮孟冬兆陽氣西北無浮雲駕言酌春酒可以寫

我情揚旆下祝融躡履朝奉清嘉猷廟九垓遠以遂古淳  
君子保金石所以求國成純嘏錫千歲綿綿贊休明

送張宗甫兄弟楚觀登舟赴湖比試

金螺曉氣照人寒手把天漿領佩環夜月送魚來赤壁秋  
風吹鴈發衡山東南折處樵花見牛女光中樵影還見說

青年文賦好士龍一笑共雲間

衡州送胡端逸赴漕騎觀齋 時八月十五日發兵討賊

楚觀簷花曉舟人擊鼓東蛟龍嗷靈雨鵬鶚展雄風此客  
雲霄士斯文造化工捷來君欽此我亦凱元戎

題楚觀樓

西風吹感慨曉氣薄登臨半壁楚雲立一川湘雨深乾坤  
橫笛影江海倚樓心遺恨飛鴻外南來訪遠音

安序宋吏部來牧衡陽某將指聯事好也會以便

郡歸養獲忝交承臨發賦詩湘水千里

傾蓋年華晚行人早發湘白雲虹浪小明月燕花香明浦  
春何急巴山日正長祝君加一板我意為桐鄉

贈周東卿畫魚

觀君瀟湘圖起我濠上心短褐波濤舊秋雨菰蒲深  
某叨臬衡湘蒙恩以便郡歸養齊大卿官寓衡我年前君

也一再見間即分南北五言啓之所以致今舊內續錄云李青菴名三

瀟湘一夜雨湖海十年雲相見皆成老重逢便作分啼鵲  
春浩蕩回鴈晚殷勤江闊人方健月明思對君

幕客載酒舟中即席序別

故人滿江海遊子下瀟湘  
載月千里意行雲一方櫓聲  
人語小岸影客心長總是浮萍  
迹飛花莫近檣

用韻謝諸客和章

傳鼓發船去我奉君向相持  
螯思太白占鵲問東方世味  
秋雲薄交情江水長相期天路  
曉陣馬度風檣

湘潭道中贈丁碧眼相士

自詭衡山道士孫至今句法有  
軒轅世人未見題堯廟畫  
把昌黎作寓言

收拾衡雲作羽衣便如屈子  
遠遊歸離騷志却題天柱為  
立斜陽問翠微

咸淳甲戌第二朔予道嶺洲里徐  
政方諫自長沙

來為別問客幾何曰半年矣臨別  
為賦

君為湘水燕我作衡陽鴈  
鴈去燕方留白雲草迷岸

和衡守宋安序送行并序

某將指罔功叨符使養初聯寅  
誼近依清燕之香未忝  
交盟親授朱提之印冠蓋一時  
之盛事縉紳百世之深

情別集放勤歌詞鄭重  
夢回雲含深懷萱草之詩思乏

軍軍謬和梅花之賦瞻言作遠覽  
擲為祭

王立湘西第一州丹梯小為  
嶽雲留東風城郭人行樂春  
日旌旗公出遊便趨緜香摩  
碧漢莫戀綉影沈清流兩君  
相見衣冠好記取兒孫好話  
頭

方共衡雲把酒杯春風吹向  
鸞孤臺鴈將回處驚帆落花  
未開時怯笛催別草可堪遊  
子去寄梅應為故人來臨行  
笑免疑香譜十駕那追逸驥  
材

贈萍鄉道士

道上觀行人半似重相見古  
云性相近性豈不如面萬形  
本一性萬心方一殊世固難  
絕聖亦恐難絕愚

白鬢行

憶昔守宣時白上一根髮去  
之四五年一化為七八今年  
客衡湘黑鬢已多黃衆黃忽  
一白驚見如陵陽白髮已為  
常白髮何足怪歲月不可歇  
雪霜日長大世人競染緇厭  
之固足嗤誰服蘆服湯避老  
亦奚為少老如春秋造物以  
為儕吾方樂吾天樂天故不  
憂

將母赴贛道西昌

重來鷗閣曉帆影漲新晴倚  
檻雲來去閉簾花送迎江湖  
春汗漫歲月老崢嶸手把忘  
憂草蓼蘂繞太清

快閣遇雨觀瀾

一笑登臨晚江流接太虛自慚雲出岫爭訝雨隨車慷慨  
十圍柳周回千里魚故園隈好在夜夢繞吾廬

題鬱孤臺

城郭春聲閣樓臺畫影遲並天浮雪界蓋海出雲旗風雨  
十年夢江湖萬里思倚闌時北顧空翠濕朝曦

予題鬱孤泉堯五湖翁姚濂爲之和翁官滿歸里

因韻贊別并謝前辱

巢龜君住好涌翠我來遲夜雨呼三韭春風試一旗飛花  
行客夢芳草故人思何日五湖上同看浴海曦

用韻謝前人

茲遊良邂逅吾道未遼遲斗野橫雙劍牛津直兩旗此風  
應小住明日便相思輸與君家近扶耒五色犧

翠玉樓晚雨

晚樓一曲轉梅花官事無多報放衙林木蔽虧烟斷續江  
流曲折雨橫斜年華冉冉風前影戚莫悠悠客裏家一鴈  
近從沙背落更鏡片雪入天涯

翠玉樓觀雪

矯矯臨清泚濛濛認翠微綿春生客袖鐵冷上戎衣柳眼  
驚何老梅花覺半肥新來有公事白戰破重圍

翠玉樓和胡端逸韻

容影魚千里年華柳十圍白雲栖石密黃鶴出烟微江海  
秋風老湖山晚日暉鬱孤臺上望野闊犢初肥

翠玉樓

昏鴉何處落野渡少人行黃葉聲在地青山影入城江湖  
行客夢風雨故鄉情試問南來信梅花三兩英

合江樓

天上名鷁尾人間說虎頭春風千萬岫秋水兩三洲客晚  
驚黃葉官閑笑白鷗雙江日東下我欲賦扁舟

西楚驚鴻晚東淮落木秋蒸湘今石鼓句宛古宣州白日  
聊清賞青山總舊遊不知滄海水何處接天流

皂蓋樓

一水樓臺繞半空圖畫開蝸涎行薜荔雀影上荷苔碧落  
人千載青山酒一杯晚烟看不盡待月却歸來

石樓

曉色重簾捲春聲疊鼓催長垣連草樹遠水照樓臺八境  
烟濃淡六街人往來平安消息好看到嶺頭梅

馬祖巖

曾將飛錫破苔痕一片雲根鎖洞門山外人家山下路石  
頭心事付無言

禪閣

秋風吹日上禪閣路入松花第一巒只願四時烟霧少蒲城樓閣見青山

吸江

絕壁千尋俯雪湍春花秋草有鬢髮當年誤著蒲團坐惹得人稱馬祖巖

塵外

半山風雨截江城未脫人間總是塵巾夜起看衣上月青天如水露華新

雲端

半空天矯起層臺傳道劉安車馬來山上自晴山下雨倚關平立看風雷

清江何漢英再見於空同讀歐陽先生詩感慨為賦

采芝雲滿山采藥瀑垂澗當年有清徽為寄南來鴈鴈去人已逃歲月割云晏流水失聲音西河老憂患徃日志士悲窮途行子慣君為梁宋遊我復江漢宦十年取相逢千里欠一盼文機寄糟粕美疾墮芻豢贈子歸東方聊薦吳興莧

送曹倅巖山官滿歸里

名夫發 穎卒

春陵光霽落蒼苔荷水神仙立翠槐萬里雲霞麒麟路三

年風月鳳凰臺與同老子復不淺歌曰先生歸去來庾嶺梅花開漸偏一枝就與寄蓬萊

和前人賦別

翠松三萬頃松雪著神仙柳院催金鑰江花送玉鞭曉巖雲壁立晚棹浪規圓未了醉翁事重尋穎上田

當年童子見今見二毛翁海月三秋別江雲一日同鷗心馳舍北龍尾曳天東定有延和奏南來寄一通

贈明脉蕭信叔

杖乘擅七發郭王明四難微言起沈痼此道今湯湯云何東海生而乃緒真要若然以神遇契彼鏡經玅我欲炊彫胡儻鑿菊水泉壽彼方與人六氣何由售

贈林碧鑑相士

咸陽官中四尺鏡照人五臟何炯炯兼田滄海千餘年百鍊依然化為鑛君從何處得此物鑄就雙瞳敵秋月向未照心今照形不事瀾翻三十舌遠衝風雪肯我過看來猶未深知我我方策笠立釣磯萬事浮雲都勘破噫嘻吁只今神目鬼眼紛道途暗中許負應盧胡試問何如林家老碧鑑不知天津橋上復有龍鍾無

送吉州陳守解任

美人策良馬弭節螺江湄歲年忽晚晚桃李已成蹊遲遲



一水間復復東與西晴川夾脩揚行舟何能維朱鳳翔海  
山層瀟揚音徹高岡有梧桐駕言覽朝暉贈君以白雲白  
雲不我持贈君以明月明月不我携白雲與明月遠道相  
追隨

贈蜀醫鍾正甫

炎皇覽衆草異種多西州爲君望岷岷使我雙泪流向來  
秦越人朝洛夕邯鄲子持鵲經來自西亦徂南江南有羈  
羽豈不懷故管何當同皇風六氣和且平

改題萬安齋疑祥觀

古道松花空翠香風前鬢影照滄浪飛泉半壁朝雲濕啼  
鳥蒲山春日長須信神仙元有國不知巖觸是何鄉道人  
橫笛招歸鶴坐到斜暉上壁瑤相如送撫軍華接壁瑤注壁瑤以玉爲飾頭

西昌倪氏有山谷書杜陵山水圖障歌作江山堂

堂廢其後人以黃書求題跋感慨一絕

杜二已無黃九去長歌大字落江山百年風物今何似春  
水晚烟飛白鷗

山中再次胡德昭韻

不將顏色汗黃金落得灞橋驢上吟是處江山生酒壘蒲  
天風雪得梅心航簾室裏春聲沸燈火林華夜色深人世  
可能行樂耳重游不用上晴陰

人生柳絮開堅牢過眼春光歎伯勞蜀道謗傳千古險廬  
山方許一人高眼前見赤徒妨道耳後生風未當豪明月  
虛花隨處有扁舟自在不須篙

曾見尊前此客哉笑携麈尾拂莓苔水邊飛馬年年見湖  
上新亭日日來酌菊醉餘披草坐探梅吟罷帶花回北厓  
尚被剛風隔笑按匆匆上馬杯

山中泛舟觴客

便作衆槎客蕭蕭骨髮清尊前山月過笛裏水風生半夜  
魚龍沸三秋河漢明雪堂眠二客麈與白鷗盟

病中作

六月廿四夜人間熱欲炊病懷如酒困倦睫似書癡憂與  
千年接心隨萬里馳客來相問訊寄語有新詩

山中即事

山中方雨笠天外忽晴絲夕釣江澄練春行路布棋乾坤  
供俯仰歲月任差池有酒如澠在何妨日問奇

挽巽齋先生歐陽大著

徘徊河西上月落衆星稀哲人萎中道雨絕將安之昔者  
麗鴻藻王振含清暉名理軼晉魏雅言襲軻思連駕覲馳  
道並坐侍端闈及門懷燕婉升堂接逶迤方期黃鶴翔忽  
作朝露晞黔婁不蓋體延陵有遺悲層阿騎寒樹平楚晚

布微帷帳衣廣柳縞冠涕如糜水從章江去雲逸楚山飛  
已矣如有聞斯文不在茲

送劉其發入蜀

秋風凄已寒蜀道阻且長虎狼伏原野欲濟川無梁客從  
何處來云我之西方蕭蕭驢驢鳴矓矓湛盧光昔時榮華  
地今為爭戰場將軍揚天戈壯士發戎行江南有羈鳥悠  
悠懷故鄉鴛鴦與子遊雲天何茫茫

周蒼厓入吾山作圖詩贈之

三生石上結因緣袍笏橫斜學米顛漁父幾忘山下路仙  
人時訪嶺頭船鳥瘦白鶴無根樹淡月踈星一線天為我  
醉呼添濛頰倦來平卧看雲烟

題羅次說竹巖摘葉

游子西南來出門道何悠文章會有用意氣輕身謀紛紛  
食梁肉藜藿當其憂君看百川水何處不東流

挽劉知縣名元高字仲山實齋之子

王海淵源盛金閩步武高功名千載意翰墨一時蒙天馬  
含風骨秋鷹折羽毛相逢俱白髮流涕濕征袍

古樂府 壽人母

珊瑚香點胭脂雪芙蓉帳歷春雲熱明朝早弄燈前月漱  
灑九霞碧藕折璇杓高聳婺女明金波漾曉輝郎星赤瓊

曲裏長眉青頭上更有經池君六九五十四東風西蟠桃  
花花未紅鳴鶯鼓玉聲玲瓏綠毛蒙茸蓮水龜爛五色  
人間稀春多瑞葉不敢飛水壺光滿魚龍轉笑中低舞玉  
釵燕明年今日長秋致安輿入侍金桃宴

齊天樂 慶湖北漕知鄂州李樸峯

南樓月轉銀河曙王簫又吹梅早鸚鵡沙晴蒲萄水暖一  
縷燕香清裊瑤池春透想桃露霏霞菊波沁曉袍錦風流  
御仙花帶瑞虹繞王闈人正未老喚磯頭黃鶴岸巾談笑  
劍拂淮清塑橫楚黛雨洗一川烟草印黃似斗看半硯蓄  
薇蒲鞍揚柳沙路歸來金貂蟬翼小

齊天樂 甲戌湘憲種德堂燈屏

夜來早得東風信瀟湘一川新綠柳色含晴梅心沁暖春  
淺千花如束銀蟬乍浴正沙鷗將遠海鷺初盡雲擁旌旗  
笑聲人在畫闌曲星虹瑤樹縹緲環鳴碧落瑞籠華屋  
露耿銅虬水翻鐵馬簾幙光搖金粟遲遲倚竹更為把瑤  
樽蒲斟醴醑回首宮蓮夜深歸院燭

文山先生全集卷之二終

對策

御試策一道 有題

蓋聞道之大原出於天起乎無極大極之妙而實不離乎日用事物之常根乎陰陽五行之積而實不外乎仁義禮智剛柔善惡之際天以澄著地以靖謐人極以昭明何莫由斯道也聖聖相傳同此一道由修身而治人由致知而齊家治國平天下本之精神心術達之禮樂刑政其體甚微其用則廣歷千萬世而不可易然功化有淺深證效有遲速者何歟朕以寡昧臨政願治于茲歷年志愈勤道愈遠宵乎其未朕也朕心疑焉予大夫明先聖之術咸造在廷必有切至之論朕將虛已以聽三墳而上大道難名五典以來常道始著日月星辰順乎上鳥獸草木若於下九功惟叙四夷來王百工熙哉庶事康哉非聖神功化之驗歟然人心道心寂寥片語其危微精一之妙不可以言既歎誓何爲而畔會何爲而疑俗何以不若結繩治何以不若畫像以政疑民以禮凝士以天保采薇治內外憂勤危懼僅克有濟何帝王勞逸之殊歟抑隨時損益道不同歟及夫六典建官蓋爲民極則不過曰治曰教曰禮曰政曰刑曰事而已豈道之外又有法歟自時厥後以理欲之消

長驗世道汗隆陰濁之日常多陽明之日常少刑名雜霸佛老異端無一毫幾乎道駁乎無以議爲然務德化者不能無上郡厲門之警施仁義者不能無末年輪臺之悔甚而無積仁累德之素紀綱制度爲足維持憑藉者又何歟朕上嘉下樂風興夜徠靡違康寧道久而未洽化久而未成天變洊臻民生真遂人才乏而士習浮國計殫而兵力窮符澤未清邊備孔棘豈道不足以御世歟抑化裁推行有未至歟夫不息則久久則微今胡爲而未微歟變則通通則久今其可以屢更歟予大夫熟之復之勿激勿泛以副朕詳延之意寶祐四年五月八日

臣對恭惟皇帝陛下處常之又當泰之交以二帝三王之道會諸心將三紀于此矣臣等鼓舞於鳶飛魚躍之天皆道體流行中之一物不自意得旅進于陛下之庭而陛下且嘉之論道道之不行也久矣陛下之言及此天地神人之福也然臣所未解者今日已當道久化成之時道洽政治之候而方歎焉有志勤道遠之疑豈望道而未之見耶臣請泝太極動靜之根推聖神功化之驗就以聖問中不息一語爲陛下勉幸陛下試垂聽焉臣聞天地與道同一不息聖人之心與天地同一不息上下四方之宇往古來今之宙其間百千萬變之消息盈虛百千萬事之轉移闔

爾何莫非道所謂道者一不息而已矣道之隱於渾淪藏於未瑀未琢之天當是時無極太極之體也自太極分而陰陽則陰陽不息道亦不息陰陽散而五行則五行不息道亦不息自五行又散而爲人心之仁義禮智剛柔善惡則乾道成男坤道成女穹壤間生生化化之不息而道亦與之相爲不息然則道一不息天地亦一不息天地之不息固道之不息者爲之聖人出而爲天地立心爲生民立命爲往聖繼絕學爲萬世開太平亦不過以一不息之心充之充之而修身治人此一不息也充之而致知以至齊家治國平天下此一不息也充之而自精神心術以至於禮樂刑政亦此一不息也自有三墳五典以來以至於太平六典之世帝之所以帝王之所以王皆自其一念之不息者始秦漢以降而道始離非道之離也知道者之鮮也雖然其間英君諠辟固有號爲稍稍知道矣而又沮於行道之不力知務德化矣而不能不尼之以黃老知施仁義矣而不能不遏之以多欲知四年行仁矣而不能不盡之以近效上下二三十年間牽補過時架漏度日毋惟夫駁乎無以議爲也獨惟我朝式克至于今日休陛下傳列聖之心以會藝祖之心會藝祖之心以參帝王之心參天地之心三十三年間臣知陛下不貳以二不參以三茫乎天

運宵爾神化此心之天混兮闢兮其無窮也然臨御浸久持循浸熟而筭計見效猶未有以大快聖心者上而天變不能以盡無下而民生不能以盡遂人才士習之未甚純國計兵力之未甚充以至盜賊兵戈之警所以貽宵旰之憂者尤所不免然則行道者殆無驗也邪臣則以爲道非無驗之物也道之功化甚深也而不可以爲迂道之謏效甚遲也而不可以爲速維天之命於穆不已天地之所以爲天地也之德之純純亦不已聖人之所以爲聖人也爲治願力行何如耳焉有行道於歲月之暫而遽責其驗之爲迂且遠邪臣之所望於陛下者法天地之不息而已姑以近事言則責躬之言方發而陰雨旋霽是天變未嘗不以道而弭也賑饑之典方舉而都民歡呼是民生未嘗不以道而安也論辯建明之詔一頒而人才士習稍稍渾厚招填倂具之旨一下而國計兵力稍稍充實安吉慶元之小獲維揚瀘水之雋功無非憂勤於道之明驗也然以道之極功論之則此淺效耳速效耳指淺效速效而遽以爲道之極功則漢唐諸君之用心是也陛下行帝而帝行王而王而肯襲漢唐事邪此臣所以贊陛下之不息也陛下儻自其不息者而充之則與陰陽同其化與五行同其運與乾坤生生化化之理同其無窮雖充而爲三紀之風移俗

易可也雖充而爲四十年圖室刑措可也雖充而爲百年德洽於天下可也雖充而爲十世過曆億萬年敬天之休可也豈止如聖問八者之事可徐就理而已哉臣謹昧死上愚對臣伏讀聖策曰蓋聞道之大原出於天超乎無極大極之妙而實不離乎日用事物之常根乎陰陽五行之噴而實不外仁義禮智剛柔善惡之際天以澄著地以靖謐人極以昭明何莫由斯道也聖聖相傳同此一道由修身而治人由致知而齊家治國平天下本之於精神心術達之於禮樂刑政其體甚微其用則廣歷千萬世而不可易然功化有淺深證效有遲速何歟朕以寡昧臨政願治于茲歷年志愈勤道愈遠宵乎其未朕也朕心疑焉于大夫明先王之術咸造在庭必有切至之論朕將虛已以聽臣有以見陛下翹道之本原求道之功效且疑而質之臣等也臣聞聖人之心天地之心也天地之道聖人之道也分而言之則道自道天地自天地聖人自聖人合而言之則道一不息也天地一不息也聖人亦一不息也臣請邈其本原言之茫茫堪輿坎北無垠渾渾元氣變化無端人心仁義禮智之性未賦也人心剛柔善惡之氣未稟也當是時未有人心先有五行未有五行先有陰陽未有陰陽先有無極太極未有無極太極則太虛無形冲漠無朕而

先有此道未有物之先而道具焉道之體也既有物之後而道行焉道之用也其體則微其用甚廣即人心而道在人心即五行而道在五行即陰陽而道在陰陽即無極太極而道在無極太極貫顯微蕪費隱包小大通物我道何以若此哉道之在天下猶水之在地中地中無往而非水天下無往而非道水一不息之流也道一不息之用也天以澄著則日月星辰循其經地以靖謐則山川草木順其常人極以昭明則君臣父子安其倫流行古今綱紀造化何莫由斯道也一日而道息焉雖三才不能以自立道之不息功用固如此夫聖人體天地之不息者也天地以此道而不息聖人亦以此道而不息聖人立不息之體則欽於修身推不息之用則散於治人立不息之體則寓於致知以下之工夫推不息之用則顯於齊家治國平天下之效驗立不息之體則本之精神心術之微推不息之用則達之禮樂刑政之著聖人之所以爲聖人者循天地之所以爲天地也道之在天地間者常久而不息聖人之於道其可以頃刻慮邪言不息之理者莫如大易莫如中庸大易之道至於乾道變化各正性命保合太和而聖人之論法天乃歸之自強不息中庸之道至於溥博淵泉上天之載無聲無臭而聖人之論配天地乃歸之不息則又豈非

乾之所以剛健中正純粹精也者一不息之道耳是以法天者亦以一不息中庸之所以高明博厚悠久無疆者一不息之道耳是以配天地者亦以一不息以不息之心行不息之道聖人即不息之天地也陛下臨政願治千茲歷年前此不息之歲月循日之自朝而午今此不息之歲月循日之至午而中此正勉強行道大有功之日也陛下勿謂數十年間我之所以擔當宇宙把握天地未嘗不以此道至于今日而道之驗如此其迂且遠矣以臣觀之道猶百里之途也今日則適六七十之候也進於道者不可以中道而廢游於途者不可以中途而畫孜孜矻矻而不自已焉則適六七十里者固所以爲至百里之階也不然自止於六七十里之間則百里雖近焉能以一武到哉道無淺功化行道者何可以深爲迂道無速證效行道者何可以遲爲遠惟不息則能極道之功化惟不息則能極道之證故氣機動盪於三極之間神采灌注於萬有之表要自陛下此一心始臣不暇遠舉請以仁宗皇帝事爲陛下陳之仁祖一不息之天地也康定之詔曰祇勤抑畏慶曆之詔曰不敢荒寧皇祐之詔曰緬念爲君之難深惟履位之重慶曆不息之心即康定不息之心也皇祐不息之心即慶曆不息之心也當時仁祖以道德感天心以福祿勝人

力國家綏靜邊鄙寧謐若可以已矣而猶未也至和元年仁祖之三十三年也方且露立仰天以畏天變碎通天犀以救民生處賈黯吏銓之職擢公弼殿柱之名以厚人才以昌士習納景初減用之言聽范鎮新兵之諫以裕國計以強兵力以至講周禮薄征緩刑而拳拳以盜賊爲憂選將帥明紀律而汲汲以西戎北虜爲慮仁祖之心至此而不息則與天地同其悠久矣陛下之心仁祖之心也范祖禹有言欲法堯舜惟法仁祖臣亦曰欲法帝王惟法仁祖法仁祖則可至天德願加聖心焉臣伏讀聖策曰三墳以上云云豈道之外又有法歟臣有以見陛下慕帝王之功化證效而亦意其各有淺深遲速也臣聞帝王行道之心一不息而已矣堯之兢兢舜之業業禹之孜孜湯之慄慄文王之不已武王之無貳成王之無逸皆是物也三墳遠矣五典猶有可論者臣嘗以五典所載之事推之當是時日月星辰之順以道而順也鳥獸草木之若以道而若也九功惟叙以道而叙也四夷來王以道而來王也百工以道而熙度事以道而康光天之下至於海隅蒼生蓋無一而不拜帝道之賜矣垂衣拱手以自逸于土階巖廊之上夫誰曰不可而堯舜不然也方且考績之法重於三歲無歲而敢息也授曆之命嚴於四時無月而敢息也適靈乎

一日二日之戒無日而敢息也此猶可也授受之際而堯之命舜乃曰允執厥中夫謂之執者馭統保持而不敢少放之謂也味斯語也則堯之不息可見已河圖出矣洛書見矣執中之說未聞也而堯獨言之堯之言警矣而舜之命禹乃復益之以人心惟危道心惟微惟精惟一之三言夫致察於危微精一之間則其戰兢保持之念又有甚於堯者舜之心其不息又何如哉是以堯之道化不惟驗於七十年在位之日舜之道化不惟驗於五十年視阜之時讀禹世來頌之語則唐虞而下數千百年間天得以爲天地得以爲地人得以爲人者皆堯舜之賜也然則功化抑何其深證效抑何其遲歟降是而王非固勞於帝者也太樸日散風氣日開人心之饑餓日益巧世變之乘除不息而聖人之所以綱維世變者亦與之相爲不息焉俗非結繩之淳也治非畫象之古也師不得不誓侯不得不會民不得不疑之以政士不得不疑之以禮內外異治不得不以采薇天保之治治之以至六典建官其所以曰治曰政曰禮曰教曰刑曰事者亦無非扶世道而不使之窮耳以勢而論之則夏之治不如唐虞商之治不如夏周之治又不如商帝之所以帝者何其逸王之所以王者何其勞慄慄危懼不如非心黃屋者之爲適也始於憂勤不如恭

已南面者之爲安也然以心而觀則舜之業業即堯之兢兢禹之孜孜即舜之業業湯之慄慄即禹之孜孜文王之不已武王之無貳成王之無逸何莫非兢兢業業孜孜慄慄之推也道之散於宇宙間者無一日息帝王之所以行道者亦無一日息帝王之心天地之心也尚可以帝者之爲逸而王者之爲勞耶臣願陛下求帝王之道必求帝王之心則今日之功化證效或可與帝王一視矣臣伏讀聖策曰自時厥後云云亦足以維持憑藉者何歟臣有以見陛下陋漢唐之功化證效而且爲漢唐世道發一慨也臣聞不息則天息則人不息則理息則欲不息則陽明息則陰濁漢唐諸君天資敏地位高使稍有進道之心則六五帝四三王亦未有難能者奈何天不足以制人而天反爲人所制理不足以御欲而理反爲欲所御陽明不足以勝陰濁而陽明反爲陰濁所勝是以勇於進道者少沮於求道者多漢唐之所以不唐虞三代也歟雖然是爲不知道者言也其間亦有號爲知道者矣漢之文帝武帝唐之太宗亦不可謂非知道者然而亦有議焉先儒嘗論漢唐諸君以公私義利分數多少爲治亂三君之心往往不純乎天不純乎人而出入於天人之間不純乎理不純乎欲而出入乎理欲之間不純乎陽明不純乎陰濁而出入乎陽明

陰濁之間是以專務德化雖足以陶俊元泰和之風然而尼之以黃老則薦門上郡之警不能無外施仁義雖足以致建元富庶之盛然而遏之以多欲則輪臺末年之悔不能免四年行仁雖足以開真觀升平之治然而畫之以近效則紀綱制度曾不足爲再世之憑藉蓋有一分之道心者固足以就一分之事功有一分之心者亦足以召一分之事變世道汗隆之分數亦係於理欲消長之分數而已然臣竄思之漢唐以來爲道之累者其大有二一曰雜伯二曰異端時君世主有志於求道者不陷於此則陷於彼姑就三君而言則文帝之心異端累之也武帝太宗之心雜伯累之也武帝無得於道憲章六經統一聖真不足以勝其神仙土木之私干戈刑罰之慘其心也荒太宗全不知道閨門之耻將相之誇末年遼東一行終不能以克其血氣之暴其心也驕雜伯一念憧憧往來是固不足以語常久不息之事者若文帝稍有帝王之天資稍有帝王之地步一以君子長者之道待天下而晁錯董刑名之說未嘗一動其心是不累於雜伯矣使其以二三十年恭儉之心而移之以求道則後元氣象且將駸駸乎商周進進乎唐虞奈何帝之純心又間於黃老之清淨是以文帝僅得爲漢唐之令主而不得一儕於帝王嗚呼武帝太宗累

於雜伯君子固不敢以帝王事望之文帝不爲雜伯所累而不能不累於異端是則重可惜已臣願陛下監漢唐之跡必監漢唐之心則今日之功化證效將超漢唐數等矣臣伏讀聖策曰朕上嘉下樂云云抑化裁推行有未至歟臣有以見陛下念今日八者之務而甚有望乎爲道之驗也臣聞天變之來民怨招之也人才之乏士習蠱之也兵力之弱國計屈之也虜寇之警盜賊因之也夫陛下以上嘉下樂之勤夙興夜寐之勞悵歲月之逾邁亦欲以少見吾道之驗耳俯視一世未能差強人意八者之弊臣知陛下爲此不滿也陛下分而以八事問臣合而以四事對請得以熟數之於前何謂天變之來民怨招之也天視自我民視天聽自我民聽天明畏自我民明威人心之休戚天心所因以爲喜怒者也熙寧間大旱是時河陝流民入京師監門鄭俠畫流民圖以獻且曰陛下南征北伐皆以勝捷之圖來上料無一人以父母妻子遷移困頓皇皇不給之狀爲圖以進者覽臣之圖行臣之言十日不雨乞正欺君之罪上爲之罷新法十八事京師大雨八日天人之交間不容髮載在經史此類甚多陛下以爲今之民生何如邪今之民生困矣自瓊林大盈積於私貯而民困自建章通天頹於營繕而民困自獻助疊見於豪家巨室而民困自



和權不間於閭閻下戶而民困自所至官官暴吏視吾民如家雞豕豕惟所咀啖而民因嗚呼東南民力竭矣書曰怨豈在明不見是圖今尚可謂之不見乎書曰怨不在大亦不在小今尚可謂之小乎生斯世爲斯民仰事俯育亦欲各遂其父母妻子之樂而操斧斤淬鋒鏑日夜思所以斬伐其命脉者焉滔皆是然則臘雪新瑞蟄雷愆期月犯於木星殞爲石以至土雨地震之變無惟夫屢書不一書也臣願陛下持不息之心急求所以爲安民之道則民生既和天變或於是而弭矣何謂人才之乏士習盡之也臣聞窮之所養達之所施幼之所學壯之所行今日之修於家他日之行於天子之庭者也國初諸老嘗以厚士習爲先務寧收落韻之李迪不取鑿說之賈遠寧收直言之蘇轍不取險怪之劉幾建學校則必欲崇經術復鄉舉則必欲參行藝其後國子監取湖學法建經學治道邊防水利等齋使學者因其名以求其實當時如程頤徐積呂希哲皆出其中嗚呼此元祐人物之所從出也士習厚薄最關人才從古以來其語如此陛下以爲今之士習何如邪今之士大夫之家有子而教之方其幼也則授其句讀擇其不戾於時好不震于有司者俾熟復焉及其長也細書爲工累牘爲富持試於鄉校者以是較藝於科舉者以是取青

紫而得車馬也以是父兄之所教詔師友之所講明利而已矣其能卓然自拔於流俗者幾何人哉心術既壞於未仕之前則氣節可想於既仕之後以之領郡邑如之何責其爲卓茂黃霸以之鎮一路如之何責其爲繇章何武以之曳朝紳如之何責其爲汲黯望之奔競於勢要之路者無惟也趨附於權貴之門者無惟也牛維馬繫狗苟蠅營患得患失無所不至者無惟也悠悠風塵靡靡俗清芬消歇濁滓橫流惟皇降衷秉彜之懿萌孽於牛羊斧斤相尋之衝者其有幾哉厚今之人才臣以爲變今之士習而後可也臣願陛下持不息之心急求所以爲淑士之道則士風一淳人才或於是而可得矣何謂兵力之弱國計屈之也謹按國史治平間遣使募京畿淮南兵司馬光言邊臣之請兵無窮朝廷之募兵無已倉庫之粟帛有限百姓之膏血有涯願罷招禁軍訓練舊有之兵自可備禦臣聞古今天下能免於弱者必不能免於貧能免於貧者必不能免於弱一利之興一害之伏未有交受其害者今之兵財則交受其害矣自東海城築而調淮兵以防海則兩淮之兵不足自襄樊復歸而併荆兵以城襄則荆湖之兵不足自腥氣染於漢水寃血感於寶峯而正軍忠義空於死徙者過半則川蜀之兵又不足江淮之兵又抽而入蜀又

抽而實制則下流之兵愈不足矣荆湖之兵又分而策應分而鎮撫則上流之兵愈不足矣夫國之所恃以自衛者兵也而今之兵不足如此國安得而不弱哉扶其弱而歸之強則招兵之策今日直百所不得已者然召募方新調度轉急問之大農大農無財問之版曹版曹無財問之餉司餉司無財自歲幣銀給外未聞有畫一策爲軍食計者是則弱矣而又未免於貧也陛下自旣南近又創一安邊太平庫專一供軍此藝祖積羨帛以易賊首之心也仁宗皇帝出錢帛以助兵革之心也轉易之間風采立異前日之弱者可強矣然飛芻輓粟給餉餽糧費於兵者幾何而牀宮梵宇照耀湖山上木之費則漏卮也列竈雲屯樵薪後費費於兵者幾何而霓裳羽衣靡金飾翠宮庭之費則尾閭也生熟口券月給米糧費於兵者幾何而量珠擊玉倖寵希恩戚畹之費則濫觴也蓋天下之財專以供軍則財未有不足者第重之以浮費重之以冗費則財始瓶罄而壘耻矣如此則雖欲足兵其何以給兵耶臣願陛下持不息之心急求所以爲節財之道則財計以充兵力或於是而可強矣何謂虜寇之警盜賊因之也謹按國史紹興間楊么寇洞庭連踏數郡大將王瓌不能制時僞齊挾虜使李成寇襄漢么與交通朝廷患之始命岳飛措置上流

已而逐李成擒楊么而荆湖平臣聞外之虜寇不能爲中國患而其來也必符內之變內之盜賊亦不能爲中國患而其起也必將納外之侮盜賊而至於通虜寇則腹心之大患也已今之所謂虜者固可畏矣然而逼我蜀則蜀師策瀘水之勦窺我淮則淮帥秦維揚之凱狼子野心固不可以一捷止之然使之無得棄去則中國之技未爲盡出其下彼亦猶畏中國之有其人也獨惟舊海在天一隅逆雜冗之者數年于茲颶風瞬息一葦可航彼未必不朝夕爲趨浙計然而未能焉短於舟楫於水懼吾唐島之有李匡妖孽且謂有楊么之漸矣得之京師之耆老皆以爲此寇出沒倏閃往來翕霍駕舟如飛運施如神而我之舟師不及焉夫東南之長技莫如舟師我之勝兀木於金山者以此我之弊逆亮於采石者以此而今此曹反挾之以制我不武甚矣萬一或出於楊么之計則前日李成之不得志於荊者未必今日之不得志於浙也曩聞山東荐饑有司貪市榷之利空蘇湖根本以資之廷紳猶謂互易安知無爲其鄉道者一夫登岸萬事瓦裂又聞魏村江灣福山三寨水軍與販鹽課以資逆雖廷紳猶謂是以扞衛之師爲商賈之事以防拓之卒聞鄆道之門憂時識治之見往

往如此肘腋之蜂蠆懷袖之蛇蝎是其可以忽乎哉陛下  
近者命發運燕憲合兵財而一其權是將爲滅此朝食之  
圖矣然屯海道者非無軍控海道者非無將徒有王燮數  
年之勞未聞岳飛八日之捷子太叔平符澤之盜恐不如  
此長此不已臣懼爲李成開道地也臣願陛下持不息之  
心求所以弭寇之道則寇難一清邊備或於是而可寬矣  
臣伏讀聖策曰夫不息則久久則徵今胡爲而未徵歟變  
則通通則久今其可以屢更數臣有以見陛下久於其道  
而甚有感乎中庸大易之格言也臣聞天久而不墜也以  
運地久而不墮也以轉水久而不腐也以流日月星辰而  
常新也以行天下之化不息者皆以久也中庸之不息即  
所以爲大易之變通大易之變通即所以驗中庸之不息  
變通者之久固肇於不息者之久也蓋不息者其心變通  
者其跡其心不息故其跡亦不息游乎六合之內而縱論  
乎六合之外生乎百世之下而追想乎百世之上神化天  
造天運無端發微不可見克周不可窮天地之所以變通  
固自其不息者爲之聖人之久於其道亦法天地而已矣  
天地以不息而又聖人亦以不息而又外不息而言久焉  
皆非所以久也臣嘗讀無逸一書見其享國之久者有四  
君焉而其間三君爲最久臣求其所以久者中宗之心嚴

恭實畏也高宗之心不敢荒寧也文王之心無滯于逸無  
遊于畷也是三君者皆無逸而已矣彼之無逸臣之所謂  
不息也一無逸而其效如此然則不息者非所以久歟陛  
下之行道蓋非一朝一夕之暫矣寶紹以來則涵養此道端  
平以來則發揮此道嘉熙以來則把握此道嘉熙而淳祐  
淳祐而寶祐十餘年間無非持循此道之歲月陛下處此  
也庭燎未輝臣知其宵衣以待日中至晏臣知其王食弗  
違夜漏已下臣知其丙枕無寐聖人之運亦可謂不息矣  
然既往之不息者易方來之不息者難久而不息者易愈  
久而愈不息者難斯臨大庭百辟星布陛下之心此時固  
不息矣暗室屋漏之隱試一警省則亦能不息否乎日御  
經筵學士雲集陛下之心此時固不息矣宦官女子之近  
試一循察則亦能不息否乎不息於外者固不能保其不  
息於內不息於此者固不能保其不息於彼乍勤乍怠乍  
作乍輟則不息之純心間矣如此則陛下雖欲久則證臣  
知中庸九經之治未可以朝夕見也雖欲通則久臣知繫  
辭十三卦之功未可以歲月計也淵蛸蠖虻之中虛明應  
物之地此全在陛下自斟酌自執持頃刻之力不繼則懲  
久之功俱廢矣可不戒哉可不懼哉陛下之所以策臣者  
悉矣臣之所以忠於陛下者亦既畧陳於前矣而陛下策

之篇終復曰子大夫熟之復之勿激勿泛以副朕詳延之意臣伏讀聖策至此陛下所謂詳延之意蓋可識已夫陛下自即位以來未嘗以直言罪士不惟不罪之以直言而且導之以直言臣等寧恨無由以至天子之庭以吐其素所蓄積幸見錄於有司得以借王階方寸地此正臣等披瀝肺腑之日也方將明目張膽審察謬言天下事陛下乃戒之以勿激勿泛夫泛固不切矣若夫激者忠之所發也陛下胡併與激者之言而厭之邪厭激者之言則是將胥臣等而爲容容唯唯之歸邪然則臣將爲激者歟將爲泛者歟抑將遷就陛下之說而姑爲不激不泛者歟雖然奉對大庭而不激不泛者固有之矣臣於漢得一人焉曰董仲舒方武帝之策仲舒也慨然以欲聞大道之要爲問帝之求道其心蓋甚銳矣然道以大言帝將求之虛無渺冥之鄉也使仲舒於此過言之則激淺言之則泛仲舒不激不泛得一說曰正心武帝方將求之虛無渺冥之鄉仲舒乃告之以真實淺近之理茲陛下所謂切至之論也柰何武帝自恃其區區英明之資超俗之識謂其自足以凌跨六合籠駕八表而顧如此語忽焉仲舒以江都去而武帝所與論道者他有人矣臣固嘗爲武帝惜也堂堂天朝固非漢比而臣之賢亦萬不及仲舒然亦不敢激不敢泛

切於聖問之所謂道者而得二說焉以爲陛下獻陛下試采覽焉一曰重宰相以開公道之門臣聞公道在天地間不可一日壅闕所以昭蘇而滌夾之者宰相責也然扶公道者宰相之責而主公道者天子之事天子而侵宰相之權則公道已矣三省樞密謂之朝廷天子所與謀大政出大令之地也政令不出於中書昔人謂之斜封墨勅非盛世事國初三省紀綱甚正中書造命門下密覆尚書奉行官府之事無一不統於宰相是以李沆猶得以焚立妃之詔王旦猶得以沮節度之除韓琦猶得有空頭勅以遂內侍杜衍猶得封還內降以裁僥倖蓋宰相之權專則公道始有所依而立也今陛下之所以爲公道計者非不悉矣以黃練戒外戚是以公道責外戚也以裁制戒內司是以公道責內司也以合法用例戒群臣是以公道責外廷也雷霆發赫星日燭幽天下於此咸服陛下之明然或謂比年以來大庭除授於義有所未安於法有所未便者悉以聖旨行之不惟諸司陞補上清宸奎而統帥職級開職起遷亦以賞緣而得恩澤矣不惟姦賊前洗上勞渙汗而選人通籍姦胥道刑亦以鑽刺而拜寵命矣甚至問閭瑣屑之圖訟皂隸猥賤之干求悉達內庭蓋由中降此何等蟻蝨事而陛下以身親之大臣戮於焉奉承風旨之官三省

哉於爲奉行文書之府臣恐天下公道自此墜矣景祐間  
罷內降凡詔令皆出中書樞密院仁祖之所以主張公道  
者如此今進言者猶以事當開出審斷爲說嗚呼此亦輔  
絳告仁祖之辭也朕固不憚自有處分不如先盡大臣之  
慮而行之仁祖之所以諭絳者何說也奈何復以絳之說  
啓人主以奪中書之權是何心哉宣靖間劄劄筆之令蔡  
京坐東廊專以奉行御筆爲職其後童貫梁師成用事而  
天地爲之分裂者數世是可鑒矣臣願陛下重宰相之權  
正中書之體凡內批必經由中書樞密院如先朝故事則  
天下幸甚宗社幸甚二曰收君子以壽直道之味臣聞直  
道在天地間不可一日類靡所以光明而張主之者君子  
責也然扶直道者君子之責而主直道者人君之事人君  
而至於沮君子之氣則直道已矣夫不直則道不見君子  
者直道之倡也直道一倡於君子昔人謂之鳳鳴朝陽以  
爲清朝賀國朝君子氣節大振有魚頭參政有鶴擊臺諫  
有鐵面御史軍國之事無一不得言於君子是以司馬光  
猶得以極守忠之姦劉摯猶得以折李憲之橫范祖禹猶  
得以罪宋用臣張震猶得以擊龍太淵曾覲蓋君子之氣  
伸則直道始有所附而行也今陛下之所以爲直道計者  
非不至矣月有供課是以直道望諫官也日有輪劄是以

直道望廷臣也有轉對有請對有非時召對是以直道望  
公卿百執事也江海納汙山藪藏疾天下於此咸服陛下  
之量然或謂比年以來外廷議論於已有所未協於情有  
所未忍者悉以聖意斷之不惟言及乘輿上勤節貼而小  
小予奪小小廢置亦且寢罷不報矣不惟事闕廊廟上煩  
調停而小小抨彈小小糾劾亦且宣諭不已矣甚者意法  
區區之貂璫論侵瑣瑣之姻婭不恤公議反出諫臣此何  
等狐鼠輩而陛下以身庇之御史至於來和事之譏臺吏  
至於重訖了之報臣恐天下之直道自此沮矣康定間歐  
陽脩以言事出未幾即召以諫院至和問唐介以言事貶  
未幾即除以諫官仁祖之所以主直道者如此今進言者  
猶以臺諫之勢日橫爲疑嗚呼茲非富弼忠於仁祖之意  
也弼傾身下士寧以宰相受臺諫風旨弼之自處何如也  
奈何不知弼之意反啓人君以厭君子之言是何心哉元  
符間置看詳理訴所而士大夫得罪者八百餘家其後鄒  
浩陳瓘去國無一人敢爲天下伸一喙者是可鑒已臣願  
陛下壯正人之氣養公論之鋒凡以直言去者悉召之于  
霜臺爲府中如先朝故事則天下幸甚宗社幸甚蓋大道  
之行天下爲公周道如砥其直如矢自古帝王行道者無  
先於此也臣來自山林有懷欲吐陛下悵然疑吾道之迂

遠且概論乎古今功化之淺深證效之遲速而若有大不滿於今日者臣則以為非行道之罪也公道不在中書直道不在臺諫是以陛下行道用力處雖勞而未逮食道之報耳果使中書得以公道總政要臺諫得以直道糾官邪則陛下雖端冕凝旒於穆清之上所謂功化證效可以立見何至積三十餘年之工力而志勤道遠渺焉未有際邪臣始以不息二字為陛下勉終以公道直道為陛下獻陛下萬幾之暇儻於是而加三思則躋帝王軌漢唐由此其階也已臣賦性疎愚不識忌諱握筆至此不自知其言之過於激亦不自知其言之過於泛冒犯天威罪在不赦惟陛下留神臣謹對

廷試前兩日先生苦河魚且不能食試之日丑寅間強起乘籃輿趨馳道外幾不能支吾至昕諸進士趨麗正門之旁門先生隨群擁併而入頂踵汗流頓覺蘇醒至殿廊恭受御策題就題命意思湧泉運筆如飛所對且萬言未時已出矣或謂有神物者盪滌其中以吐其奇是豈偶然之故哉道體堂謹書

封事

已未上皇帝書

十一月吉日勅賜進士及第臣文天祥昧死百拜謹奉詔

獻書于皇帝陛下臣一介疎賤遭逢聖明猥以庸愚早膺親擢世道悠悠風塵流靡臣於其間蓋嘗感激奮發以為由今之道無變今之俗一日有闕於天下國家之故懼以無辱使令杜門四年讀禮之外蓋未嘗一日不思以自效也乃夏五陛下臨軒策士偶垂記憶起臣於家居進臣於仕籍臣伏被宸命感激不自勝追惟蒙恩之初阻於朝謝北望天路輒奉表以聞伏蒙聖慈許臣詣拜闕下德至渥也臣執道以來不圖國事浸艱邊烽頻頃陛下引咎責躬改過更始召還舊德斥去元姦凡可以當天意回人心者無所不用其至伏惟陛下不自神聖猶親灑宸翰誣布詔書庶幾中外臣庶危言極論以有補於今日之故陛下悔悟之意上通於天下於此感服陛下之勇臣甫及趨謝闕庭兩讀綸音為之哽咽下泣君臣之義與天地並立况臣蒙被厚恩非衆人比使於此時泯泯默默上負陛下內負帝衷尚何以飲食於載履間哉是用不避斧鉞輒奮愚衷條其說以獻惟陛下裁幸一曰簡文法以立事夫貴為天子富有四海垂衣拱手以雍容於穆清之上至尊之體也不幸際時艱難兵革四起俯仰成敗呼吸變故此非用馬上治不濟今國勢搶攘固猶未至如馬上之急然寇入腹心事干宗社陛下為皇皇拯救之謀不得不畧做馬上

治之之意今陛下焦勞於上兩府大臣屯勉於下君臣之間不可謂非日計軍實而中做之者然尊卑闊絕禮節繁多陛下平旦視朝百官以次奉起居宰相搢笏出奏從容不踰時軍國大事此雖陛下日夜與宰相汲汲而圖之猶懼不既謀王斷國之設施尊主庇民之蘊蓄豈能以頃刻交際而究竟之哉陛下退食之暇雖特出內批以與宰相商論宰相又時有奏報以出其寔明然天下事得於面論者利害常決於一言筆墨所書或反覆數百言而不足事機交授寸陰可惜使宰相常有此等酬酢則一事之未固有費其日力者矣其於幾務豈不有所妨哉古者天子之於大臣或賜坐或賜食或奏事至日晏或論事至夜分凡皆以通上下之情爲國家至計也賜茶之典五代時猶有之惟國初范質王溥頗存形迹此事遂廢陛下莫若稍復古初脫去邊幅於禁中擇一去處聚兩府大臣日與議軍國大事陛下賜之款密親是非可否於其間教議惟允則三省晝時施行上下如一都俞嗷咈之間必將有超然度外之舉天下何事不可爲何難不可濟至於除授尤有關繫且如近者重臣建圖之事方帥海門隨遷建鄴甫鎮建鄴又進上饒布置變換如奕棋然卯詔辰行奔命不給大者指畫之如此小者遷徙之更無人無定志事無成謀當

此艱危豈不誤事繼自今始陛下宜與大臣熟議某人備其職某人任某事人物權衡當而後用朝廷命令莫而後發如此則觀聽者不至皇惑驅馳者不至遲回人知其令出惟行則無輕朝廷之心士大夫知其可以展布四體則鞠躬盡瘁而無觀望其於國事厥非小補又如用一人也或出於陛下之拔擢或出於宰相之啓擬中書已費行移後省方及書讀或有不當又至繳駁比其不繳駁也則書黃徑下其人徑受命矣臺諫始從而有所指陳是致國論紛紛而內外職守遷移如傳舍施之平時雖有體統用之今日恐畏事機臣愚以爲陛下宜做唐諫官隨宰相入闕故事今給舍臺諫從兩府大臣日入禁中聚議其有不可應時論難不使退有後言如此則國事無聚訟之譏宸命無又汗之失事會無濡滯蹉跌之悔豈不簡便易行哉若夫中書乃王政之所由出宰相之重又天子之所與論道經邦而不屑其他者也今宰相來於倉卒之中而制千里之難立於敗壞之後而責一旦之功此雖敏手不能以大有爲須是博采四方之謀旁盡天下之慮而後不僨於事則閱軍期文書填委叢積宰相以其開誠布公之歲月弊弊焉於調遣科降之間侍從近臣且日不暇相接矣諸君亮以區區之蜀抗衡天下十分之九究其經濟大要則曰

集衆思廣忠益今衆思不暇集忠益不暇廣宰相不得已竭其一心役其兩耳目日與文書期會相尋於無窮此豈其才之不逮哉我朝三省之法繁密細碎其勢固至此也柳宗元有言失在於制不在於政爲今之計惟有重六部之權可以清中書之務今六部所司絕是簡省其間長貳常可缺員莫若移尚書省六房隸之六部如吏部得受丞相除授之旨而行省劄兵部得稟樞密調遣之命而發符移其他事權一做諸此而又多置兩府屬官如檢正都承之類使知省事者置一員知准事者置一員知諸路事者置若干員兩府日與其屬劇切講畫以治此寇而文書行移不與焉如此則大臣有從容之暇可以日見百官以及四方賢俊酬應簡則聰明全心志壹則利害審塞禍亂之路開功名之門當自此始惟陛下思之二日做方鎮以逮守今天下大患在於無兵而無兵之患以郡縣之制弊也祖宗矯唐末五代方鎮之弊立爲郡縣繁密之法使兵財盡闕於上而守令不得以自專昔之擅制數州挾其力以爭衡上國者至此各拱手趨約束捲甲而歲之傳世彌久而天下無變然國勢由此浸弱而盜賊遂得恣睢於其間宜靖以來天下非無忠臣義士強兵猛將然各舉一州一縣之力以抗寇鋒是以折北不支而入於賊中興之臣識

循環救弊之法蓋有建爲方鎮之議者矣失此不圖因循至今日削弱不振受病如前及今而不必變臣不知所以爲善後計矣今陛下命重臣建宣閫節制江東西諸州官民兵財盡從調遣廟謨淵深蓋已得方鎮大意矣然既有宣閫又有制司既有制置副使又有安撫副使事權俱重體統未明有如一項兵財宣閫方欲那移諸司又行差撥指揮之初各不相照承受之下將誰適從今日之事惟有畧做方鎮遺規分地立守爲可以紓禍且如江西一路九江與國隆與鄂爲鄰朝廷既傾國之力以赴之姑所不論惟寇之至湖南者已宿堂與此外八州其措置不容苟簡八州之中廬陵宜春最當衝要虜之爲兵其法常有所避避八桂則出清湘避長沙則出衡陽今宜春見謂有兵惟廬陵猶此無備舍堅攻瑕棄實擊虛虜既以此爲得策則夫避宜春而趨廬陵其計將必出於此州縣之事力有限守令之權勢素微虜至一城則一城創殘至一邑則一邑蕩潰事勢至此非人之愆若不別立規模何由戡定禍亂臣愚以爲莫若立一鎮於吉而以建昌南安贛隸之立一鎮於袁而以臨江撫瑞隸之擇今世知兵而有望者各令以四州從事其四州官吏許以自辟見在任者或留或去惟帥府所爲去者今注別路差遣其四州財賦許以自用



自交事一日始其上供諸色窠名盡予帥府交事以前見未解數目亦許截留其四州軍兵見屬伍符者必寡弱而不振見行團結者必分散而不齊許於伍符團結之外別出措置收民丁以爲兵彼一州之緊急者得三州稍寬緩之力以爲之助三州之寬緩者得一州當其緊急而無後愛不出二三月如吉如來其氣勢當自不同倣此而行之江東廣東無不可者夫郡縣方鎮之法其未皆有弊所貴乎聖人者惟能通變而推移之故郡縣所以矯方鎮之偏重方鎮所以救郡縣之積輕今郡縣之輕甚矣則夫立爲方鎮之法以少變其委瑣不足恃之勢真今日之第一義也陛下一日出其度外之見不次拔數人之沈鷲英果者委以數鎮俾各爲國家當一面則郡縣之間文移不至於太密事權不至於太分兵財得以自由而不至於重遲而不易舉旬月之間天下雷動雲合響應影從驅寇出境外雖以得志中原可也尚何惴惴宗社之憂哉三曰就團結以抽兵抽兵之說臣前已開其端而其節目未悉也請再陳之夫取兵於民周井田唐府兵之遺法也今使者四出分行營陣俾各處團結以自爲鄉井之衛疾行之中此亦庶幾善步者然而無益也近時朝廷以保伍爲意官府下其事里胥爲里胥者沿門而行執筆以抄其戶口曰官命

而各爲保伍也已而上其藉於官又從而聖通塗之壁取其甲分五五而書曰保伍如古所謂保伍者如此而已臣居廬陵往往有寇警則鄉里又起所謂義丁者一日隅總擊柝以告其一方曰寇至毋去諸而等各以某日聚某所習所以守望至其日也惟牛醞酒以待隨其所表信其所持從而類編爲之伍一匝乎村墟井落之間翕然而聚忽然而散則義丁者又止如此而已今朝廷命使以團結州縣奉旨而行後計其規爲布置當有加密於臣所言者然某所若干人某所又若干人屬邑合狀帳申郡府郡府合狀帳申朝廷計其數目當自不少然其分也散而不一其合也多而不精故當其分則鄉村無以通於鎮市鎮市無以通於城郭虜突如其來彼一方者力不敵勢不支老弱未及棟教閤未及施雖有金鼓旗幟之物而未知坐作進退之節也雖有城池山澤之險而未知備禦攻守之方也且民之聚也使之自峙其糧自備其飲食則有所不能仰於官則無以給也有以給則又不能久也臣故曰無益也夫前所謂或千人或數百人此隅總一日能辦也今建言者不察其聚之易而用之難增兵之有名而拒寇之無實乃欲視其團結之多寡升降共官賞以爲勸且意其一日之急或者可驅而他之賈誼有言昔非事實知治亂之體者

也陛下忱能委數州立一方鎮莫若俾爲帥者就團結之中凡二十家取其一人以備軍籍一郡得二十萬家則可以得一萬精卒例而行之諸州則一鎮新兵當不下二三萬州郡見存之租賦可以備兵食見存之財利可以備軍需古人抽丁之法或取之三家或取之五家今官收其米以就爲養收其財以就爲用既食其力不當又重役其人惟於二十家取其一則衆輕而易舉州縣號召之無難數月之內其事必集爲帥者教習以致其精鼓舞以出其銳山川其便習也人情其稔熟也出入死生之相爲命也鋒鏑之交親相識而聲相應也如此兵者一鎮得二三萬人當凜凜然不下一敵國今諸路列鎮則精兵雖十餘萬可有也太祖皇帝南征北伐所至如破竹計其兵曾不滿二十萬使吾於諸閩之外別得十萬精兵則何向而不可哉或曰國家經常皆用供德州縣財賦各有稟名今上流之兵未解江淮之魏如故使移此事力以給方鎮之兵如諸閩何嗚呼擇害莫若輕擇利莫若重臣蓋籌之審矣夫京湖之路旣梗則雖欲潛運而舟楫不能以前江廣之備旣虛則雖有財賦而土地不能以自保與其束手無措以委輸於虜孰若變通盡利以庶幾虜之可逐也且夫江廣既全則吾之境內其惟正之供者尚多也陛下撫此厄運不

得不勉自節縮曲爲通融多方以濟諸閩之急支吾年時寇必就盡然後一正吾之郡縣一復吾之經常未晚也不然殆未知其所終惟陛下深思亟圖之四曰破資格以用人本朝用人專守資格祖宗之深意將以習天下之才世雖有賢明忠智之人英偉奇傑之士亦必踐歎之多泯歷之熱積勞持久而後得至於高位養成遠大之器消弭僥倖之風人才世道胥有利賴然其弊也有才者常以無資格而不得遷不肖者常以不礙資格法而至於大用天下卒有變不肖者當之而有才者拱手熟視夫是以常遺國家之憂臣嘗見數年以來邊陲之間偶缺一帥陛下徬徨四顧弄印莫屬揆排應急不得已常取監司之風力者爲之趙魏老不可以爲滕薛大夫陛下非不知其然也他人資格或有未及而彼適可得之雖其才具容有不逮然猶意境外無事以幸其不至於敗缺比其敗缺則倉皇變易常至於失聲色而後已嗚呼此平世拘擊之弊也今天下事勢潰決已甚一有蹉跌事關存亡百夫不可輕擇將一壘不可輕畀守况其重者乎今自朝即以上凡內之御監侍從外之監司郡守紫朱其綬唱喝車蓋而出者不知幾人使其中果有非常之才堪任將帥則是望實既優資格又稱一日舉而置之萬夫百將之上誰曰不然然臣意陛

下之未有其人也則夫宗社安危之機不可輕決於庸人而有資格者之手世之能辦事者固多矣三辰不軌拔士爲相發夷猾夏技卒爲將事固各論其時也今何如時尚拘拘子子於資格之末臣觀州縣之間凡窳底小官馳騁於繁劇之會者蓋甚有之薦引之法浸弊於私而改官之格率爲勢要者所據孤寒之中獨無可任大事者乎三歲一貢士碌碌成事者衆而氣槩才識望于鄉里曾不得一名薦書抱膝隆中杖策軍門固皆從掖章甫之流也夫今日之士他日之官也今日之小官他日之爲公卿者也天下有事凡能擔當開拓排難解紛惟其才耳固有明知其人之有才而拘於資格之所不可則亦姑委棄之此豪傑之士所以痛心疾首於世變之會也陛下如建立方鎮收拾人才臣願明詔有司俾稍解繩墨以進英豪於資格之外重之以其任而輕授以官俟其有功則漸加其官而無易其位漢唐法度疎闊其一時人才常凋儻不羈本朝以道立國以儒立政則亦無取乎爾然至於今日事變叢生人物落落奈何不少變之哉至如諸州之義甲各有土豪諸峒之壯丁各有隅長彼其人望爲一州長雄其間蓋有豪武特達之才可以備總統之任一曰舉之以爲百校之長則將帥由是其選也其穎異通敏者引之於帷幄擢阻

之密又從而拔其尤者委之以人民社稷之重則人才不可勝用也至如山巖之氓市井之靡刑餘之流盜賊之屬其膽勇力絕足以先登其智辨機警足以間謀使僉使愚使詐使勇則群策群力皆吾屈也昔之方鎮食其土地用其人民拊循其士大夫馳策其蹶弛之士故雖以區區之地常足以與天下爭雄今雖未至於此然陛下髻髻而行之則吾規模意氣固已一變前日之弱矣惟陛下熟計之幸甚夫古之爲天下國家者常有敵國相持之憂然而立乎四戰之衝雖將刃兵潰屢起屢仆而其國終不可動由卓然有所立故也今陛下奮發神斷赫然悔悟所以洗舊汗更宿弊如雷霆風雨交馳並至而不可禦陛下亦求所以爲自立矣而未得其方也自立之方臣前所獻之數條是已雖然臣意陛下未之能行則有說也何也悔悟之意未明也奸人當國指天下能言之士謂之奸名諱競使奸名諱競者常在朝廷則清議之福陛下必及受用事應不至今日惟浸潤膚受爲毒已深而後陛下之人才盡逐陛下今既悔悟矣然鋒車所召率未及前日擯棄流落之人或謂陛下猶有畏其不靖共之意夫今日之禍亂靖共之報也陛下猶有愛於貌爲靖共者邪此悔悟未明之一也三數年前縉紳之能出臆論事者既爲奸人所屏學校之士

猶叩閭臺臺不自已奸人疾其爲害已也託名學法重致意於禁上書之一條而後陛下之言路盡塞陛下今既悔悟矣然食肉之徒未有能出一語以救陸遲之禍惟學校不憚懇懇以爲言彼其所陳固有未盡切實者陛下何不擇其善者而施行歟此悔悟未明之一也今有人焉陷於酒色湛溺而不自知元氣日耗蝕於內容邪日衝擊於外四肢百骸幾至解体一日條大悔悟自創其酒色之愆而使爲朋友僕御者各得以勤攻己之短其爲身謀幾晚矣然知湛溺之爲病而猶諱其所從來則是病根固在也人非不知愛身彼諱病根而不肯決去者說其小而忘其大也陛下所以救社稷重於救身則夫病根所在何所顧惜而不去歟高宗皇帝以麥飯豆粥之苦植立東南百四十年丕天之休加用力焉不幸比者中外怨叛吾之赤子自延寇入室謀危國家蓋至今日遠近爲之荷擔宗社幾於綴旒天下之人追咎其失以爲聚斂之過而聚斂之事通國憤然怒罵以爲倡於陛下左右之人夫此一人者竊獨威權上累聖德其凶談威惡蠹國害民者臣不能具數獨其攘臂聚斂招集奸凶爲陛下失民失土以貽宗社不測之憂者其罪莫甚焉趙簡子命尹鐸爲晉陽尹鐸曰繭絲

乎保障乎簡子曰保障哉古之爲天下計者不屑於其小而惟遠者是圖不快於目前之求而常恐其一朝之患故雖簡子區區之大夫尹鐸區區之小吏其所規爲借及於此國家之大不可以田舍翁自爲也後之人君思以富雄天下固有時出其聚斂之術然猶繭絲自繭絲保障自保障何物刑餘爲謀不減率天下以共向繭絲之的而保障之地亦不得免焉繭絲之毒不可忍而後保障之禍不可爲陛下問者屢出內帑金帛分給諸司期有救於難然調度方殷兵革又不得息前日聚繭絲之得未什伯今日救保障之費蓋千萬億緡而未有已也嗚呼誰生厲階至今爲梗向使此人者不以聚斂斷伐祖宗涵洪寬大之仁蠹賊陛下神明英武之德則必不妄籍民財以入脩內司必不豪奪民產以實御莊必不諧價西園以布中外貪醜之寵必不交通南牙以開朝廷汚濁之門如此則奸人必不得竊據相位徧置私人如此則疆禦掎克之流必不得齒於縉紳玷於節鉞如此則各郡有賢守各路有賢監司必不侵漁以交結北司剝割以應奉內獻民心必無變宗社於此曾不知是數年間外之監司郡守求爲交結應奉而一切不卹以失吾民戴宋無二之心者所在有之江間之

事偶著爾今論者追訟江閩之罪死有餘責則夫使士大夫買買焉爲聚斂重失人心激天下以各懷怨叛如臣所指之人者一死詎足道哉且夫奸人之入相也使非此人者與之相爲表裏以揜陛下之聰明密爲游揚以開陛下之信用則賢者必不以好名中傷言者必不以諱競逐去學校之持公論者必不以諛橫得禍士大夫之秉直節者必不以貪贓加罪朝廷清一言路光明邪人何自而赫張民瘼何自而壅隔人離而陛下何以不覺寇至而陛下何以不知彼其依憑陛下恩寵以爲奸人與主故顛倒宇宙濁亂世界而得以無忌憚使陛下今日訟過於天地負媿於祖宗結怨於人民受侮於夷狄則豈獨一奸人爲之哉原情定罪莫重於與主而奸人次之莊周曰立莫憐於志鏤錙爲下言刺人而殺之不在於手而在於心不在於鋒而在所以用其鋒者奸人則鏤錙也與主則志也方今國勢危疑人心机裡陛下爲中國王則當守中國爲百姓父母則當衛百姓且夫三江五湖之險尚無恙也六軍百將之雄非小弱也陛下卧薪以厲其勤斫柴以奮其勇天意悔禍人心歛慄寇逆死且在旦夕或謂其人者鋪張驚憂以沮陛下攘寇之志處分脆弱將誤陛下爲去邪之行居前日則曰我能爲君充府庫以盜其權居今日則獻其小

心出其小有材使陛下意其緩急可恃以固其寵向非陛下參酌國論堅凝廟謨爲效死不去之計則一日嘗試其說六師一動變生無方臣恐京畿爲血肉者今已不可勝計矣小人誤國之心可勝誅哉臣愚以爲今日之事急矣不斬董宋臣以謝宗廟神靈以解中外怨怒以明陛下悔悟之實則中書之政必有所撓而不得行賢者之車必有所忌而不致至都人之異議何從而消敵人之心膽何從而破恃士忠義之氣何自激昂軍民感泣之淚何自奮發禍難之來未有卒平之日也千金之家得一僮奴稍足以稱其私雖害于而家未忍亟去况其人給事之歲月已深乞憐之懇款已熟陛下性資仁厚亦豈忍遽甘心焉然宗社之事重左右之恩輕靈民誤國之罪深承顏順色之愛淺伏惟陛下以宗廟社稷之故割去私愛勉從公議下臣此章付之有司暴其罪惡明正典刑傳首三軍以徇如此而天下不震動人心不喜悅將士不感泣而思奮虜寇不駭愕而謀還是人心天理可磨滅也是天經地義可斷盡也臣所不信臣嘗讀諸葛亮出師表輒捲卷哀憤悲其用心亮之言曰宮中府中俱爲一體陟罰臧否不宜異同若有作姦犯科及爲忠善者宜付有司論其刑賞以昭平明之治亮將獎率三軍北定中原攘除姦凶興復漢室其

於官府之政宜若無與而獨區區以此爲先者良以社稷安危之權國家存亡之故不在於境外侵迫之寇而內之陰邪常執其機牙此亮之所以深權內外本末之理而先窒其禍亂之源也今臣上自朝廷下至州縣所以分畫其規模纖悉其經緯以上勸尊夏攘夷之一畫者已畧備矣而臣獻其狂愚於未猶有感於亮之所言區區劣功何敢引亮爲證顧所以忠君愛國之心則亮之爲也臣非不知疎遠之人指陳無狀干犯天誅罪在不赦且使幸赦之不誅則左右之人仇疾臣言亦將不免然臣所以不顧危亡寧以身犯不測之鋒者義命之際臣固擇之精矣方今社稷震動君父驚虞此所謂危急存亡之秋臣委質爲臣與國同休戚親見外患如火燎原而內寇又復植根固流波湧則禍難無涯臣死亡正自無日與怵迫於權勢之威憂疑於一己之禍禁口結舌以坐待國家之難而後死孰若犯死一言感悟天聽如陛下以爲狂妄而誅之臣固已自分一死萬一陛下察臣之忠行臣之言以幸宗社則臣與國家同享其休榮等死之中又有生路此臣所以齋咨涕洟望闕懇悃而不能自己也臣昌瀆天威頌越震懼謹肅素私室以俟威命之下臣無任瞻天望聖激切屏營之至不備臣某昧死百拜上

此先生開慶己未伏闕書也先生丙辰狀元及第乃稷陵親擢舊例三魁唱名罷賜袍笏謝恩入幕賜御饌進謝恩詩出賜席帽於闕門外上馬迎入期集所者又名狀元局官給錢物供張皂隸等於此所聚同年待賓客刊題名小錄賜聞喜宴進謝宴詩如此者一月然後率榜下士詣闕門謝恩謂之門謝門謝後命之初階內狀元授承事即僉書某軍節度判官廳公事至後一科放進士榜則前一科狀元召入爲祕書省正字名曰對花召此舊例也先生入期集所數日嚴侍有疾即請告還即侍藥未幾乃有失怙之變即持服扶柩歸里服除開門度日後一科當對召日始除僉書某海軍節度判官廳公事蓋先生未除官而即持服故除初階先生上請未敢受官乞行門謝禮奉旨允已未冬造朝門謝適有江上之警應求言詔上此書不報而歸未幾又除僉書鎮南軍節度判官廳公事先生上請乞奉官觀香火以安分守除中管建昌軍仙都觀未幾除祕書省正字諱辭云倫魁登瀛故事也然始進大率以虛名旣久乃知其實踐爾則異是初以遠士奉董生之對繼以卑官上梅福之書天下誦其言高其風知爾素志不在溫飽麟臺之召其來何遲語有云見大名難又云保晚節難爾

其厚養而審發之使輿論翕然曰朕所親擢敢言之士可陞校書郎又陞著作佐郎兼景獻太子府教授值巨闕董宋臣再出用事於是上章極論遂出知瑞州此章見於後今畧叙其槩云道體堂謹書

癸亥上皇帝書

七月吉日具位臣文天祥謹昧死百拜獻書于皇帝陛下臣賦畀末學天賦樸忠遭逢聖明早塵親擢已未之夏陛下延策多士記憶微臣俾佐京兆尹幕時臣不敢拜恩乞行進士門謝旨令赴闕其冬實來行禮適值寇難方啟江上勝負未決而全宋衡且破于特京師之勢危如綴旒上下皇皇傳誦遷幸臣得之目擊忱恐六師以一朝而動京杜之事關係不細采之公論則謂寇禍起於儉壬之聚歛而儉壬用事則主於董宋臣至於遷幸一事宋臣張皇處分尤駭觀聽事勢至此死且無日臣忠憤激發叩闕上疏乞以宋臣尸諸市曹以謝生靈荼毒之苦指陳觸忤自分誅斥出關待罪不報亟歸山林側聽聖裁臣章雖不付出施行而竟亦不坐臣以罪非惟免於罪而已改命洪幕從欲與祠又寵綬之臣嘗以爲區區父母之身既委而徇國矣陛下赦而不誅臣之再有此身是陛下賜之也感激奮發常恨未有一日答天地之造前冬誤辱收召昇以館職

曾未幾時進之以著庭寵之以即省臣之取數於明時者益以過多共惟聖德日新朝無闕事臣得從事鉅斯悉意科條以無忘靖共爾位之訓忱幸忱荷茲者條讀報狀宋臣復授內省職事臣驚歎累日不遑寧處繼傳御批海界蕪職且使之主管景獻太子府臣備員講授實維斯即此人者乃爲之提綱當其覆出臣自揆以義且無面目以立朝况可與之聯事乎請命以去臣之分也然臣端居深念託故而去謂之潔身可也陛下未嘗拒言者言而當於可陛下未嘗不行臣不言而去則於事陛下之道爲有未盡是用不敢受於言伏惟陛下鑒臣之衷而幸聽焉臣伏讀國史竊見孝宗皇帝所以待贊御者終始之際恩威甚明臣嘗以爲自古人主寬仁莫如孝宗英斷亦莫如孝宗方曾觀龍大淵輩用事周必大言之龔茂良言之劉度言之鄭繼衷極言之言者日以盛而孝宗假以恩寵未嘗爲之少衰孝宗豈弗諫者哉聖心寬仁未忍驟有所加也比其招權弄勢日益翕赫小心謹畏之態昵昵於前者迄不能掩其陰私傾險之迹或以見踈死或以坐罪廢英斷如此豈以寬仁而遂失之姑息哉開國承家小人勿用聖子神孫一守是法共惟皇帝陛下以聰明操制萬幾以神武經緯六合四十年間凡經幾大禍亂幾大驚危絃重新整頓功

業逐日以新聲名隨風而流尚論聖德三代以下之英主未能或之先也神明之下侍御僕從罔匪正人旦夕承弼厥辟固其所也惟是宋臣兇鷲慘毒不可嚮邇陛下曩以其小有才而假借之小人不足大受倚恃權勢無所不至戊午已未間天下拭目共欲甘心臣冒死先爲陛下言之陛下於此時猶有徘徊顧惜之意未即加罪也而縉紳學校交疏其惡伏闕投匭殆無虛日陛下始豁然大悟奪其大阿屏置畿郡中外鼓舞歌誦盛德臣妄謂陛下之寬仁全似孝宗陛下之英斷亦全似孝宗漢家自有制度固應如是詩云維其有之是以似之雖然陛下稟天地中和之含氣懷帝王忠厚之上傳寬仁英斷雖並行而不相悖二者分數寬仁較多是以如此人者遂得以生全於覆載之內尋醫之旨未幾朝請之命復下今者又使之內居要地曰親宸光惟至聖爲能寬裕有容有如此者然臣嘗聞之惟仁者能好人能惡人蓋仁則無私無私故能好能惡聖人豈專以博愛爲仁哉漢唐宦官之禍其後至於濫觴而不可救推原其初則起於時君一念之不忍是故古人之防微杜漸不敢忽也語曰往者不可諫來者猶可追宋臣前此誤國之罪陛下既赦之而勿問矣臣何敢追尤往事上瀆聖聰獨爲方來計則斐紉之憂不能忘情焉夫以陛

下聖明在上孤雛腐鼠亦何敢盡舞夜號少作喘息其人心性殘忍群不肖所宗竊恐復用之後勢酸肆張拔根既深傳種益廣末流之禍莫知所屆近者陛下親製十四規不哉聖謨爲萬世計甚悉宥如此事獨可以爲小故無與於貽謀而閭畧之哉宋臣之爲人臣實疎遠亦安能以盡知之惟是天下之惡名萃諸其身京國間巷無小無大輒以董閻羅呼之陛下之左右使令亦衆矣此名不歸之他人而惟此一人是歸則豈不召而自至也哉陛下母以其退然謹愿而謂其未必怙威生事也母以其其言卑詞而謂人言爲已甚也千金之家強奴悍僕恣橫閭里至其服役於主人之前固亦未嘗不小廉曲謹而可信也此事雖小可以喻大陛下儻察及此則亦何愛於此一人而閔惜英斷以重遠天下之心哉伏望陛下稍抑聖情俯從公議縱未忍論其平生之惡以寘之罪亦宜收回成命別選純謹者而改畀之失一兵得一兵於國家事夫亦何損于以厭人心之公予以示來世之法予以防天下之禍於未然今聞今望苑子無疆臣子之願莫大於此臣實何人輒上封章以仰及於萬乘之所親信蚍蜉撼木自速齏粉可謂愚甚然臣方備位中朝使其以厚祿糊口坐取遷擢豈不得計而臣子所以事君正義謂何世道升降之大幾國家



利害之大故柰何坐而視之噤不發一語上負天子下負所學貽無窮羞此臣所以不敢強顏以留亦不敢詭辭以去忘其嬰觸不測之危以冀陛下萬一聽而信之臣言得行宗社之利也臣之榮也如臣之積忱未足以仰動天聽坐受斧鉞九隕無悔謹杜門席藁以聽威命之下臣無任望闕瞻天激切屏營之至不備臣昧死百拜

### 輪對劄子

臣早以書生遭遇先皇帝親擢事先皇帝垂十年恨無涓埃補報天地陛下龍飛繼運移忠以事聖明末肩乃心臨鑒在上比若臣來自外藩待罪戎監陛下親御宸墨進之經筵臣學殖凋蕪循墻無路自入侍趨厦切見天顏粹穆聖性謙虛雖如草茅之愚時賜訪問臣感激殊遇亦既得以悉數於前矣猥當轉對伏念臣職在講讀今日聖學關天下治忽不細輒因封事畢吐其衷臣聞聖人之作經也本以該天下無窮之理而常足以擬天下無窮之變天地無倪陰陽無始人情無極世故無涯千萬世在後聖人亦安能預窺逆觀事事而計之物物而察之然後世興衰治亂之故往往皆六經之所已有凡六經垂監戒以爲不可者小犯之則闕安危大犯之則殃存亡如赴水火之必斃如食葦葛之必毒是何哉聖人知有理而已合於理者昌

處於理者僣所貴乎帝王之學惟能不悖乎六經無蹈乎其大戒而已嗚呼聖人所以爲萬世慮者豈不甚智所以爲萬世戒者豈不甚仁矣哉書曰民可近不可下予視天下愚夫愚婦一能勝予而後世猶有以民爲黔首以覆其宗爲天下笑者書曰內作色荒外作禽荒詩曰亂匪降自天生自婦人而後世猶有昭陽華清霓裳羽衣以階漁陽之禍者書曰謹乃儉德惟懷求圖又曰不作無益害有益不貴異物賤用物而後世猶有葡萄天馬甲帳翠被以致四海蕭然者臣嘗歎夫自聖經以來時君不聞大道之要生人不被至治之澤秦至五季千數百年間犯六經之顯戒者相望史冊聖人立爲大經大法以幸萬世藐然未有聞焉豈不惜哉惟皇上帝界矜斯文孔孟微言至我朝周程張朱始大闡明如蒙斯發先皇帝表章四書尊禮儒先爲往聖繼絕學爲萬世開太平穆考之廟稱爲理宗陛下親得精一之傳而日就月將緝熙于光明斯道斯民解后千載先皇帝欲爲唐虞三代之治殆留與陛下使了此事臣觀陛下自踐柞以來畏天尊祖親親仁民敬大臣體群臣尊其所聞行其所知何往非學今朝廷清明官府齊一大法小廉罔越厥志不可謂不治矣然臣切惟去年寒煥失常四方或以旱告今年星文示變雨雹見妖近者積陰

為寒皆名咎證漢人縱閉之學必謂一證主事臣不能曉此但即其影而想其形因其流而疑其源豈人所不知已所獨知之也陛下猶有當反之六經者乎陛下日御經筵正道正言嘗接于耳而又內庭不廢觀書傳曰多識前言往行以蓄其德陛下蓋有之矣臣愚更願陛下虛心體認切已省察每論一義善可以為法即驗之身曰吾嘗有是乎無則勉之每說一事惡可以為監即揣之心曰吾嘗有是乎有則改之言則慮其所終行則稽其所敝豈惟制治于未亂保邦于未危充道學之用經綸天下之大經範圍天地之化而不過行而帝行而王以卒先帝主張道統之事業臣何幸身親見之哉書曰兢兢業業一日二日萬幾夫一日二日之間亦未至即有萬事然一事不謹則萬事之幾自此而兆故撥亂本塞禍源無一息不當用功兢兢業業所謂必有事焉者也惟陛下留神

內制

擬進御筆 為馬丞相總劄書上奏留平章

書曰三人占則從二人之言蓋占取其同自二人之間推之卿主庶民無往不同者師相欲去三府以為不可去是千萬人皆以為不可去矣朕自師相有請寢食不為安朕必不能遠衆心師相亦必不忍違朕心嗚呼尚鑒時忱末綏在位師相其聽之哉所請宜不允

又擬

周公相成王終身未嘗歸國孟子嘗齊世不合故致為臣蓋常情以去就為輕惟大臣以安危為重苟利諸國皇恤其身若時元勳為我師相先帝付託大義所存太母留行前言可覆胡為以疾而欲告休惟醫藥所以輔精神惟安身所以保國家古者之賜几杖雖當七十而不得引年我朝之重辯章雖過九旬而尚使為政勉釐重務勿因眇懷所請宜不允

此先生直翰林院時代言一二也留平章二批已進呈御前賈似道有聞嫌所擬無過褒之辭且怒不先呈已諷諭別直院官改作進呈批出竟不用先生所擬先生即引先朝楊大年為翰林草詔以一字不合真宗聖意明且援唐故事學士作文書有所改為不稱職當罷因亟求辭職丐祠引去賈似道以漆木史作字至先生勉留大畧云直院援楊大年故事豈非亦有大年性氣邪如此者在先朝以為異後來皆以為常近日為王二直院所擬未嘗不反覆更定既曰天子私人又豈不通商量只如每年春帖自有二等忌諱字面上每令似道論詞臣再三改定諸公亦惟知謹承上意直院特未知之耳幸不必過為突兀而有邀心至叩率幾台照先生貼

名繳還來槩又上第二章力丐祠東擔出國門而臺疏

罷命出矣先生有詩曰當年祗爲青山誤直草君王一

詔歸是也道體堂謹書

擬冊立皇太子文

皇帝若曰朕弗克于德嗣先人宅丕后三十有七年夙興  
夜寐休惕惟厲懼無以追配于前猷自底不類迺季秋將  
有事明堂思惟皇天全付于有家繼繼承承於千萬年祖  
宗在天眷相惟茲蔽自朕志貽厥孫謀于一人有辭郊廟  
神祇祖考將安樂之皇帝曰猷具官皇子某爾忠孝豈弟  
少如夙成朕用疏爾王封衍爾賦畝欽迺服命克懋厥德  
惟爾休昭事有嚴俾爾圭鬯薄海內外罔不咸一其冊爲  
皇太子改名某鳴呼厥惟我前人造天丕基創守惟艱哉  
天難誕命靡常民罔常懷懷于有仁戒之哉爾惟親正人  
學于古訓罔遊于盤罔淫于逸罔以非道孫志罔以古之  
人無聞知尊德崇道由仁義行乃若特守宗廟社稷以爲  
祭主天地神人無疆惟休朕不失爲知子爾亦有令名於  
戲欽哉

文山先生全集卷之三終

文山先生全集卷之四

文集

表牋

門謝表

臣某言伏準省劄五月二十八日三省同奉聖旨文天祥  
添差簽書寧海軍節度判官廳公事仍釐務臣以賜第之  
初未經門謝未敢祗拜劄命申乞指揮續準省札七月十  
一日三省同奉聖旨今朝謝訖之任臣謹遵奉旨揮詣闕  
庭朝謝者御大廷而發策式廣旁招奉清問以摠忠誤承  
親擢尚阻紫宸之謝邊叨黃紙之除曠世遭逢瞻天感激  
臣切以賓興下詔同天地宗祀之彝科舉取人造化爵賢  
之柄豈曰利人才之進取其間實天道之流行肆萬乘之  
臨軒受諸侯之貢士占小善者率以錄成造在廷取一人  
焉拔其尤必有名世豈應庸瑣可在蒐羅臣稟質既凡聞  
道猶淺才非洛陽之年少偶玷薦書學非廣川之大儒遽  
塵舉首自叨異數亦既三年回思臚唱之蒙恩莫與鳧趨  
而奉表有懷就日無路賤天方傍徨於丘園乃寵綬其祿  
秩輒請展爲臣之禮幸許脩詣闕之恭茲益伏遇皇帝陛下  
德體乾行道符常乂世更三紀遠追成周式化之風歲  
啓後庚近接藝祖開基之運凡際風雲之會咸依日月之  
光遂令一介之姓名亦破九重之記錄臣敢不誓堅素守

勉企前修自揆讀書非為平生溫飽之計願言竭節用副  
上心忠孝之期臣無任瞻天望聖激切屏營之至謹奉表  
陳謝以聞

湖南提刑到任謝皇帝表

帝宸敷命昭關四門天牧播刑誤頒一節申以過驅之旨  
疇茲已試之庸周隲載馳漢條具布伏念臣本無他技惟  
有孤忠兩朝特達之知洊塵清要十載行藏之跡祇自悔  
尤雲雷之義方屯天地之心已復當元日達聽之始在皇  
華遣使之中聖恩靡許於祝釐臣職敢稽於行道瞻蓋高  
而下耳冀用舉於折肱茲蓋恭遇皇帝陛下道協重華仁  
周四表崇德廣業合乾轉坤翕之功折獄致刑得震動離  
明之用遂令承乏復忝司平臣敢不祇若咨詢對揚欽恤  
陳時集事尚弘康乂之圖受王嘉師求迪明清之訓

謝皇太后表

司平楚甸命出嚴宸告至周原恩歸慈極致敷教訓仰謝  
微音伏念臣一介寒微兩朝知遇傾葵向闕初無補於使  
令啜菽杜門祇自深於觀省當元日會同之始拜公朝扶  
拭之仁言遣使臣往陳集事華省過頒於趣旨兼祠竟秘  
於俞音勉臣子之驅馳見吏民而宣布茲蓋恭遇壽和聖  
福皇太后陛下心起有極道合無疆長信怡愉贊爰圖之

曷違大任肅穆開簪籙之隆平宜擇攸司俾敬爾獄臣敢  
不丕承欽恤誕布慈仁又我黎民尚想無刑之治于其王  
母敢忘介福之元

謝皇后牋

君子審官道隆儷極皇華遣使命出治朝德意具宜忱辭  
告至伏念臣疎庸一介遭遇兩朝早綴班行嘗忝金科之  
屬繼秉使傳復塵繡指之行曲成每戴於釐明退食難逃  
於吏議不圖元會復錫恩言攷拭起家往陳時集驅馳在  
道寅奉天威泄止攸司欽哉乃職茲蓋伏遇皇后殿下德  
伴坤地位正家人闕雅之化既行用之天下象魏之法使  
布正自王宮爰取踐更載叨詳讞臣敢不靈承欽恤祇若  
平反無刑以又黎民誕敷聖化式敬以長王國永誦徽音

皇太子生日賀皇帝表

大夏長巖坤二爻之紀季千秋似續震一索之揆初瑞彩  
緣軍歡頌丹衷恭惟皇帝陛下德流芑水業茂蘿園壽富  
多男積善必有餘慶本支百世命吉在厥初生記甲觀之  
瑞分占乙襟之祚遠臣糜身軫墊戴目心星誦億子之宜  
君首歌周雅祝萬年之為父更續唐詩

賀皇太后表

福于王母際南面之昌期天以神孫娛東朝之永日晝堂

瑞節長樂歡聲恭惟壽和聖福皇太后性蘊冲和仁培靜  
蕃思齊所以聖也以御于邦彞斯宜爾孫兮克開厥後皇  
皇穆穆繼繼承承臣迹滯賦原心馳鳳闕本支百世播絲  
篈之聲詩怡愉萬年行舍飴之福慶

賀皇后殿

坤后廣生式協二爻之月震男揆度載逢一索之期慶衍  
蘿圖喜充椒掖恭惟皇后殿下道柔配地德厚承天以御  
千家爲今京室之婦則樂有子如古周南之風百世本支  
萬年福祿臣迹縻牲戀心賀燕謀占斯千之詩已符吉慶  
美思齊之德益嗣徽音

皇子進封左衛上將軍嘉國公賀皇帝表

乾父垂仁茂積蘿圖之慶震男鍾美肇基茅土之邦百世  
可知四方來賀洪惟昭代爰立親親粵有舊章禮優貴賈  
昉祥符之七載修慶國之初封綺仗分班球珪䟽寵庸表  
人倫之厚適觀王室之疆式于今休監于成憲恭惟皇帝  
陛下福培周厚和緝堯雍寶曆無疆方萬年而受祜金枝  
有煒期億子以宜君錫以嘉名渙其大號地營東井詔爵  
五之最穹天拱北辰炳心三之相照克昌厥後長發其祥  
臣有蹇杜駢阻隨虎拜祉歌子施迺陳皇矣之詩道盡君  
嚴願贊家人之易

賀皇太后表

東朝保艾方隆堯母之仁西國分茅式篤文孫之慶兩宮  
喜色萬宇歡聲恭惟壽和聖福皇太后陛下德厚慈元神  
怡長樂壽之至也上承視膳之勤宜爾純亨下適舍飴之  
趣瑤池日永玉葉春濃臣迹被繡衣踰瞻絲仗于其王母  
知介壽之來崇佑我後人頤丕圖之有行

賀皇后殿

坤稱乎母儼家服於椒塗震索而男赫龍光於茅土長秋  
喜色方夏歡聲恭惟皇后殿下含弘承天博厚配地祥鍾  
長發燾商後於有城音繼思齊培文昭於大妣圭瓊焜煌  
於綺仗蒂朱輝映於穉衣臣遠驟華原踰瞻藥殿想宜君  
之穆穆茂對王休侈多子之繩繩載歸后矣

皇女進封同壽公主賀皇帝表

乾見大人道風隆於乾體巽爲長女命爰寵於巽申喜溢  
宮庭歡騰海宇竊惟興君之際必有積善之餘播在正風  
則曰王姬之美陳于小雅是爲女子之祥無非歌福祿之  
同于以表國家之盛恭惟皇帝陛下和順而理溫柔以容  
苞體深仁既茂絲瓜之隄岡陵厚積後培禮李之華始封  
爰遊於嘉名返祉永齊於聖壽臣跡縻使事身陪賀班親  
愛如家造贊人倫之厚肅雍迪教通觀王道之成

賀皇太后表

周家福祿積由任姒之仁堯母聖神親親娥英之慶嘗聞  
盛典海宇歡聲恭惟壽和聖福皇太后陛下南極景光東  
朝基貴有功寶祚既開聖子之傳流澤銀潢矣毓天孫之  
瑞贊初封於沁水同上壽於瑤池臣遠玷皇華陪瞻長樂  
怡愉太后諒承婉婉之娛雍肅王姬益表儉慈之教

賀皇后牋

坤萬物之資生膏蕃慶積巽一索之謂長昉對命申喜氣  
官闈歡聲海宇恭惟皇后殿下關雎孝敬茅茨和平灼灼  
宜家夙範華桃之懿雍雍成德茂鍾穰李之英育然錫沁  
水之封及也同長秋之壽臣遠塵苞杞造聯塗椒風以同  
南仰化原之洵美觀于堯女願毋道之浚明

知贑州到任謝皇帝表

九重選牧錫類天寬千里承流奉親地近昉共侯度丕載  
王休伏念臣某才本空疎分安孤苦身逢盛代夙自厲於  
丹心家有重親晚相依於白髮頃叨漢傳往即楚封何敬  
非刑粗碑審克不違將毋私切懷歸嘗懇懇以陳情甚高  
高之欲從遺蒙異渥特畀近塵繼盼首以趣征已鞠躬而  
祇上祿及一門之微賤恩同大造之生成茲蓋伏遇皇帝  
陛下以堯舜之資行曾閔之道嗣寧王之大歷茲我成功

奉太后之萬年與天齊壽遂使丕求芻之寄亦復共啜菽  
之歡臣敢不老老及人親親為政由家達國期典遜以興  
仁以子移臣寓為忠於為孝

謝皇太后表

東朝鴻慶介壽無疆南國虎符便親有命荷中宸之渙寵  
望慈極以飯忱伏念臣一介迂疎兩朝遭遇昔備殫於敬  
歷無以逾人頃間任於驅馳不違將毋惟內懷於鳥哺遂  
上徹於蟻忱果分二水之應爰易三湘之節惟壤地接故  
可以供菽水之職惟土風習故可以盡芻牧之心自省叨  
喻若為報稱茲蓋恭遇壽和聖福皇太后陛下德光堯母  
功配周姜壽錫萬年享怡愉之福化流四海推慈孝之仁  
遂今下吏之僥榮獲以邇封而就養臣敢不祇承德意誕  
布恩言服膺錫類之詩益崇美化拜手牧民之訓踰贊微  
音

謝皇后牋

慈極承天恩深錫類廉車易地職重分符布聖德之中和  
便親闈之溫清伏念臣起繇孤遠積有迂疎飢饉半生於  
事君而何補驅馳近歲以將母而未能屬為養以陳情荷  
昇矜而從欲三湘納節二水授麾回刺史之車庶乎為子  
揀郡守之檄專以為親僥員實多糜捐肯稱茲蓋恭遇皇

后殿下道隆坤厚德配乾仁大雅思齊媚周姜而穆穆長秋備禮奉漢母以愉愉遂今疎遠之微臣亦效吉甘於便壘臣敢不恪恭侯度茂對王休崇關雎卷耳之風迪惟懿則篤南陔白華之行施及遐萌

壽崇節本州賀皇帝表

天子有親備四海九州之奉封人祝聖同萬年億載之期凡屬昭臨舉同呼舞恭惟皇帝陛下剛建中正緝熙光明燭六合而耀八紘功參天地躋三皇而軼五帝道御家邦紹魏魏蕩蕩之勳蓋尊尊親親之養怡愉誕節光大前聞臣獲布寬條幸逢盛際鸛鷺阻綴莫旒賀於東朝螻蟻傾忱惟仰瞻於南極

賀皇太后表

於萬斯年慈宸有慶誕彌厥月祖佛同生旋冕敬共縉紳舞蹈恭惟壽和聖福皇太后陛下道超太始德厚重坤闕睢周南之風夙陶美化思齊文王之母懋著徽音矜衣初奏於薰絃宮佩畢朝於慈宸親下衣龍之拜載揚韶鳳之音呼萬歲者三歡騰朝野等百世而上福衍子孫臣叨守魚符莫陪駕序我百而爾九十諒喜溢於舉觴心一而臣三千第神馳於拱極

賀皇后牋

太姒之嗣太任星重慈極長秋之朝長樂天介壽祺流慶九霄比隆千古恭惟皇后殿下明章德範陶冶化風大練厚繡訓四方之節儉宵衣旰食脩五位之勤勞肖似徽音婉愉誕序厚符坤地吉萃家人臣迭守遐邦忻逢華旦仰瞻帝闕莫陪振鷺之班下與邦民同被關雎之化

壽崇節兵馬鈐轄司賀皇帝表

天子盡敬事親丕昭瑞節臣下歸策報上同祝脩齡覆載兩朝頌歌四洽恭惟皇帝陛下克勤克儉無慮無荒堯以是傳道莫高於虞舜文所以聖德益顯於大任有開麗水之祥適際瑤池之會臣屬繁戎鍵阻綴班聯北面而朝忱天威之尺五南山之壽效臣子之呼三

賀皇太后表

金闕日長尊嚴宸闈之極王卮春滿誕膺法駕之朝凡在式園平均擊壤恭惟壽和聖福皇太后陛下心遊恬淡德著慈仁隆周召之風人倫既正養黃老之性母道獨尊皇穹申方至之休壽命衍無疆之筭臣猥分郡組共貳戎韜迹遠緇接帷帳踰瞻於長樂忱同葵藿生致第想於承華

賀皇后牋

坐於少廣慶慈極之誕彌朝于寢門助聖人之教愛官庠溢喜宇宙同和恭惟皇后殿下瑞應偲天光昭邇日正始

基化歌二南未符之詩視膳問安備六寢禘禴之禮協朱明之律呂蟠絲仗之珮環驩奉玉卮禮同黼泉臣濫紆州綏通領兵符聆舜樂之九成遙瞻南面效堯階之三祝竊比華封

乾會節本州賀皇帝表

一人天拱適符龍御之享萬國雲從共慶虹流之瑞系隆宗社福被寰瀛恭惟皇帝陛下曰睿曰聰乃文乃武金甌有求紹率人大寶之休翠蹕早朝娛太后萬年之壽當嵩呼之華旦繼夢月之佳辰兩宮同時千載盛事臣猥叨分竹彌切傾葵奉玉卮之恭阻綴班於北闕通銀臺之奏但申頌於西崑

賀皇太后表

六龍御極增光長發之詩萬國同心推本思齊之聖驪騰宮壺和塞堪輿恭惟壽和聖福皇太后陛下曰希曰夷爰清爰靜以天下養備百祿之熾昌與元氣游葆六根之純粹海內樂唐虞之化宮中頌任姒之音臣叨預承流遙伸歸美冬溫夏清禮嚴東面之朝日升月常福等南山之祝

賀皇后牋

黼承端臨交上華封之祝椒塗內助仰承京室之規喜溢六宮和薰八表恭惟皇后殿下靜專成性徽懿秉姿瑀簪

進履燎之儀雞鳴有度弓韞奉高禘之祀燕翼發祥際上帝生商之辰懋塗山與夏之德仰占七政日月並明俯鑒四方岡陵齊壽臣分符江右化被周南首膺乾亨體天行之不息更祈坤載協地道之無疆

乾會節鈐司賀皇帝表

龍首朕物觀天德之照臨虎拜萬年對王休而蹈厲堪輿協氣海宇頌聲恭惟皇帝陛下神聖整齊武文經緯諸福畢至一登再登三登我武維揚五伐六伐七伐虹渚載臨於盛且鳳音遙想於明扉臣通領鈐符懽共官次葵傾觀闕阻陪就日之班花覆眷紳諭謝需雲之宴

賀皇太后表

天下傳歸於子降寶冊之鴻名聖人教愛以親上玉卮之粍壽非常之慶嘉頌攸同恭惟壽和聖福皇太后陛下坤澹順神儉慈孚化輔佐先帝風殫卷耳之勤愉佚東朝允著思齊之聖昉前殿祀誕彌之且正羣方傾就望之忱肆膺鳳輦之朝親下龍綃之拜臣屬糜戎鏃阻綴班行現五色之雲知獻占於太史舞兩階之羽諒增喜於慈顏

賀皇后牋

上萬歲之壽咸頌聖人形四方之風實基王化凡居持載罔不驩呼恭惟皇后殿下生稟靜柔安行雍肅躬河洲采



符之紫列聖頹欬翼殿門視膳之恭慈顏和懌合坤其順  
邇日而明欣聆蒿嶽之呼並受華封之祝臣俯共武服仰  
替壽觴星之遠天之高陞莫瞻於九級漢之廣江之永詩  
但誦於二南

皇子賜名本州賀皇帝表

家有嚴君托中興之昌歷天以聖子作大國之宗藩喜溢  
官闈慶關宗社恭惟皇帝陛下懋昭聖德厚正人倫保天  
命以宜君四方無侮貽孫謀而翼子百世可知爰錫嘉名  
載敷大號敬哉有土肇基二水之邦格于皇天式應三星  
之曜俾耆而艾長發其祥臣糜跡侯方傾心覩闕監王成  
憲願垂謨烈之林啓我後人益壯本支之盛

賀皇太后表

東朝介福式彰母道之尊南國分封肅迪孫謀之吉兩官  
交慶百世彌昌恭惟壽和聖福皇太后陛下長樂怡愉大  
庭游衍養以天下日永瑤池正于家人春生玉葉養其芽  
於浯水壯絲映於宗藩臣敢在侯方阻瞻宸仗思齊所以  
聖邁頌徽音皇矣莫若周益隆世德

賀皇后牋

毋資坤德之生椒塗襲慶男正家人之吉茅土分封宗社  
延洪官闈闡懌恭惟皇后殿下承天光大法地靜專成美

化於周南言能速下嗣徽音於京室予以御家屬聖子之  
勝衣養嚴君之錫爵臣遠縻外服阻造內班正風俗以厚  
倫末歌后德輔皇王之維辟丕俛孫謀

皇子賜名鈐司賀皇帝表

天佑我家篤生聖嗣國有鉅典肇建宗藩社稷靈長神人  
孚洽恭惟皇帝陛下禮行貴貴愛立親親撫賢膺之昌期  
萬年福祿演銀潢之慶澤百世本支爰重燕謀載頒鴻號  
于疆于理地營浯水之邦有翼有馮星拱周廬之衛充開  
厥後俾熾而昌臣遠繫戎韜愉瞻文石施于帝社德已動  
於監觀保我後生命更歌於壽考

賀皇太后表

堯母怡愉介于壽福湯孫岐嶷錫以嘉名慶衍宗枋歡隆  
慈極恭惟壽和聖福皇太后陛下爰清爰靜曰希曰夷佐  
先帝之中興雞鳴有度膺嗣王之孝養燕翼成謀爰鍾受  
於綠車乃分符於赤社臣恪恭武服阻造王庭以御于家  
喻贊思齊之德克開厥後佇成皇武之功

賀皇后牋

坤稱乎母作德配天震索而男建邦有土慶成宗社喜溢  
宮庭恭惟皇后殿下恭首和平關雎孝敬嗣母徽於京室  
在廟在官明子道於家人正內正外歡動勝衣之拜光昭

燕社之封臣共武有嚴稱班云逸風以周南之化諭贊登斯悉我豐水之謀適觀燕翼

皇帝登寶位本州賀皇帝表

天作之君表冠倫之大聖父傳於子昭立嫡之至公曆數維新神人胥慶恭惟皇帝陛下以周元子為舜重華大德生知聰明以臨齊莊以敬一人有慶進退可度容止可觀積累厚而孫謀深謳歌同而神器定無為而治有道之長臣叨領虎符踰瞻龍御建皇極而王天下幸際昌期開明堂而朝群臣聳觀初政

賀太皇太后表

肇聖德之龍飛運開昌曆垂孫謀之燕翼功出慈宸九廟尊安八紘抃蹈恭惟壽和聖福太皇太后陛下道光任姒行邁塗幸範肅東朝性適含飴之樂規重南面養親視膳之榮光昭嫡統之傳丕行皇家之慶臣叨紆守綏阻蓬賀班頌皇帝之萬年永言齊壽佑寧人之大歷尚克圖功

賀皇太后表

震出麗天重明繼序坤稱正位一統蒙休基祚斯皇幅員胥慶恭惟皇太后陛下先帝憂勤王家思媚周美履肅雍於京室訓貽萬子服勤勞於塗山瑞昭南面之符光豐東朝之矩臣屬際依服隄企慈帷嫡統無疆已慶大橫

之兆嗣微有秩尚稽小莖之謀

皇帝登寶位鈐司賀皇帝表

乘時御極宣日月之重光居嫡宅尊大春秋之一統幅員愛戴宗社安強恭惟皇帝陛下仁孝生知聰明時又踐寧王之丕祚大歷維新奉文母之德音皇天有慶宜首正飛龍之御以上承皇燕之貽無疆維休有相之道臣濫巾戎輅阻蓬朝班五百歲而生幸親見聖萬億年其永不替惟王

賀太皇太后表

兆協大橫運在當會之聖謀貽小莖功歸太上之慈嫡統延洪皇圖鞏固恭惟壽和聖福太皇太后陛下躬基笑化教闡德音彤管光華配豐功於祖烈練衣朴素示懿訓於孫謀聿新歷服之傳式副簾帷之託臣司戎共貳望闕呼三庶民近天子光忻逢昌曆太極為元氣母永迪初基

賀皇太后表

震主宅尊光紹寧王之命坤元居正適彰太姒之音一統親傳萬邦胥慶恭惟皇太后陛下功侔特載德備含弘風化二南衍傳家之忠厚本支百世肇繼序之聖明大春秋正嫡之書應日月重光之運臣屬燕鈐綏阻造軒惟在天利見大人已孚文命介福于其王母長詠思齊

謝皇帝登極赦文表

日月重離開國家之休運雷兩作解溥天地之至仁萬邦咸休一人有慶恭惟皇帝陛下堯文光宅舜德出寧神聖為君不受皇天之命春秋立嫡聿昭正統之宗爰肆肯於端門示湛恩於熙代臣猥分銅虎偷企金雞大人繼照四方聳觀初政皇極敷錫五福第奉寬書

太皇太后加尊號本州賀皇帝表

御丕圖於南面順應天人崇徽冊於東朝重增宗社億年綱典萬國懽心恭惟皇帝陛下皇極之宗人倫之至性同符於堯舜達孝升聞訓一本於姜任徽音有秩紹寧王之明命彰祖后之尊稱臣分牧有嚴承休胥并介福于王母難名太上之功肖德以神孫頤共無疆之號

賀太皇太后表

鴻名揚厲用彰重慶之尊龍友繼承懋舉畫倫之制明廷孚號寰宇傾心恭惟壽和聖福太皇太后陛下德備儉慈教脩愛敬佐我烈祖成天保之憂勤訓于神孫示思齊之雍肅粹羨翟禕之服增華琬琰之章臣屬守銅符欣傳寶冊同御延和之敷誕頌前猷尊居慈福之官永言至養

賀皇太后表

統繼堯天重華協德位隆文母太妣嗣音寰宇休明內庭

肅穆恭惟皇太后陛下行高配地功大補天輔先帝以重光憂動夙至肇嗣王之丕緒福祿方來奉寶冊於重闈壽皇圖於覆載臣屬靡郡級阻遙廷紳咸曰太皇已慶元和之壽頤言帝母永有長樂之名

太皇太后加尊號鈐司賀皇帝表

皇圖嗣慶著母道於重坤鉅冊尊告王庭而大渙官闈增重宗社蒙休恭惟皇帝陛下德為聖人孝治天下侍宜仁之聽斷元祐同符稟慈福之起居紹熙儷表播無為之懿號隆太上之徽音臣猥介戎鈐聳觀國典思齊文母既彰有德之雍雍於赫湯孫頤共厥聲之穆穆

賀太皇太后表

離日方升光傳國寶坤元重慶肇建鴻名福萃三宮歡騰八表恭惟壽和聖福太皇太后陛下佐佑皇祖怡愉東朝德配姜任植丕基於蒼錄功高馬御扶洪業於炎圖宜效美於思齊大歸尊於長樂臣偶戎戎轄阻綴朝班丕執烈丕執謀共俟嗣王之政得其名得其壽載揚太上之休

賀皇太后表

晉大號於慈闈位隆長樂紹丕基於萬世慶本慈元命肅治朝禮行廣內恭惟皇太后陛下順神冲澹履行靜專羨紹思齊宜毓文王之聖訓善訪落實開成后之謀贊重慶

於御簾推有尊於臨制臣猥分戎轄諭聽恩綸望少廣之宸居莫班歡舞頌長秋之壽曆同播鴻名

皇太后加尊號本州賀皇帝表

嗣王受此丕基光膺明命文母介以繁祉祇奉嘉名典冊流輝幅負有慶恭惟皇帝陛下一人出震五位乘乾玉質金相嗣延洪之大曆寶輝羽翟奉雍肅之徽音光進瑤編重增鼎祚臣叨分虎壘瞻望龍墀保佑恩深已際大明之運怡愉樂永更揚齊壽之休

賀太皇太后表

毓正神孫方布應門之詔位尊祖后復隆京室之稱重慶萬年丕休四海恭惟壽和聖福太皇太后陛下性超太上德應黃中元祐太功法宣仁之鞠育紹熙新政燕慈福之起居宜旌坤極之嘉名式趾太宸之芳躅臣屬分俸服欽誦王綸天子必有所尊已光載籍聖德無加於孝長戴兩

宮

賀皇太后表

坤稱正位訓迪嗣王煥號揚旌專歸文母簾帷介福杜稷垂榮恭惟皇太后陛下德著曼動躬行慈儉虞嬪觀于瀉泂密贊聖謨后稷生於姜嫄美鍾神胄晉長信尊尊之號嗣思齊秩秩之音臣忝守藩維阻越軒陛得其名得其壽

幸同萬國之歡宜爾子宜爾孫永頌兩宮之慶

皇太后加尊號鈐司賀皇帝表

重明以繼大人瑤圖垂慶介福而于王母王冊有光瑞溢簾帷重開宗佑恭惟皇帝陛下敬仁成性曆數在躬惟后綏猷蹈堯舜之孝弟因親教受奉任姒之肅雍宜申慈極之尊式表聖倫之至臣叨兼兵轄諭企陛簾簪長信之徽稱已光漢制頌塗山之丕訓益大禹功

賀太皇太后表

嗣皇奉冊尊居長信之名祖后宣猷風迪思齊之訓萬年集慶八表蒙休恭惟壽和聖福太皇太后陛下德邁維莘道高于汭金車王路備三世之典章寶翟珍禕示六宮之法度美慈宸之疊矩揚大號以同符臣兼領戎鈐竦聆郵綍德壽早朝之典已慶淳熙延和同御之功益歌元祐

賀皇太后表

文母克昌厥後光紹皇圖大德必得其名慶隆寶冊四方來賀百志惟熙恭惟皇太后陛下陰教齊家慈元正位推為美化邁周召之二南著在徽音紹委任之大雅宜膺煥號增重坤稱臣適貳鈐鈐登聆綍綍踐其位行其禮莫重尊親求厥寧觀厥厥成適追來孝

大行皇帝升遐本州慰皇帝表

堯父宅尊春秋鼎盛祀天告厥遠邇震驚降割非常銜哀  
罔極恭以大行皇帝神聖文武瀟沔溫恭萬十歲怡愉恪  
盡東朝之養十一年寅畏適祗上帝之威期壽考之惟休  
俄憂勤而積疾詎圖大漸驟至遐征望欲斷於遺弓命忍  
傳於憑几恭惟皇帝陛下有仁有孝盡制盡倫克念先猷  
根聖人之至性誕承慈訓服天下之通喪願少抑於孝思  
以求緩於神器臣屬糜守綬哀捧告書莫伸奉問之恭徒  
切攀號之痛

慰大皇太后表

鷄鳴問寢方慈極之深居龍去遺弓忽皇輿之新陟官闈  
震悼海宇摧傷恭惟壽和聖福太皇太后陛下德備周姜  
道光堯母東朝垂訓曾不改於儉慈南面積憂遽忍違於  
溫清驟罹國戚諒切聖懷少寬憑几之思式副椰簾之託

慰皇太后表

皇靈新陟變撫遺弓儻極永懷悲興捐袂六宮哀痛九宇  
摧傷恭惟皇太后陛下坤道宅中家人位正脫簪而諫期  
共濟於中興綴衣于庭忍遽聞于末命雖委裘之悲至切  
而定鼎之託方新願制盡傷永綏敷遺云云

大行皇帝升遐鈐司慰皇帝表

王宜日中方慶垂衣之治父有天下遽傳憑几之言宗社

憫凶愾哀痛共以大行皇帝王道正直帝德簡寬奉長  
樂之清溫丕昭仁孝聽邇英之勸誦過紹文明方嗣服於  
萬年胡委聚於一旦烏號罔極龍御何追共惟皇帝陛下  
聖德升聞孝思永慕重華協帝方遏密於八音冢宰總官  
將諒陰於三祀願少紓於聖抱以弘濟於皇圖臣逖領戎  
昭哀傳國戚阻伸奉問惟重摧傷云云

慰大皇太后表

嚴宸居正痛晏駕之奄聞慈極宅尊懷早朝之遽隔哀傳  
海宇悲結蔗帷其惟壽和聖福太皇太后陛下德厚承天  
恩深與子夙行恭儉聖方頌於思齊晚享怡愉變忍聞於  
願命諒聖情之結戀鑒輿志之攀號願抑慈懷永謀孫翼

慰皇太后表

變與梧野九土烏號悲結椒塗六宮縞哭宅憂罔極降割  
何深臣共惟皇太后陛下志紹徽音躬行美化冬溫夏清  
佐孝養於東朝海潤星暉演慶源於中壺驟撫鼎湖之戚  
奚堪輿極之哀願抑慈懷聿扶新政云云

百日慰皇帝表

烏號浸遠九土同悲駒隙易流十旬如備無時哀疚易月  
傍徨恭惟皇帝陛下曆數有歸羨牆如對雖辨踊哭泣曷  
勝父子之情而朝覲謳歌當慰臣民之望願節宅憂之制

益成繼志之圖臣承之偏城阻越嚴陞 云云

慰太皇太后表

烏號銜恤悵再闕於月遊龍寢闕朝光十周於日決流光  
何遠哀思欲摧恭惟壽和聖福太皇太后陛下宮壺宅尊  
簾帷託重雖道揚王命不勝慈極之懷然燕翼孫謀當念  
皇圖之本願體臣民之戴少寬朝夕之思 云云

慰皇太后表

雲升梧野頓隔千秋日短黃階駕言十泆黍哀禍迫指珠  
哀深恭惟皇太后陛下教盡人倫慶隆母道雖易月以日  
難窮伉儷之悲然薦于於天正重攜持之託願俯從於中  
制用式副於羣情 云云

期年慰皇帝表

追五几之遺言制嚴易月服練冠於初祭哀重感時霜露  
深悲乾坤罔極恭惟皇帝陛下孝治天下統承先王雖見  
堯於墻克篤終身之慕然續禹之服所期大器之安願從  
禮制之宜少副輿情之望臣屬糜藩屏阻造闕庭 云云

慰太皇太后表

訓子命汝易月有嚴練而慨然周星何短哀承遺制痛結  
慈衷恭惟壽和聖福太皇太后陛下德紹宣仁功侔明肅  
天經地義扶嫡統於方新日邁月征悵宸旒之愈遠願勉

從於衆志姑少抑於至情 云云

慰皇太后表

悲捐玉玦痛極呼天祭服練冠制嚴易月乘雲浸遠濡露  
何堪恭惟皇太后陛下德佐先猷慶鍾神胄雖傍徨宸泃  
望欲斷於蒼梧然婉孌周姜任方隆於京室願少寬於哀  
抱用不替於鴻圖 云云

再期慰皇帝表

龍湖未遠可傷易月之喪駒隙幾何已舉再期之制羨墻  
如在霜露孔哀恭惟皇帝陛下道盡人倫位隆世嫡雖終  
身慕父難窮至性之悲然億載怡親方疊慈顏之養願重  
承休之託少寬追遠之懷臣踰綴蕃宣阻班軒陛 云云

慰太皇太后表

終天巨釁降割一朝易月通喪寓言再歲仙遊未遠慈抱  
難居恭惟壽和聖福太皇太后陛下功在先朝志勤內治  
雖變生憑几悵闕問於雞鳴然奇重垂簾方稽謀於燕翼  
願抑無疆之恤益昌有大之休

慰皇太后表

望斷乘雲悵龍驂之浸逸制嚴易月恍鳳曆之再周几屬  
幃封式同追慕恭惟皇太后陛下承天功大與子仁深雖  
悼舜陟方不替蒼梧之望然開周嗣歷方隆豐芑之休願

少抑於衰悰用未綴於神器

禪祭慰皇帝表

龍御何之方切綴衣之痛駒陰未遠已驚釋禪之期易月從宜感時增哀恭惟皇帝陛下恭默思道愛敬事親天作之君當周艱而即命日致其孝將舜慕以終身願寬追遠之至情丕慰蒼生之顛望臣濫承郡綬阻綴朝班云云

慰太皇太后表

衮衣萬歲痛隔終天禪服一朝權從易月感時憂戀率土盡傷恭惟壽和聖福太皇太后陛下德著寶祥功藏金匱撫鼎湖之龍去子保何追懷豐水之燕貽孫將有行願副晉天之望式紓慈極之悲云云

慰皇太后表

官車輟駕浸遠翠華國典行權恍終素躋託言釋禪胡忍免喪恭惟皇太后陛下夙著脫簪驟催捐珎雖梧雲不返求為禕翟之傷然邑水方來共徯簾帷之助頭釋居諸之感俯從遐邇之情云云

賀皇帝聽政表

思皇烈考誕受寶龜於穆嗣王甫放治象慈薰保佑熙政闡明恭惟皇帝陛下德實天生動為世則入于翼室稱元予以宅宗出自應門會諸侯而作誥欽奉怡愉之訓委親

兢業之幾既兩宮垂拱以無為宜四海謳歌而來親臣屬廢却國階繼關展御延和殿之正朝額光祖列奉紫雲樓之盟誓第守藩條

賀大皇太后同聽政表

綏壽而右文母高拱慈宸肖德而有神孫共臨幾政徽音洋溢光訓昭宣恭惟壽和聖福太皇太后陛下功邁塗山德高鳩油施于帝祉已深慶錫之源保我後生益行壽考之福章憲垂簾於天聖宣仁稱制於延和紹昔大猷為今懿範臣屬縻守綏欣聽命綸太易太始太初莫測無為之化四門四聰四目共觀有道之朝

天瑞節本州賀皇帝表

龍德御天重華于帝虹書流渚長發其祥萬姓驩呼三辰擁佑恭惟皇帝陛下聖德克肖天性自成光北斗之樞駕生黃帝美南山之壽誕命文王節屆千秋時維九月臣縻身侯度拜手王休三千臣同心求言華壽五百年生聖敬贊河清

賀太皇太后表

聖王垂拱萬年方開燕翼太皇怡愉億載親見虹流海宇春輝宮闈日永恭惟壽和聖福太皇太后陛下身基美化德著慈元正位而定家人功高配祖介福而米王母慶積

貽孫律協素商節書金錄臣監膺藩屏阻賀簾帷假樂命之慶春秋之鼎盛思齊聖也同日月之離明

賀皇太后表

龍德方升祥書載震燕祿有慶福華重坤旗翼光華幅員熙洽恭惟皇太后陛下道侔博厚德備仁明虞汭來嬪女子舜帝周京作配生此武王方觀日上於扶桑隨紀虹流於華渚臣濫叨一障偷企千班大域中王既祝華封之壽為天下母願齊西極之年

天瑞節鈐司賀皇帝表

謳歌與于方開禋日之祥福祿宜王初紀流虹之慶光生宗社歡溢堪輿恭惟皇帝陛下天德生知乾元首出載震戰夙膺天地之珍符繼聖繼明正春秋之嫡統當瑞光之瑞節際金穎之昌辰臣分虎有嚴杵餐欲舞呼玉卮之萬歲踰贊王休進金盃之千秋嗣禪臣職

賀太皇太后表

萬壽齊天思齊以聖千秋紀日長發其祥廣宇休揚重闈慶洽恭惟壽和聖福太皇太后陛下以女堯舜為今姒任有典有則之貽輔于皇祖立政立事之準訓乃文孫當月屆於素商喜節書於華渚臣猥塵戎轄阻賀宸闈諸祝聖人既效堯封之職亦右文母載齊周頌之章

賀皇太后表

辛歲重光昔符夢日乾元首出今紀流虹歡溢華封慶歸長信恭惟皇太后陛下德音大雅美化二南德配重華親嬪于汭祥開長發立于生商扶賜谷之初升紀高禒之載誕臣領鈐偏郡銜表明建五百歲河清既覩聖人之出三千年桃實願同王母之壽

大行皇帝謚號本州慰皇帝表

祀以配天致聖人之達孝廟可觀德彰烈考之隆名典冊十年宗祧九鼎恭以端文明武景孝皇帝光宅天下簡在帝心敬直義方煥經天而緯地事名物應昭脩政以攘夷大德大功立親立愛自生民而未有熙鴻號於無窮恭惟皇帝陛下離象重光乾龍首出聖盡倫王蓋制始于家邦宗有德祖有功行其典禮式崇徽譽昭對皇靈臣叨領虎符欽傳聖命告神明頌盛德已觀國典之光薦郊廟揚洪休尚述佚邦之職

慰太皇太后表

居長樂之宮與懷鶴駕瞻顧成之廟肇錫鴻名大冊垂榮慈衷悼往恭惟壽和聖福太皇太后陛下以天下養與元氣游明肅臨朝親立仁皇之策宣仁在御永懷神考之思丕對皇靈昭升熙號臣屬藥佚綏阻慰覆簾云云



慰皇太后表

九域涉遠莫返皇靈七廟升宗聿彰世德洪名有赫哀抱  
彌深恭惟皇太后陛下位正家人道隆坤母躬萬章之節  
儉厥配有光秉清廟之肅雍于煇增感於惟大冊肆對皇  
宮臣跼繫分符神馳望闕云云

大行皇帝謚號鈴司慰皇帝表

翼室宅宗考先王之制禮觚壇告帝為烈考以易名大冊  
適彰皇靈昭假共以端文明武景孝皇帝體元居正持盈  
守成端獨化之原文經天地明萬幾之理武定邦家嘉行  
有容孝思無極上可以配祖宗之德下可以垂子孫之休  
恭惟皇帝陛下彌我不基鑒于成憲寧王克綏受命篤棗  
忱辭嚴父莫大配天吞揚光訓奉徽稱於宗祀昭縉典於  
明時臣通領戎昭竦承帝號竟萬世如見莫名魏蕩之功  
周諸侯來朝第贊肅雍之相

慰太皇太后表

盛德之祀百世肇建嘉名太皇之壽萬年興陳縉典慈宸  
惻聖宮覆盛觀恭惟壽和聖福太皇太后陛下懿範兩朝  
仁恩四海為元氣毋克篤貽孫育天下君恐聞稱襁褓時  
大號對越皇靈臣身或戎鈴心懷國典云云

慰皇太后表

大德得名尊歸昭考嗣王謀廟上奉徽音宗禰休揚官闈  
槍極恭惟皇太后陛下儉昭練服中協黃裳嗣任德之肅  
雍思齊以聖名堯功之魏湯煥有其章聿深羽翟之懷於  
赫觚壇之告臣猥蕪戎轄踰贊邦禱云云

冬至節本州慰皇帝表

一陽來復感駒隙之易流三祀諒陰悵鳥號之浸邈滄深  
履屨悲著羨縉恭惟皇帝陛下清明在躬恭默思道水有  
源木有本方嚴祭祖之時霜既降露既濡不替思親之念  
少抑吾諸之慟仰膺付託之隆臣逖守遐邦班嚴陛誦  
先王省方之戒頭謹起居秉諸侯謀廟之忠聿懷奔走

慰太皇太后表

暖律吹噓感一陽之初復慈篤權佑訓三祀之通喪痛在  
宮闈情均海宇恭惟壽和聖福太皇太后陛下德音慈福  
懿範宣仁履屨迎長天休方至冕旒問寢子保奚追願少  
抑於慈懷以求綏於孫翼臣屬麼侯服踰企御闈云云

慰皇太后表

復陽在地氣應黃鐘坤德承天悲深素躡六宮增收萬宇  
永懷恭惟皇太后陛下長信宅尊思祿繼美手扶宮日坐  
占千歲之長日斷臺雲尚想九疑之遠頌紆哀於儷極以  
永翼於皇圖臣逖守江城踰瞻禁闕云云

啓殯慰皇帝表

三年諒陰不言悲深冀室七月同軌畢至告啓敢全遠日  
戒嚴終天增慕恭惟皇帝陛下外勤謀朝內奉臨朝制爰  
舉於因山龍輅將駕情永懷於陟岵鳳紼奚追碩覽劍舄  
之思益重基圖之託臣屬糜斗壘阻慰宸廡云云

慰太皇太后表

居長樂之漢宮永懷鶴駕卜會稽之禹穴垂戒龍輅悲結  
慈闈痛均薄海恭惟壽和聖福太皇太后陛下受勤德備  
擁佑功高百世可知首正貽孫之則七月而葬豈勝思子  
之懷願東望以節哀重外朝之同御臣身糜乘障跡阻趨  
班云云

慰皇太后表

龍湖言遠椒掖永懷鳳翼戒嚴葢塗載闢六宮雨泣萬宇  
雷哀恭惟皇太后陛下儷極勳高正家化洽撫軒皇之劍  
舄樹賁橋山奉舜帝之衣裳思藏梧野尚軫乾坤之記願  
紆朝夕之思臣身繫分符神馳攀紼云云

發引慰皇帝表

鸞車既駕陟岵哀深龍匣畢塗崇丘制舉新宮永闕冀室  
增傷恭惟皇帝陛下思道諒闇送終哀戚居喪讀葬禮不  
愆復土之期因山不起噴无切望陵之感冀少寬於孺慕

以丕重於宗桃臣糜跡候藩傾心宸陞云云

慰太皇太后表

日淪西極悵鶴駕之長遊天拱東朝痛龍湖之永闕重聞  
悲繁九土慕思恭惟太皇太后陛下福備怡愉功高推佑  
撫綴本於翼室億世貽孫念加芥於畢塗千秋望子願抑  
思齊之感益昌小恙之謀臣切領偏城阻趨慈陞云云

慰皇太后表

國謹重喪龍棺就殯禮襄大事鸞掖興懷海宇同哀山陵  
告備恭惟皇太后陛下憂勤孔夙哀感謹終媽汭居諸悵  
虞琴之已遠會稽咫尺望禹穴以奚追願紆既葬之悲式  
相維新之治臣承流有守伸慰無從云云

拊廟慰皇帝表

先帝之葬衣冠載虞神祐嗣王之奉宗廟丕拊皇靈昭穆  
用休典章備舉恭惟皇帝陛下以舜大孝居商諒陰如蓼  
如疑既畢因山之禮以享以祀聿嚴升禩之恭勉承翼翼  
之容深仰榮章之感臣屬糜牧訓阻奉駿奔云云

慰太皇太后表

嗣王宅恤表先祐以升宗聖母恩齊感皇靈而悼徃禮容  
有赫祀事孔明恭惟壽和聖福太皇太后陛下壽考維祺  
儉慈為寶佑我烈祖有典則以貽子孫保子冲人脩宗廟

以序昭穆祔既行於未紹衰少釋於慈元臣叨綴蕃宣阻班奔走云云

慰皇太后表

地隔丹洲畢舉九虞之祭天臨清朝昭升七世之宗歷主思皇椒闈若揚恭惟皇太后陛下性鍾慈倫德備慶勤嬪虞帝以曰欽陟方浸邈對文王之於穆率祀惟恭頌紆坤極之思益衍乾符之慶臣屬庶民收莫效侯朝云云

正旦慰皇帝表

王正昔月景命維新靈德在天孝思罔極運開曆數哀動九逆恭惟皇帝陛下思道奉先與時更始王受同瑁祭不替於元辰帝見羹牆禮益嚴於上日頓抑君諸之感丕承擁佑之恩臣屬守偏城阻趨嚴陛云云

慰太皇太后表

正月始和律更太簇昊天不弔痛在思齊曆數維新官闈孔惻恭惟壽和聖福太皇太后陛下為元氣母與太極游孟春而戒邁人撫時其邁上日而受文祖擁治方新願寬丕子之思益重神孫之託臣屬庶宣化阻慰履端云云

慰皇太后表

羲日更新治開泰象震雲浸遠悲在乾元駒隙易流烏號何及恭惟皇太后陛下光輔先帝敬授人時元會衣冠尚

想熙明之政月游劍鳥忍聞永紹之名頌寬悼往之哀宗益撫履端之昌運臣屬庶一障阻慰三朝云云

改元賀皇帝表

春王會於三朝慶開景運皇天佑于一德治紀初元正朔肇新乾坤有造恭惟皇帝陛下春秋正始曆數在躬仰則定陵開三傳之丕祚近稽哲祖基七葉之昌期效鳳曆以改絃行馮圖而卜鼎臣親逢更化適綴承流揚偉蹟鋪閱休格共侯度撫大平應昌歷謹授人時

賀太皇太后表

天王一統為元載效正朔太皇萬年壽同御邦家日月重明乾坤更始恭惟壽和聖福太皇太后陛下道符烈祖功擁神孫乾德太平訓實承於昭憲元祐盛際政共聽於宣仁濟開更瑟之休實繫垂簾之感臣叨承侯服丕奉慈宸基正始之風已新美化播思齊之頌永載徽音

賀皇太后表

春秋以一為元曆開昌運關雎之化正始本在慈宸正朔更新國家胥慶恭惟皇太后陛下有絳長發太妙思齊齊壽以奉太皇德惟子肖受福而于王母祐自天申宜渙號以整年示同文而更始臣猥乘一障丕戴三官當昌歷應休期已供侯服綴眉壽介繁祉益替毋微

曆日謝皇帝表

乘龍御以紀年一元正始詔虎城而領朔千里承休敬授人時對揚王命恭惟皇帝陛下明哲作則曆數在躬欽若昊天熙春夏秋冬之績建用皇極協雨暘寒燠之疇乃誕布於成書以昭垂於新治臣蕃宣有恪播告惟恭錫厥庶民順中星而平秩佑于一德歌化日之舒長

謝太皇太后表

歲正孟陬一元改紀朝臨長樂萬國頌正春朔會同神人和洽恭惟壽和聖福太皇太后陛下怡愉萬歲擁佑一人肖德而有神孫光膺昌歷受福而于王母丕輯蕃禧載頌協律之書式重垂簾之政臣欽承鳳紀誕布侯藩聽嘯竹之歛誕敷和氣敲璠桃之頌益贊壽眉

謝皇太后表

鳳曆頒春東朝介福虎城告朔北面承休歲定四時天佑一德恭惟皇太后陛下思齊肅穆少廣怡愉訓示塗山曆開禹子教行渭涘紀協周王春朔攸同乾坤交泰臣承流下障奉令孟陬協和萬邦第贊定時之績嚮用五福益陳曰壽之休

疏

壽宗節本州進功德疏

九龍吐水當摩耶產佛之辰萬歲呼嵩上大母延年之請敬憲二氏仰贊千齡壽和聖福皇太后陛下恭頌大安大筭至偷至佚慶雲五色現南極之祥光壽域八荒衍西池之長筭

鈐司進功德疏

三寶曰慈南極衍太皇之福五兵不試西江陶聖化之風仗仙釋之殊因贊官闈之丕慶壽和聖福皇太后陛下恭頌位隆少廣筭等崑丘仰大慈亭誕節正同於盛旦得無量壽長生示協於先天

乾會節本州進功德疏

聖瑞虹流開半千之休運官聯虎拜瞻尺五之清光雷玉翠之祥氛哀繡黃之妙果皇帝陛下恭頌駭聲克廣龍德方中地久天長壽命衍洪源之慶兩清海晏皇圖肇磐石之安

鈐司進功德疏

天臨寶位夙開繞電之符地領王鈐載馨呼嵩之祝謹率兵戈之屬慶偷道楚之綠皇帝陛下恭頌玉燭四時金湯萬里元龜大貝梯航來川岳之珍歸馬放牛旗蓋壯東南之運

天瑞節本州進功德疏

飛龍在天大橫有此流虹貫月景命維新演道梵之真詮  
崇聖明之瑞節皇帝陛下恭願維天其右如日之升五百  
歲而生已開昌歷億萬年其永益鞏皇圖

鈐司進功德疏

為天下君梓書帝武祝聖人壽歡動戎昭闡二氏之真科  
崇千秋之誕節皇帝陛下恭願泰元有相長發申休在辛  
歲曰重光方升如日以乾元正五位多歷斯年

大行皇帝升遐本州進功德疏

帝棄群臣忍傳末命教宗二氏恭薦殊因慨極烏號戀深  
蟻慕大行皇帝伏願游神極樂觀化太虛十四聖之在天  
皇靈陟降億萬年之與子不祚綿洪

鈐司進功德疏

出宮駕晚縞素興哀望闕臺孤緇黃殿薦恭哀冥福適相  
宸游大行皇帝伏願性悟真知道趣無極成慶而垂萬世  
聿齊九廟之靈後天而彫三光長作百神之主

皇帝聖躬違和保安諸廟疏

天子萬壽詎期無妄之災臣人一心共俟有神之神惟帝  
齡之悠久實神貺之扶持名山大川尚鑒頓擊之意普天  
率土不勝葵藿之私

本州官寺保安疏

皇極九五福合率土以傾心帝壽千萬年願慈尊而請命  
皇帝陛下伏願質長享國清明在躬王受命無疆惟休誕  
迎和氣天行律自強不息不享脩齡

鈐司官寺保安僧疏

惟聖宅尊共祝一人之慶以臣請命敬皈三寶之慈皇帝  
陛下伏願歷數在躬神明其德九五福曰壽丕享康寧億  
萬載齊天式臻永久

道疏

率土傾心均願聖人之壽願天請命肅殫臣子之忱

大行皇帝遺詔本州成服道疏

道揚末命忍聞晏駕之音瞻仰昊天上帝遺弓之慟脩崇  
冥果攀慕越征大行皇帝伏願返于混元光我烈祖洋洋  
而在上俯察臣民刻刻以揚靈永綏宗社

僧疏

捧九天之遺詔帝馭何追皈三寶之真乘臣心欲割

鈐司成服道疏

吳穹降割悵宸馭之上賓率土興悲望帝庑而哀籲度資  
宜福適相仙遊大行皇帝伏願靈德昭回皇明陟降衣冠  
雖邈會烈祖以在天宗廟如存朝百神而為主

僧疏

昊穹降割勸玉仗之上賓率土興哀望金仙而仰顯宸資  
冥福適相仙遊

本州成服滿散疏

制嚴易月痛君父之通喪望極乘雲薦人天之勝果露香  
跼踖釋經悲傷大行皇帝伏願堯性常有舜明不隔成慶  
而垂萬世聿齊九廟之靈後天而彫三光長作百神之主

鈐司成服滿散疏

捧易月之制書萬邦哀痛脩升遐之冥果三寶證明喪紀  
有嚴孝思罔極大行皇帝伏願堯牆不遠劍烏如生帝鄉  
而乘白雲直游冲漠孫謀之注豐水遺澤深長

大行皇帝本州追嚴道場疏

維新降王張皇靈之日速演大乘法資勝果於天游悼痛  
深深薦言有傲大行皇帝伏願性超清淨德邁圓通生為  
帝沒為神豐功不泯高配天厚配地明德無疆

鈐司追嚴道場疏

皇靈冲舉莫追汗湧之遊淨業真如式薦道遙之果終天  
哀痛率土慕思大行皇帝伏願陟降太虛超升無極儼橋  
山之劍烏 云云

申省狀

辭免新除秘書省正字狀

其位文天祥照會十月二十六日伏準省劄十月三日三  
省同奉聖旨文天祥除秘書省正字者某假以疎賤叨被  
聖恩望闕瞻天莫知所措伏念某自叨親擢未歷外庸以  
讀書學從政之方以奉祠為書考之日方竊山林之暇敢  
圖臺省之登負乘非宜循牆無任伏望公朝特賜敷奏令  
某滯足宮觀兩考日祇被新命其於出處得宜庶幾無負  
聖明拔擢之意所有省劄未敢祇受除寄本州軍資庫外  
須至申聞者

再狀

其位文某照會於去年十月二十六日伏準省劄十月二  
日三省同奉聖旨文某除秘書省正字者某伏念一介庸  
賤叨竊非宜加以從仕以來未有庸歷輒具狀申控乞候  
官觀兩考滯日祇被新命十二月二十九日伏準省劄十  
二月九日三省同奉聖旨不允其除已望闕謝恩擇日前  
來供職外須至申聞者

辭免知軍國府狀

其位文某照會伏準尚書省劄子四月十七日三省同奉  
聖旨文某差知軍國府詹朱應元缺者起家趨躡望闕排  
徊伏念某實無他腸粗有遠志昔年憂國員當事任之難  
數歲杜門寧悔身謀之拙屬明良之胥慶念岳牧之嚮慕

曾謂栖遲遽叨選用惟是某省愆已至貶秩循新雖公論  
至久而愈明而冊書未謂之無過儻不量於出處是自速  
於顛隲欲望公朝特賜敷奏收回成命改畀叢祠使某得  
以讀書養親安身寡過他有驅馳之日無非報效之年所  
有省劄已寄留吉州軍資庫未敢祇受須至申聞者

文山先生全集卷之五

文集

書

回胡僉判請交割

除軍海軍節度判官廳公事日

某仰德襟期比布之竿牘顯飭謝言茲不贅吐首祈崇炯  
某幸甚區區此來得忝交代意者天將開攀拊之緣使之  
拉湊一至於此惟是天賦偏於愚戇親見聖王懇焉求言  
意應詔者必有中今日之故側聽逾久無能為國家陳大  
計者私念上悔悟勇決如此而某家恩至厚他人既不言  
則雖踈遠豈容避其責是以積忱累日冒死投匭以冀一  
感悟天聽出關席藁以來首領且不自保况苟官職乎高  
誼不薄猶以同寮為情連屈軒車復畀翰墨一吏至又持  
公文以來周旋曲折無非眷愛某感激不自勝惟如前之  
義則有不可孤長者之意不敏謂何某尚留此待旨若數  
日後威命不下則是上憐其愚而寬宥之某當歸且念咎  
矣而非所敢望也所有添差僉判廳公用某一切不曾祇  
受或郡府不以某為不肖他有情文則恐更輩為欺而亦  
某所不與知也本湏具狀申府惟身為罪人不敢自擬於  
屬吏之列得於畫諾之次叙其衷情則某之受賜甚厚也  
臨風拳拳

賀吳提舉西林

已未

文山先生全集卷之四終

某自九月赴京師時請叩門墻蒙警策備至妙語天然式相行色篋笥間至今耿耿有光氣第某解舟至豐城及聞新局肇更鄰麾茂界細讀任隱不同轍之句則雲駛月運舟行岸移轉瞬之間已成兩樣雖然此非為明公祭也纓冠案裳世道有賴焉某來上下以鄂郭故為之瀕洞間諸閫雲集而正不多以此為不足慮獨賜教時則衡陽之事明公蓋已及之而中外未之信某以十月晦至脩門則聞聚毒已并流波浸滂秣陵荷擔之事蓋凜凜已兩月中間新相至則又得月十日定帖耳然我之緩急往往視敵之起息為之則定帖者未可保也譬如一間屋前人放火已燒及旁舍僅僅得全宅未動卒急得一曉事人率眾拯救雖千百擔水未足以頃刻沃滅明公蓋防防一大頭項也今事莫如哀吉之急哀以改畀明公而鄉里又得平林為重時有明公諸人必能一心同力以障潰堤之衝藉此無恐帷內間則病根未去履翁掣肘尚多雖言路大開而奸諛薰注之深搢紳多不能自拔徒聞應詔投匭則學校與布衣而已世變至此可為慨嘆莫不量其愚輒上書論其事區區以為宗社有故死亡亦在旦夕不若危一而言有及於今日之難其得禍與否不計也今出關待罪已三日而上猶未見施行未知後命如何藉天之靈祖宗之休明

公之庇得全首領而以周旋於義旅之後不勝願也而不敢望也封事索止於一本付璧弟全錄以呈似其踈狂知執事不笑且憐之否共惟節鉞交錫旌旗一新誼當專狀為慶願世變至此明公方任大責重以與上下同憂慮某不敢作平世語也惟明公亮之引筆嚮風拳拳不備

回聶吉甫 誠心達

某比道從鳴珂幸甚獲下膺龍之拜蒙眷愛稠渥侍構俎間者連夕感激不自勝別後凡百餘日數千里行役買賣於一來一往之間大可取笑伏承寶墨鑄教備至今天下大勢所以削弱不支實坐於文物制度之密區區直欲割去線繞使內外手輕脚便如此而後可以立國中書言規模大槩所以纖悉上下其說則未也朝廷若不鄙而行之則台諭欲列置一帥如古方伯連率者又當再商量也區區之心既不足以行於國退而欲為一鄉一宗之謀正將擇險以為依集教以為安但事勢浩大不量其綿力而欲舉之善後與否視無所及何如某作歸冗刺使命日亟返姑此治報何當一日會晤以請所未聞

賀何尉 名時字了齋

某頃揭揭入國時江皋祖帳為意腆甚感激之私不自勝別後不圖世變沅沅天下大事幾去某始而駭中而疑繼



而憂憤又繼而大聲疾呼以至於流涕出血相去近百日而展轉變化以至若此事變可畏矣哉某學無涵養不能謹其所發倉卒來歸求爲杜門循省之計藉慶雲在上以此月七日善達鄉國甫入境側聞一同桑梓若君實茂蔭膏澤之以廉革貪以明易暗以神奇變巽儒大冠縫掖交以程吳歸焉方謀奉狀至屏下而紫氣惶惶已移照隣交交臂相失懷此悵快當今事會方殷人才不競一杞二杞國家常病之今州縣之於執事亦此類也凋瘵頽洞之餘雖近於不可爲而開繁被劇如長才得以自見可賀也吉水之爲邑得之朋友見謂官錢無定額賦無正籍是以若此其竭澤也平林以鄉人爲郡念此至熟也執事軍期之暇爲之定制立數求爲一定之經惠幸茲邑其庶幾乎

上丞相除秘書省正字辭免不允

正月吉日具位文某謹再拜奉書于某官某昨蒙朝廷不以不肖授秘書省正字職事某自念非才未有齋歷輒具快辭控既而省劄降不允之旨鈞翰重促行之命伏惟聖天子之所授權大丞相之所提撕德至渥也某一介晚末除伏深密所知不出田里大丞相勒名鼎彝紀功太常坐于廟朝進退百官而佐天子出令下土之人求望其位貌聽其警欵不可得也惟聞弓旌紛於阿澗束帛偏於巖野

元德碩望麟游鳳集於省臺之上想望風采以爲不圖此生復見昇平如此詎意今者宸命收錄於草茅鈞查照耀於山谷恩光所被震悼不自持僕惟此舉不見於今世又矣夫大君宗子居天位者也宗子之家相理天職者也自一命以上所以輔贊大君彌縫家相者皆將以分奉天之責者也書曰天工人其代之又曰欽哉惟時亮天功又曰天命有德天討有罪天叙有典天秩有禮韓愈曰天付人以賢知才能豈使自有餘而已悅畏天命而悲人窮也天命人事常判然不相侔而前言往傳動必以天爲訓者人雖藐然萬物備於我苟爲凡民則已大之爲聖賢秀之爲士天地民物孰非一己之責任重致遠皆性命之當然也由此觀之用人者非私於其人爲人用者非私於其用近臣之得所爲主皆所以事天也此意不明上之人操其公器大柄以自私曰吾能以富貴人下之人失其靈龜貿貿於勢利之途而不知返是以上不知以代天理物爲職而無復有以責下賤之風下不知以畏天悲人自任而無復有比之自內之義天地失位人極不立人物悖其性往往由此者多矣伏惟大丞相勲在王家意在人物方且以不滿假處功以不驕吝處才開忱布公集思廣益嘉與天下賢士大夫以爲共理如僕庸愚亦得自列於兼收並蓄之下願

僕不足以稱所舉為大負而由先生此心天命之所流行國家之幸斯世之福也謙之九三勞謙君子有終吉先生之用心以之泰之九二包荒用馮河不遺遺先生之用人以之孟子曰古之人所以大過人者無他善推其所為而已矣由是而言自可此功於隆時重號於無窮矣僕雖鬼瑣無足齒其於明時不敢自棄求所以無負上帝之衷仰承君相之惠將盡心焉某已於元日祇被新命謹別狀遵稟惟是屬有私役造闕之月日尚此運之伏惟大丞相矜憫其情而原其後至之罪公爾忘私國爾忘家某之補報知遇將有日也下情不勝懇惻激切之至謹奉書不備

通廟堂 海論承心制事

某仰恃鈞慈直布心腹某昨歲四月遇先人本生母之喪以服制未定請之朝廷遂作假俟伺旨揮後來此申未及下而某得効某以義起禮謂先人若存則於所生母當申心喪先人既已矣則某照承重例遂承心制自謂仁之至義之盡莫如此矣未幾龍溪友議板行天下謂某當有重服匿而不行一時聞者為之疑惑後巽齋歐陽秘書守道為或問衢州曾添教鳳為詳目二先生發此精義禮意昭然大明某竊聞龍溪友議印本以萬本闕廢選取莫不有之既不能家至戶曉須得朝廷討論墳典禮意播之邸報

著以為令使天下知孝子慈孫之用心而不至為謗者所惑是以拳拳致請乞下太常討究一番三月末旬伏領鈞翰特蒙先生照見曲折謂其所遇在禮之變所循為禮之正且如昨者臬申已下禮寺某以為定禮典正流俗在此舉矣四月三日忽得承受人報備至寺狀所申乃引紹興休寧縣尉蔣求吉與寶元集賢校理薛紳為證直指為某合持齊衰三年嘻其誤矣聖人制禮自有隆殺其隆殺本之人情切詳蔣求吉之祖菱直下只有蔣求吉使蔣求吉而不服則其祖妾為若教氏之鬼矣所以為孫者須持齊衰今先人之本生母自改適劉氏之家有劉氏子孫持重服則主祀固是他姓矣是以其體先人之心則只當承心制也况蔣求吉無祖母今則某有正祖母在堂何緣可為劉毋持齊衰乎劉母之子既特齊衰某又自姓文何緣兩姓俱有齊衰之服乎文詳薛紳之母既稱為祖母萬壽縣太君王氏則是嫡祖母也當時朝廷止給假三日只從孫之本服所以薛紳再申指為先人所生母謂服不可絕也故有三年之制此正是承重孫又自與蔣求吉者不同也禮者不讀書不講義不明先王隆殺之意徃徃只據吏人檢至故事見有父所生母四字便謂事體一般鹵莽申上更不曾子細致辨於同異之間今且未須論某所得服如

何且只論先人之服先人之毋改適劉氏既有劉氏子爲服且先人係出繼別位又非本位之比先人只當有心制不當有齊衰明矣若先人有齊衰則某當以齊衰先人有心制則某只合承心制豈有先人本等止有心制而某乃有齊衰之服乎朝廷所行便作萬世不刊之典毫釐之間所當致辨矧禮意粲然非有嫌疑又何難辨之有某承心制已一年矣今非畏有齊衰不願承服但可惜禮官如此討論萬一誤朝廷備據行下恐國朝會要上又錯添一典故不免貽將來朝廷無人之誥耳今看來禮官未必解事先生揆之本心若以爲某見行之禮既安徑乞從都省點對行萬一已照寺狀施行亦乞改命庶不悖於人心天理之正而古聖人制禮之意得行於今其於綱常豈曰小補之哉

後朝命下許令承心制仍著爲令道體堂書

通江參政古心

某卽時甘兩共惟官使大參相公先生芝山清逸珎館寔起天相有道鈞候動止多福某昨歲獲走一介詣舍人門下伏蒙鈞念勞苦有加祇服訓辭至今疊疊俯仰山林感慨年歲又若是其闊疏矣某官百年幾見一代共宗司馬居洛而相天子活百姓都人西其首而望張紫巖杜門白

首而嗣皇嗟嘆用晚倚之以向中原先生今其人也上方舉元祐故事勤於瘳卜且夕爰立言人人同先生不以此觀於當世而當世以此祈於先生惟先生重愛眠食以幸世道某屏伏田野蒙賴鈞天之庇守先人墳墓幸無闕狀追惟兩年間口語橫出先生進而廟堂退而江湖德於其人如出一日傳所謂生死肉骨之情也報荅已知言語抑末傾竭犬馬尚庶幾於門墻專人上狀百拜起居衮冕皇皇未遑納拜心之注注如此江水仰乞鈞照

通潭州安撫大使江丞相

某在門墻諸孫輩行中而所以蒙鈞天造就知愛綢繆獨出乎諸生之右然號爲登門垂二十年而至今麾下無愈之迹古人負笈從師不問道路之遠某乃不能自拔如此殆不可對人言也茲者誠不自意先生手提玉鉞作鎮於重湖以南而某適以臬事一節奔走於賜履之內昔者詹企台階坐齊壤隔今乃得以詣大府受約束有一日欽板之便豈天殆爲小子計乎某始以親老丐祠既趣旨下再請則瀆於是姑以單車出門蓋馳驅數旬又須乞便郡歸養耳某四月八日辭膝下留廬陵城中始聞先生拜乾會節於清江亟亟追逐牙齋度宜春醴陵間所蹉跌片雲間耳茲專布狀重謝不敏且致恭先之懼參謁適只遡風距

誦

與李復卿長弟初赴臨安府司戶日

某比者吉蠲子墨祗詢消房留連踰浹拜蒼濯蒙不彼外感荷感荷茲專布區區之心璧第不類竊第奉常受官京兆初欲鞭策向上工夫故多求山林歲月以自為地事不可料欲緩得速東行且有日矣此弟雅欲致一朋友相此遠役大冠戎如大裙襜如服斯服者不少也而流俗薰蒸靈龜磨蝕區區所為例措以為迂而他求所謂不迂者拘膝長嘯寡和奈何執事氣藪餘子言根古人曠昔之日幸接光塵論議之末共為慨然其誠有得於同然者憑恃襟雅借欲屈致崇峻以副前所期此弟天資每與義理合喪本心以求外物則自保其決無也惟是闕深博遠之學汪洋演迤之文日方來正將從事執事與之處公餘得商畧上下交聞互發他日此弟其殆非吳下蒙乎某敢不知自交際之道莫重乎其初輒拜此紙以將盟言聘資不腆別後并致不敏萬萬控謝不遠

與孫子載李弟與從弟從學

某聞古者家有塾黨有庠士生其時而為師者非其家之父兄則其鄉之所與也是以不獨胥肩於言語文字之末而聖賢誠正脩齊之學蓋皆在所法焉小弟肩項相齊學

無以大相過獨其性質之陋而未有以開通氣習之浮而未有以檢束故脩業一事也進德又一事也其於古者父兄之教既不克從事則知評之峻卓師範之尊嚴是於執事乎歸焉區區所以屈致之私間嘗致稟千金之諾敬聞命矣交游之道莫重乎其初禮有聘謹肅將以前并令二學生俯伏再拜以立庭下俾之有敬也

與胡觀洲季從

某童而習之授業解惑有所自來惟今父族毋族矜佩而立受道者七人焉將同堂合席以私淑之軼恃鉗鏡之舊為此數字以北面請歲以緡錢百上之諫人禮有聘奉芝楮二十千明有初也吾未嘗無論馬惠徵福于夫子謹謹奉狀伏乞台照

與楊學錄字景光大學前席

某比僕僕來京師幸甚得下膺龍之拜辱賜之不郵軫顧稠厚關外之別江泉之餽所以致縷縷者尤甚感激不自勝第恨勿勿聚會不及為頃刻之情以慰滿連年契闊之雅回首天上瞻企拳拳茲有稟事朋交蕭文名來新新參之客也此丈可人且身事端正無復頂冒異同之弊揭揭而來欲赴春參鄉同舍往往望白雲而歸其歸然為游學瞻仰惟執事耳其所參務本適在德星躔次之側特來展

先達之敬不揆道濟道其至前得蒙與進稍興之温存使不致落莫區區之望也

回祕書巽齋歐陽先生

某因朱月窓來伏拜誨帖厚問孿弟意極拳拳近僥倖受縣一出師門玉成之造後生從政未知嚮風惟先生終教之耳金盃在質庫某處約之甚恨未能自取之乃勞先生厚費如此山林中亦無用此物先生儻之支遣不妨更資錢用第常使可贖足矣吉甫一去連旬頗孤龍頭之約時且尚熱矣奈何因便介到城伸紙行筆嚮風馳情

金盃乃先生為景獻太子府教授講經徵章上賜也巽齋借而質之故先生云然道體堂書

與前人

某尋常於術者少所許可而江湖之人登門者日不絕彼誠求飽暖於吾徒之一言吾徒誠問其衣食之皇皇則來者必譽是故不暇問其術之真何似也先生之於應酬也亦然今是書之作為一星士姓朱名元炳字斗南號月窓則非前者之謂是誠有取於其術矣斗南吉水文昌鄉人去吾里三十起田間談命高妙精絕盡奄同胞試以百十命應對如流而人品之大槩皆不差異哉術也問其所得何書則掌汗滂於十數家而其末也會歸於李吉甫林開

之說吉甫之書人多有之以其深而不能詰若林開則人未有得其本者也斗南會二為一而又以所得於數十家者間出而證之斯其所以獨步也某既與之訂正二書又詩之以見意其別也欲詰門下求品題某告之曰先生品題甚易至之日為先生請十數命某也如此某也如彼為先生鋪陳之即先生塵匕豈惟品題先生心肯轉相汲引即子命通矣斗南曰諾探其中欣欣然殊無憚色他人泛泛得先生增重多矣未有如斗南肯以術而取先生之知者也是書也某何為而不作事出專白故不他及

與前人

某前月二十八日因朱月窓來遠迓草草一帖致起居不知是日正先生到家日也後聞稍避訪客住某寺久之然恐訪者即所在相尋亦未必能盡避也某九月十三日方及門值鄉榜未揭此一月中相過者有數近數日漸漸增多象者必數百里或百里不容不少款開居寒薄殊不能支而妄有干請者紛然多不相亮甚以為苦先生昔者於應酬亦苦之今猶苦此否嘗蒙見示每許人作文如置一針胸次今某畏為文詞亦類此矣習嬾亦是病先生以為如何念父闈尊候亟起授筆請所以誨朋友以某速歸間有以羊麪問勞之者某不敢私輒以一糝一石獻之庭

下某昨在宣州不敢攜木瓜宣州人不相忘近却有以此為意者知先生嘗須此為藥物謹并奉四枚一笑留頰幸甚

回劉架閣會孟

某伏蒙專劄重示先夫人誌銘伏讀驚憐靡已古心先生藻穠清言垂光罔極慈靈有知含笑地下若此可以無媿人子矣遠日修至柳叢載途追送傾城素車銜尾某於夫人塾家子弟以故不能攀望引緋負負幽明不勝愧恨謹成些章一小紀哀懷以投挽者伏想隨車號痛涕如綆縻孝在顯揚願寬毀瘞臨紙下情凄切之至

回衢教曹鳳先生

字翰陽 號秀峯

某數月於師門極間闊顧山水荒唐不自知年歲之運運闕禮多矣尚庶幾先生索之於形骸之外別後得二子丙寅戊戌庚戌丙子丁卯壬寅甲午丙寅命不知孰勝乍嚮風水即得三地此須巨眼以為然則然向牛肉坑所結砌者今知其大謬為棄疑矣深之昨所問館成否何所固必新正詣清湖行禮亦不見訪往往泥哭則不歌之意非有他也屋見說漸就緒先生鼓舞倦矣宜作意身事悠悠何為行日可得聞否春和景明其間一造盤谷亦可遍觀先生所謂寶者更願撥剔而後來一來須十日乃可歸爾悉

俟面賦此不能盡

回李宮教應華

號肯堂

某頃以附伯昂令姪書後未悉起居深之令弟來聞病目少寬為之喜幸日欲專介詳問飲食坐卧之節塵全因循心甚愧之昔人云身在則有餘舉天下紛紛藉藉不如意事屏置度外專精神筆醫藥靡有不濟恐吾目所受病方將驅除而又重以吾心之不寧是滋予疾也用敢於岐黃忠愛之外輒奉清心一方為獻願於大學第七章加三思焉偶孽弟有介歸就有京書達左右輒并遣前薄物將忱徒覺塵瀆臨風馳泝

與朱太博埴

號古平

某山中相望數舍而遠乃心精微無往不通僕十年受用順境過當天道反覆咻者旁午七八月以來此血肉軀如立於砧几之上糞粉毒手直立而俟之耳僕何所得罪於人乃知剛介正潔固取危之道而僕不能變者天也僕誠不自意乃於寒舍千步外得一陂陀溪山泉石四妙畢具委曲周遭可十餘里蓋其景趣兼盤谷環滁而有之而其曠遠縹緲或謂南樓劣焉騎馬囊飯朝往夕還率以為常而山外事一毫不接耳目矣僕嘗羨君家山水之勝幾欲作意植杖其間而未能也然自以為且夕必償所願不知

吾壺天可以屈公一來乎烟霞泉石此不足與俗子說處  
知音者自不同正恐不問主人徑造竹所余月心來拱被  
寶壘惡乎而不用吾情適疑祥觀蕭道士來訪其別也曰  
吾將造古乎爲之書以復命且道予懷而假道士爲郵焉  
某比及門即拜狀開車騎在郊外正欲嗣詞朝星忽來偉  
然朶雲之贈故人渠渠勞苦行役諸兄那識此意曉起入  
山新流浹岸棋聲未盡石骨依然人生徃徃如此盈虛消  
息道體流行仁者謂仁知者謂知可超然一笑承有訪剡  
之約上已前後擬山行數日湏主人在竹所方可乘輿分  
沙一席已戒白鷗退避矣呼燈走筆馳意次寥某比及門又一首  
極有磊隗欲從執事傾倒一日雲山浩渺焉余懷忽拜  
義獻帖宛然王立之參前倚衡也垂諭前城李氏事讀之  
甚駭近有假爲黃節幹者騙寫其家田莊鄉廨既見之發  
覺昭其迹於牆壁間矣曾鑑何人又肆無狀欺愚嚇聾一  
至此耶某平生所立謂何豈有退居林麓省咎敬威我自  
爲我而青蠅紛紛每使惡聲至耳莫爲而爲莫致而致非  
命也耶勢不得不榜謹納一紙幸轉之李氏以破姦猾者  
之爲使人日爲此等救過之事不勝浩歎某向者因及執  
事出處常誦伐木之詩今書所云猶若未悟稟答之次臨

紙惘惘

回鄧將尉中甫

某入山愈深於所尊敬甚其闊矣前年足下以書謙禮得  
一往復最後賜誨造今不能報論其形跡何前之恭而後  
之倨歟坡云人情重徃復不報生禍根后山云一詩已經  
年知子不我怨人之度量固有相遠執事知我宜可無前  
日之事今通國識其用心由其未定而言辭之不可以已  
也如是自其定者而觀之輕重銖兩固皆當然言語文字  
幾乎閤矣昨書皆楷義所發卷爲一通謹而藏諸後有作  
者將爲此興起客從巽齋來能言執事日從翁樂甚因款  
容坐亟亟援筆寫此怕結授客以轉之左右學之不加感  
慨年歲山澤雖遠尚惠一言臨風拳拳

與顏縣尉復古

某自春未得一夕承顏色接話言外此皆瞻仰之日追憶  
是數年來書筒無虛月分秋亦不太久未有如今之疏者  
也然私竊自解則曰此其迹爲然不足深計知足下得我  
同然與否茲者恭承少迂蓬山之步暫爲梅屋之游脂車  
有駭絳篆伊邇宜勝贊慶執事自此開張清途塵拂髮落  
固其分也顧微富貴利達以致其身貴且重者崇論宏  
議所鄙者也不當薦是爲賀惟邑於民社爲最親惟少府  
於邑爲最要平生學問藉是得以展布潘輿康寧千里迎

奉調態嘗苦式慰茲願是二事深足為年大賀也某雅聞記者以某日戒途懷是惓惓將祖帳道周杯酒為壽屬有牽制不能來謹上狀并致泊禮以昭區區惟容頓是幸川平陸夷行者有相惟秋深殘暑未央乞願輔崇重以前三接九迂之寵隨軒德輶仗想善氣方來錫羨山則別後或有鄉邦驅策敢不下拜

某歲抄得承便駛遣以瓊灑故人千里之情諒然可掬感鏤其如之何茲得嗣書於令弟來歸之便尤見崇焉喜審議論於帷幪之親出入於錢穀之會蒲腔磊砢庶其有以自試矣來教自咎以為浸淪汨於俗吏之歸此意固超人一等孟子論仁賢而必望其有政事財用之效蓋績用聲猷不可相戾本末一致焉得就此以遺彼自賢者徒以清浮為高而無益於實然後小人得以事功自詭今日挽回君心轉移世道吾輩正不得不自力尚可以俗為尤乎伏惟尊同年其懋勉之項承刊委比於敬嚴之前亦屢說項非某私於所親名德如許區區欲自默本心臺臺自有所不肯此老亦既有所許矣坐席未溫遽為林麓之歸一場說話又付畫餅雖然長松在林利錐處囊翹翹傑傑旦夕諸公爭羅致不暇瑣瑣爰助何足為說某奉祠侍親頗於讀書有一日之樂朝市紛紜然謗之府某雅欲退藏以遠

罪咎賜教極得同然之真或政事有足為庸陋矜式母惜刊曉一二因以具報情悃非筆可既專規嗣布

與聶吉甫

某於斯文契闊數年於此載酒問奇豈非夙心而相望百里離群索居甚負此愧以其傾嚮輒私布之先人季子生二十年矣號曰學文實未知方有從弟一人同堂而習年相若而學相似也閣下沛然古作籍甚時名所欲北面而從事者衆區區欲使二子者私造化焉間者疑其不可諗之朋友固以為請不圖閣下不鄙夷而許之敢專書以聞閣下肩與之盟豈惟二子得以受教僕也不敏實嘉君子之賜援筆荒蕪臨風切切

回王國智

某歲前作稟字輒致松栽之請專夫十餘虬孫載道日塞破吾屋即乘天時遍布蒲山矣異時車馬相過山神欣然迎拜必曰此吾東道主云擾甚布蒼膚率別作謝狀

與刘司戶三異

某自別不獲奉起居忽聞小爽調攝昨見當風輒睡不禁生冷覺憂其必尔看來衛生之書誠不可忽也心遠云來時及拜問已幸勿藥極以為善暑天將理正未易某欲助數藥而不知當用何品謗遣芝楮百千為意且宜深自愛



護侯其可出見訪未為晚也南史正本遂可得否便中謔  
得介意為荷詞侯草草他規嗣布

與胡端逸

自別後日在山間搜竒別恠得二所曰閭微曰上下四方  
之宇幽閒曠逸超偉軒張其竒又在中磯兩峯之間之上  
君再來足以抵掌大笑翠晚又改曰浮嵐賤翠釣雪改曰  
六月雪特立改曰至大至剛以直我非好恠地適足以當  
之君謂如何新昌弟一介至門館毅之議諾矣專人導其  
來庭下請君蒞盟江南春小天和景明山靈川后畢獻萬  
狀欣然有應接佳客之意不遠二百里杖屨容與乎其間  
不亦可乎凌運信筆未究欲言

與黃主簿景登 名滿

某輒有所請鄉州有俊傑士曰胡君名天牖端逸其字也  
十年前學校定交意其旦夕獵獵乘青雲而上尚遲決科  
蓋其命然心甚敬且念之來山中聚首半月且留度重陽  
問其館毅則未有所嚮也此君有能賦聲於應用更高好  
自脩飭不為流俗足下若與處日從三益豈曰小補之哉  
其家事自好而嚴君主之端逸歲得百千上下則從人泰  
然矣萬一賓廡無虛席則明年君劔員以料理之多費以  
取友美德也端逸留山中若蒙雅報見及相其受幣而歸

是所至願

與劉正伯 知鼎

某江浙分攜流光如駛每荒城雲合笛韻沉沉吾故人之  
思未嘗不生來于懷也秃筆鉗書曾無暇晷東風順翼乃  
有飛戩如之何不喜執事垂光虹蜺濯髮雲漢少須暇之  
駕秋濤而湘春錦矣燒尾光芒薦靈角尺山中猿鶴先修  
光榮某癡事未了誤渥徵行三辭弗俞旨且俟代持其軀  
落不敏者如之何而任劇哉託愛宿昔不同他人何以教  
之因風馳泝

某久不交訊坐積尊仰忽蒙專价惠報冠事桑梓驚動南  
望惻然正具復間得鄉里信來乃聞十六日破玉山次日  
破新安吾鄉必不免矣財物所未論屋廬所未論不知一  
鄉人命是時得脫與否未有嗣音為之哽咽已作書控倉  
使乞兵剿滅某即日交臬事當以滅寇為第一事母慮尊  
公朝議近况想安適謹附拜一忱即君新功日富次者且  
聯翩而上矣可慶可慶草草修染愧甚膚即

回鍾叔王三帖

某杜門避影久矣出山一事不到夢寐間聞命誤節相羅  
笑人方循牆丐祠以安半菽倘拜俞音春晝花陰猿鶴飽  
卧亦五雲之密蔭也袞袞渠渠餽禮和郁固不敢當亦不

得不拜草此稟酬尚規喬謝

某昨承令嗣子京相過眉目森秀真可喜也承以至德觀牌為諭便幸偶已染就今謹封納切希視至

伏拜寶翰寵有臺觀塗抹無羊之詩珍重來牟之意我之誤矣我之懷矣親戚往來本無所不可受獨其名曰前日筆為某事也若然敢不重拜以辭吾黨相與誼如一家緩急相赴情之所有而足言謝哉非曰不恭其所操挾如此薄言稟報未既由衷仰幾台亮

與隆興黎節判立武 探花

某自大名震盪以來吾江西一佛出世引領願拜實不知前此固嘗坐下風而揖餘光也去年汗漫一出道過清壘邂逅捧檄歸省江泉草草相見道舊恍然驚喜過望至洪甚恨匆匆郵亭晤語外無從嗣集蹤跡展轉重見黃花所思天一方令人回首其恃氣類之同輒以士薦漕關新貢元劉君子俊吾鄉清淑之英也所居門巷相接文學卓然可稱遠器今年以登仕得本士者以為晚旦夕詰星堂下謂一世龍門以未執鞭為耻政告賓榮許其滂刺見所未見劉君歸可以語人矣西南雨雲臨筆馳泝

與劉民章 子俊

某自湘花別後其人如玉夜夢見之名網猶兔且然不足

以得橫天之翼每為咄咄三嘆空阿上得書乃知猶為脩門客何留滯周南之甚耶詩云京洛多風塵素衣化為纈又云棲鳥戀舊林池魚思故淵青山屋上流水屋下歸來自有樂地乃欲以外物之盈虛為面頰之有無為執事者左計也乘輿而返萬里足下可以遠道為諉乎某昨報舍弟令贊千駟之歸為奉薄贖想已稟達歸哉歸哉臨紙引領

與梅制幹

自去年滄浪使者歸米氏真帖又三四往往多從景明便鴈來也洞門窈窕雲山千里騎黃鶴跨白鶴恨不得一日共君其間風雅比興韶鈞交作長軸大冊一再寄意而不倦鬼神閱吾山數千百年今而後衣被雲錦草木澤澤光價益倍章之三十二詩四時朝暮之變皆有其象獨以一詩當一境則有不相似者混萬顆珠幾作一片圖畫而江山無異辭矣謹頓首謝頓首謝子秀別三年漸成六考適籍金閨止爭浮圖一頰近書謂赴吏部銓將取一闕人家如此猶落散子選豈非朋友之責哉歲月易老功業宜壯早改官去即伏摩建節無滯碍男兒事庶幾哉某當年間亦大參差江西代者激為波濤使人彈指剝剝賴君之庇天日皦然今可以適吾山水之陶陶矣此詩云日日騎馬

來山中歸時明月長在地但願山人一百年一年三百餘  
番醉君念我悉度欲知我近况不敢不白某慙慙故人之  
意豈一飯而忘顧數百日内不能專一价附書殷勤又不  
敢信以是契闊詹仰克塞懷抱而未有以發也李處請假  
歸道出琵琶亭下率然伸紙意之所至不擇言語臨書神  
爽飛動

與杜教授抑之

字伯揚號帶溪宗  
仁人李梅亭高弟

辱早春第一帖遠佩意甚真每一念吾弟輒思老成吾弟  
一出幸無他微執事教訓何以臻此不知葛蒲前後書琴  
得至山中否近來心思稍清頗得專意研討亦時不廢吟  
向聿令吾弟訪問南史正本與晚唐百家詩想亦可得如  
未也執事試致意焉古桂留館中口得誦習毛詩因知求  
選於選止可爲選之子孫求選於三百五篇則選之兄弟  
可進也相見當爲執事傾倒之偶遺一价信筆布露馳泐  
雲表

回謝教授愛山四帖

雖塊坐深山於時商人韻七鼎鑄獨無耳平載酒問奇道  
之云遠徒有是心而末之能也不圖互鹽道院屈居仙客  
階蘭砌玉真亭芝相照映每思吾仲收友必端未嘗不自  
歎獨學之陋手書寵貽清揚流動雖未見猶既見矣何時

簪盃慰此神慨臨風馳報書不盡言

寒簷積雨杜撒無悰得書而讀之昏眼爲拭某落落白雲  
間一疇春綠自飯吾饋浮世榮辱事付之山外復惜所家  
君言過矣然醴露醲郁波及溝斷企瑞芝而逸眺佩金蘭  
之采好也美人一方書琴自適爲誦停雲三過

日於仲氏便价得書振衣快讀恍焉眉宇之迫吾睨可人  
不來蒼苔苔滿徑得無忘把酒看山時約耶西風逼人桂香  
浮動天池鯉化搏扶搔而上之捨愛山其誰屬魁卷紙一  
幅納之文房衣破琳琅騰翥光景褚生輩亦將後其逢矣  
薄言占復掛一漏萬山中度日如年落葉蕭蕭涼月墮砌  
起視寥泬安得知已握手長吟寫胸中之耿耿以相慰藉  
耶杪秋餘熱酒壯二豎者雖相戲而不吾虐子亦從其所  
爲倉扁輩未嘗屑屑然也久之不覺脫然去體是又不治  
之治有勝於劑餌者寵貽手札問勞渠渠故道其所以然  
而以復于執事

與廬陵劉知縣庭篇

采山釣水飲食於大夫之境三年于茲門無公事得至於  
百里之室幾於魚游江湖而忘江湖矣伏念辭印西歸揚  
舟東下昔者河陽之李今茲南國之棠諸父兄弟服習  
長者教訓恨不留鎮此土雖然此一縣之望也縣私土子

人無所不治是中都索包總有相道焉行矣僕將大其所  
觀某山深閉門杳無城郭信風傳令尹新舊之交未及馳  
慶乃承上書顛走告別江頭折柳奈何不敏為之漸對將  
命四壁空寒一無可為載月助者知心天遠解后何年詹  
沂風帆江空渺渺

與廬陵李知縣說孫

某邑人也聞今尹之來不能隨父兄子弟逐千騎於郊外  
敢自訟以書惟高明察之某茲審承命九天涖封百里初  
條甫下闔境爭驩諒為慶愜某官氣宇鴻明風猷駿厲脩  
程步武空萬馬以無前清水鋒芒解千牛而不頓吾廬陵  
號壯哉縣詞訟雖繁而詩書之家衆版籍雖廣而期會之  
事省約之以清淨捷之以平易以公之才恢乎有餘地矣  
會成美錦逆趣濕綸某骭髀一世之沈浮人也所占籍處  
在治所之南三舍而遠雞豚可千戶民淳俗厚僕也相忘  
於漁樵而今而後其得一廛之託矣僕實何者首辱駘函  
以此事當路之尊貴則有矣區區何足以當之輒裁戔賀  
上并鍾鼎大名歸璧洎吏伏楮卷卷

與廬陵陳知縣堯舉

昨歲京華天作解后每念晏公在陳歐公在頴一宋二蘇  
千里往訪竟日從容以某不才受知場屋且二十年良觀

乃僅如此視子瞻子京諸公不知何地著恍勿汰去過  
荷遠將一日江空暮雲如水涓濱之首寧為他人回哉茲  
者伏審肅持鳳檢出莘螺山車馬實來旄倪胥舞伏惟驩  
慶先生聞多而學廣事熟而心精華力千鈞捕龍蛇而獲  
虎豹雲衢萬仞騎麒麟而翳鳳凰未抹馬於天津乃著輶  
於雷邑竹松林裏不妨簡編之尋桃李蹊邊細數枝柯之  
長小紆盤錯便起扶拄某閉門山中傳來即報忽覩先生  
為吾邦一來古人重師友至有塗車片言隻字以冀萬分  
益者鳴絃千室中有老門生在焉知公不能用其然矣  
惟素性疎曠無城市蹤跡謹避聲利不沾借於公私自今  
以往陰陽和風雨時曉夜鶴左花右竹吾君吾相之恩  
亦吾座主之惠也剝開前茅在郊謹具劄子候迎臨風馳  
往

回樂安唐知縣元齡

深山中俯仰漁釣久闕時綈使者忽來計一往一返殆幾  
千里君之厚我感無有極他人作縣驚備若不可以一日  
先生為之優游政聲洋洋乎盈耳難易殊絕蓋必有為之  
本者且夕細浦綸綉在道聲弟以斯文受知僥倖通政書  
來謂注邑當在春季繼此望洋方新尚賴教誨庶幾自淑  
刑曉寺記徵獎予不及此惟平生於浮屠無所見非敢有

所撰關於其家數全不曾從事耳恃愛直布尚寬方命之誅嘉貺頒拜簿物非所以爲報臨風悚又

回劉運使應龍

龍寶齋

比承一介使人陟我山麓問外自梅外來執事惠綏一日之好其與人也重以周則既感敷所蒙致其多謝之私矣未數日從驛吏取近報伏審升班西閣移節南昌提封不隔於故家父老相誇於盛事仰惟慶愜某官揚休山立玉潤金相方其爲御史也風采所播聞者稟粟及其將指於楚越也蒲腔惻隱人所不滿之處入蠶入細之規模可以槩見歸來麟閣還本等地位已竊遲之江西湘鮒延首福星誰爲朕行弄印未央公未至闕下就道相屬亦曰此公鄉里煩公歲月又將出少府節召公歸矣某嚮者得節亦曰鄉部後來召罵數月而不休嘗試思之近年如宏翁矩翁未嘗不漕本路而二老之所以鎮壓群動者年德位望自是過人而持斧之役旁午豪華又非計使比也今執事繼二老芳躅仁聲賢聞之著於人久矣萬無不及惟有過之此所以宜賀而僕之所以亟拜此書也前等出嶺聞已多日勢必馳上呈書歸釣山以俟命上方屬意賢英亟疾其驅惠我江國臨書不勝瞻依之至宏翁包宏齋名板

矩翁曾矩堂名穎戊

耕釣山澤飯疏飲水不自知歲年之運運也使者維何云自南浦飛雲五孕居然下之寒谷陰崖冰霜積沍春風不擇地而至有如此者某官天和醉穆地望高清夜占天文福星直斗牛之分薄蓬萊厭承明爲桑梓此來釣山之下雲霞噴薄油霖甘露流注平大江之西部人歡呼吾父母帝曰勞止歸遂相予僕何幸身親見之某山人也其於當路厥有等威不敢屑肩竿牘致歲時之敬謙尊而光禮出倒置德盛仁熟悚然稽首落霞孤鶩水天茫茫既不克偃僂請拜祭戟之下心之精微寄此函尺未言歸嚮江流知之

與袁守雷侍郎宜中

號省身

某前年赴宣州道滕王閣下望山川英氣稽首人物欲擁簪造門而舟車異趣僅能拜書問花竹平安而已亡何蹤跡展轉不遑嗣音歸卧蒼苔益以踈闊其戀戀門牆之心固如水之必東也某比者伏閔邸報竊審小紆紫韁近擁銀符吏竦旌旗人傳襦袴共惟驩慶欽以某官抱經濟之祕稱磊落之豪青天白日鳳凰百年美瑞高山深林龍虎一代傑魁上方瘡痍側席圖致太平甘泉舊臣不當越在遠服名藩歌馬姑曰起家徑執事樞旦夕有詔某庚午一出殊與戊辰相似去住匆匆取笑當世杜門深念益求寡

過未知所以稱塞於知己之道君子不棄尚惠教之某又聞紫馬赴鎮空山不能專介申賀適逢過客輒為其私以自附於大厦燕雀之後相望一方馳泝切切

與中書祭酒知贛州翁舟山名合

晨起冠帶輪寫積誠世俗竿牘曾是足為有道者言惟高明索之形骸之外某責原白鷺書生耳童子何知乍習句讀凡先生之精神意氣粲然於言語文字公之天下以淑後學某皆嘗得以朝夕斯焉衣被遺餘曾不自意早以名知於人有我師焉生同吾世驅馳四方乃不得解后某日夜興起謂當何時而後得免於常人也流年堂堂實勞我心共惟某官孕光岳之精參天地之運大忠大雅萊公文正之心不倚不偏伊洛考亭之學斯文落落上帝惠顧天門夜下龍虎章授公以柄轆轉璇璣經緯星辰公從兩制稍發蓄積然後坐之廟堂為天子興建禮樂洗千載房杜之陋太平之期適當今日某退歸以來有泉石十里足以為適浮空變態日過其前飯飲飲水自求吾志竊伏思念空同鬱孤如在屋角平生情結云如之何輒因此時以姓名通之門下一言終身尚庶幾焉園丘慶成上方親事少府出節必以公歸迎拜東帆螺江之游以其時可矣山斗高明臨風切切

某伏自空同王節順江而東復從中流迎侯鶴首雄文鉅冊間想象變化如高山深林龍虎不測不圖解后遂拜堂堂風流雲散一別如雨金聲王色豪竦以之自先生振衣登朝手提文印以照四海國家誥令典冊燁然先秦西漢之上學校之士莫不從風興起彬彬郁郁爭自磨濯以正法眼作大宗師世無歐陽不當在弟子之列某知稽首矣主上尊德樂道師用賢哲論思獻納日聞正言孔孟不得用於周光禹竟無益於漢才與誠合學與位偶儒者之遇未有榮於此時者也大學之功用至治之福澤何幸身親見之某既脫之蹤分安山澤起家誤渥忽昇龍藩聞命彷徨莫知所自如聞天上聲光假借非一意若可與從事斯文者自古聖賢之佐英豪之輔莫不垂意人物薦進接擢燮天功經人極罔不在此共惟盛心卓犖度越流俗而某則非其人也夜瞻紫微徒有頰首脩門懸隔久曠音題屬請事祠官冒馳一介輒鳴忼慨未即趨櫃願言王持金護為世道自力臨風切切

賀翁舟山燕憲

某熟視一世靡然風塵刀筆何從縱橫旁午架漏於士民之上而世之言人材者率如是而已安得結輩落落參錯布滿天下使萬物吐氣僕箕擊節於斯言悠悠空山誰與

語此故者喜審肅將繡節通沚銀符山川不改於空同風  
采一新於江右共惟其官淵源接乎諸老氣槩聞於當時  
人物眇然真中流之巨屏文章備甚稱南渡之當家輩行  
諸公鈞樞十九夜半一劄趣歸蓬萊以其時則晚矣上方  
式敬由獄乃眷西顧非有志念不足以洗冤澤物非有力  
量不足以懲暴詰姦故予環之寧遲而乘傳之若膺太平之  
責正在方來以公歸兮政枋焉往某碌碌不如人獨有愚  
慙不能改其素追記前年冒乘君子之器他不足道惟姦  
冗豪橫稍稍鋤擊淡之爲日月雖未得盡行吾志庶幾無  
失職之恨人情卑淺憚繩檢而樂姑息矧猶未免知人講  
訛朋與以要其得罪於小人也果矣伏惟先生昨者不賜  
鄙夷心聲往來藹然氣類之意某誠不知何日得以執鞭  
下風勿觀除綸心目開朗我輩從事俗吏奪氣豈惟爲一  
道實實足自壯護專人上狀頌稽庭下少伸門墻燕雀之  
悃蘋藻薄羞別紙惴悚

賀江東憲方逢辰

賀蛟峯

某當公在螭切時嘗奉一紙書至于閣下書上未幾而公  
歸蛟峯矣譬諸草木臭味實同瞻望雲山臨風切切某茲  
者恭審升撰秘丘宜威直指西臺與政蓋嘗識頽瀆之文  
東路洗冤亦以行瀟溪之志六絲初駕一佛歡傳共惟某

官色正而苔寒楊休而山立言語妙天下材稱一代之奇  
出處重本朝望在諸公之右自夾侍玉皇香案等而上之  
胡不均弘俾執事樞國家重更迭之制江湖一節煩公驅  
馳式敬由獄以長我王國公所學在此歸哉歸哉中詔在  
道某山林之下靜觀世故其於君子進退安得不致其卷  
卷芝山父老迎擁星朝以時考之可矣輒馳一介自附於  
門下燕雀江水東西心期天遠臨紙欲飛

賀前人除江西漕

某束書歸隱有釣遊之所曰盤中兩山對峙間以小溪日  
步溪上極目滔汨輒自以爲晝夜不舍此溪水會有達鐘  
陵時而某塊守漁樵則曾此水不若耳昨孟君陞從番禺  
遣介來嘗爲書附申起居相望千里亦不知上徹果何如  
時也某茲者伏審班仍寶殿節峻水臺貫索沉沉方轉芝  
山之曉使星冉冉又回南浦之春一水東西二天公昔伏惟  
歡慶欽以某官寒芒五緯絕岸孤峯生漢子陵之鄉雲山  
一日派唐處士之譜風雅百年雖已跨海而望蓬萊猶肯  
濡絲而陬原隔瀟溪道脉雙井詩香流馬木牛旣無媿於  
千古落霞孤鶩應可對於二公所謂旂常特吾懷袖某碑  
元抱虛真無所用於世曩六轡使江之左每依餘光以自  
映帶今也一畝之官環堵之室圍德宇而處自茲以往夜

月如水猿鶴不驚田夫芸子各適所適則何啻如天之福  
郵傳所至不勝燕雀私情即日謹奉書為賀臨風馳泝

回許秘丞自號果齋

某火龍之歲從集英門綴行而出風流雲散回首參差不  
自意去年待罪闕下獲接英游心事流行日星垂而河漢  
流也湖陰送客風露滿衣移語崇朝英桀憂疊歸去來山  
中至今夜夢見之新昌小弟夙被獎知嘗察之情始終一  
日俾來通示五雲光恠照室此豈四海九州無情人耶鄉  
風九頓首尊年丈山立時行日光玉潔長樂鼓鍾西清帷  
幃終當著身風日不到處輟輻雲漢經緯星辰為天下開  
文明太平之運某被服光潤實與有焉某既還里閉入山  
讀書香不知山外事天上故人重相顧念適逢便武輒謝  
所蒙餘祈為斯文珍重慰此引領

賀倪提舉普號寧齋

某寄跡提封某水某丘童子所鈞遊君侯實照臨之報政  
將一年矣某猶未能以民禮見自盤谷西南而望城郭在  
焉相對五雲輒移時不能去某茲審宸綽鼎來庾臺肇建  
讀皇甫記已蘇今日之疲民傳紫陽心又舉向來之荒政  
風行新令雷動歡聲欽以某官神驅五兵才入八面作真  
御史以直道而事君稱明監司行本心而澤物公來青原

父母其人屬時常平弄印六服牧伯無以踰公者西江涸  
轍久煩公拯活歲月少府出節中詔又再冉出建章矣某  
自聽除綸即欲自附於門下燕雀側聞雅志引卻甚真上  
方倚賢者以其理為乎能從臺治一新境內為動某甫及  
拂紙行墨以贊東注之盛喜其晏矣世俗所以事尊貴以  
鱗番從事公有道人也某不敢出此臨風飛動

與新知太平州趙月山名日起集英  
殿翰林川人

某去年待罪闕下幸甚得一再交書幅中獨樂近在吳門  
入秋正擬專介候猿鶴起居會去國不果黃強立自竹所  
來相見於六和塔下遠蒙寄聲多謝故人厚意自是而入  
山愈深杜門掃軌無復南來鴈足矣壁弟學製新昌新年  
見告二月遣人詣門墻通問輒寄所思寫之竹筒既行伏  
觀除目欣審仍班內撰領權東藩一札起家千乘載道其  
惟驩慶執事青天白日之質望之知為正人千兵萬馬之  
胸識者推為豪傑六合悠悠風埃滿目所謂江左管夷吾  
公其人也偃薄起伏如神龍天馬不可羈牛渚天門一瞬  
萬里亦足以發其中之所存矣天下事方有賴於公時來  
為之執之能禦某風昔荷相知出人一等以此不敢自菲  
薄一別十年浮雲進退何足為達者道而學不加長每  
自憐久不見叔度鄙吝固宜自今得聞一言三日後刮目



未知於吳下蒙何如也偶遇新昌便意其介尚或未行輒附賀狀并寫戀慕萬分之一相望汶寥臨紙馳洒

某風雪殘年中使者以餽歲至嘗草草拜狀竟未知果達紙房與否過年百二十日是問何限傾倒毛穎輩不任事姑寄一數比審放纜長江休鞍盤谷執事自宦遊以來歇歷中外垂三十年曾無一日得從五畝花竹之樂金山鷗鷺甫此尋盟如負者之息其肩行者之休于樹一時瀟灑比軒冕束縛嗟乎遠矣浮雲蒲山任其往來太虛真體儼然萬古某歸來兩年處積毀震撼之餘差幸天者之小定自有溪山足以遊釣澗不問其他有詩云日日騎馬來山中歸時明月長在地但願山人一百年一年三百餘番醉欲知近况此其凡矣念人間清福莫如一開幸而吾二人皆可以自適獨相去遠絕無從合并江東暮雲長長在眼輒專人奉問渾府居處之樂即辰夏氣方深共惟靜養淳和坐消熱惱神明護持式行方來川至之福臨紙耿耿

與知吉州江提舉萬頃前古崖

某兩年乎山中春猿秋鶴木食澗飲蓋頽然世味之外者五雲纈紛麾節夾招搖歷勾陳而下青原白鷺浩有生意某甫與溪倪谷老領手蒙幸乃大化驅之出東書就道備民禮公堂下俎豆春風簫韶夜月藉之以詩書禮樂之光

多矣明公以洞庭五老之胸時雨一路曾未數月春旗霜艘風采軒豁所謂動搖山岳細事耳少須暇之棣萼棠陰以西之父老子弟豈得以私我公哉某自解維江浒風濤回薄抵昭亭下是爲子月丙寅大壞積朽觸手病歎雖日夜爬梳會肯然育豎浸淫非非劑可藥肘後龍靈公不我斬則宣殆庶幾乎惟故山松菊沐浴瑞露而醴蜀之望復切切微疇昔不至此某日墮倥傯神馳祭載甫奉陟釐則已魯臬籍獨不愧于心乎歲將新矣願言蒲頌盤椒對揚綈綠此豈無委嚴立下風

某伏蒙公劄下問勸分仰見豈弟父母揀民水火之盛心某實共邦人額手大賜其所居里凡千餘家常年家中散米一日不收錢諸大家以次接續賑糶可及三十日隔一日糶可當兩月此方儘可無飢他時不待勸率自是舉行明年係緊要年分或須使榜一申嚴之至期却當取粟但四境委有可憂蓋吾州從來以早稻充民食以晚稻充官租今年晚稻半虧顆粒並是入官之數早稻不過二三分則是民食十減七八此其所以臯皇也近見多有趨龍泉求新運糶者覺彼二處米亦有限縣大夫各私其土不肯透世亦其不得已者此須使司示以意嚮使之斟酌放行

庶彼此可以均濟最急莫如通贛州之米近同年李守重  
書自謂年穀中熟米價日低某嘗答書云廬陵一歉異於  
常年田里憔悴不堪舉目惟章貢素無糴事而得歲又偏  
鄉人顛頓者往往相率而趨治國民食關係苟可通融兼  
愛秦晉公之惠也蓋贛浮橋泄米之令素嚴田吉號產米  
而贛多山少田故為贛計不容旁及鄰邦今歲事既相反  
又當通變此須古崖一書與李守通情俟得其要領然後  
大榜境內許人赴贛收糴此亦權宜之一策也區區管見  
姑復仁明後有便利又須陸續申控

某自聞琴鶴言歸即戒筓車擬送別於吉水新釜間初十  
日始得初八日申時寶翰則知去期甚速始意不可得遂  
即抖擻作詩馳詣使館意必可相及僕自城還則知解維  
已三日臨風悵恍如失廬陵四竟皇皇流離入贛過吾鄉  
者無虛日豈弟父母又拂衣去之細民教教皆謂局不留  
我公撫我妻兒婦女一無異辭此即公論在人心不可磨  
滅處吾輩仕宦得如此即無愧漢循吏傳浮雲得喪何足  
較也某念受塵兩年當使君之行不得往送詩又不達歡  
負為何如亟亟元詩并拜此紙從新昌壁弟處借一兵走  
請潭府不知紫燕在芝山或在廬山邪引筆馳泝之至大  
丞相古心老師某不敢容易上問鈞履丐為轉道詹依卷卷

賀知吉州黃提舉名儲

某密依使天水靈深山與猿鶴卧送流年縹緲於左泉  
右石間非賜邪每飯牛頃必矯首畫戟下茲嘗郡揚帝璽  
節畀天困千里光華一道鼓舞伏惟驩忭欽惟某官眼空  
四海胸著千年振代直聲鼓雷震而潤風雨鎮浮定力載  
華岳而繁星辰衣冠紫紫之神仙氣類青原之忠節旌麾  
一頌草木交輝地私二十石之陽和天薄十一州之福澤  
璀璨六絲之遺碣碾五袴之歌即賜召環遂高聽履某受  
塵幸矣公朝念其久廢器節湘行顛倒綉衣不堪重著陳  
情丐祠以反菽水之奉尚微均弘俞音且夕下俾得醉泉  
匏蕨水之北山之南地主之賜也於馳賀之次仰布其私  
干瀆峻清臨楮悚悚

與前人

某日者釋耒山中僕僕湘後走公堂脩民禮具申傲道之  
敬蒙主進更位之堂上再三祖帳殷勤臺觀絡繹視塵坭  
且絕等至於開心見誠憂愛疊疊一洗世俗崖岸某鄙吝  
久矣微大雅無以發此意殆未許諸兒覺也小隊出郊追  
送作遠自遠森戟雲樹凜然連日欲作書道歸戀之樂征  
塵在衣筆硯為廢偶宿分宜七里殘日入戶輒寫綢繆風  
濤滔滔婆娑忘食金護王持世道將有嘉賴歸鴈草草尚

謀奇叢

賀楊提刑允恭號高峯

某昔者望七十二峯於洞庭之南以爲嵩恒岱華類不可  
易見五峯三市之近皇華臨之遂得以相望下風未見猶  
既見矣迺今使帆凌空沂頓石而上僕家去大江濱可四  
十里天其予之以一日迎見之便慰此平生云胡不喜某  
茲者伏審庾政告功刑臺建節塞帷而問風俗猶昔四封  
持斧而行東南于今三命旌旗初動約束一新仰惟某官  
識透萬微才當八面陽道州撫字之政所謂吏師元刺史  
參錯之奇可布天下天子以公薦於倫紀使得以便綠衣  
堂上之奉乃眷西顧如此江水一節常平二節綉斧式敬  
由獄以長我王國乎及一笑庶其在此公歸廟朝卽典風  
化一家仁一國興仁尚觀大學之顯效某杜門掃軌知事  
常後忽里巷父老驪傳明使者將至伏櫪之驚躍躍鈺鼓  
往事如夢不足細陳某所深自幸賀者三開風雨託諸提  
封小人有母纏自今得安於其子之養是則君子錫類之  
賜服之無斃堂堂在目卽聽匪伊軛以書先精神孤往

與吉州緣知府元德

某昔侍同朝自詭相好茲不得又以繁縟爲踈遠惟公勿  
深訝某行吟孤嶼回首吳山烟雨中書郵往來時從泓穎

叙尊仰汰歸深密姓字不到雲霞外分正如此非於名門

有所簡也階符在望徒有稽首某茲者伏審朱轡春動紫  
馬星移民樂耕桑簡靜方安於晉國州稱富庶勤強更屬  
於張公兩地迭迎二天今昔恭惟懼慶欽以某官霜明月  
湛玉潔水清端嚴有大臣風澄不清而撓不濁循良入漢  
吏傳寬有斷而愛有威小停權於天津頻合符於江國歲  
之不易民胡以生將魁青社之飢遂易淮陽之卮竟上爭  
杜衍雖去住之良難席前問賈生恐傳呼之已迅自天子  
所以我公歸某茅屋三間在萬山深處借書沽酒外一毫  
不以爲公私撓獨蒔松百畝日騎牛叩角其間天惠仁候  
自此吏不打門犬不夜吠猿唬鶴嘯各適其適則某受賜  
侈矣候迎之初不勝依倚謹具劄子自陳燕雀之私何當  
嗣狀

某屏居一廛耳目塗塞忽蒙公牘錄示省札竊論朝廷爲  
李祕丞諸公有請待發諸項椿積賑我廬陵而賢太守敬  
共其事日夜講行之仰惟施仁發政朝廷甚盛惠也救災  
恤患御曲諸公甚盛舉也承流宣化切切然惟恐一夫不  
被其澤君侯甚盛心也某嘉與鄉邦父老人士同一贊歎  
伏承不鄙特有下問以某之庸愚不足及此細玩諸公所  
陳如隨縣闕狹分撥米數如發糶之類只依元程價錢皆

旨揮之所已許而使府已遵而行之甚善至於戶口之多寡編排之虛實此則各都各保之事所在都保委有奸欺然物之不齊物之情也若以太守屑屑為此計較恐末流必至多事此惟當嚴責之八縣宰宰若親民若其以實惠及人為意必能周思熟慮以求稱憲明拍傳所謂心誠求之雖不中不遠是也一縣各有一縣風俗一鄉各有一鄉事體諸宰申請惟各從其便不患寡而患不均彼必自能斟酌通融而為之說惟吾行所無事自然所濟不細但縣之於郡往往勢分隔絕若專靠公文行移必有展轉遲滯之患若使府明諭諸宰此事今作一項措置不比公事常程每縣各給以數紫袋置循琛曆其中使諸宰有所申明只於曆中絡繹稟請從書表司徒達君侯隨手應答如回朋友書信使為宰者得依時稟承其中便賊吏奸八九分且閭里細微得實達於黃堂之前物來事至無不曲當是則布宣德意之一大捷法也某不當出位僭越承問不敢不對或者千慮一得惟君侯矜其愚而勿罪之某繼此若有管見焉特寬贊又得稟陳

回吉州西梓竇檢閱全器

某昨歲特罪闕下明公騎鸞驟鳳下我青原相望愛靡不能以特刷翎振喙從燕雀來不圖天孫雲錦飛墜几格全

聲玉色參前銜衡固不以既見未見為間然也某官欽母翠以為神氣卷湘水以為波瀾駕蓮葉而味玉書仙芳纒纒舉芙蓉而弄斗柄道運堂堂長樂鼓鍾西清帷幃轉轉星辰經緯雲漢固其分也風月神螺小此盤礴綠絳方底王曰過歸某且旦為斯文屬目昨承使者之來即從脩門作意馳謝會匆匆去國出處殊科歸時悠悠書尺盡廢光陰不堪把玩歲年如許念厚意久不報矍然薰沐祗對主書耕釣一塵五雲在上臨風唐沂之至

回江州李都承與號南忠 閩西人

某頃風颿回薄自潮入江目穿高牙恨臂不羽一棹從滄浦來五雲絢爛照映清越對桑落而飲古人之酒擊中流而聞夜覺之雞至今使人意氣激昂借力下風飽我滿腹乃以丙寅視象菱舍下塵埃抖擻未蹂面謝軍將扣門斜封三道突入眼角臺觀使蕃締袍之私何以持報共惟某官閩洛者俊韓范聲名參井欽旗聯寶奎之錯落江淮草木被王節之昭回吟嘯庾樓梅在噴薄老熊當道駱子不敢越一步夷猶岸幘桑管莫涯方面誅不敢辭主錫以頒勅此堂堂燕然石在某滂浪出山落身拐瓢問官官靡問吏吏荒而民氣則憤憤未醒絲焚莫理如之何其淑後也明公惠念疇昔肘後丹訣其肯為某愛邪臨風切切亟拂

吏金具酬潦約歲晚寒驕願言金玉體府壽此宗廟社稷  
之身宜豈無軌轍者三肅以請

某去年在宣州一江上下幸甚數數相閱然所甚恨者過  
湖口時不能轉江西四十里拜屏下共登晉晉亭以庶幾  
英豪之下風也未幾召去又未幾汰歸一出處為天下  
笑知心千里外當亦謂何某比者伏審晉承密旨升直淵  
圖詔璽中褒鋒車交趣其惟驩慶某官閑西遣老江表偉  
人崎嶇諸葛之兵間氣吞河渭偃蹇元規之坐處目盡江  
淮天方祚宋襄戎解嚴公歸本朝坐帷幄老成謀國處置  
得宜使姦雄伐謀兵端不開將社稷實受其福其斐綿小  
心一飯三禱屏伏深山幸不見棄於君子專使遠來持書  
問勞將意孔厚猿鶴為驚區區拜高誼而杜門齷齪未知  
所以為報也九江未除人相當守急賢應不俟代某嘉與  
海內延頸大用倘得衣被餘光遂為太平安民公賜大矣  
江空如許執筆茫然相望一方精神馳往

回澹檢閱

某伏以歲華晚晚春事推與共惟某官鑊玉晶燦凝旒簡  
注神之相之台侯動止萬福某濃熏鵲尾酬敬腆施曩從  
集英殿門吾傍得人以執事重海臺少合雲月相輝至今  
十牛猶有光氣顧山林僻左繫鴈悠悠天際碧雲明發不

寐千里眉目忽照宛陵為之楚然以喜欽以某官欽息  
以為神氣捲溟渤以為波濤玉質金相死乎無自眩之色  
泉清松茂浩然有難進之風乃今絀石室之祕藏為籍書  
而出色視周六典作宋一經南豐以史學稱進裁大典安  
定非他人比宜在經筵某鶴慶正曜起廢出坎循墻弗獲  
被命于征都枵然虛真山凋水瘳處也敏手爬掘猶懼不  
蕪况不穎之尤者乎不規而頌非所敢望於同年也稟酬  
崖經寧不嗣音願言努力明德對揚王休有昭亭委戒其  
敢不肅

回鍾編校堯俞

字君俞  
號方岩

某曉汲凍清以贊萬一之謝首于空勺某兩年中風月  
晃朗望太乙光氣九霄吾書無翰不能時一飛到梅花月  
影忽疑是君而米家第二帖至矣施稠報眇自省欲如尊  
執事以黼黻雲漢之胸試金玉典墳之手駕輕就重給級  
升高此逢掖之至榮而摺緡之交羨曾子固晉裁大典為  
史學優胡康侯宜在經筵非他人比某鶴慶正寒大化驅  
之出自湖涉江風帆回薄四十程乃抵宜山凋水瘳矜矜  
愁予敏手爬掘猶懼不蕪况不穎之尤者乎高明局外之  
見何以教之蒲硯冰漸濡毫如帚尚規嗣音以寫縑絲

回吳制帥革

陸恕齋

某林慚澗愧留此來幸甚在王節照臨之末九華山下  
蹉跌望塵拜手雙魚分隔雲漢敢圖下士盛心超越昭代  
稟報鄭重問位貌於不有方驚喜未定間五雲寵靈自玉  
麟堂翩然貴之所施所蒙非敵已以下所得道德之味  
流注翰墨使人之意也消恕齋先生允文允武之才有體  
有用之學以王謝之衣冠而接風流於江左以朱程之講  
貫而窺閭奧於魯東顧今吏道便熟袂帷成雲崇詩書而  
抑刀筆坐俎豆而行甲兵鐵壁東南公其天人也耶經制  
西事當在朝廷錫命師中不如歸袞某敢誦所聞某生也  
晚於一世封胡羯末之勝幸甚皆得下拜而於恕齋識獨  
早眷尤厚癸亥之望神泉戊辰之陪紫橐又其後來事也  
今則以列郡而事崇垣何敢仰綴宿昔食芹之美豈無是  
心非所得僭詎謂臺觀駢羅光照下國自上而施之足以  
為德某敢不三肅使人恭承嘉貺若夫以徃復為禮則誼  
之所不敢出也謹三熏三沐祇酬主書于清清嚴臨風愧  
悚

回惠州洪梓

某馳想芝山屹立如鸞坡鳳閣代有英妙不自意天惠宛  
陵朱紱斯皇乃肯共堂下探梅清致亭亭雲月邀我敬山  
不後不先未有如斯之巧者也伏惟執事日光王勳之禱

繩直準平之度車堅御良之材真所謂喬木百圍秀色千  
霄望清都太微之垣維尺有咫課冊峴巒屏之最當階而  
升胡尚縮於緋魚來同看於黃鶴意者康沂之歌愈出愈  
備有相之道實昇之以藥石枵然郡政之闕者乎思昔顏  
水齋立其間而正獻以賢行佐理至今談者猶橋舌不下  
某於鄉之典刑無能為役而吾執事則真其人也前茅在  
道旌旄舒舒願疾其驅降此未見至於乘珠委賜鄭甚於  
先施覺光氣炯炯衝貫斗牛矣懼弗敢當亟鍾鼎而歸於  
瑤華之側區區甫此滌篆排冗占酬崖畧是慰

回吳直閣慶齋

某少之時聞東南二石笥王立九霄陟陽蒼膏為綠野午  
橋佳處鸞鶴神清縹緲何許老成遠矣尚有典刑仰惟某  
官揚休山立之韻日光王潔之襟文獻堂堂代有英妙未  
既見只神爽一方某卧青原山中驅馳良倦上恩俾郡越  
在鳴珂循走彷徨連符趣赴不量此來未知所以淑後喬  
木婆娑五雲絢畫尚祈雍謨伴就玉成某遠奉瑤音緘既  
駢錦先施倒置曾是為容既什襲巾衍輒鍾鼎以歸太乙  
之府望履非遙臨風髦冕

與游提刑汶

某以良月之望舉棹東下江空見底乃章貢源頭諸水怒

長未幾光燄五朵與空同雲俱來往颿順風航波瀾之澎湃  
灑石鍾之清越寵靈張王迄抵雙溪子月丙寅俯抵賤  
後辦香西望敬謝所蒙明公卷其十二峯之神氣軒軒磊  
磊昭耀東南以宰相才學宰相事天下久望其爲家擅出  
色會絲周道肯從俊遲惠露瀼瀼江之民幸矣如溥寰何  
會有溫綸四輩馳下某不善爲斲得郡後檣至之日視官  
官靡視吏吏荒民氣憤憤如也爬剔焚絲顧氣力所至終  
覺五技易窮肘後神奇不敢以望之他人惟故山松菊未  
被綠雲亦已過數矧茲隴蜀微惠未涯微疇肯不及此相  
望二千里外明月此心懇懇側豎掛一漏萬惟青陽時動  
緜綠光華式金式玉以副前禱此豈無散辱戒爲榮

與趙知郡孟邁

齊山

某頃從南浦亭遙抖擻函道所蒙荷且矯首于太乙之  
府穹林冥坐縹緲絳霄江塗滂滂勞我宵榻執事以玉雪  
界之精神臨脫入極朝聞風夕玄圃識者猶竊蓮之錦衣  
照道紫淦橫舟蕩漾柳風噓吸竹露澗阿樂矣如願願望  
歲者何建章夜半尺一堂堂畫省紅雲著公高處惟日望  
之某不善爲斲得郡後檣以子月丙寅視篆昭亭下視官  
官靡視吏吏荒洗垢爬痒亦曰視吾氣力所至然山澗水  
際非刀圭可療肘後神奇惠微大福某不敢以望他人也

焚柴淪雪西鄉奉書以謝以祈鼎珍履約願言金護王持  
對揚王休臨風情結

賀前人得旰守

某昨在宣州拜書亡何客攜琳琅來京師欣浣如對匆匆  
去國不成報襄歸里以來杜門深念又無從嗣音爲謝徒  
有清夢夜遶金峯忽讀耶狀欣審丹鳳揚綸銀菟擁鎮八  
百國封爵莫如同姓之親二千石起家共讚惟良之牧先  
聲載道闔境爲春伏深歡忭飲以某官景緯光華仙潢清  
潤淮南桂樹了無貴介之風李白桃園綽有神仙之韻軒  
陞宜當於三錫鞭和肯泄於十同聽惟東野實介南服紅  
泉碧澗髣髴丹丘白王紫烟參差綉陌聊商羊於朱綬供  
衍燕於香香大宗維翰价人維藩不動袴襦之喜九卿執  
羔三公執璧言觀袞鳥之歸某辱在眷知助喜百倍既不  
能振翎刷喙從燕雀來謹奉書寄便申慶迓兵當已在道  
不知開藩消卜何日某尚當屢賀不一臨風馳沂

與趙監丞洪

號平遠

某乃歲之秋緹騎來山中嶽翠蒼寒琳琅照映章不成報  
內有歐然寧不嗣音僻左之以世道如許風起雲飛中夜  
人物之恩爲此耿耿上念井絡丹詔起家峽月棧雲先聲  
浩蕩蓋有望木牛流馬再立武侯之事業又壁窺萬一意

必與南山泊予秀諸公上下雲龍共此光明俊偉之舉縮  
手袖間臨睨天半此其大本領大經綸政不易溼之野水  
橫舟蒼乳縹緲山君川后日有疏附即日恭惟台候萬福  
某漁隈半席自分小休誤溼自天俾尋度謝舊盟意此是  
杖扶筇筇之陋耳三辟弗可乃以陽月之望東書出山涉  
重湖越大江整整四十日抵成以是月丙寅抵賤事瀾城  
敗屋枵然大輶耳擗首脚颯望洋氣縮維宜距鄰僅隔一  
雲東望薰香率尺書候起處惠徵藥石立我沈痾梅花晴  
吳柱笏神馳

慰前人

某昔讀檀弓文子之喪既除喪而後越人來弔其居使之  
然也伏惟先太傅大丞相莫國公之喪既有日矣地不干  
里不能往弔一介奉禮今也而後能來死罪死罪嗚呼皇  
天祚宋國有元老數百年宗社之靈長千萬里風寒之險  
要蛟龍在淵虎豹在山屹然長城為此突兀天乎不使愁  
遺遠奪之去主上震悼傾動朝野伏想生平翹館之英俊  
舊日麾下之將士與夫三邊之百姓四塞之英豪見碑而  
淚望城而悲者不能已已矧夫家門之奇禍父子之至情  
攀辦奈何嗚呼痛哉某生也晚當公佩天下安危分不得  
勇往執鞭今而追恨則已無及獨念袖有瓣香歸依平生

亦既不克為公壽惟有為天下慟哭敢西望靈輻揮淚百  
拜而獻之公而可作尚其我許嗚呼悲哉親喪所自盡也  
抑先王制禮之意是有節文士君子為孝之道在於顯揚  
伏惟執事重致意焉即日孝履支持某頓首奉狀起居臨  
紙更塞

回安福趙宰與揆 號勿齋

某追記曩昔同到蓬萊慈恩之題杏園之宴吾以故不與  
焉然同年之情豈以四海九州為藐然哉王孫乃龍鍾世  
有簡雲鱗今不溯紫清上岵堯顧得百里之地而君之簾  
陰晝寂千室鳴絃實鄰吾父母國人詞子產今其時乎某  
私獨念今天下豈有可為之縣縣不可為而可為者人如  
君者以可而臨不可於是知材具之超常流百倍矣長書  
下貽燁然春華溜若清風與我之厚昭仍至情多言不足  
以殫謝意也某守郡無補誤溼為郎縮縮循牆行且歸里  
當觀棠陰以與邦人共談政化之微五推吏塵具報記室  
揆諸來施不敏流汗

此一馬二僮日在泉石深處聞山外塵埃亦頗作惡坐對  
浮雲亦開口笑不自己耳君解墨綬去意紅光紫氣冉冉  
帝側乃猶廬陵客琅晝至前矍然起仰黃綈紅袖二美并  
既杏苑論情我之懷矣冬江雪涸萬里安流目送征鴻知



有順帆天際如駛伏楫奉中書不中書復字蕪類併希  
錫察

回寧國交代孟兵部之緝

某去國之前一二日宣州弛征之命下某既為桐鄉百姓  
頽足起舞即拜書望雙溪疊嶂為賢主人賀吾輩讀書臨  
民正為今日行志凡此者各盡其分固非相與為賜也既  
沐斤歸里即閉門不與人事山巔水涯倏然獨往而使者  
忽持五雲來君子之有情於人也即勞問之將以厚禮復  
申其綢繆焉某誠不自知其何以得此也宣人歌舞賢侯  
之德教冠冕像設祝廣成千二百年令公二十四考蓋人  
心之天也某何人斯偶以一日出位言語乃得因見大夫  
以自附於去思之義某微德以堪回首碧落山川鬼神猶  
有餘愧宜敗壞至矣弛之則期會散繩之則撫字虧公折  
回蟻封從容不迫期年而繼古語不誣方今論選表無出  
頴川右者曷不均弘俾執事樞某一飯三禱使者之歸也  
謹東望熏被身心致敬陵峯堂下有日延見父老尚頴道  
山林不忘之私與其所以不敢當之意進之惟命退之惟  
命某臨書不勝奉奉

文山先生全集卷之五終

文山先生全集卷之六

書

回寧國陳節推容

去年闕下拜書稍得數數未幾聞捧檄校文不知陶鑄何  
處人物某自是即沐斤去閉門深山遂無復鱗鴻一日之  
便忽使者來山中欣得妙帖見示小錄方知昨者銜鑑所  
嚮近思想歸舟蕩漾彭蠡吾知心正在香爐峯白雲下耳  
宜之弛征執事首從吏之幸而集事僅足了吾輩之責非  
相與為賜也書來乃知宣人以此為多祠之以識其不忘  
之意怵惕於孺子之入井豈為內交要譽設抑桐鄉父老  
此意亦能使人感激耳宜為郡凋劇極力扶持暮晝閒想  
見勞苦盤錯糾結以試利器天下事正有賴於方來耳某  
前冬一出去秋一歸進退行藏惟其所遇而無心焉則今  
奉親課子彈琴讀書流水青山悠然獨往不煩故人江雲  
渭樹之思也史記見親家藏本皆不及尚當朝夕以稱所  
蒙明善錄一部護侑歸牋臨墨馳泝之至

與吳提刑觀

某頃待罪闕下薄奉函書僕被來歸嗣音杳邈上下人物  
感念世道未嘗不與門嚮奉奉也某比者伏讀邸報欣審  
王陛出綸繡衣移節夜醉長沙曉行湘水已著平反風釀

童賁日麗崆峒更煩輕熟江湖相望原隰增輝其官宜慈而惠和高明而正直義豐授受孔孟氏之淵源江左聲名王謝家之門第蚤立登於閭闔適坐厥於蓬萊竹馬相呼春生襦袴星輶所至雨旴旰粥茲存捧於英函乃肯臨於梓部刺史故人按事飲酒情法相當忠臣孝子畏道驅車君親交盡靡需席暖已趨詔温某杜門深山去城郭甚遠而於太和差近初謂且夕使輶沂頓石而前可於快閣上下迎候一拜忽傳英蕩小駐青原某揆之始望則蹉跌矣瞻睇行臺輒易奉狀代叙燕雀之萬一若夫揚清激濁沈寃澤物間閭欣欣無所患苦使屏退之蹤亦得從賦詠以自放適是則某之所自賀者也臨楮切切

與湖南陳提舉合號中山

某猶記乙丑之夏從江西提幹得往來行書江闊雲空斗光如水每懷世道上下人物未嘗不中夜耿耿某茲者恭審奉少府節駕常平車衡微連雲遠挹海山之秀天因麗漢近番楚分之光原隰春深旌旗風動伏惟歡慶某前年與公同除即去年與公同除節不才安得追附名勝自分却立下風猶幸時論不磨得公輩落落參錯使民物吐氣國庶幾耳相望千里北斗在天何時執鞭駕此冲懷

回林學士希逸號竹溪

某夙有幸獲與介弟為賓恭因之有以詢居處著作之萬一不感戚得喪而言語文章足以詔今傳後竹溪先生何感哉一日之赫赫者多矣千載而赫赫者幾人為一日計者無千載也快矣

回韻守李宗丞雷應號橫峯

某偃薄林阿不虞使者之涉吾境也迺自空同來顧我猿鶴米家書盡光怪澗山此豈四海九州同年無情者和僕家青原深處實與君侯黃童白叟接吟而處自下車以來但見年較獨登聽聽屏息不需數月報政赫然茲豈千里能事環君侯四境鷄鳴犬吠晝夜相聞實共受賜僕也彈琴讀書於其間其賜多矣敢圖高誼厚鎮撫之委貺盈箱非所當得睇瞻霄立頓首知歸吾鄉幸邑於使天下者三人焉其一為陳行夫若羅子遠蔡濟甫皆曲江齊盟者奉令承教必有可觀廬陵一歎異於當年田里憔悴不堪舉目惟重貢素無羅車而得歲又偏鄉人頓頌者往往相率而趨治國民食關繫苟可通融兼受秦晉公之惠也謹復書空山白雲無足持報薄言采藻臨風如馳

回交代湖南憲新除湖北漕李宗丞

某既專鱗幅奉起居猶有腹心不嫌喬壁某屏時寬閑無復山外想公朝念其流落昇節起家使之繼明公申綬之

後開命憮然不知所爲掌有重護蓋年羸矣湘行且千里  
舟車迎待不堪顛頓是以懇悃丐祠莫便私養天高聽邈  
促旨且頒叱馭回車進退維谷將從鶴髮而來耶則非養  
志將又以香火請耶是何爲者而爲是瀆也謀之乃心稟  
之親老旦夕姑以旨甘屬弟輩單車將指以明不敢自棄  
於明時而復以不得將毋重告之造命俟驅馳數旬即乞  
身以歸爲臣子稍盡幾分耳某於門墻知已論交非一日  
天又開之以奉令承教之機是其與四海九州之同年其  
有情益倍倫等誠不圖解后及此古之君子其爲人也謀  
之必忠愛其人也惟恐其不入於德故敢疊疊陳出處之  
樂惟執事啓誨而圖利之言不盡意臨風如馳

### 與江西黃提刑震

某幸托年盟夙依塵部竊跡萬山底衣被未光飲墜露餐  
落英粗安半菽公之餘也又踈晤寫浦目春雲一水盈盈  
湖磨河漢某茲者共審出綸鳳閣移節虎城春信初傳立  
變旣楊之舊天光下照重瞻禮樂之新依然故郤之江山  
籍甚先庚之號令伏惟驩慶其官剛不吐而柔不茹寬有  
斷而愛有威發爲文章正誥韶濩勁咀金石凜然節照光  
岳虹霓聳揚紫微早分穎川二千石之符就秉天囷十三  
星之節據案叱吏笑比黃河清開門賑飢功過中書考上

久簡孟博登車之志公遂爲勝之持斧之行春風遍地而  
狂行虛夜月當天而馳驅伏載馳驅維驥維駉靡憚周  
咨來游來歌如圭如璋言觀肆覲某避影杜門久矣不作  
山外想不圖元會之日上恩覃及沅落界相識於珠玉之  
側虎鼠同器猿鶴笑人云云

### 回林司業應炎

某夢想魏魏堂堂於朝花院柳間追隨猶昨日事也玉烟  
劍氣鞦韆崢嶸杳然在碧雲崔嵬之外江月流水實照云  
云某官以水輪金井之心胸發輔散火龍之光燄而又慥  
慥乎言行繳繳乎進退若汲長孺若陸敬輿若慶曆元祐  
諸賢充公之爲表裏庶幾其無愧領袖斯文旗翼元命天  
下以此望公者殆人人同頽玉立以需之某自歸來平山  
中俯仰半菽不復得與四方書牘從事比從戶曹黃文得  
誨函草木同味玉雪照心欣懌之餘感慨係之某蹉跎之  
蹤何可爲者大化驅之一節誤落湘雲避走陳情俞昔竟  
闕單車徬徨且此首涂行復求返吾屠羊而已渺渺天一  
方重此懸泝專容陸續貢獻

### 回信豐羅宰子遠

名倚號涸谷

某去年聞雙鳧南上落落空山不如燕雀之爲有情也大  
化驅人作江東客數月爬梳枵腹未見端倪會談恩召環

灣班過當亡何狼狽而去蓋疎闊以來居多道路之日出  
屢平方滋可爲笑杜門息影中高情厚鎮撫之專介持書  
勞苦臨風馳感可入天一方信豐山水邑見謂讀書松竹  
畫影消簾著吟人其中所謂予方有公事此豈錢穀吏比  
耶勿需終更西清有詔壁弟何爲者赴新昌且百日商鉅  
馳河未知攸濟惠徼如天之福寡過多取數矣賴瑞皆佳  
邑謫藹吉人鼎立空同真一時之盛當路或令舉所知某  
幸甚有以藉手薄言修布小附芹心非敢謂報倚筆磨泝

與前人

某臘前函書往來庶幾契闊之意年光冉冉驚見雙璧蓋  
曾兄季因專紀綱寔來仰惟同年長者所以惠綬荒寒皆  
可感也某雲卧深山世意落落一起一仆非人爲之上天  
蓋高匪怒伊教敬威念答安得不力執事昔爲之助喜今  
亦有以救其不逮乎敢請季困值儒者之窮執事以氣類  
遇合所以位置之者寵甚萬間寒士公將溥其施於一時  
所謂兆足以行矣某爲之歛衽新年喜雨燈前報命馳想  
一方臨紙悄悄

回羅子遠就賀除京權

某俯仰歲年甚知聞問頃知捲旆來歸衣錦有爛且趣舍  
人裝千子然東矣函欲擘牋所思雲頽鶴倦不可拈拾竟

陸蔓森外時一動寥廓想江邊鷗鷺爲之悵然忽得手書  
責我空谷華衣流離辟易久之共審帝闕出綸天京司轄  
姑養還駕之望佇博我身之音伏惟驩慶明公契古胸襟  
吞雲夢者八九外物瑣瑣遲速何心積之厚發之弘宇宙  
間華軌清貫將次第而取之以其時考之則過矣某風雨  
深山避影却走乃元會之日公朝以一節起其流落回首  
三湘驚心蕙夢請諫香火肯更趣行慈親以速役爲憚進  
乞身歸卧綿上同年有情不隔四海九州之遠毋金玉尔  
音異一語以自壯拂拭過情非所敢當也占對梗槩尚猷

詞牋

其一之日既端拜敬謝芳題并報信曹薄攝寧之槩二之  
日謹遣介馳諸席間寅奉起居不敢繁叙首祈委鑒某臨  
歲入湘後墮身微纏中磨泝宇下闕焉嗣音繼聞趣戒朝  
裝榮司京權其念欲棧忱賀慶以申風雲發軔之慶一春  
屑屑行路受墮因循既抵空同後潼川趙同年來爲鼎貴  
在河陽舊桃李慶鴻沙指瓜猶記東西所以告新者甚厚  
因得勿諗脩門近况大帶深衣長身玉立道德福澤方來  
而未艾也吾鄉諸老行輩落落巋然靈光惟今澗谷先生  
依星辰傍日月一日騎麟翳鳳朝闕風夕玄圃勢正順耳

某粉陰杏集素辱心期慕王陽之回車學毛義之捧檄得郡山深俯仰半菽君師天地之造知已錫類之餘也惟是求牧力綿未知攸淑回首蔽若我愛桐鄉豈無一言益其故人并寄父老因風東向頃首以請

與汪安撫立信號紫原

某仰惟曠度絕人不作邊幅僕安得以書生刀尺從事高明幸察之某昨者爲高安受容受察於玉斧之下公不以衆人畜我我實德公未幾公去之而僕亦以憂患連年卧山中蹤跡踈蹇不足爲知心道也撫念江流人物如此未嘗不中夜耿耿某茲者伏審揚綸九陛建轟三湘人無異辭固有生氣共惟慶懽欽以其官名高九牧氣蓋群公江左管夷吾足係英雄之望軍中范老子能寒寇賊之心往者金湯中流忠績簡在上方以南事爲愿詔公方面隱然長城一代數人百年幾見公不得不力紀勲旂常歸衮而廟自此等而上之某退在漁樵未忘斐緝聞公此來爲世道擊節偶逢黃君強立長沙便介率然上狀仰聞賀床強立名至道某昨嘗薦至館下強立每謂公以意氣動人能使人不愛其軀其感激知已可見今茲適在臬府從諸公遊公不以生客視強立強立奉筆墨以佐大閫豈直一日之長而已憑筆僭越向風如馳

回前人

某望五雲多處以驚劣下乘幸甚有託於禮樂之下風既表優函布親牘修大閫府之敬題不我後先使者銜命即之於深山中翰墨陸離光動節屋拜而後敢讀讀已而亟拜居今天下論人物一方一曲之士隨世以就功名謂之無益於成敗之數可也當大方面建大將旗鼓使國有龍虎焉不敢南向其周公瑾祖士稚之流乎天子召拜樞近脩勞還故事少府且出節付以西北煩公辦此金戈凱馳歸衮廟堂作太平六典四海以此望公亦公志也某少也驅馳嘗有意事功鸚鵡奮發壯懷固在然而亦少衰矣被旨行湘顛倒繡衣豈堪重著惟宿昔於門墻辱知已厚惠微宇下恃此敢求適三月移卜先筮有山間之役受印之期尚在夏五竊聞四輩在道軍馬有行色天殆啻其一見之機乎何爲屢得之而屢失之也退憶前年自直廬汰歸公以書存問推許不薄海內時流得此於名公者正恐無幾今承獎翰益佩卷卷江濟渺然事會何極何時執鞭馮此傾蓋某臨風無任馳泝之至

與胡都丞頴紫石壘

某已端具僂積候敬籤房心之精微敢嗣陳之某於當代知名夙有取發結報之願寄書梅外嘗寫我心遠道報襄

如見顏色伏自牙齋寒零雨而還馬關湘深馳泝家廓伏惟以任重道遠爲心以難進易退爲節魏巍堂堂卓然佩安危而繫輕重乃今聖哲馳騫上下焦然金城圍出師表微公執與於斯追鋒在道不俟駕行矣某家長望山下塵鹿之與群而依伉之爲曹也公朝起其流落山衣易繡舊稊恍然一節走趨幸在通德里九轉寤靈臺壹肘後某行當掃門以請拜狀梗歷臨風卷卷

其一節出山指碧雲崔嵬八風吹不動屢知爲神龍卧洛所也前者幸甚脫屣堂下進瞻芒寒適子之館授子之祭胸中經綸之奇傾倒數露中夜慷慨音落九霄使人驚且喜今而後知宇宙間未嘗無劉玄德董某持以去响嚙襟袖尚有萬夫光此殆未可與俗人言也某以疎決故一筆下長沙初約先拜見而後往帥垣下偶有牽制稍違有壞之舊今茲回棹潭濱將由便道單車負荆門屏之外輒造一介先道其私幸豫戒猿鶴勿以俗駕爲拒率然馳控倚卜面敘

慰饒州胡通判石壁之姪

某故者不圖先令叔某官石壁先生遽捐里館風馳上征哲人云亡邦國殄瘁執事者骨肉至慟爲國受弔撫孤大誼定力如山足可以對岳雲之崔嵬矣願惟某落落後出

屏二阮之知乃在一日之間老仙用意慷慨與之上下古今撫念人物袖中瓣香僅僅拈出一再老仙所以命之者更在度外爨桐之音方希而化人之据已不可追矣出聲慟哭悲不自持謹哀綴壹鬱澳爲真詞往者如生尚爲我惻惟一賜宣療豈勝感涕之至

與安撫李大卿希覽肯齋

某已專具僂積申敬記室私心梗槩不堪奢襲某辱知愛門牆非一日之故風流雲散一別如雨每一念此神爽飛馳江湖一雲本不甚相隔彼此出處解后參差至闊絕乃爾僕之罪多矣明公當世人物卷韜山林四方顛顛望其一出方時多艱繫縶忘食然見王茂弘者固以爲江左有管夷吾某有計日以俟鋒車耳某避影深山久不作馳驚想公朝念其流落界節起家釋絛上采而干征未知所以淑後幸甚區區走趨實在中台之里十年契闊一旦逢迎豈命物者開其親炙之機而惠顧之乎如聞閉門謝客雅意絕塵然待故人固自有情猿鶴必不我拒相望寢近疑沂如馳

回永州楊守履順巨源之後

某嘗論一世人物紫朱其綬唱呵車塵若是者駢肩矣求其中義貫日月處漢賊危疑之間臨大節而不可奪至於

殺賊奴取疊金印此事付度外豈不凜凜大丈夫哉父  
毋諱傳百年間吾見先太師一人而已某官鍾岷峨之秀  
嗣彝鼎之勳忠臣之門天人之所共祐國士之器君相之  
所秉知石崖齊天唐中興頌功慶也公來其間寧不感慨  
今蜀道難蜀道難公收拾群人手揮天戈一節之還從甘  
棠刻第二頌旂常濯濯光于前聞人某何幸身親見之歸  
隱空山望湘雲千里不圖使者遽涉吾竟仰惟明公張主  
斯文經始棘院以相龍飛興賢之盛大張門類使某也得  
執事從君侯所以厚我不同他人小人雖無能爲後爲平  
敢辭貢院二字借易奉上進之退之惟命未諧握手往來  
心聲庶幾古道之槩臨紙奉拳

回林侍郎卿孫 覽雲屋 在臺時

某從望關山矯首五雲多屢凌蹠起居長沙少府傳仙書  
惠并繳貺琳琅之翰仰惟緇衣宛變古道顏色爲之歆拜  
傳仙不肯望然而來以書先訂出處此意亦頗謹重已遣  
禮聘之且告以初筮如九層臺基須令堅壯可耐靜以待  
次不失雅道未知傳仙何所嚮若其來訪敢不惟命戒之  
共

回前知衡州楊秘監文仲

某已端飭僮僕致敬心之精微不嫌齋筆首祈岳燭某於

足下非敢以氣類詭流俗之縱尚想嚆昔載色載笑相遇  
不同他人至今歷歷在夢時方孔艱荆吳多壘坐朝廟籌  
帷幄折衝俎豆正張趙韓范之事業湘水以西勤勞一障  
天子曰歸借徑斯文本色俾執事樞歎見之晚某閉閣念  
咎不復作馳驚想公朝出節誤及荒濱回顧照驢馬對湘  
鴈趣命且放單車千役稍盡君親之誼即尋香火之緣衡  
雲照人垂執鞭弭乃天上笙鶴不復顧鷄犬矣所恃襟期  
有素且未忘甘棠則其居中庇之誇之某與蒸湘之人均  
利賴焉昂首夢雲伏楮耿切

與劉尚書版

某夜拜文昌朝馳函敬感激聲不嫌齋筆首祈穹采某  
庚午待罪底班望英躡萬丈於絲綸閣天章潤色衣被青  
黃雋味言稱於天下曰知已歸伏山阿分霄壤絕不敢  
以世俗書尺候主進吏熏香宣夜北斗以南共惟某官文  
章稷言而臬謨器度商彝而周鼎陶鎔帝皇轡轄造化燭  
六合蕩八垓吾道之福布濩流衍翠幄青瑣之從容文劍  
紫荷之凌厲由八座而問兩社使天下再見希文稚圭之  
風流某嘉與人士且稽首某孤落之蹤一意返哺羣森  
不到山外公朝未忍捐棄杖屨而起之復今效湘節牛馬  
走烟霄流眇不進不止蓋嚆昔之盛心未愆也某始以私

養巧開應天高聽邈且趣之再奉明命以越一之日甫履  
回屬布宣德意唯謹湘人尚力抵氣未俗輕生蘇息而謂  
服之既竭吾力焉番天之雲覆燾其上訖濟我後某為之  
夙夜願言因謝有祈臨風悃結

與陳察院文龍 竊如心

某夙在眷知屢蒙契闊杓槩聖明經緯碧落晚夕磨馳伏  
惟執事以光明俊偉之胸負法家拂士之望鳳鳴朝陽萬  
物吐氣瓊屢密勿熙明日新陞寶鳳中沒黯居禁精神強  
而本根充外難不足平也上方屬以經濟俾執事榘某歷  
落之蹤豈堪使事公朝不忍終棄蓋出嗟揚始以私計不  
使迎侍肩干闕虞趣肯且放單車于役以五月一日受印  
司存既見父老且宣上德意欲覓相挺山澗水滌扶持  
調習庶幾一日非晚且再陳情為歸卷計侯誰在矣張仲  
孝文繼語循比藉手不足以當劍首之一映臨楮無任  
某輒有稟瀆某昔者以臬敗由書生本色口當在斯文一  
邊不應以刑獄為職故凡寬厚惻怛處人皆由之而不知  
其有不可以誦令甲者則諱然以為過當所處非其位故  
也自後諸公速有論列皆不實知其人不過以前疏潤色  
而為之辭某嘗願一日有以自見於天下使知吾所謂衡  
氣機者而未易遂也今年復除憲實不願就巧祠不遂就

欲再請又念起自廢開豈當重瀆已甚故且龜勉驅馳亦  
謂姑以平平處之可也既入竟乃知湖南風俗大不然某  
若以身事懲創靡然風采懼無以肅一路觀聽又坐失職  
故初至不免見之榜揭謹錄本以達台覽夫如此初未嘗  
有敢厲之事特示之以警戒之意蓋於職分不得不然然  
才作此差遣便是惡滋味兩日刷具一路獄案數目甚多  
莫非劫掠贖聚等事他時審覆既圓皆不容付之輕典某  
且獨奈何哉某此來不及侍親慶此亦大不安俟踈決後  
惟有乞身歸養所恃知己肝膽相照臨書不憚傾倒念其  
久要其必有以教之嚮風卷卷之至

與鄧校勘林

某頃繇春中走赫號聞輦下知上徹五雲閣久矣一節奔  
走行後曠焉嗣音矯首河漢盈盈一水某素賴如天之庇  
以孟夏八日辭騰下五月朔吉受印於衡陽初見吏民既  
宣上德意退坐棘木壘中與微纒相爾汝為之弊弊焉江  
去湖不甚相遠始者殊不念其風氣之悉至此始知尚力  
抵氣以血人為嬉九城一波莫障其瀾某以為怒之而不  
教非古祥刑意也見諸榜揭嚴而不為殘楚之人亦頗為動  
悟其肯綮中也然某以書生為之非其本色不諒者幾此  
十年所以有申韓之謗以至于今日是安得而忘改藝之



想乎且重聞以老不得就養單車彷徨雲舍切切旦夕踈  
快後且即焉還屠羊使叱馭回車於君親兩不爲失此其  
所以謝風昔君子之敬而庶幾乎年盟之盛心也厚德錫  
類其惠徵福于宇下盖方新焉偶逢便式亟調起居且叙  
其所以破笈馳驅者遙對清切臨楮泝簷

與陳直院維善名合號中山

某踰睇紫霄寅致儷憤心之精微敢嗣陳之某昨承鵲袍  
出使驛騎歸班嘗領廬山下所賜手書光氣垂虹下照空  
谷撫歲年而如雨恍河漢之一色也中山先生文運斤而  
成風氣振策而奔電元龍湖海突元宇宙支架明堂曲摺  
萬丈光芒緯國典華帝制天下固以爲未也大明奎壁晉  
執事樞使士者願願歌仲奄爾一變一尚其落落青山自  
返吾哺公朝未忍捐棄畀之一節使與衡鴈相周遭草木  
吾味一引手馮翼之端出緇好某始以私計求閑廩聖恩  
闕俞且趣之載道遂以朔日見吏民宣德意然楚俗尚力  
抵氣殺人爲嬉無存而調習之未易爲力明公夙昔塞帷  
棠陰如屋五雲縹霄影落衡柱其爲之夙夜願言因謝有  
祈臨風依溯

某頃侍親抵郡輒持尺素專貢紫清懷今雨之綢繆望下  
風而慷慨也壁第來京師拜夫子之門黃河秦華天下鉅

麗之觀壁也所遇多矣今天下稱文章大手筆落落可數  
平園西山諸老之風流散在三光五岳間日月磅礴河漢  
經緯吾紫微公實當之南州之士僕將帥以聽某讀書涉  
獵筆墨空疎方青山蕭然水上之風猶吾意會一行作吏  
此事便廢問於故牘中掇拾親親長長之說見於行事邇  
來千里民氣覺稍洽和書生不知向方能終不迂闊於事  
否昔人云未識意先感水火流燥記吾味久矣教思無窮  
勿替引之某豈勝慙慙

與曾縣尉先之字孟參

某自前拜書後回首鴈峯不勝拳拳水口吳權寨來及承  
手書備見纏繞故轡之意百單二歲之姪孟參煥揚之安  
序表章之真足以爲衡陽一段佳話某六月朔日祖母初  
度亦及與一城老者相周旋人生七十古來稀是以自七  
十爲始千數百名中其最高者爲九十六延此毋於堂進  
趨語言殊覺不衰惜未有過百者鄉間有羅提幹存叟祖  
毋去歲滿一百歲某嘗偕朋友十餘人性拜之當時有詩  
歌成軸今年又百單一矣此毋大家諸孫皆儒者提幹登  
科有福有壽又非衡嶠比劉守却未知某旦夕亦當爲文  
以白之顛斗絕與湘問久相隔適有自建昌來者云五月  
二日廖恕齋過建昌知五月末主人到臺觀上矣司存事

首尾關繫無如孟參在恕齋必不能相舍安序權事半年  
添此繁劇想一旦釋重負甚以為喜某於賀恕齋書中已  
備道孟參一段人將爭出我門下此自無說但願足下歛  
以靜鈍守以廉朴一如平日則天下之奇材青雲之速業  
也頓事稍簡親老以下俱安平重出雲庇但有疲於筆楮  
以一人之寡應四方之多覺甚苦之鄉人相過者隨分處  
之亦不至甚相炒中間只一榜禁假託大者歸之臺小者  
聽之縣或以為得體願只有出甲一項未易杜絕今春此  
輩在廣聞某新上背急於歸就保五乘其畏向之機近日  
未免先事諭曉度今冬可得安靖湘中既獲諸渠魁後想  
道州一帶已無事湘鄉諸處寇攘之風當是久已帖息茲  
因專介信筆傾倒薄芹并瀆向風如馳

與曾架閣

某曠不奉狀者累月杜門山居無由四方上下以相從於  
顧盼咳唾之末馳仰中得會李文復鄉庶知起居之詳甚  
慰予曰苟患失之無所不至百千年間天地不位萬物不  
育推尋其咎常於患失之私基之閣下出其浩然之蓄積  
與當世之大人論成敗爭曲尺言不合輒然竟去榮途引  
於前禍機林於後而毅然不變由閣下自處則本心內事  
也自端端持固者觀之則豈不患此失哉歐公所謂我輩

中人敬歎敬歎因復卿歸并介以有請先通判託孤與先  
侍郎先侍郎以其責歸之架閣事至重也執事不以其弟  
為不穎使昏名門講好以來涉四年矣中間歲月雖多機  
會甚少以故告成吉禮猶切遲之獨至今日則造物若有  
巧於其間者執事當驅馳江淮而某赴關就道執事卷風  
雲蔽林壑而某恰亦就講來歸兩家初意誠不期有此暇  
也某方尋香火之緣自分閑散而執事氣宇堅諸公名聲  
動中朝扶搖九霄匪登伊莫則川駛月流舟飛岸奔非復  
有此之暇執事終先子之託而某丁同氣之責今其時乎  
區區肺腑已具告之復鄉并疏其事異以閔徹幸執事終  
惠之

回吉守王提舉必 號敬岩

某僻居林薄間望旌麾所泄遠在霄漢道德朝望蔚乎輝  
光可仰而不可親是其分也乃蒙寵戒今有闡教之便忻  
快何如入冬暄寒相迫適有采薪之憂莫驕陰厚滋負皇  
恐謹具狀謝他容參謁并叙區區

與廬陵饒知縣日昇 號竹鄉

自螺水而東望西山廬阜與三江五湖如拱揖知碗鹽扶  
輿有名勝宅其間相去遂弱良觀差池北斗芒耀徒耿耿  
心目爾不自意葉梓幸會牛刀大手姑為此試 共惟明和

介潔之譽此邑不占已乎政予望之艱難之秋得君子之政與拜書獲之貺絲茅云俟未能躬闕賀庭謹具劄子代布忱悃非晚當圖稟謝不敏

與賴縣許權縣

惟廬陵與安成爲比郡山川同在古志今茲遂得自附於知黨之末幸甚休甚其往者於諸公間得聞政事一二有司敬謹莫重於獄後世苟簡幾以民命爲戲濂溪爲小官不肯殺人以其上東坡謂今人爭減半年磨勘雖殺人亦爲之聖賢愚不肖之用心其異如此頗傳廉明與同州推官事前後照映辱在同里與切增氣銅革墨綬貢止空同一同風化姑此相屬最匪伊騰太清凌扶搖錢公之步武也其疇昔學校曾於名門子姪略有相知者獨絢履末光未有下拜之日其如傾企何適陳文成甫來以爲託身桃李之國輒拜此以識惓惓陳文并乞公庇也率文上狀末繇參侍仍異自愛不貲之寶以頌遠至

賀劉敬德補入太學名欽 號黎矩

故審捷來南渚聲振西雍才名三十年說屠龍之老手冠帶億萬計快走馬之脩程儒榮有開十論稱服共惟驩慶其相期半生聞榜折屐無繇造慶謹奉頌函芝楮二百千敬爲擣捷之助不腆皇恐臨風馳泝

賀鍾有謙補入太學名山甫

茲審水閣戲藝壁水蜚聲月旦評中說八父之老手朝雲飛慶艷三台之修名下同

與周德甫爲季弟從弟聘

某比者率率朝從一相過兩日夜陪接議論之末極慰翹企獨恨去之匆匆未遑厲鑿耳中間妄欲以二弟相累陶治荷不鄙棄許之以相周旋甚幸甚休鄰敵相交則有盟市道相質則有券吾徒相與一諾已足政不在要約區區也然君子義以爲質禮以行之莘如之幣際可而幡然雖庸人之微非其招不往非義無以將禮非禮無以昭義交際之道不以節文將之終必有弊况爲弟子擇師乎此書之所以不敢廢也歲禮之數息壤在前無俟贅述官楮一百貫顯人送上以少將聘致之敬告幸麾頓小弟差劣不可大脫鈴束燈前後早賜垂訪乃所願望觀德聽教行有日矣尚及傾倒其餘

與文侍郎及翁號本心 川人 後奉政

其父曠起居遜申連得誨帖仰佩至愛即扶間屢見丐祠尊性樂在簡淡急流勇退仙風道骨人也但老文學爲諸儒興刑真侍從爲朝路風采上必不聽去耳舍弟壁來拜侍辱以家人進之得與教誨玉成實受尊賜某向在湘承

命問一路書籍後某去之匆匆諸州來者不齊今約見存可二百冊賴書為一萬九千三百餘版亦已陸續印背別容一日專兵費申其治郡以來書生迂濶之說頗有效驗祖母六月生日集城中內外老人自七十一至九十六為男女一千三百九十名犷恤有差老者既踴躍而少者始皆知以老為貴禮遜興行詞訟希省又風雨以時早禾甚稔晚種亦可望諸縣民皆樂業無持挺為盜如宿昔者稍遣曠瘠皆專誨所逮宗老去國後今寄居何處想甚清健耻堂先生居嘗川近况如何批示幸甚遇郵拜書不宣備高耻堂名斯得川人參政本心癸丑榜眼後來廬陵省其叔可則先生時年十八邑校簾試全篇論題曰中道狂狷鄉原如何冠榜遂通譜焉道禮堂謹書

與楊大卿文仲

某頃繇岫嶼申敬群王之府爾後僕僕西還為空同之後一息半暮海山一碧秋風凌凌翹企不勝五雲紛郁比審疏榮文石晋武頌臺制作一新緇紳交慶伏深歡忭某官貞元朝士西學宗師玉雪照天寒露清冰之操壁壘行世燦黎毒棘之光屬時訪落朝有老成真天聖之著龜元祐之麟鳳也入告辰猷條天章十事宜之兩社以福溥寰其顯顯延睫烏哺萬山間於芻牧何補亦惟召父杜母之政

是則是做蒙被吾味至於今茲壁弟來修門得親爰典型以濯去舊意浸潤新雨愛其兄施及其弟此感殆未易名言也念間起居輒此馳泝空明並候所以教尚祈金玉式副前禱

與趙戶部平遠

某媯媯秋風中若有天人噓新雨而沐之者賜搖落之續紛把鉅麗而舒卷則夏六月錦闌蛟龍字也西平有子惟我有臣春秋書曰季子來歸國人貴之麒麟游秦時鳳凰集阿閣之候乎朝廷清明再天聖元祐對揚訪落為東諸侯先洗耳琅琅為天下誦之某為養承乏於此何補芻牧所以朝夕其民亦惟親親長長之推庶幾萬一云耳諸邑大夫之相承通融一家痛痒一體緇衣之宜兮若田君尤所謂用吾清者執事惠以所知於此見田君益奇而某得納交幸也結幽蘭兮延伫此意襲積專獻詞箋

某繇空同起睨海山虹氣緯霄靡罇不照吾石樓大地一粟也輒倚空明來詞起處惟偉人照以度外某惟明世雜選英賢以綱紀生人金玉新政豈弟君子來游來歌經緯乎文武軫軔乎風雲伯頃仲篋叔出率處無非吉日車攻閭真寶經濟臂指西北本在中書植之風聲旂常世世某拭目延和殿新綸之下烏哺且半期餐素祇益愧耳旦夕

歸命香火奉輕車歸即所安居中引重允然終惠之茲此  
筆廉泉馳訊碧落豈不嗣音更僕以請臨風無任情結

與陳侍即伯大號篤齋

其薰沐薇露聞敬高寒惠微五行俱下之賜某玉峽撐空  
水沙一碧神仙人珥節其間春花秋竹鐘鼓餘閑真神龍  
深卧憂也咫尺五雲不得時使猿鶴則吏執實舟翌之夜  
瞻明河自訟不置仰惟一代翔鸞神駁騰踔凌厲駕慶廓  
而振汗漫也舒為慶雲卷為清飈其磅礴帝所則福在海  
宇其夷猶山澤則望在廟朝大合一握天地一瞬也厥今  
訪落廟謀雲漢為章詔書出延和公且兩社某嘉與顛顛  
顛手某區區烏鳥之情俯仰半菽粉陰蔽芾實待壽之宿  
昔拊摩凋疲曾微芒忽而髮瞻瞻間亦念家旦夕既命香  
火奉輕車即所安玻璃一江光氣上下某服媚之無數禮  
禮寄之九霄開忘其蒙漬倘沐涵茹幸甚

與朱衡州

某介倚心知不敢徒疊疊西曹道邊幅首祈紆省某自抵  
空同兩塵裝輪忽殷勤以萬心折芳菲其寄遠春風千里  
著人如醉至如翫破之作不足乎揚繅藉而琮璜之大好  
大慚退却三舍顧區區定交才數月宇宙意氣不啻平生  
忽飄風其相雖不勝回首明河一方如耿耿何某官水輪

金井靈栢霜松西岷太白之精九霄經緯南平莫和之氣  
萬夫光芒馳玉軼而坐朱陵轡華絲而當銀漢洗魁臆之  
窟穴飽鴻鴈之稻梁已收暴公子之威名小燕汲淮陽之  
清淨綠縹方底蚡蚿岫嶠之雲絳幘曉籌催傍舩稜之月  
某視却印已十旬初至如人家風雨四壁逐處經理久之  
方成綸緒日來甘靈應期粗耐震望想福星所次時雨膏  
之早熟必已可卜愨齋新上以同里而講交承解后非偶  
然者遠想夢觀五雲衣冠玉立不任馳羨采采澗芹澤旌  
一髮不足當莞頰欲徃從之相水深三復是詩神爽飛越

與知江州錢運使

某日戴五雲荷且為治自省其私則統制中一支壘也等  
威有截不得以杏園宿昔自詭乃者辱不彼賜之書草木  
吾味焉實嗶喻畧分際之崇卑申度外之體總言念君子  
終不可諉焉某惟滄浦控上下流古用武之國陶士行度  
元規諸公藉此以鷹揚江表虎視河洛乃今天移福星作  
鎮此土激西江蘇鮒轍屹長淮而斷鯨波作宋長城直北  
平變化傑魁人也東南金湯施及虹翠諫也受賜多矣某  
私竊自念賴山長谷荒赤子龍蛇雜張而嚴務牧之責大  
恨不任而欲以詩書孫強暴衣冠化刀劍書生迂闊而不  
至敗缺者幾希明公回首曲江風誼一世果不以九川四

海之人例視之則鞭碎其不迫包首其未開如天之福也  
某頓首下風以請馳一介上詞起居薄采空青以自附於  
潢汙有敬之誼犯嚴忸然控露涿略

某撫搖落之續紛沂空明而延佇龍光射牛斗福星出虛  
危殆一夕九起也某之為郡寔隸照臨月詞有典當不憚  
益慶寧不嗣音童瀆是懼五雲九霄凌倒景而下空同歛  
為清水溥為膏雨地雖辟絕而天人顧復之益深豈無他  
人不如我同味足下塌麓五老之嚙响襟帶九河之汗漫  
要其胸中磊磊落落倬彼雲漢為董于天者曾未究也忽  
而身作長城手提半壁嘉與一道葉麻而菽粟之西人之  
子幸則幸矣然六轡如濡王事一方孰與入坐中書經制  
天下聞延和殿議召公矣某強顏芻牧何補毫分目前四  
境無虞年穀粗豐皆澄清餘潤所覃也區區素餐是愧倘  
使者猶以故人未即舉法旦夕丐香火奉輕軒歸即所安  
微福年盟尚終惠之遠道寵賚雜還瓦甍翠玉春暉緹襲  
無數謹具劄申聞伏覩新繪專容翻賀

與廣東曹提刑

某晚挹薇露注之赫蹏上之東壁府昭有敬也某惟紫微  
雲烟衣被炎海若經若緯紛郁輪囷施及虹翠間山媚川  
暉浩蕩何極隸也旦旦稽首欽以某官才足以載駁馴犀

文足以登鯨躍鳳力量足以扶巨鰲之巖巖東都韓呂家  
藝藝奕奕江濤如許更當坐玉闕為天子當一面繡衣霄  
漢尚遠迤五嶺間邪袖青冥之鉄鉞行黃道之星辰方底  
綠綵已落天半某不戴五雲奉重護空同小院烏鳥私情  
自揣逾分起視四境山長谷荒赤子龍蛇未易帖服越鷄  
伏鴟卵何以克濟道只臺容如面鐵壁某恃此無恐郡中  
舊例以八九月間申嚴編氓出甲之禁往往此時兇儻陳  
脚已動履霜不戒堅冰奈何近者妄意預行晚揭使家至  
戶曉人人知所避就今年僥倖梅關以南無一草一木之  
驚僕之責始塞榜檢求教吏師尚不彼發藥之某比為五  
羊羅魚判拜書強聒持寸莛撞巨鍾多見其不知量飛刻  
公車不俟終日明公有意天下士如此感拜盛心謹馳一  
价脩詞節下謝已徃而祈方來疊疊如也東望芙蓉玉立  
萬仞伏諸神馳

回汀州陳守

其惟自古民流為盜有受病淺者有受病深者淺者調其  
血氣時其餒餉不待針艾而病已除昔之人有行之者龔  
少卿施於漢之渤海是已深者參苓之所不能可湯熨之  
所不能瘳則大承氣湯證矣昔之人有行之者子太叔用  
於鄭之萑苻是已今者使部弭盜一事警峯先生豈弟之

心高明之識見諸已行者其成效固班班著矣贊一人而勸者百罰一人而戒者亦百春風之和秋霜之粟施及鄰境胥有嘉穎特在更酌其受病之淺深而斷以行之是殆非浮想懸度者所敢與知也賴之爲州雖曰以五城兵馬鈐轄繫之銜額建立司存本意不過爲賴民出他境使郡將得行通制之權要其實則依然一列城也若有所徵調下御稟承實視朝命謹布腹心以謝委戒之辱膏枯恐悚

與趙大卿孟傳 魏松整前知賴州

某汲蘆泉滌粟尾通恣恣主書吏昭初好也某昨從相花間奉盈尺牘一舒泄其宿昔雲龍之私明河七襄流麗空碧地中之山講水上之風漁十襲九緹至今耿耿光氣蓬萊水清淺縹緲環佩渴心湧泉一日千里某茲者共審玉宸渙寵金掌升班維城維翰維藩磐石大宗之績厥首厥包厥篚網維六府之司禁鄒雲開神塗風動伏惟慶忝欽以某官祥源墨票若木殊輝綺繡揮揚汝陽天人之相龍虎變化北平魁傑之風勞侍從而賦承明經駢溢而出駁安公不准海之薄上爲宣室之思玉珂金鑰之珍寵花綬藻衣之鳥奕徑摩馳道渙周卿六命之頒不出都門竝唐相九人之拜某頃單車馳岫嶠下鶴髮重重一夕九起效曠洗馬歷歷陳情君師天地之造爲擇使州夫子奔逸絕

塵乃使隸也瞠若乎其後雖鴻燕差池不克面拜龜組然天開百世之好山川其忘諸惟是求收力綿未知攸叔一規一隨賴有柯則在我愛桐鄉不隔風雨肘後寵靈不彼而惠綏之此固懋棠中父老之所共望賜者也謹具劄子申詞起居未諳良晤願言金護玉持式副前禱應舊治要來敢請其凡

與前江西趙倉與端 號端齋

某澤露焚焚闖敬五畝花竹下盡脫櫝屨惟高明垂眷某沐勝屢舊雨今十六七年立異部下風則又六年僕以荒落之資踰伏於青原山中如商蛭馳河遠莫致之先生如驚雲游龍舒卷九霄其步武不可俄度宜乎其欲往之而瞻望不可及也區區九十之親就養空同今繡衣洛社中華行也間得訪問獨樂起處先生玩心神明之表游目日月之上蓄爲清氣蒸爲非霖一日舉而措之沛然江河孰能禦之我有宗老爲國之幹訪于落止以公歸兮某半生出處無足爲明公道宿昔受教所以護持其元龜者至今不敢渝世人自有一種毀譽道眼自有一等高下先生度外大觀謂其人竟何如也某因誌趙令君居中台之里又出門下值其良使亟哀此墨少叙戀思臨楮馳泝

與吉州劉守漢傳

某澤頹袂裝為恣恣銅豈閣下昭鄰好也某日從郵置得  
翰我私盈盈一水間鼓宮宮動鼓角角動精神流注絕出  
翰墨町畦芳菲非竹浩蕩何極欽以其官吐吞玉櫃之風  
烟披拂青藜之光皎卿雲其雨含天地之至和古栢蒼松  
烟雪霜而獨立小駐星河之棹頻分江國之符春靄襟襟  
神環黼黻雨籠絃誦振驚濤銜銜為銛而頑為蘆痿者膏  
而憤者醒兵衛森畫戟小宴清香衣冠拜紫宸佇班黃道  
某宿盟園杏又尾朝花蒙霧一屨稽首錫類竭來空同客  
倚五雲多慶斐波之及晉魯折之聞知川媚山暉沐浴今  
雨則所以講信脩睦者奈何以簡陋廢采采潤頰以明有  
敬玻璃一碧此心俱東

某日塵峯空翠端飭側厘以進之集古主書之側蓋於門  
墻屏好有三焉園杏之齊盟也朝花之未至也三間風雨  
託於君侯之土地也而豈但曰小園之於大國也有交鄰  
之道焉謙齋先生不以小人之美芹者為僭而察其明有  
歉之私是能容之其弘多矣介使踵來辭曰報聘庭實維  
族芳菲猶童是何君子施禮之周執德之信而僕何以當  
之抑傳有云長者賜不敢辭取數之多亦祇以媿賴去吉  
一水三百里而氣使風土習俗事事不同未春已花才晴  
即熱山川之綢繆人物之伉健大聚去南漸近得天地陽

氣之偏看來反不可以刑威懼而可以義理動書生出其  
迂闊之說嘗試一二觀聽之間稍覺丕變奉今承教於君  
子尚願維今有聞以淑厥後廬陵之政識與不識皆云一  
佛出世山川出雲時雨派動此為霖之善者机也民歌路  
謠微聞京師天子明聖恩光言遠其雖不敏尚能取皇甫  
公韻歌和之占謝之次馮其翰困率不嗣肯如此江水

回吉州趙倅

其首春携便符歸省道五臺下華裾葱蒨照我征衣雪跨  
冰懸灑灑清味至今彷彿膏榻間投膠沸糜不克闕屏星  
西來以修賀上之禮琳琅金薤忽落紅翠三過瓦然以喜  
某茲者伏審緹執行春書堂開曉袖掬雲之五色俎樓月  
之千峯共惟歡慶某官瑤簾簾鍾秋濤瑞錦駕玉虹垂蒼  
兕凌紫清而上之固其所也鞞鞞珮玦乃翱翔石泉松雪  
間邪輿簾簾繡小燕屏題方底綠綬又看環召某視郡印  
十旬云皆商書之賜也自省於消曹正負不敏圓楮卿  
重此禮宜至哉鯨鯢錦卷還猶有餘媿折寄芳菲今雨何  
厚頓首拜嘉謹謝將命尚容專致屢成之慶

回袁州鄒倅

朱明逾半南薰之時共惟禱禱行春旌旌麗曉有燕有翼  
某對蕪泉飭側厘東問以謝主書更某頃叨節南馳得符



歸省三峽烟雨中一再獲拜瑶林頊樹之側臺壺吾味我心寫芳執袂幾何時明月千里惠而好我錯落華音下照紅翠赤脚踏層水忘其執熱也共審龜臺借重鳳岳凝清時雨誦絃和風條教伏惟歡慶某官東山芝蘭之韻北斗梧竹之標朝發朝兮扶來夕攢鬱兮玄圃識者已竊遲之兩樸山水能久著神仙人邪詩文組之即真以介圭而入覲其袂前一日奉重闈抵空同下既三閱月公事稍清得小遂半菽歡錫類之餘也實僿勤斯芳菲塞予新雨洒濯感在下風采采一芹效贖隴寄非所以報也馳遡一方

回臨江書序

夏鳴仲瑄良苗懷新共惟風月滿樓江山入自百神僕侷某焚蕤淪露專謝中消若兩脰甌甌五鼎芳華無庸為仙人瀆某於東都韓呂家鼎鑪獨無耳乎頃一節相行獲從衡陽廣文君疊疊簷花情味甚春容也清江之上頡頏飛霞獨不得四方為雲追軼清絕琳琅金薤光墮玉虹執熱以濯我心寫芳欽以某官水壺玉露之泠冷瑤林瓊樹之英英黃琮蒼壁之熒熒上之清都盛之紫微便當還家種本色石泉松雪可久為麒麟係耶方底綠綈自天子所某忤指罔功叨恩便養空同小院粗可從容半菽歡皆膏煎之賜惟芻牧之才卑龍蛇之俗險凜乎未知彼濟渠渠遠

道頊不以規既謝下風尚沐新雨畫堂高慶槐桂成行春朔秋蛇覺我形穢明公不以覆瓿而頊設之鍾軸爛然一見頊發謹復將命不勝馳泝

回臨與能倅褒龍

某撫今雨懷清風其契闊未有甚於此時者也抱色絲於清碧追流水於巖焦其慰流有甚於斯今乎澹圃先生以水懸雪跨為風骨以鸞漂鳳泊為文章以規圓矩折為政事挈其堂堂著之高廈以經緯河漢舟楫江濤萬夫一眾也陳仲舉千載風流乃獨與歲寒結印倏變轟颺怒而起有不磊磊落落者乎時來則為當仁無恐某兩別十年無非俯仰林鳥之日祖毋行年八十有七切切便養承乏此來公朝薦蕪人紀之造而諸君子錫類之餘也第五閱朔于此塵而入秋而出於民無絲分補行矣丐一綫香火練奉輕軒以歸臺臺襟期明月千里折寄芳菲厚意不敢不拜薄將石間一髮非所以為美芹也廬陵廣文玉受金鑑長沙識衡山簿籍昂昂鷄群之鶴中峯有以服乎兩峯觀者為此瞻探何當簪蓋上下慷慨目送征翰臨染馳去

與楊縣尉如圭

某他日上下紫淙間草木吾味未必無辭后之雅者也廬陵少仙之庭數有英游發軔其間而君年又不可及當官

風采東 西行者疊疊誦言知為清修知為縹粟培風怒飛  
霄漢一碧歧予望之某誤恩便墨墨繞松楸間伏戎于奔  
有寒虛 而干法犯禁者霜臺遽以煩執事知敏手為可託  
也寒泉白骨蒙賴方新惟牽師從者重愧重愧草草持恩  
高明臨 染無任

回唐書記

其一節相行得挹寶烟玉氣於芙蓉池涖間疊疊吾未數  
如平生岸花催路吹絮滿衣燁其五雲落我店月厚意久  
不報所思遠道回首懔然執事以瓊碧玉佩照映東西為  
鳳先驅朝閱風夕玄圃可也赤雲瑞氣黃花歸期當仁勿  
遜其花朝前四日抵雲舍又十日奉重閣沂灘而上襟前  
一日抵空同郡事稍簡俯仰半菽皆齋煮賜也江湖寥落  
鴻影參差安得素心人相與數晨夕每誦此詩明發不寐  
輒持只赤小澣我私采采澗芹臨風如結

回黃強立

甚薄游空同縵縵半菽故人知心千里寄瑤華音以縹緗  
之讀之宛然促膝接語也強立以排淮決漢之胸行駕風  
鞭霆之氣鑄為雄辭能使京師紙貴新豐舍中誦天下事  
一日騰上風聲千載其來此訟簡事稀餘力可及故讀四  
境倍稔絕南剽之跡皆五雲所照映也又缺報葉輒郵專

簡薄將聊奉一笑

回文教名寶

某久後元宗無從通譜璧弟幸托年盟雲杏集中不知曾  
得納拜否已已之歲千騎過廬陵有意來山中時某適赴  
鶴書取愧薛荔失此交情悵然一方之感書來空同陳誼  
天出欲往從之湘水深令人疊疊柳子厚謂南方之靈鍾  
而為石故有多石少人之論某常以為未也地氣自北而  
南古有斯語意者人物之數斯文之運亦莫不然王參羅  
帶之勝中州山川所未有也磅礴鬱積而振發之以其時  
可矣吾宗文寔當之乎令業方來雲湧川至樹之風聲快  
觀巖巖某半生落魄無足為宗盟道去年單車馳响嶼下  
堂有重慈白雲間之陳情至於一再遂授今墨闔門就祿  
實出過數力綿求牧未知何方宗天宦遊海外坐隔一關  
一介相先是不以他人待同姓者委貶所及拜而受之薄  
物非所以報何當嗣音

與胡節推切黃

某他日盤之中辱玉山朗然照之舉帆凌斗牛掛席拾海  
月已占吾成玉堂堂於此時矣空同落葉間快讀千佛喜  
見榜花雙峯巽山嶙峋蒼翠布濩輾轉何盛大知之國家  
三百年代有英傑樹之風聲五綿聚奎之符彪炳未已滅

沒草根者固復何限吾成玉一大根起之青原剗空忠節  
生氣是則草木同味也喻計畫綉娛雙親時某當以奉祠  
歸里尚從鄉稚耄俛焉首遮慶茲繁赫踈寫此茂悅喜臺  
薄舟祗瀆

繳奏藁上中書札子 時吳儀齋當國

其惟軍國萬微日至黃閣不敢爲竿櫓區區懼責威峻惟  
鈞宥是祈某頃罹人子之厄曾拜仁人親親之恩感激榮  
光永矢無斁不意今春伏遇先生來綉來歸爲國柱石  
遂得密邇陶鈞以庶幾一日履屐之後幸甚莫大先生當  
國以來上迎聖主悔悟之機下慰蒼生蘇息之望所謂垂  
紳不動聲色而措天下於泰山之安先生有焉乃一日伏  
讀明詔許中外臣庶得實封言事皇心光明言路軒豁恭  
惟啓沃至深也某私念今事變至此衝决橫潰使宗社有  
不測之憂者誰實爲之病根在內膠結不去終不可以爲  
國是以積忱具書先陳其愚庸之一而痛哭流涕終之人  
非不知愛身何苦如此冒死今日之事急矣懼其至於一  
且則亦不免於死也惟是言輒如毛懼不足以感悟天聽  
尚賴先生狗通國之心出回天之力以措世道於清夷光  
晏之域其九殞無悔謹繳奏藁具申伏惟鈞慈俯賜鑒察

賀齋書樞密江端明古心

甚夏五之月伏從下土切聽朝命共惟天子竟選洪儒布  
滿侍從而先生以海內達尊居然冠文昌之首僕自惟念  
正人登崇天下誠幸誠賀不敢以草野自疎輒奉狀以爲  
斯人之慶記史登錄及微嚴視私心欣喜莫可涯淡山澤  
深遠與廊廟本不相接一日聞巷風傳歡吹則謂先生以  
某日踐政地參樞筦主上聖明君子終爲大用莫不舉手  
加額以爲共相天子活百姓遂在旦夕以一方推而放諸  
知懼欣交通人情莫不皆然人望有所宗而斯民之譽猶  
出於直道僕爲之舞之蹈之中夜以思不能成寐夫以穹  
壤之大人倫之衆而先生之進大夫士庶民皆欣欣然相  
告如其父兄親屬之得用將有所利賴於已者此其心豈  
千金之所得而家至戶曉所能同哉我朝先正得此氣  
象惟前有范文正後有司馬公范自諫府以來以言事傾  
動中外後來出帥西邊入班兩地岩穴之士慕下風而望  
餘光蓋皆延頸企踵以庶幾其一日之爲相司馬居洛中  
十餘年當時兒童婦女識與不識競曰司馬相公元祐初  
衛士之感泣都人之遮留其所由來者漸矣非一朝一夕  
之故也范公得經世之望司馬公得救民之望嘗恨士大  
夫所以積望於平日得望於當時蓋幾世幾年而後得此  
二公有以厭服天下之心口聳動時人之耳目而范公不

及用司馬公不及盡用天之未欲平治天下其如之何哉  
今先生早以言語妙天下中以政事動中朝後以氣槩風  
度上結人主之知而下爲四海所傾慕則先生都范馬之  
望於一身蓋二公之後又凡幾世幾年而後得此天下之  
所以責望於先生者豈與人心視現筭與秩終而甘同草  
木俱腐者同日而語哉方今西有敵將東有逆藩而江淮  
與強敵爲隣強兵富財之道無所於講主上不得怡宰相  
以爲憂其願蓋莫過於此而學士大夫私相撥議痛心疾  
首以爲方來無窮之變伏於不足慮之中而發於不測而  
不可禁者其幾尤切凜凜天下無事則代天理物之地猶  
可從事於牽補架漏以庶幾不至於敗缺不幸槍擣憂危  
之間倘非碩德重名積孚於人心一日舉之以從民望則  
鎮服危疑收拾渙散精神氣勢未能一旦動天下之聽也  
今當揆身定大亂莫安方極不敢自以爲功而方嘉與天  
下之賢者共圖久安長治之策先生從容於廟朝計謀於  
帷幄則當揆所以隆體貌敷腹心未能或之先也鄙俚所  
以舉代於平陽茂弘所以深器於安石其爲天下國家計  
者甚悉豈曰身爲功業而已哉則夫先生之一身其關係  
於方來之世道誠重且大而閭閻之內父子骨肉私憂過  
計以爲脫有倉卒則所以寄命而幸全者非先生嚆依然

則先生之望近世以來絕無而僅有者將范馬不及爲之  
事先生將來雖欲逃之而不爲其亦何辭以謝天地神人  
之所期哉僕鄙野無足道又執方不通於世修門之書每  
視以爲甚重而未敢輒發其於先生獨疊疊不倦自天下  
之公而言則僕之喜談樂道與人情若不相遠自一身之  
私而言則僕誠何人而辱先生特達之知此其所以伸紙  
行墨藥爲四海誦其情而不自覺其僭且瀆也伏惟先生  
少垂察焉

某仰惟三台榮煌之精覲在雲漢下土之人夜唐領額曾  
無羽翰可飛遊於經天光耀之側間者不擦雖荒縵之筆  
墨時得以上登洎史而觀道德聽教誨自謂未有嚆肯則  
左右亦以其人爲何如先生度越常情嘉惠後學來於窮  
約之素以爲可進而教之廬陵之士凡來謁先生者未嘗  
不深念其姓名至於造化人物之地先生所以提撕薦進  
使之得以齒下士於朝則既有日矣乃者秘府之命從天  
而下空山不頴之蹤跡一日有聞於人自宰相鈞陶而言  
曾無所偏私而某心口相謂山澤之人何以及此是蓋有  
所從來而不敢忘也當泰之世必有均調皇極之輔深思  
遠計周及人物雖遐遠僻陋如不肯亦使之無所曠棄九  
二曰不遐遺得尚于中行今當揆以之泰之未成也必有

一陽爲之先而後衆陽之氣類隨其汲引以進今正人滿朝大抵以先生爲朋來之倡至於晚陋亦得依乘以前初九日拔茅茹以其彙征先生當之屯之六二曰匪寇婚媾女子貞不字十年乃字二嫌於初不類爲應徘徊不字至於十年其雖不足語此顧惟切而從之者衆矣蓋至今日得先生爲之宗主奉命驅馳惟此時爲然其他無能爲後至於守其本心不與流俗爲軒輊以求上不負知己下不負見頌之所存則或可無愧怍於此尚惟先生終數之其欽惟新命亟應祗赴顧以未服外庸不敢即造朝班區區欲俟官觀兩考批滿日徐拜恩渥蓋已顯狀控於朝矣諒先生當許可之遇睇清崇未即啓侍輒奉狀臨拜懇悃

與前人

時以前宰相帥湖南回

某半生出門下幸甚乃從湖南以一節奔走閩部去年此時拜長沙書星甫償分顧潭衝相望御置信宿奉令承教王事一家以父兄師弟子之情而行於連率方伯之際湘人或云前未見此比而某也受賜爲不貴矣先生之入湘也其後三數日而來先生之出湘也其後三數日而去何其步亦步而趨亦趨也壁弟於臨江候迓使艤獨蒙一再予進所以愛之誨之不令兄弟無間然者不自意先生及豐城以下乃有門內之戚盛德大業如山如河存神過

化之學先生其講之也孰矣某所得郡去家一筭而近奉八十七之祖母與老母俱閩門長幼無慮二百指悉從官居屢費俸粟是皆公朝錫類之造郡事頗簡四方無竊發之告日來風雨亦似調順使苟祿之日得免曠殍非大播之賜而誰賜秦孟四者久焉通誅湖湘未了公事殊切介止日來連得舊同官書閩計議駐兵永明誘孟四而生獲之爲廣兵所奪尋且告覺經司取其屍寸斬以謝兩路先是田定二據平原秦小九據益田爲秦孟四聲援引孟四以屠永明正田定二之爲也柯倅據全州首禽二兒磔於市自二兇死而孟四遂不能免先生一番出師其終條理如此孟四不死非但遺患南方其於根本閩繫甚不細且得竣事功之在彼在此無足計也蕭獻可失其令嗣如塌廬陵生此士有數可爲痛惜詹望泰借中夕九起薄言傾寓有懷忡忡伏乞鈞照

與吉守李寺丞希賢肯齋

某居廬陵南陬益受墨之最遠者也其於當世人物無所交際惟從田間側聽輿論則天下伯淳雖隔在僻遠烏得不聞風稽首吾州自前守去後無主宰幾一年無鱗鬣孤即政泥濁斯人無辜亦云甚矣執事不鄙下土惠然此來天開日明是在今日某實爲鄉國稱慶仰藉商雲在上區

區非才勿恩入館極知負乘月朔嘗造州閔印申免時聞  
千騎且入閔其遂止旅間伺候攀迓前茅繼聞少展適頭  
目受病旋暈不可耐不得已載舟兼輿以歸相距兩月交  
臂失之不敏之咎其當何如方僣倖平復造請以叙悃悞  
顛駭及門寵授翰墨山林賤之人乃得殊礼郡大夫之  
德為不可及而其缺典之愧益加多矣祇誦來辱避席再  
拜有悽輪困且嚴初積謹具劄子繳申職事之記所有白  
翰謹謹歸璧示不敢當也修有草率顛圖侍見以謝

回廣東曹提刑

伏以炎日正夏薰風自南共惟某官玉節霄明華絲雲度  
穆清簡柱交壤斐扶台候動止曼福某滄瀨蕙清通寒壑  
碧惠徽書月却立下風某遙企芙蓉上神斗儼繡衣之  
持斧而瑞靡以為糗弘鋪太和勿問元吉某欽以其官籟  
鍾鏗夏玉尺端方蘆阜青蒼毓白石清泉之勝北斗魁傑  
擬碧梧翠竹之標或弭節於人間或影纓於帝所既盤礴  
而鬱積復周遊以逍遙流水青山奪司馬尋春之志荒崖  
絕島瀟灑溪物之心欽哉刑之恤哉使也言有先也樓臺  
映白日絲轡小馳衣冠拜紫宸綸音過下某起觀宣夜跋  
敬明河方闊焉北樹之題乃贈以南金之寵莫然三復愧  
此七襄某頃綴楚軺每懷綿未賤天從欲回叩坂之車便

地養親得江南之含永惟錫類不隔善鄰礙積阻心焚煌  
在日某袖分裝露才劣錦雲雜下俚於九成發宗工之一  
莞踰瞻逢翠工鞞蓋珠水桃碧藕之清涼福英祿華之郁  
穆臺容所戒鞭影是趨

回陳侍郎

某伏以回車叩坂請自效於林鳥得和江南取已指之竹  
馬綢繆錦覆綬襲衮華共惟某官麾斤八極之風雷卷懷  
九天之星斗古靈袖中之藁屢薦時賢温公洛下之評不  
遺人物遂使忝求芻之寄從而諧啜菽之私某半竹奚堪  
儂花甚寵想五畝青山之樂頌請訂金懷四愁明月之詩  
曷酬贈璧謹具劄子申謝伏乞台照

與湖南交代廖提刑

某汲瀟香裹側厘喬恣恣于主進吏昭交好也首祈紆省  
茲者伏審濡絲星轡弭節霜臺紫蓋撐空開雲烟之五色  
綉衣立漢灑水雪於九州號令一新江山胥動共惟某官  
金井玉淵之丰度蕭鐙瑤簾之聲名老氣崢嶸吐鰲頭之  
山碧清文流灑貫龍影之潭星九踐敷中外以來皆推行  
忠恕之學惟刀劍徂楚氛之惡賴旌旗指漢坂而驅于疆  
于理于南來宣王命其刑其罰其審曰惟民中汲湘水而  
滌蒼痍豁衛雲而燭幽枉禮樂遣使臣也於昭原隰之光

袞綉歸我公兮，遽任朝廷之重。某頃從岫嶮下一拜狀後，繼得旨以臬事屬之。宋使君某遂於正月末解維而西。先花朝之四日，抵雲舍。後前奉重闈至空同，上俯仰半菽，皆齋肅賜也。第念夙緣結習，實開衣冠百世之好，乃不克迎拜馬前。面奉龜組江海契闊，有足念者。近得之東西行人，始知歎節前玉節道盱境，以時考之。此際又建牙楚觀上矣。某不勝爲湖南一道賀舞。後木人蕭然，音節納之錦覆。過者化之，亦以自賀也。某春杪得府第所遺答書，仰佩篤叙數月，念念詞音相望。次寥邃坐不敏，茲想建臺有傲謹。跪下風傾，此輩積臨拜無任馳泝之至。伏乞台照。

與前浙西安撫李大卿 號肯齋

某頃從相花間解維而西也。故人意厚，棹酒壺三十里而飲錢之風飄飄兮，吹衣芳菲。非芳襲子內喻篤緻，一何勤也。回首江空，明月千里，因念向留楚觀，望午橋鐘鼓不備。簷陰從容，玉塵曾不能以數數。矧今去之汀洲杜若，間逢弱三萬不翅，明河在天，瞻仰夙夜如此。情結何某，共以某官懸黎，垂瑤瑤簾簾鍾擘水雪走雷電，精神塵乎八極。金石諧韶，漢文采披乎五音，維今江濤正湏人物外之。而北門莞鑰內之，而西府樞機，豈惟老成具有經濟，青山五畝未容寄傲之深。黃道九天，佇看傳呼之近。某不承齋

先花朝之四日，抵雲舍。又十日，奉重闈泝灘而上，樓前抵郡邸賤事，乍入沸糜，不免驟轉。既三閱月，遂就簡平親老安徒如常。半菽俯仰，皆錫類之。及惟起視四境，長山谷荒赤子龍蛇，未易帖服。商鉅馳河，寧乎其未濟。教思無窮，惟勿替宿昔重訓。飭之秦寇一段，某未了事而去。日夜念此半年，師旅數州，杼柚爲空。疽根仍存，憂有極。今聞罪人斯得，黨類悉就殲夷。我愛桐鄉，屐齒爲折。顧撫摩凋瘵，鎮定危疑。湖嶺間方來正欠工夫，耳洛中花竹平安。悠然長思當必及之。某數月念念專爨上起居及今方走一介不敏甚矣。未繇佳晤，暑氣方殷，願言金護玉持以副蒼生之望。孤臺有委一唯鞭影所向某臨風馳泝之至。

與劉吉州漢傳

某介持薄雲之誼，忘其爲渣。僭有頌陳吾鄉歐陽巽齋先生講學天出，從游涓門。登科三十年，獨處環堵，晚見召擢一再登朝。先生居之淡如也，其修於家終日清言，接引後進，未嘗爲楮石謀捐館之日。橐無贏貲，諸生爲集喪事，悠悠人生，惟死乃見真實。嗚呼！先生之風可使懦夫立也。其子凌字資深，世先生之學類。然布衣禁路，諸公每以鄉先生歿而無澤爲闕典，有欲從化地言者，人情好德信不相遠。先生不以貨財遺其子，而資深亦復能守拙甘貧，酷與

乃翁相似區區謂文獻所屬吾輩當相與輔成之大監樂善若不及又於巽齋為馬年同朝儻念其孤時分廩俸月質送之使先生有子不至乏絕非惟使為善者知勸而名公念舊下士之盛心所風厲遠矣某且夕亦謀具辭幣聘資深至郡齋庶幾前輩之典刑斯文之宿昔念同志孰有如門墻者故輒以書至焉當暑蒸聽慚汗瀦流伏乞台照

回兩淮制使李端明庭芝

伏惟龍虎魁傑手提鐵鉞重鎮東郊淮山崇崇江水不波施於南土隸也跼敬階符等威有截不圖親瀝袞翰賈之榮光下土伏讀感激某仰承寵戒信豐趙宰真古大臣勤小之盛心趙於某同年宿相厚今又得以郡邑聯好人事結習非偶然矧知出有晉公門下他日稱吾榜得人有所受之矣謹具劄子百拜控謝藁稽萬罪伏乞鈞照

回岳縣尉

惟中與之初先武穆王手扶天戈忠義與日月爭光名在旂常功在社稷天報勳勞克昌厥後雖百世可知也縣尉生北平龍虎家而又偉然植立誰不知敬幸出結習乃託一日之嘗僚判論批曆亦既欽承遠昇鱗絨為禮過矣

與洪端明雲巖名齋

去歲在湘中專人詣越拜起居造沐報教以門墻一介之

檮撫問所及勿替引之相望廓寥感戴不可言喻繼聞邸狀欣審端殿陞班安車就第干疆干理既了旬宜某水某丘逕歸遊釣共惟確慶欽以某官中朝耆舊前輩典刑早歲驅馳持國子華之並出晚年脫灑盤洲野處之所無今世洋沉畏途不知足者勿論固有掛冠請老欲一日婆娑里門而不可得者先生袖手版還丞相天目山中逍遙野服獨立於得喪寵辱之表真天人哉左轄頻虛上方側席只恐禁中朝出傳宣天使夕至未容公久作碧山學士耳某堂有重慈今年八十有七昨者將指而出牽於行路鶴髮不容迎養歲晚力和化地乃昇麾章貢家園相去三百里一箬可杭闔門二百指皆仰祿焉此先生喬雲所軍某到郡後頗與郡人相安日來四境無屢旱收中熟覺風雨如期晚稻亦可望惟是力綿求牧來日方長寧乎淑後先生襦袴著譜出其一二以惠綏之蒙戴而行敢不知賜某於左右缺禮又矣謹寅奉赤紙申綠野平安之間采采澗芹犯嚴悚及未卜閭侍頊言觀願視履益扶神明以慰中外屬望臨風拳拳

與穎州屬縣宰

穎有公稟保伍本領在於隅圍比者郡家稟使者之命欲於十縣從新整刷一番見之公文固已詳盡所謂差過隅



圓蓋所在積弊有公差者有買免者正在賢令尹用其明  
焉可因者因可革者革按之舊籍參之僉言一日而可決  
也使者屢問及此却望辦以敏手月末如期申來隅圍定  
則保伍周保伍周則盜賊弭郡之所以蒙成也而縣亦職  
有利焉申嚴出甲榜比想昔已家至今有賞罰饒榜煩更  
徧揭

回表永州

某引首三吾環清匪碧神仙人居之坐隔千里方夔衡鴈  
之參差緹騎秋風落我缸翠危然瑤華音之在耳也共惟  
某官以羔羊素絲爲節槩以清霜紫電爲精神以布帛菽  
粟爲政事自擁千車來照二水發舒家學一二便足以破  
奸膽甦民氣朔月而可百廢具興萬石山中遂爲古頡川  
渤海郡真刺史敏手也清廟訪落諸侯來朝風聲堂堂歸  
植千載某承乏便州僥倖娛恃庶空無事年較粗登凡前  
此罷蛇之淵皆屏跡絕影要是奉教宿昔陰有以惠利之  
然親意亦復念家旦夕飯命香火歸哺山之南水之北矣  
送道寄將有實其庭吾味之厚不翅懷連城而佩明月也  
臨風慷慨亟此馳謝尚歆緝繭申候起居伏乞台照

賀京尹曾尚書

某茲者共審露綸渙渥星履陞華東澗西瀝冠十連之元

帥南昌北斗表六典之地官丹屏雲開紅牙日麗共惟某  
官依乘日月吞吐江湖直氣摩空金天晶之錯落清規照  
世玉井水之紺寒自熾熾於萬聲端我乎身角文章大  
手南豐先生政事十條小范老子出袖摩霜之絨坐卷卷  
雨之簾具侍從婦拜於甘泉慈父母來臨於京兆乃由太  
一徑陞文昌水懸雪空而朝望乎日暖潮平而民氣悅儼  
衣冠於建禮益鎮千兌籌帷愜於延和邁歸兩地某喜傳  
除綽阻赴賀綦五緯明青望龍泉之秋色九河沉澗懷虹  
翠之春暉謹具劄子申賀伏乞台照

回曾知縣曉頌

賈東軒後除御史

某去秋知紫氣飛度鷹峯法不得相候西風徹棘新雨來  
車知必不我還乘也未幾喜開玉垣飛檄榮甚錦歸交臂  
參差殊重回首今年出湘之日乃千騎載入湘之時又不  
得相隨鷄豚社中一數契闊相隔耿耿心知不圖帳屢遠  
持五雲下貢虹翠筆墨淋漓起敬英妙而綠藉所及不敢  
當不敢當某堂有重慈自高安歸後十年不克迎侍昨歲  
叨節本不能出請詞不獲命始以單騎驅馳非其欲也輟  
鶴白雲情表連上君師天地之造界之便州非微福謙遺  
端不及此千里遠將折寄何厚衣破重襲其宏多矣乍理  
塵沸稟對臬晏薄附芹心非所以爲報也蓬萊玉雪小置

之松竹間會有新綸倚布婁賀

回曾連推宗甫 名尹

某滄頴蕙清起而謝所蒙東窗壹壹一拜幾何年西方笑  
人豈不夙夜飛鴻踏雪聞其耶寥去年漫浪行湘於東軒  
公甚相厚鳩來八境又日從巖山先生遊獨於吾忝字何  
其闊如也春榜既開聞謝家鳳毛世科盛事美集勝處僅  
隔庾梅每念孽戕寫此聚積乍入沸糜中望此不敏而琳  
琅金薤卷五仙雲飄下之言念知心喜而不寐吾忝字以  
乾坤清氣晶晶銀河朝發軔兮咸池暝曝鱗於沃焦以其  
時可矣河陽幕中雲飛川泳老子倚胡床誇有此客佇由  
黃金臺徑上清瑣闥某單車馳响嘯下十閱月太行白雲  
繚繞清夢陳情一再天高聽下界以便符奉重闈抵空同  
三見萼茨矣郡稍簡靜得遂半菽歡昔錫類所及也渠渠  
然頌不以規望塵辟易芳菲遠道第懷我私聞車馬行色  
且旦夕出領某倘未以罪去得握手道舊豈不快哉占謝  
蕤如馳遊一碧

回李本中

某一節稍踈聞問千里相望方賦所思得手書讀之展轉  
情話慰此契闊某數年以兒女講授為琴書累發初啓蔽  
作成方來三世交遊此意不敢忘去區區出山親老不任

行後雲龍備絕不得日奉從容本中獨處寒齋覺戶外屢  
不至靜中倍有方冊工夫然門可張羅冠隸自放所以奉  
師者必甚鹵缺負愧柰何論及小千年漸長當學聲律尤  
認真至第此兒自以為得師甚欲從師學而學焉又念吾  
先人以賦起門重於改作貪賢且柰何今姑尊來教擇賦  
師為代但未知來年有意他出否倘有旨回某雖江湖懸  
隔豈無可效綿者拳拳此衷亦以屬之新昌弟唯命東西  
矣敬憑使稟控別牋薄物少寄芹私令祖困學老先生尊  
候多福侍邊乞道起居

回長沙傅縣尉合

其他日接玉泉於涓涓中去之十年君且撫汗漫神變化  
而為龍已高言軋霄自當向上位置需雲岳翠不溼騰暉  
乎身府知心貽書道君出處之槩廣文又緹襲琳琅以來  
目中將快見緇之好也敢不預戒行寓汛掃以俟雖然落  
木荒涼之境飄風瀟瀟之蹤以君堂堂祭軔而肯相從於  
庖俎間此意携持琬琰者不屑也吾意不薄惟君執裁之  
持對不敏切惟照寬

文山先生全集卷之六終

文山先生全集卷之七

文集

啓

上權郡陳通判高謝解

是邦大夫賢者聿新道藝之寶與吾黨小子斐然得遇功名之主宰僧彌出法護之右越石居楚金之先人羨二難已叢百媿竊惟奎開我宋箕壽斯文堯叟以壯歲擊虓堯咨爲之接武子由以弱冠登第子瞻至於聯芳孫何齊孫僅之名宋祈遜宋郊之榜韓家閱吳氏簪纓皆一時兄弟之傑然乃我朝科目之盛者甲於江右未若廬陵名耀帖金以一門而五董毫香種墨不十歲而七劉或踵接於童科或有摩於胄監輝煌簡冊雜還衣冠至今文水仁山猶想流風遺俗雖巫步亦期似禹然賜賢何敢望回如某者技等飛鼉才長縮蚓故家喬木借稱歸舊峽之陰宦錄雲萍分白鷺餘波之潤勘皇祐榜帖久寒石室青瑤閱癸丑狀頭曾入本心墨譜恐負前人之予冶勉爲今日之箕裘有嚴君焉嗟棄萬年之詔味難爲弟者誓齊兩到之英聲故唯諾怡愉之間皆切磋琢磨之地晨窓花露滴乾硯眼之鴛夜帳木油剔盡按頭之蠹以孝弟忠信爲實地以功名富貴爲飄風非六六餘子之儔有飄飄凌雲之氣自染指時文之鼎即梯身奉考之階愈出愈奇頗類黃絹外

孫之盡曰屢選屢中究成翰林學士之葫蘆遂令伯氏吹埙仲氏吹篴過辱庖人繼肉廩人繼粟方嗟雌伏未遂雄飛適槐粟之採黃借棟華而拈采擲番骰子同擊喝六之籌響起弓弦共上中紅之梁天開雙眼地放一頭渴睡漢平白解朝椰揄鬼分明東首二旬賜第皆以沈內翰相期十八奏名會謂劉學士可繼使小子自此升矣皆先生進而教之故蓋恭遇某官秀孕天台英蕙帝學萬乘器可繫唐柱五色線要補舜裳器古壘於盆盎之中韻黃鐘於雜優之地一從分刺名雖沂郡之王祥兩屈護厯實則潁川之黃霸斯民廣夏吾道泰山螺川醉多育之春風燕寢樂近民之暇日政安赤子解弄挺之亂繩兵撫清人戢攘斂之權彙雖借我二天之有幸忍尹京五日以趣還茲以題輿委之勸駕至若豆箕之朽質亦該花帖之榮恩是宜拂楮雪以牋誠候屏星而布謝華當鞭策不負揄揚諒大賢何所不容知孺子尚或可教晉公得二俊才士不無汗楮於前脩古靈薦三十餘人尚冀牙緋於後進

上倉守李愛梅謝解

執鞭而御於君風裁久欽司隸推較而輦其正天人幸遇翰林欲借方寸地吐氣而言敢操盈尺紙循廊而進切謂烏河陽方司鎮鉞石生隨就禮羅王豫章未下使車荀爽

已騰辟剗蓋人非下和王閔石竅而世無伯樂駒困鹽車

必假先容乃梯後進切念某策非魯客材僅在林自垂髮

逮二十年知肄業為第一事家底自為庠序羨祖廬江興

學之風文字懶傍門墻惟筆石室立言之法遙睇故家之

木勉為良冶之弓子王應而父金春伯頃唱而仲篋和夜

按剪燈帳免成墨凍恣呵筆火不思煙每因染教於芹香

屢獲聯輝於萼集角能戰蟻占序榜龜朋社陽秋過許洛

中之陸鄉評月旦謂非吳下之蒙曇踏黃槐聊窺班管合

三萬餘於園棘爭六十八之帖花如小子者車載斗量况

有司之沙披石汰誰謂燭几駒窓之際遽蒙黃鍾墨洗之

褒風健鶴披騰北海一雙之鷄雲橫鷹翅搏漆園九萬之

鷗必侍郎墮筆虛而送之則進士虎榜自此升矣茲蓋恭

遇某官百梅風格八桂雲仍羅貽門兵甲於胸中激淮水

淵源於筆下風檣陣馬不足為勇長吉之文章景星鳳凰

快觀爭先王濬之名望早躋顯第偏歷要途嘗膺北闕之

詔論出領西江之衣綉兒童猶誦君實野老皆識元城惟

虎城舊治嘗屈典麾故螺水重來又新持節蘇疲民於恩

露清好吏於壺水坐念鉛為鈿距為蔗安有書如絲官如

耗燥連檣柱執樂舊句重膺繪閣庫粟理梁新謔繼作茲

屈皇華之使就延鳴鹿之賓某忝以益箕玷茲玉笋敢不

泮庖人之刃誓無荒陸氏之庄

云云

賀吳丞相革

再登鉉路首冠鈞庭以進士為名臣兩朝倚重以儒宗為  
宰相四海具瞻天啓聖衷國有生氣某官洪深而肅括光  
大而直方喬嶽泰山微細悉歸於涵育青天白日奴隸皆  
知其清明頃天子以為股肱舉海內望其風采霖雨未決  
而收欽神功恭階未平而韶關光耀共惜温公之歸洛猶  
期潞國之還朝偃逸藩維久壽袞綉歸公之望均調鼎味  
復端鹽梅用汝之司公卿大夫交笏相慶兒童走卒舉手  
權呼顧中外不謀同辭在今古未始多見斯人之望既切  
賢者之責方新維今言路之不逼最為天下之大弊縉紳  
以開口為諱事城關以游談為危稅如人一家情睽離而  
衆侮起如人四體氣壅底而百病生多故之由一類諸此  
枿更子改柁轉舟移惟從衆謀可以合天心惟廣忠益可  
以布公道盡群群疑衆難之會克有榮名成功之休其惟  
我公望在今日某瞻依有素慕戀惟深適造關以戒嚴聞  
揚庭而增抃以書上光範先伸賀慶之私於人見歐陽行  
展拒衣之敬其為懇切罔既敷宣

謝吳丞相

渙號揚庭方慶昭文之命蒙恩詰闕適修進士之恭喜當

風雲際會之秋得園天日照臨之下輒陳短淺爰叩高明伏念某才不逾人學未聞道雖家庭唯諾之教動欲行其本心然山林扞野之資知無補於當世頃得備地官之貢遂及登天子之庭一第策名既有慚於負乘三年讀禮幾無意於驅馳宸命光華自天而下聖恩廣大如海斯涵遂令叅京兆之謀仍許奉園司之表靖循僥倖端出庇存載冊戒行將下天威之拜彈冠稱慶遠傳公衮之歸重惟柳氏之碑曾辱燕公之筆讀聖主偏親之語佩教方新仰先生長者之風銘恩莫報矧復更新於弦轍自今密邇於鈞陶喜如其辭有莫能贊茲蓋恭遇某官兩朝舊德一代偉人金鼎調元曾接沂公之轍玉龍擎重再持忠憲之鈞屬逢當軸之初與有得輿之慶某敢不勉摠素學圖報明時仰台宿之麗天既近輝光之照占赤雲而赴幕尚依覆燾之仁

先生之父革齋先生墓誌銘乃江古心撰履齋題蓋道體堂書

謝丞相降秘書省正字日

竊祿叢祠方重素餐之愧備員蓬館速叨黃紙之除由大鈞之無垠故小子之有造軌揔短淺庸瀆高深伏念某大江以西一介之下幼蒙家庭之訓每欲行其本心長讀聖

賢之書初何補於當世從事一研起身諸生偶遭際於聖明獲僥逾於科第君恩天大若爲報稱之圖流俗波瀾常有激昂之志當前年之赴闕適強寇之臨江親見主憂之時不勝臣辱之義陳師江澨悵無一障以宣勞奏疏公車倘冀九重之易聽奔命而歸田里舉目而盡干戈江迫川平非頓整頓乾坤之手糜沸雲擾免無戴履天地之身骨肉幸全於山林頂踵皆歸於造化琳宮香火揆始分而已逾石室詩書尋初心而未究敢圖非來獲備茹連使當登崇俊良之時而秉校警圖籍之筆賢人在內幸無正朋字之譏世運方平雅有讀秘書之職顧茲甚寵非所宜蒙有懷負乘之慚無任循牆之懼使之得進退之正所以報知遇之隆茲蓋恭遇某官勲在王家澤被天下圭瓚拒聖修召伯之來宣袞衣綉裳大周公之歸相既伏管籥而定大難將興禮樂而開太平遂使乾清坤夷之餘轉爲小往大來之會至如公邊亦及凡材某敢不勉企前修恪持素節彥博未至堂上已先蒙許國之知器之既入館中當不辱溫公之薦其爲懇悃罔既敦陳

謝皮樞密龍崇

領香火於祠宮幸書下考校丹鉛於冊府誤玷中除由泰階六符之光爲廣屢萬間之地輒裁牘記仰謝鈞慈切以

從群王山夙號麒麟之勝持三十筆將刊魚豕之說是為  
朝露之清班必極人材之公選我聞在昔公惟其人晏殊  
之學問楊億之文章仲淹之聲名器之之氣節苟非其類  
不在此科伏念某學不知方仕未能信尋千年之靈簡早  
慕伊顏得一第之鵜梁終慚晁董深考國家之典每由館  
閣之途知負乘之懷慚恐顛隲之速咎故方筮仕已即丐  
祠尚口乃窮願愛山深而林密觀願自養徒羞月費以歲  
糜敢圖楓陛之疏恩俾處蘭臺而正字正恐不免耳其何  
以堪之靖循僥冒之由端出陶成之辱茲蓋伏遇某官清  
朝良弼名世大才燮贊化原大尊主庇民之道均調皇極  
普薦賢報國之心遂使疏庸與叨拔擢某敢不恪持素節  
勉企前修讀木天汗漫之書尚求指教陪丹地深嚴之懼  
何幸身親懇悃深敷宣罔既

謝何樞密亭然

范質傳衣曾侈和公之遇仲淹入館復蒙元獻之知使諸  
公而與同升豈門生而不知報輒伸下悃庸叩中樞伏念  
某石室孤寒青原落魄幼被家庭之訓願欲得其本心長  
讀聖賢之書初無補於當世從事一研起身諸生偶持觚  
翰於南宮獲遇鑑衡於北面鸞鳳杞梓舉集權公之門款  
段駑駘誤登伯樂之厩名姓雖塵於函丈足迹未造於仞

墻山斗之望彌久而彌等啾畝之蹤愈疎而愈隔閉門自  
守知尚口之乃窮遜世無求惟觀順而自養凡竊祿奉祠  
之日皆省身念咎之時承明之廬著作之庭未嘗意想寂  
寞之濱寬閑之野遽拜寵光胡為乎來哉是有其故矣想  
木天之清峻望丹地以凌兢顧非麒麟鸞鷟之英其如亥  
豕魯魚之謬深有慚於負乘敢自已於循墻茲蓋恭遇某  
官名世鉅公清朝良弼持樞贊化共調傳鼎之梅報國薦  
賢不種狄門之李遂今公選亦及凡材某敢不勉企前修  
恪持素節就中書而見座主將求一介之先容以進士而  
為名臣尚賴然身之保任

謝江樞密萬里

領祠宮之香火敢望彈冠掌冊苑之丹鉛誤蒙推轂薦非  
由於識百事真可以語人頂踵衿私願手奏記切以觀遠  
臣以所主孟子以言進退之閑遇大賢而相知韓公以為  
遭逢之盛蓋受恩非天下之所少而知已得君子之為難  
乃若初無左右之先容獨受門墻之隆遇以古道之相與  
尤人生之至榮伏念某才不逾人學未聞道雖家庶嘗昔  
之教動欲行其本心然山林村野之資知無補於當世執  
經而後承恩以來念景行在四海之遠尊而科第非終身  
之能事願欲自拔於常人之類庶免無負於上帝之褒頌

趨闕下之時適際江干之警主憂臣辱念我生之不特外  
阻內訌繁禍至之無日因撫躬而思奮遂投匭而獻言當  
時破腦而剗心何嘗焦頭而爛額有倉卒等死之慮無毫  
髮近名之心六太息之陳豈曰賈生少年之過三十字之  
獻幸寬卹模東市之誅逮時事之既平滋人言之無據小  
體者咸其失措好事者高其得名痛痒無知者以文采爲  
賢操掖不正者以譁競爲議匪躬之故俱莫諒於初心尚  
口乃窮嗟難行於直道既奉祠而竊祿穎閉門而讀書未  
可與俗人言姑盡吾分內事不謂見知於長者遂勤延譽  
於諸公承明之廬著作之庭未嘗夢想寂寞之濱寬闊之  
野遠沐寵光非華袞有一字之褒何弊帚增千金之重雖  
深慚於負乘然幸出於鈞陶永堅乃心欲報之德茲蓋伏  
遇某官清朝碩輔昭代真儒胸中括石渠東觀之藏海內  
仰天球河圖之瑞暎惟世道深屬我公整頓乾坤共屹江  
流之柱獻納日月入旋斗極之樞非徒耀不世之功名將  
有意太平之禮樂凡今小往大來之會多出前推後輓之  
功遂使疎庸例叨拔擢其敢不力持素節勉企前修稱考  
博於都堂幸借郇公之舉薦仲淹於館職敢忘元獻之知

賀江左相

大老造朝元台正席歸公有綵綉我來自東用汝作鹽梅

王置諸左三台明概八表清夷洪惟我朝相業之隆莫如

元祐家法之懿濬公平章軍國司馬實位昭文正獻議論

廟堂微仲聳升左轄或以學術真純而輔君德或以人物

直諒而當帝心績遺舉於先秦兩漢之前文章鉅麗挺雄

姿於黃河泰山之上器量崇深此自古之難兼蓋於今而

獨見共惟某官行開百聖名塞兩閣於前輩人期之以伊

尹傳說今從學者尊之如韓愈孟軻尚論公之平生有報

國之大節以君子不用爲我耻以小人未退爲已憂童兒

婦女知其血忱縉紳大夫想其風采自其驅馳外服出入

中朝洛中偃仰之年江上經營之日以至贊先皇之大政

參嗣聖之初元賢與不賢一言定其可否用或弗用四海

視以重輕卓然一時人望之宗展也三代王佐之事屬登

庸之伊始周衰卜以孰賢朕安得斯人哉固無踰老臣者

乃申帝指乃穆師言金甌覆崖相之名銀信趣鄭侯之觀

朝士舉劾相賀都民遮道聚觀天子引見以勞歸東朝出

饒以錫宴遂由政路徑東國鈞先天下而憂斯能後天下

而樂有聖人之任將以行聖人之時莫難得者海內相望

之深最罕遇者君子氣類之合方今師維尚父右舉皋陶

贊襄於都俞之間寅協於和同之際鈞無垠而播物相天地

理陰陽鼎有足於承君安國家定社稷昔講於洙泗者困

道路之厄而學於河汾者抱禮樂之慚道之行歎時則可  
矣俾我后五三之盛真吾儒千一之崇某猥在山樓欣逢  
復用親見上下龍雲之會豈徒門闌燕雀之私陽翟歸耕  
回首舊時之學士徂徠作頌傾心今日之太平慶并情深  
刊庫語淺

馬石相庭寄

策震播告金鉉登崇歸周公於東方來大老舉臬陶於右  
復得良臣九鼎尊安三靈開懌自馬服君之著姓至伏波  
氏之封侯燧進侍中特超居於外府璘遷僕射姑借重於  
將壇惟寅王起自書生在貞觀號為真宰然以草茅之跡  
遠出於羈放之遭逢未有親拔魏科素居清望布衣之極  
以一編為帝師都門之中不十年至相位於皇盛舉夔掩  
前聞恭惟某官得聖人之和抱王佐之學高山蓄泄有潤  
澤萬物之功太極渾涵無運用四時之迹自顛昂縉紳之  
日已雍容廟堂之風告后惟良有謀猷則順于外敬王如  
我非仁義不陳於前其出處不可瑕疵其喜怒未嘗形色  
龍潛羽翼栽培不世之風雲縈紫絲綸醞醖後來之魚水  
先帝留之為宰輔之備主上待之以師傅之尊徑過群公  
徧登兩社或主東廳之典故或參西事之經營期侯之跡  
大奇安石之名愈重兩宮明聖一老辯章既峻昭文之選

遂正集賢之拜朝家用元祐之故事學館獻慶曆之頌詩  
儒者之遇僅有而絕無天下之望方來而未已簡淡獨周  
於事物晦叔所以有立於滄國司馬之間忠恕不離於頂  
史堯夫所以無媿於正獻微仲之際前哲之風流未遠太  
平之幾會有開豈特擇簡冊於二百年之前直將植風聲  
於千萬世之下某喜傳鴻字驚起牛衣知廊廟之有人為  
國家而增氣昔邇政府無書或詭於門人今詞相麻交賀  
敢遲於朝士其為拊蹈罔既刊庫

通章答書

茲者恭審渙號明慈普勳宥府風生黃道衛宸敷之疑嚴  
星度紫清煥斗杓之赫奕真儒無敵中國有人竊惟我朝  
之盛明最繫君子之翕合永叔之參兵柄在魏國位平章  
之時堯夫之贊樞庭當潞公判重事之日於以笙磬治平  
之政於以瓊觴元祐之功若稽前聞後見今日恭惟某官  
知周而道遠仁熟而義精和風甘雨慶雲備四時之正氣  
高山深林鉅谷各一代之魁人當屬者為小官之物已淵  
乎有大臣之器誰起諸國人之謗我水而楮之我田而伍  
之公真大夫夫所為匪席可卷也匪石可轉也突元南都  
之鐵壁卷舒滕閣之朱簾在江湖在朝廷時人望其大用  
為靈諫為侍從識者恨其已遲六飛之馬莊重而不馳萬



斛之舟舒徐而後進厥今天助順而人助信大在廷而細  
在邊江漢沔水朝宗載揚我武夙夜其命宥密無競維人  
遂升兩社之班爰贊五兵之本宰相計安宗社大師時游  
廟堂參之以運籌帷幄之神輔之以折衝樽俎之密衣冠  
盛事具四方巖石之瞻衮冕一堂有三公鼎足之勢通觀  
大業丕建隆平某盥耳山樓傾心廷播親見天地雲龍之  
會非爲門閭燕雀之私傳江西宗派之圖敢云入社誦徂  
徠聖德之句請繼作歌拊蹈之深敷茶則淺

賀倉守趙編修端齋

侯藩課最庾節陞華常平專欽散之功庶察展澄清之志  
有識交頌不謀同辭恭惟某官瓊派清流王班雅望早贊  
樞庭之畫端躋府寺之崇結知前旒試庸外服幸甚趙大  
夫之日來臨歐六一之卿廟堂知其爲循良田野誦其爲  
豈弟二天不啻兩年於茲雖明公屢上丐閑之章而天子  
正深倚重之眷爰畀茶鹽之任聿增麾節之光鮮于一道  
福星式快輿情之望晉公三司直使行膺御札之除某仰  
席庇休倍深欣抃大厦成而燕賀敢修奏記之恭六轡沃  
而駟馳實切執鞭之戀其爲贊慶罔既敷宣

回瑞州羅權府

遙瞻松雪火羨磔冰簾捲西山撫輿圖於錦水書移東里

醒午枕於桐鄉寵委新編輝生棄弁天高地迥諒碧落之  
知心日光月華看紫微之潤色謝私何限嗣敬以陳

回吉州繆守送端午

端午賜衣漸傳聖召昌陽薦俎忽沐珍頒行人竟然來思  
野老爲之驚見某官心清於水仁行如春岐麥詠漁陽方  
騰善政角黍記荆楚尚念流風亦分百索之餘遠及一屢  
之陋某條驚晷晚良感慙勤剪綵艾以爲嬉強酌佳節對  
燈花而作報多謝故人

回朱約山賀生日

卿有達尊獲在嫡孫之行我生初度誤蒙大老之知庭實  
駢羅使華驚見共惟某官世間活佛天上壽星華萬戶如  
張子房而壽考遠甚領諸孫似郭中令而精神過之尚憐  
蒲柳之新笈分以松椿之餘福既受賜矣細吟香山三十  
六之詩何以報之還祝崆峒千二百之壽

謁朱約山歲禮

歲無多子驚爆竹之條來盛有五辛喜屠蘇之末至騰時  
大老莘止繁檣喧樞馬散林鴉遙傳歲頌臥籠免橫盛鯉  
叩見鄉風

回前人餽歲

一壑棲遲不覺歲年之晚五雲飛墜頓生草木之春分四

老之王塵起初平之白石某官陽和着物壽極當霄門有  
筆車換桃符之新句庭多戲綵沸竹爆之驪聲猶推椒柏  
之芳馨散作茅茨之光寵某肅登嘉肌祗佩盛心嘆巷北  
之椰榆吾癡未醒祝樽前之強健翁醉何妨

回前人賀生日

富公七十九歲嗟九老之不如潘岳三十二年覺二毛之  
已見方揆余之初度忽惠我以好音疇昔折輩行之謙從  
今悅親戚之話未為好也長歌白雪之章還以事之願壽  
青山之約

回彭知縣賀生日

潘岳閑居已覺二毛之見盧仝破屋忽驚三印之來愛之  
欲生錫以難老親戚情話若是綢繆宇宙吾生不勝感慨  
矧復贈我求言好之讀三星行誰解朝於南斗壽八百歲  
尚徵福於彭城

回太和趙宰賀生日

三載淵明幸相望於五柳今年潘岳覺已見於二毛懷哉  
好音賁我初度愛之欲其生也忠焉能勿誨乎一鶴自隨  
約青山於未老雙鳥何許感流水之相知

回太和趙耐賀生日

潘岳閑居已覺二毛之見盧仝破屋忽驚三印之來為此

大小年之光異哉神仙尉之寵錫以難老愛之欲生陽春  
白雪之詞真成寡和流水高山之約安得相逢

回胡宣教賀生日

春華如水驚三紀之流光夏綠蒲圓又一年之初度方拾  
薪而煮瀑姑榷草以供茶敢意谷虛有來庭實錫之厨珍  
以起其半落將之篋厚以申其慇懃門外業孤自嘆男兒  
之老里中羊酒敢忘親戚之情

回蕭子蒼賀造居

東門掃軌方尋歸隱之盟依山結廬聊作奉親之計正辛  
勤於結構辱折寄於芳馨室虛分塊北之春庭實委續紛  
之凱想兒郎之歡喜共舉草堂謝介使之勤渠寄將梅驛

賀朱太傅得祠

楓陛踈筵蓋宮領秩平分風月暫橫綠水之舟寄傲烟霞  
新入壺天之宇相羊得所進退有階共惟某官一世菁英  
盛年華要春風滿座人知公拔之懷雲谷讀書我得晦翁  
之樂聞已速瘞龍之武未容高鴻鶴之飛某同志有人相  
期何許計簞簞谷正尋白木之盟望麻姑山輒致黃冠之  
賀

送常主簿成功赴宏詞科

徑辭矮屋前赴大科開五十難以試教官是名上等分十

二體以取詞學尤見宏材慶熊魚之得兼觀龍象之第一  
某久烘自昔晚歲相期久此妙音不到蓬宮之處看君名  
第又光杏苑之年

回廬陵趙簿投贊

我輩逢高正堪羅雀美人錦綉上有樓臺懷哉六講持此  
三過某官鳳其翹翹麟芳振振吹大乙之烟藜歛然特起  
織天孫之雲錦燁乎相輝有是簿耶自此升矣某細敲白  
石遙想綠縹看南山之雲惠而好我穿東郭之履欲往從  
之

回吉州陳守鑄

台州人葉西潤  
表親大常丞

分牧龍藩此非子坐退耕鶴隴乃得公書紛六轡之光華  
宜一廛之柴籠某官照人白雪有脚陽春家福凡十萬家  
民歌載路薦人至二千石相譜滿門籍甚嘯枯居然起廢  
某豈堪作吏真足為氓儻一壑之無他維五雲之在上吟  
詩自樂退求元亮之心故榻相看徒感陳蕃之意稟酌不  
敏摧謝未央

賀前人除福建倉

蕭條報政更節敷綸雲閣森嚴上接神奎之府天囿明概  
下臨頊女之虛天啓九遷民爭二竟共惟某官渾金瓊玉  
甘雨祥風家有旂常籍甚東山之名姪身雖朱紫依然太

學之儒生蚤騰駿馬於雲霄遂主神螺之風月人懷惠政  
帝有恩言奪南國之二天遺東甌之一佛常平典在武夷  
之文獻可尋宰相時來文穆之聲猷孔邇某退耕騰野喜  
趣曹裝輒持行李之恭庸展塗芝之慶事大夫賢者庶自  
附於攀轅以我公歸兮將不勝其賀厦其為頌拊骨竟敷  
陳

賀劉省元慶為登科

辛未省元甲科  
第九人簡敷

蘭官拔穎甲第傳臚過千曰俊過萬曰英人間健筆第一  
為魁第九為弼斗北條名柯峰翠濕於飛縷泮水清搖於  
振鐸行微泉比之帝即歸鸞翔之班某正僻耕寬遂稽筭  
賀賦雲山之紅樹焉得往從摩石室之蒼苔不堪持贈

迎寧國交代孟知府

共審肅將一札言牧雙溪紫馬西來照旌旗而出色玉麟  
外遺尊篆籀之生輝上日先與懽聲旁午竊深慶并欽以  
某官羔裘豹袖玉質金相說書而動京師素積行秘書之  
學把麾而去江海重為賢刺史之勞少稽漢郡之三公嘉  
惠建州之千里某久哉望歲際此行春宛水明樓已敬虛  
於中舍昭亭簇騎致先候於前茅謹具申聞伏惟丙照

除湖南憲通交代李樓峰

李啟  
除書

東風一道喜鵲錦之生花元日十行愧牛衣之換繡幸甚

葵丘之新好託於杏苑之舊盟一介施先七襄敢後共惟  
 某官負宇宙之志出文獻之傳高山深林世載其魁傑青  
 天白日人知其清明地望接乎西平声名垂於北斗理編  
 玉牒參天上之神仙紫界粉牆隔人間之風雨盍鳴珮而  
 登駮斐乃弭節而下崆同民五袴而牛犢滿家米萬橋而  
 黍桑遍野屬凝旒之西顧遂持斧以湘行風動塞帷祝融  
 七十二峯之雲曉星沉貫索太微二十五宿之芒寒江春  
 洗蕙菴之愁庭晝卧析楊之影方山挫而岳動俄斗轉而  
 星移五丈原之流馬木牛運於樽俎八景晝之晚鍾沙碛  
 同是江山我公之二界無爭先君之四封如舊然而江濤  
 如許原隰謂何温公嘆子駿之福星不宜居外文正服張  
 公之大體引以歸朝爰重中權式光前軌某生而航僻分  
 也欽崎欻蘭露餐菊英哺烏有味裂荷衣焚芰製亭鹿何  
 心每為梁甫之吟有感長沙之賦曩於飛輓徒觸危機今  
 見平郊猶驚曲木賴有同年之宿昔互為一日之交承春  
 為秋先秋為春後甲入乙舍乙入甲家曲江會上之風流  
 南岳雲邊之禮樂荆俗相傳於佳話蕭規幸淑於前猷睇  
 駟駟之光華敢云並駕隨雲龍而上下儻許執鞭欣蹈之  
 私誦言莫既

賀前人改除湖北漕蕪知鄂州

日陸揚綸水輶作屏北斗丹梯夕陳王艦聯郎宿於天階  
 渚宮碧樹巫峽青山迎福星於江夏光桐符玉色動縵絲  
 恭惟某官鐵馬行空金虬驚海離離珠壁府懸黎壘棘之  
 光耿耿斗牛虛干將莫邪之氣灑翠竹碧梧之韻度察清  
 霜紫電之神奇太微二十五星旌擢江漢祝融九千餘丈  
 節倚雲霄當驅馳奉遣使之詩每慷慨讀出師之表落落  
 襄樊之事會悠悠江漢之風寒局面一新機神頓聳師垣  
 制勝集忠益而開誠心帥閫請行從便宜而上方畧武承  
 先志執與明公乃峻水臺乃陞寶度練鵠錦之庶車改觀  
 黃鶴樓之衛戟生風餉高密之師借恂河內詔西平之子  
 贊度淮壩節鉞合而氣勢張弓矛重而精神壯北代歌功  
 於六月中秋刻頌於萬年樓船過洞庭旌旗直下閩闔開  
 黃道袞冕過端某方協寅衷喜傳卯詔界上爭杜衍想共  
 戴於我公方面待垂崖將遂誇於吾榜行行會弁登臺賀  
 床

賀前人生日

榜月先春福星初度朱綬錦艾聯赤壁之六絲蓬矢葉孤  
 絢紫微之五色玉書吐燦繡絃生輝恭惟某官風骨清剛  
 精神大耐仙人駕黃鶴色照渚宮老子跨青牛氣浮函谷  
 壽八荒而衷福律九寸以迎長樂陸照岫嶼之央十分畢

曉桃影近蓬萊之水一朶紅雲某風分碧落之香遠認瑤池之色一車以南一車以北軫軫相望千歲為春千歲為秋心心持壽

賀化地冬

舞雲門而奏至六琯函和占星壁之正中三階齊色芝香冊禁殺介黃扉恭惟某官心見乾坤身待元會御床親捧耀五龍夾日之光寶鼎密調胚萬象皆春之意燦火城之鶴殿領圭鳥之駕行宜袞袞之福一陽出地露王燭之光芒五色書天開金縷之瑞慶某叨繼乘輶之乏殊慚把繡之長綬色線於帝裳乃心上袞跂黃雲於仙轡莫尾賀恭頌詠情深敷荼篆短

賀化地正

帝堯換曆聲開平秩之端周公為師實主泰和之運光華絕席袞方維恭惟某官王燭際嚙鈞陶動植調元神鼎心包太極之春揀日扶垂色照蒼精之角條墮東南之溫厚填簾上下之明良拜晉國大夫人慶祥符之真宰邁潞公平章事登元祐之昌期億載敬休八荒開壽某圓身洪播稽首獨班三陽君子泰來仰贊茹茅之盛四牡王事靡監俯同苞杞之生致賀輪困戕忱稿結

賀登壽冬

晷躔南陸一線迎長星麗西樞三階齊色哀時次社穀我

英髦恭惟某官元會運之經綸天地心之彙齋黃雲乘靱蕭劔屨於大昕繡日補裳領衣冠於亞歲鼓舞黃鍾之雅陶鎔緹幔之溫萬物生輝回餘光於草木八荒開壽堯新渥於乾坤某承乏湘軺馳瞻魯觀芸香透暖尚憐采若之寒梅意先春預闡和羹之候葵葵是祝草草奚殫

賀參政正

茶書樞  
容院燕

東角耀芒開三朝之景運西樞齊色轉萬象之洪鈞碩輔均弘方輿錫羨恭惟某官明謨贊化熙績亮天金鼎調元共幹太和之運玉衡測影首參平秩之功填筮宥密之經綸鼓舞明良之際會薇歌中國壽細柳之春風花蒲上林揭扶垂之曉日四方來賀三壽作朋某身迹馳駘神傾袞北拔茅連茹言觀君子之風集杞方苞尚念使臣之遠輪困致頌葦桔筴忱

賀江丞相除湖南安撫大使判潭州

舊弼起家价潘建闡姬公相周而為左方遂明農召保分陝而守西又新維翰威行夷夏運在東南恭惟某官壽俊兩朝禮樂四代修名備節以日月為明泰山為高典學精言為天地立心生民立命水火不爭於鼎餽泥金各就於陶鈞本之身心暴秋陽而濯江漢措諸事業膺戎狄而懲

荆舒起觀一世之安危端繫大人之出處當世道未寧之日正遯人相戒之時乃欲一道之王麟乃授三公之金鶴謂擇荆門吞夏汭寄莫重於星沙豈挹浮丘拍洪崖開可專於綠野安石起東山而符秦潰孔明渡瀘水而孟獲擒維茲銀濤青壁之雄倚我錦艾朱綬之重功隱存於宗社書不盡於旂常三軍百姓之歡迎大開王帳一馬二童之促召再築沙堤佐興唐虞誕保文武某及門甚晚知已何深薦不識面官每嘆先生之古道自號報恩子豈在衆人之下風鳳凰出而羽毛朝蛟龍驟而雲氣簇一日偃藩之際會同時誤節之走趨方當聖哲馳驚之秋無限師友從遊之感孝子回車忠臣叱馭司空副相將交盡於君親太保上公惟深期於造化潔調拜下傾倒由中

賀前人除特進

碩輔在藩優恩加秩撫淳熙左相之舊鎮赫奕十連冠元豐特進之新銜魏我一品星馳汗號雷動驪音恭惟某官蒼壽具瞻宗師先覺東問典故西問文學錦堂丞相之規模公見庶僚府見監司路國太師之度量維時台宿米茨翰邦熊當道而貉子之膽寒龍居淵而象罔之迹遠上思舊德時有恩言進左右僕射之官增詩書元帥之重在師中吉承天寵也既都錫命之榮以我公歸有衣衣兮即轉

征東之馭某很塵馳轡阻赴賀床載黥淶之清指玉麟而為壽邇斗樞之紫候金鶴於方來

回前人除特進送禮

上公國輔相望龜綏之華特進天人忽在鸞飛之宇溥乾坤之新渥賁响嶼之行雲庭實熒煌鈞和塊北芳洲杜若被紫駝翠釜之榮驛路梅花看赤舄繡裳之觀熏香詭謝伏蘭沂馳

行部潭州謝江丞宴

古之學必有師甫趨函夫子使人歌而善肅拜初楚春風渭北之旗夜月洞庭之樂蕭韶俗耳冰雪征塵車攻廢六月之詩先聞吉語帝所聽九成之奏再相太平

送前人九日禮

宴龍山九九之節夙修雄藩開鶴林七七之花今逢真宰風清六晝霜肅九州共惟某官亦烏元圭弼戈錫盾酌長沙酒快春水之曉行賦北門詩喜秋花之晚看小馳戲馬重補袞龍某記影星垣驚心駭館歧芙蓉之頂想千乘之登高折茱萸之房為三公而持壽

回前人送九日禮

天開紫蓋秋高淡圃之香星下碧泉春到長沙之酒飛卷五雲之風雨光華九日之山川昧也采深恩斯曷稱北門

看菊幸與分玉帳之清內殿傳柑聞已下金甌之信

賀前人冬

春入重綬欣聽雷整之秦台明上衮具瞻井賦之禪教我  
麗臣夏時疇祉共惟某官量包元氣心見先天冠漢殿之  
仙班火城如晝補舜裳之五色官線猶香卷舒昭文館之  
春風布漢祝融峰之曉露滌蘭出色芸荔合和愛日迎長  
開一氣八荒之壽瑞雲促覲領五更三點之朝某迹圍轉  
釣心馳獻履近依星軫愧直指之綉衣遥贊雲門歸碩膚  
之赤鳥薄言燕賀永矢螽鳴

送前人折筵

攀九寸律柄屬洪鈞建十丈旗光生几鳥馳想雲和之瑟  
莫陪壽軫之觴薄注鄴清式歌魯瑞出乘仙輶遙修南至  
之恭入棒御床預致東歸之慶瀆嚴增惕錫頌爲榮

回前人送冬酒

嗟嶰谷之陽方軍鈞播照鄴湖之綠忽拜袞題有華舞袖  
之春風增賁綉絲之曉日淺深存燮理滿傾北斗之天象  
德澤布光輝晚沐南山之雲氣輪囷鑿感索枯刊申

賀前人正

龍杓麗曉天開泰內之陽驛騎明春星起軫中之壽和薰  
青瑄喜動黃麻共惟某官心會陽宗身扶人統徽明帝袞

迎瑞日於東郊繅煥公主照倉精於左角卷劔氣玉烟之  
彩增綉裳赤鳥之榮東作有三百六旬陶鈞一轉中書歷  
二十四考鼎龜重新戒前路之鸞鳳沸歡聲於童馬某喜  
逢雞朔踰贊能旂光近火城又獻大椿之歲寒噓雲舍敢  
忘寸草之春跂賀心馳筴忱喙短

送前人酒

開條風於獻節瑞藹三朝介壽酒於公堂春生四履欽神  
光於雲岳拓喜氣於沙堤輒持鄴渌之窪樽聊贊鈞天之  
和鼎不置錫爾類懷哉萱草之詩再入福蒼生如此椒花  
之頌薄將凌躡賜頌欣榮

回前人送春

春回大簇開雲氣於南山曉醉長沙酌天漿於北斗挹注  
偏提之潤薰蒸統部之和綠淨生香洪鈞轉煥八仙地隔  
莫陪左相之杯太乙風生踰贊東皇之席卷卷跋謝草草  
箋忱

賀前人赴石

銀信騰霄金書照闕映南雲之紫蓋春滿江湖歸東雨之  
衣衣天開閩閩行官絡繹統部歡呼共惟某官以太宗師  
爲直宰相文章若雷霆河漢玉色金聲言行質天地鬼神  
丹心白髮出納祝融峯之日月卷舒昭文館之星辰北門

小頰魏公畫寬上顧中國再相司馬坐懾衆心仙人駕綠  
鳳以傳音老子馭青牛而入觀碧涵汀正晚清沙路之塵  
黃把庭麻夜轉火城之影某圃身化治舞手拂綸大老盍  
歸乎來共致巖瞻之喜君子未錫爾類終徼鈞播之私跋  
賀欲飛牋詞甚枯

通羅提舉京子 荒牧隱

天困照楚瞻駟轡之濡絲雨未耕綿愧牛衣之易綉合臺  
容之未好嚴牘贊之先恭欽惟某官冰浸玉淵雲崢嶸壁  
沮金石諧韶濩音振蓬萊路虎豹登虬龍氣摩岫嶂覽德  
輝翔千仞而下迴狂瀾障百川而東萬鍾何加一介不取  
寧航選海棹頭不揖於王公使夢鈞天平步可登於卿相  
莫屈英英之氣何求赫赫之名以恢乎王山壁府之才亦  
屑於金署犀監之屬再命而俯一車以南霜飛暑路旗展  
春山輝煌周隕金聲中朝王振江左照映熊湘起視西北  
之風濤誰是東南之砥柱必平居曰法家曰拂士則臨事  
為孝子為忠臣參文公之政於浙西舉行殆遍凜清獻之  
風於殿上植立方來某政酬啜救之耳不作覆蕉之夢長  
鏡為命忽持斧以重來曲木猶驚雖循墻而莫避幸甚星  
臺之近聿為鄰燭之輝繼自今為王事之苗增昔者真周  
行之氣九折回王尊之馭為範馳驅四方隨東野之龍顧

從鞭弭匪伊拜下莫既由中

回前人干批書舊例監司交批

疇庸天庾趣駕星闈戒嚴繫日月之書茂對照乾坤之渥  
某稟承有恪占署知榮謹且劄于復申藁枯萬愧

送前人七夕

瞻雨旗之耀獨立秋風依六轡之光相望七夕來綉口錦  
心之巧贈玉盤金錯之英郊酒春深客堂涼透牽牛織女  
看夜度於天街語燕留人且曉吟於湘水

請前人宴

濯錦湘江欣觀乾坤之淫卷簾楚觀頗懷風月之談忘蒙  
瀆之為憊冀謙尊之肯訪薄言卜日為慶朝天富以其鄰  
且細論於尊酒德將無醉願小駐於鋒車某輒擬翌日敬  
邀崇重

回前人折迭

錦闌星度喜渙禁綸畫舫雲來特開臺宴為折瀟川之淥  
頻生楚觀之春酌郎官清卷碧簫而遥謝懷美人贈慚荆  
壁之無酬

請前人九日宴

紅杏舊陰甫迎天困之綵黃花佳節又飛水篆之丹膏車  
已動於行雲流馬聿來於今雨偶龜明日薄燕清風莫置



錦管蘇且拊小飲已鑄黃金印行慶異除

送前人折筵

鵝立春霄帥雲霓而來御駕拖秋色喜風月之共談欲挹注於黃流盍招呼於綠淨踈效折枝之瀆想為會節之煩飲露供騷何取水中之薛荔倚雲同味共看江上之芙蓉

通重提舉楷世克齋未嘉人前知瑞州

魏闕揚綸熊湘授吏刺史二千石雲度錦河天困十三星春浮絲炤六條先晚一道生風共惟某官闕冠雲霄樓高湖海沮金石諧韶濩音振蓬萊踞虎豹登虬龍氣摩鴈蕩清泚三蘇之頴水崢嶸二陸之象山自崑丘鳳穴之鳴陽即溟海鵬雲之增翻上下浙江之明月早透金閨翺翔輦路之春風曉聽魚鱗灑灑清都之人物飄飄碧落之神仙張乖崖斬叛卒於益州騷動之餘富鄭公活飢民於青社荒殘之後璽書選表環召歸班大府上士之清聯帝思前席常平使者之新轡公念南湘以醴泉芝草之春為芳芷杜衡之澤九郡顛隕而望賜四牡業業以戒嚴霜飛暑路旗展春山已搖翠岳烟傍袞龍口臨仙掌端侍紅雲某夙出羊盟今諧鄰好萬里風雲之天闊一襟草木之味同祝融山外之芙蓉蕭迎紫氣泰華峰頭之水雪佇沐清風

回前人到伏

風綬鴈題今聯駱轡欽侯清風之矣止亟馳新雨以恭先甫快低替居塵飛翰天困星近喜不隔於光華湘水月明尚嗣承於談笑

迎前人

星槎度漢天庾明湘丹鳳銜書光昭朱維之色蒼龍授節清槎綠淨之波禮樂輝煌旄倪鼓舞恭惟某官文章大雅節槩真清王立九閩徹芒寒於霄漢春行千里畜精銳於雷霆屢培後戶之本根少屈薦車之步武任一道常平之寄推九重博濟之仁不待突黔趣歸橐紫某寅同下隲蔭接芳隣太史新占看德星之照軫故人舊識喜今雨之來車

送前人洗拂

振衣碧落彌節朱陵祝融驅海若藏江山挫動風伯清雨師灑原隰昭蘇言解征騶驪傳回鴈某年盟有夙鄰蔭方新吉日來思已慶拂龜之喜皇華近止輒陳秣馬之恭

回前人送私覲

今雨來車方連雲於回鴈清風落袖忽分旣於懸魚捧旂實以若驚恍使華之如對報青玉案頗懷客况之寒望黃金臺惟謝年情之厚

謝前人招宴樂語

雲垂臺蔭偶陪湘水之行風度伶音恍聽洞庭之奏和氣一堂之律呂年情四海之弟兄矧燕花飛舞之時正鵲錦交輝之旦文庭有喜滿座為春故末歌之尚想五章之禮樂式相好矣求懷一片之宮商

送前人新除禮

峰回秋色審誰留芳中洲臺立春水歷余征於吉日為奕車輿之彩葳褰袍鵲之花注綠淨以傾馳睨青空而折寄洞庭霜熟莫為正好景之時聞闔雲開嗣貢真福星之賀薄言卷俎莫究裘旌

送前人折俎

臺水正色錦袍生春馳華轡之六絲軫星增煥鑄黃金之一節融岳如新條令具孚老倪胥扑某阻奉即真之賀輒修攝飲之恭禮無體樂無聲慙慙直寄南有箕北有斗清淺相望持瀆恣恣麾留荷荷

回前人中秋請宴

照江疊節載畫舫之清水待月舉杯呼芳樽於綠淨拜華星之墜几約明月之浮槎風雨滿城何幸兩重陽之近江山如畫尚從前赤壁之遊稟粘申酬輪困嗣布

回前人折俎

注鄴湖之淥昉慶臺春然楚竹之清倍分鄰燭載厘卷俎

如侍秩遽援北斗以酌天漿既知賜矣醉長沙而行湘水悵莫從之

回前人送酒

福星明處雨羞北斗之榮今雨來時又報長沙之酒起立寒梅之月影坐添凍辛之春萌雖軫軫之相望真心心之不隔白綸之封三印報不成章黃麻之似六經又將來賀

賀前人冬

春入重緹欣聽雷驚之奏星垂練錦沂瞻沙軫之輝履此一陽黃然雙節共惟某官聲名雷動意度春融大雅正音得黃鍾之渾厚純和元氣探寶鼎之細縕卷夜月於蓬萊布曉雲於岫嶽滙蘭出色芸荔生香君子得輿開千載一時之會使臣濡纒催五更三點之朝某芥綉何功臺雲借蔭暖回鄰壁先鳴鳳之六箭光近福躔會牽牛之七曜通恣喙短馳賀心長

又送冬至酒

五紋添綉線日麗旌旗一節鑄黃金春生霄漢馳想雲和之瑟莫陪壽軫之觴薄注鄴清式歌魯瑞九疑仙人之轡正快曉行四牡使臣之車即催元會瀆嚴增惕賜頌為榮

送前人歲節酒

條風開獻節瑤玉更端春酒躋公堂壺冰薦祉皇華六轡

和氣九州輒蠲杜若之清持向屠蘇之末軫中星轉踰瞻  
練鵲之輝絛上雲歸爲喚林鳥之暮薄將增惡賜頓知榮

賀前人正

龍杓曉轉天開泰內之陽駟轡春行星揭軫中之壽雙旌  
郁穆疊嶽焜煌恭惟某官清徹壺水和鍾瑄玉葱珩刻刻  
輝瑞日於東郊練錦煌煌映蒼精於左角小駐祝融峯之  
雨露逆催含光殿之風雲某幸接臺容欣同律暖酌屠蘇  
酒願均八荒壽之心詠萱草詩曷謝三春暉之賜傾心來  
賀引領欲馳

回前人送春

杓携龍角煥天上之星辰壽介兕觥分軫中之和氣喚醒  
年華之舊移來夜酌之春折芳芷與杜蘅求懷騷雅授紫  
藟坐碧草隄企相深什襲知榮七襄莫報

得穎送前人禮

上堂拜家慶偶忝近麾痛飲讀離騷有懷疊節持此清冷  
之寒淥進于沈瀝之朝霞望美人兮一方特慚絕禮問征  
夫以前路尚肅樂規輶瀆有慚塵留斯寵

回前人請宴

堂有白髮親誤塵便組公鑄黃金印爲舉初筵移來長沙  
酒之芬馨喚起章貢臺之顏色君子求錫爾類已懷既醉

之歌使臣言遠有光尚借如濡之潤

送前人別會折俎

楚節易麾深味慈烏之哺湘花舞席席踰瞻練鵲之輝思君  
渥之綢繆膏吾車而縶縵上堂拜家慶遠借光華痛飲讀  
離騷踰同慷慨區區折寄眈眈麾留

回前人別會送酒折俎

回叩坂之車方隨檣燕贈蒲城之酒忽枉帳犀慙勤折柳  
之情流麗飛花之影丈夫豈無別淚不灑於東西同年亦  
有情雲相隨於上下銘藏媿媿馳泝云云

小人有母聊分竹以懷歸君子錫朋指飛花而賦別慷慨  
執祛之意騷勤祖帳之文卷寄良稠銘感不足日暮碧雲  
合喚游子於他鄉月明今霄多耿美人於河漢揭麗軫之  
福星踰蒼正色呼歸航之明月尚沐餘光雖已催南浦之  
春更爲醉長沙之曉公方行冀部即臨獻納之班吾亦念  
桐鄉終席添清之潤懷哉折寄峯甚刊酬

賀衡州宋吏部上

鳳池綯曉鴈岫行春天近蓬山王檻照西清之直風高湘  
水朱旗壯南國之游童竹生驪驪蘭出色恭惟某官山輝  
川媚雪跨霜縣遠景樓高拂西眉之意氣靈光殿炯接東  
魯之風流砥柱百川大車九軌金鑰王珂之凌厲粉牆紫

界之踰躐海荔晴雲曾度兩幡之影溪君夜雨尚留六轡  
之光卷紫氣於河球緇神芒於浦劍屈訪禹碑之奇字小  
疑膏戟之清香驅龍蛇放之道春生敏手蔡騏驎道夫路  
雷動先聲佇風暮之圍春聽今禰之歌暮朱陵道院暫分  
翠岳之輝碧落仙人行侍紅雲之近某牝驅何補麗技已  
窮地帶九州輝最親於鄰燭月明千里影即對於朋替鹽  
露云云迴風覺塵

回前人到任狀

小車戒曉猥隨竹馬之塵森戟臨風快覩梧鸞之彩纒纒  
襟期之新雨煌煌手畢之華星封候識荊州已諗度關之  
氣低頭拜東野碩從開岳之雲儲謝輪困刊酬梗槩

請前人到任宴

虎符新渥聿來聚軫之輝鴈嶠初春喜接浮闕之氣粲梅  
花之照眼擷杜若以論心欲龜告朔之朝薄燕行春之色  
共剪西窓燭迎桃李之春風為酌北斗漿卷瀟湘之夜雨

送前人洗拂

露浴朱旆已空綠淨之塵烟淡綉隅莫侑清香之宴來新  
多喜飲至有煖花邊立馬竹裏行厨木末寒齋聊將綿蕪  
水中采薜設質春容轍讀知慚厓留為寵

謝前人招宴致語

衡陽虎竹之春新輝碧落湘水蕪花之夜共醉清吟藹傑  
介之倡酌發伶倫之揄誅恭惟某官黃鍾既越丹井其寒  
咳唾珠璣五鳳樓之錯落擊撞金石九龍簾之春容妙言  
語之齊諧寄音容於趙舞某味深登席寵復歌詩相如文  
豈類徘徊肅齊心之謝魯侯求錫難老莫酌思樂之章什  
襲意長七裏辭訥

送前人特會折俎

慶啓戟之遙臨幸依香燕講尊彝之特試敢去鎮羊折騷  
客之芳馨效野人之綿蕪樂無聲禮無體聊寓慇懃北有  
斗南有其相望清淺恣恣持澆盻盻塵留

回前人送物

詹新府之襜帷有光下隲來美人之錦綉於粲西珍庭實  
生香江空出色綠文赤宇徒深什襲之榮青玉明珠莫萬  
七裏之報填膺多謝待面縷陳

回前人賀雪

行湘水之春天開光霽呼霍山之雪風起縵紛手披五袴  
之溫心出六花之瑞幻塗鴉之玉界賞回鴈之瑞田清億  
廣平公莫形容於天巧白戰頽水上預贊詠於年豐

回前人饋歲

官居家節坐閱聖茶兵衛清香特分滌瀨來使華於千乘

雜俛魄之八珍喚醒春意之縵紛倍覺寒聲之碎易歌椒  
頌而懷杜甫喻贊疑森持梅花以謝廣平莫酬清絕

謝前人聚宴折俎

諸侯應卽宿之躔來從劍外太史奏德星之聚偶與席間  
傳風味於鄧湖欽陽和於楚觀黃堂一杯酒良佩交情青  
烟五侯家踰馳謝臆

送前人聚宴折俎

凝香森衛戟近揖春和舉瓢酌天漿有懷星聚爰米澗溪  
之末薄陳俎豆之前爲細民斟喻想賦西園之雪從太守  
樂駕言隨東野之雲漬餉懷慚靡留爲幸

回前人賀正

斗指蒼龍轉陽和於雄律尊分白獸來瑞氣於雌堂曉酣  
栢葉之香暖轉梅花之色稱壽觥而頌魯散作春和下稟  
璽以徵黃佇看天澤有華什褒莫報七襄

回前人請元宵宴

麗譙龍炬春輝左角之星碧落燕香夜對西眉之月特枉  
金王章之旣許從雲霞佩之遊遠建章立通明預祝六龍  
之宴醉長沙行湘水且聽五馬之謠

請前人元宵宴

轉西樓之梅月喜對銀花持北斗之桂漿擬陪盡載借卜

仍圍之夕共流引滿之霞敲鐵馬之春水肯來楚觀賦石  
犀之夜燭細說巴山

回前人請聚宴

虛危出福星光生鴈鳴斗牛有紫氣喜動燕香爲開北海  
之尊如會長沙之節益者三友懷練錦之新輝襄我二人  
歌緇末之求好感深緹裘愧後刊酌

除韻守回宋衡袖劄請宴

馳隄何功沐崆峒之新雨秩筵有命開岫嶂之春風鏗然  
出街袖之音爲我助回車之譜江湖千里將聯麾影之光  
桃李一杯尚聽孺歌之譜彌襟傾感走筆刊酬

請前人宴

太行望吾親舍偶遂陳情合江和使君詩正堪握手敬龜  
明日薄燕清風銜杯接慇懃動聊盡相行之趣上堂拜家慶  
敢忘頽錫之私微惠蒼然坐數憑甚

請前人別會

致節言歸借末光於郎錦飛花執別馳遠爰於客帆小滿  
袂於詰朝更徘徊於勺水日暮碧雲合不勝年遠之情月  
明今宵多且盡相親之興坐邀交躡惠肯知榮

回前人還請

把太守之新符獲傳民譜問征夫以前路乃辱祖筵方繼

總於飛花更慙於折柳南有箕北有斗所願挹漿君向  
相我向秦若為聞笛懷哉傾倒帥是判酌

謝送禮物

捧檄江城喜園二天之照折梅驛使歡傳千里之音煌煌  
麾節之夏盟纒纒雲仍之新好某官誼隆金石香溢芷蘭  
誰將西歸懷之好音莫殫深謝詩曰不置求錫爾類惟戴  
殊知絕禮將忱覩顏匪報

通胡都承石壁

叨臬湖南余征上日樞衣洛下伊邇中台亟裁書而叙心  
將考德而問業恭惟某官出入文武闔關樞機龍虎變化  
山林高深間出肥傑水雪聰明雷霆精銳獨步艱難肯祭  
十九年而刀如新扶搖九萬里而風斯下連麾江海春浮  
五袴之聲疊節東南星度六綵之影自任以天下之重獨  
賢於王事之勞金署犀監之翔翔奎殿紫樞之凌厲赫奕  
將磨於浯石道遙遽薄於蓬萊此聲梁楚之間英雅籍甚  
長江南北之限人物眇然馳旌夜召於長沙乘驛曉行於  
湘水亟躋兩地試韓范之規模弘濟中天遡趙張之事業  
某味方酣於吸菽夢不到於覆蕉換烟雨之綠裝方深澗  
媿起波濤之舊綉曷榭臺容緬懷冀部之風喜近高陽之  
里王尊九折坂願聞叱馭之規元龍百尺樓即展下床之

拜登龍在望濡兔莫殫

回楊秘監執質

貳書壁府晉講金華太乙菽青煥玉山之黼黻通英槐翠  
照丹井之綸絲開岳雲回度輝春早恭惟某官岷峨一壁  
關洛卑傳玉井水輪灑落神仙之韻簫鍾瑤瑩和平典則  
之音自欲起而靈龜每徐行而山立稱真侍講在淳夫正  
叔之間號小司成負安定康侯之望雉監冰天光之近蟬  
坳居地望之嚴蓋崑崙而薄蓬萊枕湘江而會瀟水萬家  
燈火雨籠絃誦之聲千里垂麻雲度袴襦之曉君不准陽  
之薄上深渤海之嘉圖書歸領於瀛州鐘鼓行尋於長樂  
銅印水蒼佩丞紆宣室之思白馬金盤陀浸近文昌之拜  
某相望千里一別六年綠蕪風雨之中方茲餐芻舊綉波  
濤之後復爾臺蕉喜迨東海之龍來趣衡陽之鴈忱絕塵  
而睽後剗半夜之召前懷駟駘之載馳敢安絲轡蔡駢驥  
以先路遙想雲旗贊賀葵葵刊酌草草

文山先生全集卷之七終

文山先生全集卷之八

文集

啓

通丁侍郎應奎 號瑣溪

誤節讞湘馳驅上日樞衣過洛咫尺中台拜下有期恭先  
 告至恭惟某官黃河泰山之望咸池大濩之音學問單傳  
 安定公之蘊奧文章獨步歐陽子之聲名空萬馬以無前  
 領衆星而直上慷慨玉廬之給扎聰翻壁府之影纓一麾  
 江海以翱翔載駕風雲而磅礴翠帷麟觀蟻降鸞臺天子  
 穆穆以親賢海內顛顛而望賜方千仞翔而覽下乃六月  
 息以圖南矧如聖哲馳驚之秋正切廟廟論思之益胡不  
 起金魚而垂帶而乃新瑤象以爲車弭節愈窮履星采近  
 賈生見宣室亟紆半夜之思安石起東山大衍蒼生之福  
 某相望千里一間十年綠篆風雨之中菊餐有味舊綉波  
 濤之地蕉夢何心詎期漢節之來喚醒楚騷之讀寅綠通  
 德親切依仁滿湘逢故人尚軫逢慈之舊霽霖雨思賢佐行  
 看芝鳳之新傾耳一言拜手三肅

通楊提刑允恭 號高峯

誤節讞湘載驅上日樞衣過洛伊邇下風望履有期孽戕  
 告至欽惟某官濱南徙翻斗北修名玉尺冰莖洒落絕塵  
 之韻瑤琴錦瑟和平瑞世之音自炊起而震奔每徐行而

山立提振春陵之風月縱橫周序之鼓鍾日暖旌旗一麾  
 玉帳春明宵漢三道綉衣驅馳靡憚於賢勞出入有闕於  
 民命方千仞翔而覽下乃六月息以黃南矧今聖哲馳驚  
 之秋正切英雄經濟之略江濤如許泉石謂何召賈誼於  
 長沙上心久渴見夷吾於江左天下何憂某飲菊悠然憂  
 蕉儻爾起家乘傳念舊綉之波濤畏道回車想綠葉之風  
 雨幸近十洲之島冀沾九里之河滕壤舊履曾識平反之  
 譜周原新轡願承鞭辟之方拜下非遙由中莫既

回李安撫肯齋

叨阜湘南余征上日樞衣洛下伊邇中台亟裁書而叙心  
 梓考德而問業恭惟某官名門人傑昭代吏師醴泉芝草  
 麒麟天生瑞質高山深林龍虎代出魁人見謂西珍蔚爲  
 南望自覽德翔千仞而下即回瀾障百川之東粉墻紫界  
 之踰躔玉檻丹梯之凌厲連麾江海風馳五袴之聲疊節  
 荆吳星度六絲之影以天下而自任何王事之獨勞追授  
 鉞於千畿乃進書於九扈俄動平地神仙之想來尋往時  
 鍾鼓之盟湘水春深未許放情於黃老虞廷日未行看翔  
 舞於夔龍某飲菊悠然憂蕉儻爾起家乘傳念舊綉之波  
 濤畏道回車想綠篆之風雨幸近十洲之島冀沾九里之  
 河滕壤舊履曾識平反之譜周原新轡願承鞭辟之方拜

下非遙由中莫既

回前人賀遷秩

影歷下隄奚補毫釐步進貞階勿饒分寸未謝玉淵之潤  
先塵金薤之華自笑竿魚為官何拓落也尚隨書鶴振德  
而輔翼之未悉刊酌餘音嗣布

送前人冬

仄管移新律暖轉滄蘭鍾鼓衆清時春生花竹隔幔綬之  
醜郁阻履鞭之從容薄注郭清式歌魯瑞俯慚雲繡又添  
受日之紋險聽雷菴趣侍含光之宴微芹馳瀆采菲知榮

賀前人冬

黃鍾嘒暖繡線紀長錦堂增履職之春綠野換荔芸之色  
甚謾馳今雨阻造下風隄睇翠蓬草遂前茅之拜第瞻鶴  
敲早催元會之朝

餽前人歲

朱泥貼歲驚殘爆竹之寒綠野回春喚起屠蘇之晚欲贊  
喧馬散鴉之雉曾微橫鯉卧兔之供柏葉浮香隄想午橋  
之冥梅花轉暖即迎卯詔之來輜瀆包羞麾留為龍

賀前人正

攝提貞孟瓠春回甲胄祝融接天柱雲度午橋元氣與游  
壽祺來介甚官忝內君子西方美人樂鍾鼓於園林聲和

綠淨拜衣冠於閭闔光近清都表新渥於鶴書催窮班於  
榕禁某迹歷俗駕心送賀星遙指於軫中拳拳公壽雪立  
殘於門外耿耿于懷

送前人元宵

火樹銀花簇朱陵之明月羅幃綉幙開綠野之春風莫陪  
鍾鼓之勝遊敬效豆邊之攝飲醉長沙行湘水忍賦岸花  
遶建章立通明佇休雲朵區區輜瀆盼盼塵留

賀前人納子婦

歡聲噪鵲喜氣乘危日耀屏金春生堂錦伏惟歡并某求  
塵賀履敢後慶箋猥此悻芹菲然采若倚蒙鑒茹無任欣  
榮

送前人別會

楚節易麾有味林鳥之哺湘花舞席隄瞻湖鴈之飛感水  
蕙之風規持金蕉而兩別日暮碧雲合耿河漢之相忘月  
明今霄多勞江湖之遠憂薄言折寄微惠麾留

謝章簽書鑑

綿田負未投分一立楚澤乘輅既忱兩地公造化吹嘔之  
賜廣詳明欽恤之仁叻履南維輒箋西筮伏念某遭逢雖  
早零落亦多一整白雲對哺烏而俯仰十年流水忘憂鹿  
之去來不啻元日之會同猶記壯年之奔走我牛我車我



華方墮影於湘波維駒維駟胡強頰於衡麓未許賦  
東方之粟乃趣泄南寇之囚尊叱馭陽回車展轉於君親  
之際暴明刑契敷教劑量於政化之間吏民甫接於咨詢  
風俗重爲之感激龍蛇行而赤子奔羔羊民而素絲傷非  
扶內地之本根曷壯重湖之保障曹劌之戰長勺或云察  
魯獄之功孔明之駐臨蒸正在破荆賊之後恍聞風而興  
起凜受命之艱難茲蓋恭遇某官德業兩朝人物三代頌  
慶曆之聖德政府經綸用淳熙之真儒中天黼黻誕篤繡  
衣之造齊調金鼎之和遂沐匪取亦叨將指其敢不靈承  
清問惠迪嘉師奉使登車敢自詭茫滂之操爲親拜表尚  
曲全李密之私激切未央敷榮祇淺

先生前除湖南漕即報罷後除本路憲道體堂謹書

謝高尚書斯得

負耒耕綿方省愆於私室乘輅使楚忽拜命於公朝昉履  
朱繼教箋丹屏伏念某同前茲蓋恭遇某官拱壁元圭泰  
山喬嶽近交殿之勸講總是經綸古灵稟之薦人不遺氣  
類遂令起廢復忝司平某敢不迪惠嘉師靈承清問輟群  
虺墮之陳迹濯磨執掌之新功自與心謀敢比茫滂之攬  
繼未以罪去尚容李密之陳情歸倚方長敷榮祇淺

謝陳尚書宜中

耕綿負耒方私室之省愆使楚乘輅忽公朝之錫命既履  
朱繼而陳臬亟瞻紫橐以修辭伏念某學極支離性惟脆  
饑宿昌黎之南斗自嘆我辰事元亮之西疇每懷前路撫  
陳編而慷慨恍初服之流離題柱而乘軻車不量已力叱  
馭而馳九坂徒負壯心山川尚有於鬼神草木自全於霜  
露迹已陳於蜀狗影屢落於杯琬一壑白雲十年派水當  
元會彰綸於日月乃一朝移綉於波濤血指創深貽羞巧  
匠折肱痛定莫詭良醫請東方之粟以閔俞爲南寇之囚  
而趨載周爰伊始汔濟奈何起觀今日之重湖正抵北風  
之一面曹劌之戰長勺或云察魯獄之功孔明之駐臨蒸  
正在破荆賊之後歛聞風而興起凜受命於艱難茲蓋恭  
遇某官大呂黃鍾元圭拱壁天章閣之論事行展經綸古  
靈稟之薦賢不遺氣類遂令起廢復忝司平某敢不激厲  
新知濯磨旧玷沐浴蓬萊之風露昭蘇衛止之江山皇帝  
清問何擇非人願言奉教王事靡盬不遑將母儻遂陳情  
端倚首長敷宜喙短

謝陳正言堅

省愆私室方負耒以耕綿拜命公朝忽乘輅而使楚初咨  
詢而咨度終受察以受容諭跋拾遺敬箋主進某名浮實  
淺意廣才疎早歲飛騰真有終軍之釵中年閱歷始知元

亮之非項飯牛吉水之陽有秣馬湘江之旨此運使大跡  
既無士遜之良去監司不才聊見希文之志進退用舍固  
各有命裁培傾覆亦因其材此真生我之孟孫安得既人  
之叔子歲年忽忽空懷暉冶之羞風雨悠悠久斷鈞鈞之  
夢不謂一寒之零落未為諸老之棄捐取彼蒼葭謂粗嘗  
於霜露憐其舊綉使復出於波濤血指劍深見咄巧匠折  
肱痛定敢詭良醫方祈偃息於支離俄責驅馳於破壁慨  
念重湖之今日浸隣一面之北風孔明之駐臨蒸正在破  
荆賊之後曹劌之戰長勺或云察魯獄之功凜受任於艱  
難恍聞風而興起執主張是遂躋登茲蓋伏遇某官寒  
露清冰泰山北斗雖剛不吐柔不茹卓然論事之風然過  
者化存者神偉甚容人之度遂使山林之深密復叨原隰  
之光華某敢不祗若平反對揚欽恤鞭辟地噴之陳迹濯  
磨執掌之新功元龍百尺樓知將展下床之拜王尊九折  
坂其敢忘叱馭之規飯倚方長敷奈祗淺

謝陳侍即存

省愆私室方負未以耕綿拜命公朝忽乘輅而使楚初咨  
詢而咨度終受察以受容稽首席間通恣閣下伏念某名  
浮實淺意廣才疎生平事可對人粗有聞於涑水仕太早  
不及學或見笑於垂崖捫心每念於息肩回首不堪於鑄

錯司馬橋乘脚豈應聞命以疾驅管城子免冠正當為法  
而受惡然而兩停漢傳再黜周行皆緣一日之瑕疵自取  
十年之坎珂悠悠白日空懷駁瓦之思落落青山久斷問  
鈞之夢不謂元日闕門之始猶在皇華遣使之中追天上  
之雲龍望不到此詠人間之蕉鹿意若安之血指劍深見  
咄巧匠折肱痛定敢詭良醫方祈偃息於支離俄責驅馳  
於破壁慨念重湖之今日浸隣一面之北風孔明之駐臨  
蒸正在破荆賊之後曹劌之戰長勺或云察魯獄之功凜  
受命於艱難恍聞風而興起執主張是遂躋登茲蓋恭  
遇某官拱壁元圭泰山喬嶽逖英駁之勸講總是經綸古  
靈臺之薦賢不遺氣類遂令起廢復忝司平某敢不激厲  
新知濯磨舊玷沐浴蓬萊之風露昭蘇喬正之江山皇帝  
清問何擇非人願言奉教王事靡盬不遑將毋倘遂陳情  
歸倚意長敷宣喙短

賀曹尚書孝慶 兼給事中

選高春伯光映夕郎創履摩雲煥清朝之文物簪裾照日  
侈丹地之恩輝鼓舞風雷動搖駕鸞恭惟某官名高二陸  
才備百參風雲上下之交搗呵龍虎天日清明之瑞鞭駕  
鳳凰春行霄漢之三塵星煥江湖之四節蘭臺壁水安定  
龜山彤管青浦歐陽司馬出袖磨霜之鉞浩冷捲雨之簾

階轉松陰旗翻柳色白馬盤陀之觀日紫囊筆橐之生風  
矧批敕瑣闈任朝廷之綱紀而侍言經幄茂帝學之光明  
用頒一命再命三命之榮特懋大書特書屢書之績卻高  
罷使止西蕃馬讀青史而猶香遠諫臣敕繳內侍官凜清  
遊其未遠必蕪廣申公之十論必細陳溫國之五規要看  
久遠之功名盡展平生之經濟其濫巾遠服望履層霄星  
度文昌遙想蓬萊宮之氣雲行石鏡尚磨蛟龍宇之碑心  
曲茲葵毫端草草

賀劉尚書敕

命渙九旅光升双履風清畫省準繩帝世之百工雲擁仙  
臺刀尺周官之群吏濡毫綠淨拜手紫微恭惟某官吞吐  
龍湫卷舒鴈蕩清規映日耀西華之金晶直氣摩空屹南  
都之鐵壁威鳳祥麟之出屢慶雲瑞日之文章一疏辨姦  
少日老泉之氣識十條論事平生小范之精神自損簷星  
陛之文而黻藻帝皇之度獨到古人之未到能言天下之  
難言爲御史爲諫官張膽論事具舍人真侍講吐辭爲經  
儒宋方試於一時柄用端開於九執乃濡三命再命之渥  
徑通前行後行之班細禮廣屢之席重龍泉文淵之劍二  
時方艱大公竭論思余安道決遠議於朝廷真工部長蘇  
子容戒功臣於疆場爲史銓師發揮黃旗紫蓋之精靈蓋

掃枉矢揜捨之芒角前籌彪炳疊紐聯采石江派更展  
中書之畧海潭沙漲逾符宰相之謠某羈足馳原阻心賀  
履文昌星度衣冠徒想於後塵响嘯雲飛草木頽濡於今  
雨鋪陳冢短激躍心長

賀趙侍郎月山 太平州赴召

選表揚綸歸中持橐采石洲之明月光照海山通明殿之  
紅雲影搖河漢介圭觀只會元驪如恭惟某官玉粹金剛  
水懸雪跨清廟生民之作贈爰諸公干將莫邪之鋒指塵  
餘子自傍天而行斗牛之渚便拔地而起湖海之樓出入  
兵間月折燈碁之耿耿驅馳江上參旂并鉞之堂堂儒臣  
知兵從古所少天子謀帥必在其中方建纛而前千軍遶  
帳而不動及還笏而去二童隨馬而有徐悠悠四顧於山  
河落落一麾於江海嘯吟水石酌謫性展月之規上下風  
穉訪舍人塵軍之迹慨然有神州陸沉之歎發而爲中流  
擊楫之歌厲傳風景於峴山忽駭波濤於天塹長江爲備  
不數慮可共險於萬人朝廷養兵三十年當成功於儒者  
乃曠庸於東掖乃趣貳於西曹太乙靈旗出陪豹尾鈞陳  
王檻進逼鰲頭青天白日鳳凰之聲名高山深林龍虎之  
氣勢前行爲兵部小紉帷幄之謀大本在中書亟正鈞樞  
之拜某濫中劓部望履修門班漢從於甘泉宮喜稱知己

勒唐功於吾溪石已戒有司

賀荆湖汪制帥立信

中禁出綸上流易鎮尚書天之北斗光動玉垣荆楚國之西門勢雄鐵壁德帷瞻落旗蓋風生恭惟其官意氣吳鈞胸襟彭蠡蒼龍捲四海之水拔地威風巨鰲戴三神之山擎天砥柱表表二三豪傑恢恢數万甲兵起觀江漢之危枰政急波濤之巨楫岷山落日追思羊太傅之經營江左流風孰奮管夷吾之慷慨乃易長沙之節乃高建禮之門北繞潁沔南卷沅湘一新牙纛東達吳會西通巴蜀重整金湯然且許充國以便宜授孔明以節制真儒無敵於天下此虜已在吾日中箭青海弓天山橐韃敵愾盃長河塊恭華樽俎折衝陳六月北伐之詩刻萬年中興之頌式歸几几晋位巖巖其險矚齋壇阻陳賀履星輝翼軫莫隨東野之雲龍月滿閩河尚策祁山之流馬秉旌揮曳舌筆單疎

廣西李經略經過迎狀

圭裳東靚牙纛西來畫鷁鏡秋懸桂林之明月綉屏悵曉拂石廩之行雲雷馭先驅天吳起舞某摩挲脫履飛遶前茅逐東野之龍久懷上下拜北平之馬重親傑魁

請廣帥會

傳鼓上清湘桂舟度晚舉杯邀明月楚觀生秋輒板千乘之光華重話六年之契闊觸龍飛動豈敢為從者之淹播燕慈且為盡故人之飲

折送諸監司巡歷會

問楚囚而返棹幸接席間傳即詠以稱觴樂成无後欲游邀於金轡恐重溷於水壺獻芹而效野人類之厚矣折枝以奉長者禮亦宜之區區卷俎不腆僭易馳獻如沐肯留萬有餘榮

回朱帥參

嚙蕭紅旆贊蠶油幢羅帶玉簪卷嶺麾之雲氣銀濤青壁籌湘柳之春風五朶施先七裏禮後某官春容之度瞻蔚之文颺起雷轟揭修名於千佛霜懸雪跨歛神氣於九仙弓矛洛下之耆英領袖湖南之賓客月暗秋城燈明夜觀日臨仙掌烟傍家龍小駐籌惟促歸簞路某居慚未見切幸寅同訪赤字於山尖喜陪新雨望水壺於暮下隴結飛霞纒總情深敷茶詞約

回劉運管志叔

周隔馳駟恍波濤之移綉祁山流馬催帷幄之運籌一介施先七裏報後某官鞭駕英雄之奇氣攢吸霞雨之文章雲吞露桃艷神仙於遠島燈暮月柝重賓客於湖南小泛

紅蓮佇歸青瑣某俯慚小草仰辱儷花逢故人於瀟湘尚  
珍金玉跋天孫於雲漢莫報襜褕

回葉茶場

車來今雨載征濡鬱之塵旗展春山遠聽杖藜之句感君  
雙尺華我六絲捧雲漢之織裳莫憚瑤報撫波濤之舊綉  
尚籍瑱規

賀桂陽劉守

疏綸蓋振作鎮熊湖天上仙班猶帶脈稜之月湖南道院  
新行啓戟之春條貫昭蘇毫倪驪舞恭惟某官真霄漢士  
爲文章翕袖五老之風烟揮天秀色卷三神之霧雨搏海  
壯晉自騰翔駁角之雲已錯落班心之玉飽看芙蓉之輝  
媚尋歸芍藥之從容記大史之名山金匱石室籌將軍之  
武庫紫電清霜小橫桂水之烟歡戲萊衣之綵葉騏驎道  
夫路雷動先聲驅蛇龍放之茁春生敏手禱歌鼎鼎綿召  
堂堂某息蔭載騏叨恩便養東馳西驚迹將遠於江湖夜  
醉曉行心相望於霄漢輪囷杼謝藁結包羞

賀寶慶王守

舟詔起家形幡就國跨茅山鶴來從勾曲之洞天分竹使  
符出領瀟溪之霽月感先未識樂在寅同恭惟某官鴈蕩  
孤峰梅溪的派激龍湫而和妙墨箋古史倚相之書執牛

耳而主齊盟負大學何蕃之望大車九軌砥柱百川峩峩  
天上之神仙佩蒼鳴曉纒繩水邊之花氣戟畫闌春風行  
蘭國之江山煥轉梅峰之草木銀兔出色畫鹿生光川暖  
玻璃小駐揅天之紅旂花深翡翠佇馳度漢之紫泥某舊  
綉頽顏新麾照眼九州地接獨先鄰燭之光一水江連飽  
聽今濡之頌乘旌搖曳舌筆單踈

賀道州王守

鳳檢揚庭熊旂赴鎮翩翩趙公子星煥九霄黎黎元道州  
風行千里騷蘭香度童竹歡傳恭惟某官蕭鍾瑤篴之音  
金井玉輪之操當東清白撫千佛之青氈上界慈蒼接九  
仙之玉佩出則鯉鮑於湖海入而黼黻於周行衣冠照頂  
女之珠樽俎總從戎之析卷紫電清霜之氣主光風霽月  
之盟驅龍蛇放之茁春生敏手蔡騏驎當夫道雷動騏驎  
發游刀於新刑走神丸於迅坂民歌來暮公快行春香戟  
凝清和墨刺吟於碧落璽書照渥追鋒促覲於紅雲某聽  
技已窮壯駟何補九州襟帶喜親鄰燭之輝萬井旌旗滿  
聽今濡之頌溶溶新雨疊疊下風

賀永州袁守交割

春生騎竹吉耀屯銀揚照軫之旌旗布先庚之條貫風行  
千里旋迅三吾某喜滌縉之辰良即盍簪而申慶亟馳泓

韻預訊轅和

回前人

懷綏湘源紫分半竹飛書楚觀光把前茅為華綠淨之江山僧帶紫清之烟霧沸歡聲於稚籥浮喜氣於寒鄉瞻鸞鶴於北平登然擊節為雲龍於東野喜甚執鞭橐括占酌輪囷觀謝

請雷州虞守

領紱海邦低簪楚觀太史絢金石契闊十年故人逢瀟湘會并一日喜來今兩頤欸清風

送前人別禮

剪燭空涼喜話巴山之兩解維浩渺莫追溟海之風險聞傳鼓之麾呵肩窅執祛之繾繼折梅花於响嶠愧我騷騷隨雲氣於蓬萊為君媿媿

回諸郡守冬

陽氣應黃鍾時哉南至兵衛森畫戟既我東風昭黼黻於魯臺噓塵埃於楚觀恭惟某官陽明人物雷動聲名麗曉旌旗照映壺水之潔行春鼓角舒舒圭影之和近七日之朋來進三朝之元會某坐馳梅影陪借芸香官線添長正醜顏於把綉雲門入奏惟洗耳於歌甯

回諸郡送年酒

開荆楚之畫鷁舊梅如夢賦蘇州之清燕新麴生香挹官錦之淋漓醉屠蘇之先後從太守衆知同元日之春為細民對頌廣東風之賜

回諸郡賀年

條風開獸節雄律鳴春戟衛森清香唯堂麗曉茨梁介祉草水生輝恭惟某官氣度陽明精神雷動玉珂舊影光播白獸之尊皂蓋清塵彩照蒼龍之角小聽歌襦之暖即來召綺之溫某坐閱一期陪瞻五馬回車雲近方懷印坂之思化犢日長尚味海瀕之譜

送徐權府折俎

舟沂鴈回載冰滿湘之雨雲連燕窠渴陪桃李之春恐廢聽棠薄言羞濞乞為寒水玉恨莫對於水清走置錦屠蘇敢坐將於鄂渚

回前人請宴折俎

帆浦乍歸冰東風之飛錦鈴齋相望荷北海之開樽清米畫戟之香綠折瓊芝之草碧筍筒卷如坐使君之林玉素無酌有愧美人之綉

回前人送轉官折俎

影際下隰奚補臺聲安進宜階忽恍分寸正自憐於廢疎乃特枉於絨魚感折寄之慈敷佩相期之汗漫共明日干

星背分此光賦終日七襄若何爲報

回前人送冬

陽氣應黃鍾時哉南至兵衛森畫戟既我東風昭黼黻於  
魯雲噓塵埃於楚觀芸香在手梅意穠襟日表迎長正醜  
頽於把綉雷鼓入秦惟洗耳於歌襦

回柯權郡謝舉薦

爲仲舉題坐彼美監州薦依喜有詩薄言報國度清風於  
蕪寢酒今兩於鴈回大丈夫即真竹膺菟綬我鄉人未免  
聊謝貂綸

回前人賀得韻

對岫嶠之行雲何功將指沐空同之新雨爲養叨恩志甫  
遂於循陔音首勤於傳驛某官以錦裳手誦縉水詩王事  
靡盬豈敢定居同心而體國君子不置永錫爾類推老  
老以及人遂令回邛坂之車亦復抹江城之檝某感深鳥  
甯愧甚鶴濡顧影躊躇漸有雲東西之迹懷人飛越相望  
斗南北之輝

回李潭倅謝上

溼漉紫泥光紆朱綬逢萊雲氣隨天祝之輕裘湘水月明  
照監州之綬軾茲憑回鴈薄謝來魚某官大雅孤標真清  
儁度玉珂金鑰聯天上之神仙青壁銀濤重湖南之賓客

佇撐風幘歸起星靴某險奉僮花相輝芳杜拂山尖之科  
斗敬袞清霜聽江上之琵琶更傳白雪

回諸郡倅賀冬

九十黃鍾律和動緹帷五大畫堂旗春生錦段芸香在手  
梅意穠襟某官氣類陽明精神水滸東度樓之曲聲徹雷  
鼓縹滄浦之吟文裁宮線清露曉濡於驥尾韶風夜度於  
鴛行某隅綉何工屏泥借潤瀟湘波暖照明月於胡床岫  
嶠烟寒倚行雲於仙幘

回諸郡倅賀正

攝提貞孟陬青規絢綵風流半刺史朱綬生輝陽德斯升  
元氣之會恭惟某官聲名雷動氣度春溫緹軾清塵色照  
蒼龍之角玉珂舊影光搖白獸之樽小分千里之辰旌即  
下十行之卯詔某坐驚歲始險賚州端波暖江湖未趣東  
西之駕風和山水相望南北之樸

回諸郡倅賀冬

黃鍾陽氣應緹幔香深水壺幕下清彩毫煥轉芸香在手  
梅意穠襟某官氣類陽明聲名雷動胸踰五色卷舒官線  
之紋音度九韶出入雲和之瑟小分光於烏幕即翔舞於  
鸞行某軫野相望綉隅何補招呼和氣險看仙幘之華上  
下春輝密贊賓帷之勝

回諸司諸郡幕賀正

閱鷄戶之年頰驚元日賞龍門之雪諭企光風暖透蕩芸  
意行蘭芷某官聲名雷動氣度春融綠幕生輝光照龍杓  
之彩朱絃奏雅音諧鳳律之陽水冠小立於金臺環珮即  
趨於玉府某相逢甲換猶喜寅同夜醉曉行漸作江湖之  
階雲飛川泳永言霄漢之期

回施帥準送別

望冰壺於幕下選結飛霞映赤字於山尖喜來垂露寵先  
一介禮後七襄某官水雪孤標雲霄名閱玉珂金鑰接江  
左之衣冠青壁銀濤贊山南之鼎軸籌帷小駐輦路過歸  
某服膺夾袋之儲決意緇衣之好南轅北轍迹遞隔於江  
湖左弭右韃心相期於霄漢輪囷欲謝稟稭是慚

回洪準遣到任

袞鉞榆材油幢疏瀝花明湘水分曉月於紅牙靜靜郾城  
生春風於色筆一隻愧後六儷施先某官威風鳴陽神駒  
奔電貂金夾夾發五彩之芝英替玳翹翹結九歌之蘭佩  
小駐清壺之下即陪赤烏之東某隄企芳塵喜聞新兩從  
軍古云棠刺棠燈暮織女不成章莫酌蒙錦

回趙檢法

馳絲無補愧行湘水之春贊幕多奇速酒緇雲之雪施先

一介禮後七襄某官瑚璉英姿泉阿神物洛陽龍門之清  
賞吞吐風雲軒轅風樂之妙音鏗鉤金石小游綠水近即  
紅雲某久俟寅同未諧辰見云云

回諸郡教官賀冬

吹瑄動浮及時哉南至講道出新貫覲我東風梅意彌襟  
芸香在手某官精神水凜氣類陽明文鏗聲揚一片雲和  
之瑟書種色麗五花宮綠之紋徑舞三鱣之春入慶六鰲  
之曉某何功把綉徒愧織裳嶼嶼烟寒自笑庭楊之影瀟  
湘波暖第傳泮藻之清

回諸郡教官送別

星馳隰轡空浮棘影之塵日麗堂瓊喜邇槐陰之翠輒憑  
回鴈占謝來魚某官蓬萊文童華岳瑚璉曉開雲杏纒纒  
聲韻清溢泮芹源源教思聊汲清湘而變鄰魯行瞻黃纒  
而講唐虞某將指何功同心有味南轅北轍迹似遠於江  
湖左嶺右書情相期於霄漢

回桂陽劉教授

日麗鐘堂喜近粉榆之翠星華鴈嶺有來芹藻之清知在  
歲寒舞慚地窄謂草木吾味賦聊誦於梅花毋金玉爾音  
振諭聆於杏鐸七襄匪報三宥為某

回林教授



時雨鶴峯新糴度曉清風鴈嶠塵氛生秋不言而意已傳  
未識而氣先感謂草木吾味賦聊誦於梅花毋金玉爾音  
振險聆於杏鐸

回張教授

春澗鯉堂置藻芹之教思書來鴈嶠出草木之味言先舉  
所知豈非吾願南轅北轍迹還遠於江湖左弭右韞心相  
期於霄漢

回胡山長

抱西山之新雨如見其人納北窓之清風喜有此客亟憑  
回鴈占謝來魚某官蓬萊文章華岳瑚璉曉開雲杏文采  
九霄清照川花書香五色重濯瀟泉而浴洙泗行趨廣廈  
而講唐虞其恍舊綉之濡絲捧儷花之盈袖未為好也愧  
莫稱於報瓊能無誨乎尚有聞於振鐸

回邢山長

開帝館之雲秋糴度曉織天孫之錦晴綺絢空一介施先  
七襄禮後某官岷峨鋒鏑蓬萊文章紅杏碧桃艷神仙於  
天上粉牆紫界重賓客於湖南小對簷花即歸院柳某幸  
儂未見且賀寅同自笑黔驢難策再聚之鈍相逢衡鴈頭  
聞三益之規

回衡州江判官

從軍帷幄欣雲近於蓬萊贈我瓊瑤

施先

一介禮後七襄某官玉尺懸水金莖滄露聳骨際頂扶搖  
濱海之風綠水飄緜談笑卸城之月佇看飛鶚即遂造鶯  
某欣捧色絲有華簪綉傾瀟湘之草險寄鴈回望江漢之  
雲某將黏報

回趙判官

芙蓉幕畫見推三語之清桑梓年情僅效一言之鴈舞袖  
方慚於地窄織裳乃逐於雲來瀟湘逢故人薄酌今雨霄  
漢瞻佳士徒吟下風

回郭判官

雲近熊山有美芙蓉之影書來鴈嶠瑱生杜若之香三語  
施先七襄禮後某官珊瑚文采水雪聰明空冀北之群神  
行鼎鼐望湖南之暮鋒洋鉅鈺小贊疑森遄班清切某偶  
諧聚軫多幸同寅意重水清深謝宜敷之句贈臨錦織莫  
酬幼婦之辭

回陳撫屬張監舍

馳絲何補愧响嘯之春風畫幕多奇音瀟湘之華月施先  
一介禮後七襄某官絕俗精神識時俊傑洛陽龍門之清  
賞吞吐雲烟軒轅鳳樂之好音鏗錡金石少侔玉帳即觀  
璧璫某多幸寅同有懷未見南轅北轍迹似聞於江湖左

弭右韃心相期於霄漢

回黎知錄李司理

驅馳遠使空峯杜若之雲倏逸參軍唇賸梅花之雪舞慚  
地窄知在歲寒某官巧鑄鉅鉦清塵鼎鬲剛風度筆廣平  
賦之淋漓寒露照襟何遜詩之洒落小需鞠草即看摻花  
某共容瀟湘期君霄漢重緝錦段莫酬明月之珠空羨紫鱗  
振結橫江之網

回永州司理司戶

梅花鐵石心相知已晚金粧琳琅字多謝何屋味也同吾  
惠而好我繼兮又改嘆舞袖之地寒白也不群喜錄屏之  
天近

回謝司法

星馳周際將為養以懷歸春度燕臺乃覽輝而來下載憑  
回鴈薄謝來魚某官華岳清冰海水明月鏗錫金石軒轅  
鳳樂之好音上下風雲洛陽龍門之清賞小吟漢綠徑照  
藜青某風幸同寅踰騰聚軫南轅北轍雖遠隔於江湖左  
弭右韃正相期於霄漢

回諸縣宰賀冬

觀臺雲物曉着五色之書彭澤風流春度一同之詠駢花  
委艷芳杜生香某官氣類陽明精神冰潔霞飛錦織卷舒

官線之散春落弦聲上下雲和之瑟佇翔鳥影普造鷓行  
其还只畫簾條然隅綉撫履揚於响嶼空頁分陰培浦柳  
於瀟湘喻看一碧

回諸縣宰賀正

攝提貞孟配八荒開壽運城得茂宰萬象皆春花柳無私  
茨梁有慶某官聲名雷動韻度天和文艷錦機光照龍杓  
之彩風生玉軫音諧鳳律之陽舒舒蒲毅之香進進蓬萊  
之武某坐驚甲換猶喜寅同為秋浦官孰禦春風之曷送長  
沙客相望明月之舟

回衡山趙宰孟僚

效擊一鶚力何補於培風照眼雙鳧手忽承於番露一謙  
過矣三俊楚然某官文采珊瑚歌聲金石敲峰九千餘丈  
氣埒青蒼即垣二十五星光生銅墨哀特正直簡在凝嚴  
某借助鞭長及清綆短頌言美瑞知麟鳳之在郊趣覲通  
明戒鸞風兮先路

回善化韓宰

出宰山水縣喜調新琴為織雲錦裳有華簷綉轂憑回鴈  
占謝來魚某官玉尺清方金莖晶潤馳峰九千餘丈氣埒  
青蒼即垣二十五星光生銅墨暫翔鳥影佇入鷓行某自賀  
寅同豈云未見娟娟一碧共看貫索之沉耿耿七裏莫效

聯珠之報

回鄂縣受宰

移綉波濤愧將絲繾出宰山水先度絃歌喻寄馮回敬酌  
魚道某官琳珪清越水雪聰明雲傍碧桃千丈蓬萊之光  
氣月明綠野一簾秋浦之清風小種懸花佇歸院柳某俯  
慚簪笄仰辱聯珠味苗綸之辭永為好也乏貂瑜之報受  
言蔽之

回牧縣郭宰

舊綉塵深閱八莖於楚觀畫簾花度飛五朶於雲陽新雨  
同心清水照目某官光華尚錦盤錯技刀橫巴水之野舟  
肯煩期會聞楚萍之更鼓終覺分明迹只魚飛翻其鵠立  
某馳驅技短嗟切意長皎皎織女終不成章駕言匪報駢  
駢征夫每懷靡及尚克相規

回湘潭張權縣

雲移松影調新韻於宓堂春浦桃陰來清風於周巒偉哉  
今雨遺此華星小生欲相吏耶頭同秉協丈夫即為真耳  
佇聽除音一水娟娟七裏耿耿

回求與趙權縣

鶴岑琴好相望明月之心鴈嶠書來不隔同年之面以雍  
容之雋軌將慷慨於公車北轍南轅遽江湖之相遠左轡

右弭尚霄漢以為期占對甚臯垂孚為寵

回瀏陽任丞

晴紋照綬曉入新花遠素飛雲春回舊綉辱施先於一介  
愧禮後於七裏政天孫之織雲莫將瑤報望美人兮明月  
尚藉瑣規

回寧遠簿到任

地鄰樓鳳喜聆千玉之吟風度鳴鸞恍聽九韶之奏縣花  
出色汀若生香然太乙之藜佇聽今業織天孫之錦莫敵  
塵施

回攸縣趙簿衡陽易尉

馳驅無功愧行雲於岫巖佐琴有韻捧明月於瀟湘小車  
來映於縣花春佩相輝於岸芷某喜瞻聚軫樂在同寅北  
轍南轅漸覺江湖之隔左轡右弭尚為霄漢之期

回衡陽歐陽尉

把春花於拂綉喜見青撐番星字於乘槎有華綠淨重此  
湖南之賓客美哉日下之神仙杜巒何功自笑再衰之技  
貂瑜莫報更求三益之規

回楊州院

司會名藩有美同年之子委書下隲幸來異事之僚我籍  
玳於宿筵聚慶瓊於囑圃湖南某貴良懷支使之賢水北

價高寧久山人之索遥憑回鴈諭謝來魚

回宋祝院萬年

篔簹嘯魁臯僅免失刑响嶮聖虎嘯劇傳得句怒飛鐵畫  
光照錦機撫劍首於漆園敢當一快間簫聲於赤壁莫遂  
倚歌

回劉學錄胡石壁客

我馬維駒訪响嶮之奇字有鶯其羽發蓬萊之妙音亦來  
見我乎嘗有此客否其人語洗烟火書籠山川張生手持  
石鼓文氣涵綠淨楊雄自有河東賦聲透明光亟呼熊耳  
之雲立近鰲頭之日某味同草木影合江湖扶搖萬里南  
濱相期汗漫上下四方東野此意輪困

通交代廖提刑邦杰號起齋

共審疏恩象魏易節熊湘星度天困光照武陵之雪風生  
春綉神開衡岳之雲翠蕩凌烟華絲絢曉恭惟某官傳心  
正學行世清規雲霄閣之高寒蜿蜓浦劍湖海樓之突兀  
塊北參旗屹砥柱於中流行大車於九軌出擁康沂之駕  
入提建禮之門犀監重弓武絢將軍之電金曹曳組輝聯  
須女之珠佩聲雜選於蓬萊摩影橫斜於牛斗誰謂兼露  
清水之勝屑為春山暑露之行收海苦之波濟定夫正學  
布湘江之雨露朱子常平便當踏汗漫而擺雷碾于以經

蹄蕩而出駁安屬天顏之西顧念民命于南維不有仁人  
執長王國乃輟神仙於海上乃移星宿于軫中惟君子之  
祥刑自聖門之恕學推廣不究之條貫發揮無訟之本原  
轉陽和於芙蓉壽蒔之間沛生意於榴棧析楊之外蓋以  
皇蕩之長者而行孔孟之本心皇華咨度咨詢盡展平反  
之業清問惟明惟畏即陪荅沃之聯某久把短鏡偶塵綉  
斧撫王事而集苞犯坐隔白雲望笑人而結幽蘭喜逢今  
雨俯仰十年之同味會緣百世之交情專叱馭陽回車豈  
是秋春之鴻燕貢彈冠朱結綬尚將上下於雲龍舌筆疎  
單衷旌搖曳

與袁州安守到狀

叨符便養假道言歸西水分江喜接九河之潤東雲捲雨  
重瞻三峽之春即遂樞趨預深欣忭

回袁守不赴請

馳白雲之下幸甚假途卷今雨而來言將授館華髮之典  
刑甚厚清風之邊且有加薄言還歸何速叩味之馭願安  
承教第懷臺峽之春方命負慚嗣音行謝

回交代權贛州孫提刑炳炎

南節易磨為慈親而拜命西臺就收屈膺使以論交温朝  
花雨別之盟借堂草春暉之色施先一介禮後七襄恭惟

某官大雅風流真清人物水懸雪跨吐吞禹穴之玉書鳳  
躍韶鳴鏗憂天台之金賦雷轟歛起山立徐行魏冠參卿  
月之班雜珮峻卽星之直侍女護衣鷄人傳箭屐翠殿之  
賦詩衛兵森戟燕寢凝香肯芝山之携酒豈第十萬家之  
春意精神三百里之湖光前席與思此佳吏部西人則曰  
真好監司寧遲屨接於星辰便報綉行於霄漢春風扉影  
草卧桁揚夜雨灘聲雲銷貫索警屈瓊瑤之六轡更聯虹  
王之半符昔清馭典州而三川之琴有韻而濂溪行節則  
五嶺之獄無冤每惟入境之有緣皆著兩賢之遺迹盛德  
可稱於百世明公乃合於一人麾蕩照江劍刀易俗玉節  
青絲纜小駐虎頭白馬金盤陀造陪豹尾某無功將指有  
味陳情王陽回刺史車庶乎爲子毛義捧郡守微專以爲  
親昔隨振鷺之英游今忝傳龜之雅好夢回舊綉恍慚揚  
批之前手把新符早托絕塵之後會趣綸之來下辱飛檄  
之遠臨皇華之禮有加南陔之詩復作安有十一州之庶  
察屑爲二十石之交承行縣錄平又喜不蘭望雲之舍詰  
府受約束頭遂依近月之臺舌筆單疎秉旌搖曳

回陳侍郎篇

回車邛坂請自效於林鳥得郡江南取已捐之竹馬綢繆  
錦製緹襲家華恭惟某官麾斥八極之風雷卷懷九天之

星斗古靈袖中之橐籥薦時賢温公洛下之評不遺人物  
遂使忝求芻之寄從而諧啜救之私某半竹奚堪儷花甚  
寵想五畝青山之樂願請訂金懷四方明月之詩曷酬贈  
璧

賀曾京尹淵子覽留速

露綸渙淫星履陸華東澗西瀝冠十連之元帥南昌北斗  
表六典之地官冊屏雲開紅牙日麗某官挾分雲漢吞吐  
江湖直氣摩空金天晶之錯落清規照世玉井水之甘寒  
自噉噉於鸞聲邇哉我乎豸角文章大手南豐先生政事  
十條小范老子袖出摩霜之鐵坐吟捲雨之篇其侍從歸  
拜於甘泉慈父母來臨於京兆乃由太乙徑陟文昌水懸  
雪跨而朔望孚日暖潮平而民氣樂儻衣冠於建禮坐鎮  
千巖籌帷帷於延和遄歸兩地某喜傳除絆阻赴賀恭五  
緯明霄望龍泉之秋色九河流潤懷虹翠之春暉

回曾主簿清老 曾玉堂秀溪之孫

千里明月隄企停鸞一字華星劃開湧翠惠而好我粲然  
有文某官地胄宮華天資潤美北平王之閱閱梧竹蒼蒼  
東山氏之衣冠芝蘭奕奕盡騎麟麟而凌厲乃從猿鶴以  
徜徉展也怒飛翻其孰禦某頃馳楚傳切志綿田邛坂回  
車庶乎爲子江城捧檄正以便親求懷寸草之暉更感繁

花之寵式相好矣其醇錦綉段之華遡洄從之如此玻瓈  
江之碧

回吉州權府賀新除

其凌蹠祭座修被綃封身到木天誤辱九重之眷詞垂金  
蕪過蒙十部之臨方切循墻敢勤褒衮蓋如肅晚徒抱迂  
愚山林自分於投深猷私空存於愛上朝清道泰幸遭際  
於明時小往大來慶挽回於正氣猥令忝竊例沐榮榮惟  
某官瑞毓長庚福移子駿家有甘棠之笏凜凜典刑人蒙  
別駕之春陶陶生遂適郡符之初縮觀帝綽之誤頒蓋惟  
大夫之曰賢遂令小子之有造正朋一字恐慚讀秘閣之  
書肅使載還尚擬致盟州之謝

回吉守李寺丞希

光膺芝檢榮剖竹符吉為大邦望二天之正急公有異政  
為百姓而一來新令風馳歡聲雷動恭惟某官雪山冰壑  
天球河岳居南岳風土之奇夙鍾清淑得西堂議論之正  
綽著典刑早啟雋途荐升華貫天官宮正持衡稍食之平  
稽臣司農挈領扈丞之重惟絕海迅颿可以開鮪浸惟倚  
天長劍可以破浮雲故當捨擻枕裡之秋常任撫字澄清  
之寄昔四如洵洵帝每與當饋之嗟今二水湯湯公迄收  
按堵之效惟我廬陵郡之劇為今東家主之難莫非王事

我獨賢勞勞諸縮手所謂世臣必有喬木上遂傾心向來  
二十石之除曾擬六一翁之里惟蒼生之有福故珠浦之  
重還期會餘間雖異坡老作詩之舊道理最大喜聞韓王  
有德之言今庶幾乎侯來暮矣青原鷺渚未容坐席之溫  
柴歎鶴班正恐召環之速某幸備受屢之數得同戴道之  
歡已進迓於前驅乃退慚於後至欲陳情而未果先賜汗  
而謂何謝劉公紙書姑附鴻翔之便望皇甫壁記即修燕  
賀之恭嚮戀深深數陳罔既

回前人

某荇蒙顧翰再遺駢緘辭遜一出於肺肝義理各存於肯  
綮螺浦之珠既去復返足以為可夜光之璧無因至前受  
之甚懼輒裁尺素庸叙寸丹仰冀融清俯垂澄察

回前人送冬禮

周曆紀正魯臺書至袴謠雷動恰先七日之來祭座春生  
共慶一陽之長頌聲盈耳和氣滿城某未薦賀言猥厪親  
禮岸容待臘正樓寂寞之濱谷律先春多謝溫存之既報  
然登受略此控酌餘俟別陳仰干情亮

回黃主簿

伏以春華如水驚三紀之流光夏綠滿園又一年之初慶  
方拾薪而袁瀑即嚼茗而嚙花敢意一謙有來多貺厚之

厨珍以起其牢落悖之筐突以申其愍童喜相誇為里中之羊酒兕廛不了笑門外之垂蓬拜而受之我之懷矣輪囷感臆拍塞謝言

回監魁錢昇叟賀新除

某偶膺光寵突沐庇蔭將為行人之辭先承君子之饒樽來工卽有光臨別之梧荷鵝贈右軍以比大鳴於鴈木登嘉以徃感德惟深姑此占酌嗣容稟謝

賀府簿錢昇叟

茲審錫命中朝職書大府密運良畫協贊大功伏惟慶愜某正深蒙賴倍切忻愉亟此叙賀切哉委照

回大庾縣尉劉天聲

昨因歸鴈獲附殷勤歲月如馳曠音弗嗣五孕雲委翻翻復來山林卯記初度素梓拳拳繡藻過矣就審一麾知已三尺司平揚州梅花何如庾嶺本色吟哦小駐倚聽橫飛庭突磊落分不得拜興言遠意若之何速之肅使知慚袞拜不敏何當喬狀

文山先生全集卷之八終

文山先生全集卷之九

文集

記

吉州州學貢士莊記

物之在天地間自銖粟以上莫不有主名獨貢士莊所儲以擬夫三歲大比士之送上春官者有司不知誰宜得之取什伯於千萬亦無敢自必為已得其予奪之殆有物焉逸史稱隋末一書生所居抵官庫有數萬錢欲取之神人訶之曰此尉遲公錢也泉者天之利器惟天能以與人則夫任貢士莊者殆為天守利器以俟夫天之所以與人者充是心以徃真無所為而為之其為仁豈不至而為義豈不盡乎咸淳六年簡池趙君必禰來為廬陵教授作興斯文教養畢具則按貢士莊之舊楮其所出內歲錢數幾何廬陵士甲江右一科數路資送四五百人哀多益寡稱物平施末之云耳於是增田之議一之日置尹氏租為米八十斛二之日置彭氏租為米一千一百九十二斛趙君猶以為未足則曰傳而益之其來者之事哉添差教授番陽程君申之繼至相與詰郡請蠲賦吏持難易闕弗下求嘉繆侯元德甫下車二君申其請侯慨然曰柰何與吾黨校瑣瑣乎復之不崇朝予聞而異之以為侯與廣文之心皆所以奉天道之不及者也古之爵人言必稱天國家

謹惜名器自他蹊者悉名僥倖惟進士科使四方寒賸操  
觚而進付得失於外有司而定高下於殿陛之親擢公卿  
大夫繇此其選當是時天子宰相一不得容心於其間予  
嘗謂今世惟科舉一事爲有天道行焉士脩於家試於鄉  
如探蓍然以信夫天命之所遭而爲貢士計者積倉粟糴  
共其道路先事而爲之備隨天命之所與而後與之是心  
也豈復有內交要譽之私哉予故曰皆所以奉天道之不  
及者也是宜書且夫取士於天下將以爲天下用人之常  
情其窮也不爲利疚則其達也不可以非義屈後之臨大  
節斷大事决非異時饗食豆羹見於色者之所能也夫使  
郡國上其賢能而漢人續食之意隱然寄於學校士得以  
直走行却而無僕馬後顧所望於人也輕則所以全於己  
也大是邦學者世修歐周之業人負胡楊之氣如有用我  
執此以往是舉也世道微有賴焉蓋益可書也已是在創  
始於尚書胡公規隸于學者米二千二百斛有奇前丞相  
葉公夢鼎爲郡增六百三十斛有奇前教官黃君愷伯增  
一千三百六十斛有奇前趙侯典楮增四百一十斛有奇  
自二教創後施君和卿君師舉增二百五十斛有奇合今  
所增通爲米六千一百斛有奇以學論提點莊事劉少南  
張敏子云八年八月記

吉州右院獄空記

吉州右司理院迺開慶元年五月獄空九月又空明年五  
月又空吉爲州凡三獄曰州院曰左司理院右院其一也  
方千里之國未易爲理而物之不齊其情固然省刑罰止  
獄訟賢者雖欲爲之而格於其勢之所不可長老傳說以  
爲自南渡百餘年惟乾道庚寅嘉定甲申獄嘗空乾道事  
不知何如嘉定間南昌張別駕被旨攝廬陵郡初張宰清  
江得米南宮獄空二字勒諸珉以詔不朽泊來吉幕本遍  
付諸獄不三月遂皆以空告由今推之爲長氏者一念之  
善感召和氣可也上有所好下從而逢之是未可知夫以  
百餘年兩見之事可謂稀闊而其可疑又如此然則雖謂  
之絕無僅有可也今司理君爲政寬允嘗平反死事二法  
庶賞君不自以爲功當路論功亦不及人謂君超然利害  
之表君曰吾盡吾心而已而何賞之較君實有受人利物  
之心哀矜庶獄無所不用其至人人自以爲不究獄空遂  
爲常君書三考侯代者未至歲月有奇獄空之事其二在  
考內其一在侯代時院之設久矣官此者幾人得闕而來  
受替而去其間可紀之盛百餘年僅僅兩見今君受任三  
考已能配此曠絕之蹤而書滿已後迄臻三美君職於其  
事可謂無愧矣此而不書後將何觀雖然予嘗上下世變



觀之自畫象之化遠人心之樸日以散性成康時日刑措不式漢文時幾致刑措下此則唐初死囚歸獄之事人以爲奇蓋唐虞後至今三千餘年而斷獄之省數不過三四海之大兆民之衆不可以一院比也然聖人得國而爲之持之以道使民遷善遠罪而不自知其效驗近卜於期月三年而遠亦不過於必世夫古今刑措之日既如此其難而區區空一院之獄又如此其不數聖人之志其遂不可行邪雖然由君之事則百餘年間職業之可書曾不一再而君以歲月爲之有餘天下事信不可爲乎神而明之存乎其人此予所以初爲世道感而以其尚可爲者深幸也嗚呼君其母以自足哉君姓洪名松龍巖陵人

龍泉縣太霄觀梓潼祠記

龍泉邑治左出門行數百步有太霄老子宮焉辛酉之春予登其巔四山拱趨天宇高曠會令方營度作梓潼君祠邀予爲字曰元皇之殿旣爲從事六月殿成明年令若士以書諭曰後之初興君寔來辱爲之書請卒記之邑爲吉上將山川清拔民秀而文天聖以來高科鼎出有位至侍從以忠直自奮尚論文獻者歸焉維柳實接壤梓鼓數震令初至適江上有警柳寇益乘以諫周旋軍旅不得以間事平令謂吾幸爲禮義邑雖倥偬不容不爲俗化地况

少須暇乎稽諸圖志庭廟鱗立吾黨之士獨無所敬祀會賓興詔下乃進諸生謀曰今三歲大比試者以文進將文而已乎意必有造命之神執其予奪於形聲之表者蓋元皇是也士之所自爲行爲上文次之神所校量是法合此者陟違此者黜人謂選舉之權屬之有司不知神之定之也久矣蜀山七曲神所宅之國衣冠文物莽爲風塵惟神元命寔始美會英靈赫赫將從君父所在而依之是以江湖以南神迹多著此固士之所當欽崇而景仰者舍而不祠惟缺典是懼議遂決予按詩曰相在爾室尚不愧于屋漏又曰昊天曰明及爾出王昊天曰旦及尔游衍夫人一動之微必有神明焉得其情於幽隱易肆之地茲其所以體物而不可遺也惟經傳統謂之神未有所指名近世貴進士科士以得失爲病自元皇廟食於是始有司桂籍之說化書所謂九十四化變遷推移曠千百歲雖涉於不可測知然神生爲忠臣孝子歿爲天皇真人取士本末實助於人心義理之正明有禮樂幽有鬼神果哉其不誣矣孟子曰天爵仁義忠信人爵公卿大夫古之人脩其天爵而人爵從之聖賢不語怪而教人先內後外未嘗非神之意神雖游於太虛而考德問業初無戾於聖賢之言其在祭法苟有以明民成教宜與祀典則神之有祠豈緇黃之官

之埆邑有先民典刑大冠逢掖爭志策厲爲臣止忠爲子止孝此其內心固油然而不自已而况高山仰止明神在前則其戒謹恐懼工力當倍他口振起諸生彬彬知名則居公卿大夫之位必將有仁義忠信之人令之此舉於人才甚有功於方來世道非無所裨於世口以區區料日望其人而惠徼福於神之一顧哉祠翼啓以庶丹墜具鍾鼓法器如式像設居中內而父母婦子事親之道孝之屬也外而待御僕僕爲臣之道忠之屬也費錢七十萬有奇十萬爲今俸餘寡多迄于城觀下占曰龍頭里因其名爲坊扁額校書卽姓君勉筆也令方爲遠者計庶用積餘市田以奉祠事繼今邑之上其受令之賜永永無斁今陳氏名昇三山人初攝事繼辟令任云

文山觀大水記

自文山門而入道萬松下至天圖畫一江橫其前行數百步盡一嶺爲松江亭亭接堤二千尺盡處爲障東橋橋外數十步爲道體堂自堂之右循嶺而登爲銀灣臨江最高處也銀灣之上有亭曰白石崖曰六月雪有橋曰兩峯之間而止焉天圖畫居其西兩峯之間居其東東西相望二三里此文山濱江一直之大槩也戊辰歲余自禁蘆罷歸日往來徜徉其間蓋開山至是兩年餘矣五月十四日

大水報者至時館中有臨川杜伯揚義山蕭敬夫吾里之士以大學試羣走京師惟孫子安未嘗往輒呼馬戒車與二客疾馳觀焉而約子安後至未至天圖畫其聲如疾風暴雨轟壘震蕩而不可禦臨岸側目不得往視而隔江之秧畦菜隴悉爲洪流矣及松江亭亭之對爲洲洲故堙然隆起及是僅有洲頂而首尾俱失老松數十本及水者爭相跛曳有偃蹇不伏之狀至障東橋坐而面上游水從六月雪而下如建瓴千萬丈洶湧澎湃直送乎吾前異哉至道體堂堂前石林立舊浮出水而如有力者一夜負去酒數行使人候六月雪可進與否圍棋以待之復命曰水斷道遂止如銀灣山勢回曲水至此而旋前是立亭以據委折之會乃不知一覽東西二三里而水之情狀無一可述遁故自今而言則銀灣遂爲觀瀾之絕奇矣坐亭上相與諧謔賦唐律一章縱其體狀期盡其氣力以庶幾其萬一予曰風雨移三峽雷霆聲兩山伯揚曰雷霆真有地中出河漢莫從天上翻敬夫曰八風捲地翻雷穴萬甲從天驟雪驟惟子安素不作詩聞吾三人語有會於其中輒拍手將鬚摩腹頰足笑絕欲倒益有淵明之琴趣焉倚闌踰時詭異卓絕之觀不可終極而漸告晚矣乃令車馬從後四人携手徐步而出及家而耳目眩顛手足飛動形神不自

宦者久之他日予請蘭亭記見其感物興懷一欣一戚隨時變遷予最愛其說客曰義之信非曠達者夫富貴貧賤屈伸得喪皆有足樂蓋于其心而境不與焉欣於今而忘其前欣於後則忘其今前非有餘後非不足是故君子無入而不自得豈以昔而樂今而悲而動心於俯仰之間哉予無然有聞自予得此山予之所欣日新而月異不知其幾矣人生適意耳如今日所遇霄壤間萬物無以易此前之所欣所過者化已不可追紀予意夫後之所欣者至則今之所欣者又忽焉忘之故忽起奮筆兼興而爲之記且諗同游者發一噓

鄒文叔垂芳堂記

吾鄉上游有佳木連理生於鄒公長者之地不知幾何年益公取以補廬陵圖誌木濱水如差較天矯有騰驤怒起之勢咸淳八年秋一夕大雷電以風木隨水而飛又二年秋有蓮一蒂雙華出于文叔北窗下首池中文叔長者曾孫也連理表章於乾淳間鄒氏始享有其瑞予聞長者一再傳皆恂恂友愛同氣並根既碩且蕃實生來仍今文叔之庭二季競莢兩孫端美天將昌之其殆視同穎兩岐細縕塊北而未有已乎文叔喜而命予題其堂曰垂芳夫一草一木之微比于太虛僅同毛髮而鄂不韡韡兄弟之親

小雅所爲賦也於吾心得無感乎予旦夕尚徘徊新堂爲君廉棠棣之一章

李氏族譜亭記

蘇老泉有族譜引又有族譜亭記引專言父祖于孫出於一本不可忽忘記則以鄉人不義不睡者爲戒愚嘗謂引之詞極論骨肉之所從而動其內心之愛此宜與賢者道至於記之所載其言他人戕賊之故而惟恐族陷於不淑蠢惡之心人皆有之則此訓又親切焉西山李氏家於龍泉數百年先世有諱毅者與穎濱遊老泉之譜引自以爲得於面授而切意其亭記尚未及見也今其族放蘇氏作族譜亭以不忘先世頡濱之交以庶幾老泉之意有名繼祖者又修復之以紹前志爲予求字予爲之書而樂道其美夫其譜引先世既自得之以遺其子孫今其子孫固已識先世之用心矣予猶以爲未也則告諸繼祖歲時聚族拜奠亭下更願與蘇公亭記各各觀誦一過使爲長上者復申告之曰謹毋爲鄉之某人者

蕭氏梅亭記

廬陵貢士蕭元亨江西帥平林公之孫贛州龍南縣丞之子登孤有立克肖厥世於其讀書游息之暇有自得焉乃作亭於屋之西偏周之一徑被徑一梅亭後有廊有詩蓋

壁間前方池廣五尺銅魚而觀之鄰墻古樹蔽虧映帶清風徐來明月時至君領客于此上下談笑客多乃祖父舊遊而君樂從之稱其家兒也君名亭曰梅而屬其客請記於予予昔者登平林公之門入其園臺觀沿渚并木竹石曲折靡弗登覽幽遠公緩步徐坐杯酒流行古君子也退從蒼甫與其次于江陵支使昂然野鶴察然華星南金荆玉應接不暇佳公子也今是園也亭館日以完美草樹日以茂密元亨兄弟又從而增大之夫高臺曲池百歲倏忽此孟嘗君之所以感慨於雍門周者也予於君不十年間俯仰三世昔也念其門之遭今也賀斯園之幸則告於元亨曰天地閉塞而成冬萬物棟通而為春方其閉塞也陰風感栗寒氣肅厲眾芳景滅萬木僵立何其微也及其棟通也木石所壓霜露所濡土膏墳起芽甲怒長何其盛也天地生意無間容有當其已閉塞之後未棟通之前於是而梅出焉天地生物之心是之謂仁則夫倡天地之仁者益自梅始今君之樂斯亭而賞斯梅也其何以哉天地莫不有初萬物莫不有初人事莫不有初心莫不有初君從其初心而充之無非仁者使梅而有知吾知其為君欣然矣昔東坡記靈壁張氏園亭推本其先人之澤而拳拳然望其子孫且將買田泗上以與張氏游焉予里人辱君

好舊矣宜其甚於坡之愛張氏也

衡州耒陽縣進士題名記

衡州進士題名記設於學耒陽隸焉去年歷兵火浸淫毀耒陽宰柳江王某始與其士刻石邑率以自為一同人物記邦人鬱林教授周君道與介予曰縣之立是碑厲歲大比將作與士氣也異子為之記予嘉其勤不得辭按衡進士姓名可考者自祥符省元鄭向而始景祐八人俱擢第郡人侈為渾化時耒陽居其三嘉定郡貢十八人耒陽又半之間歲往往多得士今邑人於花州之識翹乎其未愬也雖然科第之末不足為儒者道天下事固有大於此者矣衡有石鼓書院朱文公實為記其論世俗之書進取之業以為志於己者所羞言至謂學校科舉之害不可以是為適然而莫之救先生所以正人心破俗學者願乎其志也前輩之流風未遠學者之分內何限屬邑之士其得無所聞乎然則縣之此碑將以紀姓名也豈曰使人歎慕誇羨矻矻然為物外之歸哉夫在上有師道則在下有善人修於家有正學則天子之庭有真儒此令尹與凡邑之士兢兢終日而不能已者也矧夫苟焉而學泛焉而仕冒焉而題則後人指之曰某也矧何某也矧何嗚呼是不可不凜凜乎哉

撫州樂安縣進士題名記

撫領縣五進士題名記自太平興國樂公史始以迨于今  
班班然雖然此記諸郡者縣又各有記郡縣皆以本人物  
之出而縣又近也樂安自紹興十八年始置縣于時士文  
富義豐頭角斬出志氣凜然蓋文物之發越又矣三歲大  
比由是而計偕者始而二三人繼而四五六七人擢奉常  
第者始而一人繼而二三人斯盛矣而記未立闕也予同  
年新贛州教授何君時以書來京師曰薦於鄉而仕於國  
皆仕之達也追其已往之不及記待其方來之不勝記特  
託諸石以詔不朽頌假之一言辭不獲按圖志縣始創實  
割崇仁三鄉與吉之永豐一鄉斯土也蓋文明之會也山  
川之英扶輿清淑之所藏是故名世出於其間歐陽子之  
於永豐文恭羅公之於崇仁是其人也今縣東跨西并收  
拾奇山水以爲一國風氣磅礴且百年於此斯文之運寢  
以張王此豈偶然之故邪雖然二君子所長非科第也有  
大焉者矣登斯記也高山仰止景行行止當如何哉當如  
何哉

瑞州三賢堂記

瑞有三賢祠堂三賢余襄公蘇文定公楊文節公祠堂舊  
在水南閣闡景定庚午燬于兵前中嚴陵方君逢辰遷之

稍西番成而去某爲君代相遇於上饒君語及斯堂曰瑞  
人之敬三賢也如生三年無所於祠意問焉予是以亟  
新之也然塗墍未畢像設未備予其成之成則爲之記某  
至郡既敬奉君之教遂率諸生行釋菜禮而君書三至論  
記之成某不得辭夫瑞爲郡號江西道院然在汴京盛時  
爲遠小故余蘇二公皆以謫至淳熙間郡去今行在所爲  
近而楊公江西人雖自蓬監出守殊不薄淮陽也地一而  
時不同又守郡者與他謫異然瑞人矜而相語槩曰吾郡  
以三賢重余公坐堂范文正蘇公坐救其兄東坡先生後  
又以執政坐元祐黨楊公坐爭張魏公配享事使此三賢  
者皆無所坐安得辱臨吾土噫甚矣瑞人之好是懿德也  
然三賢所養猶有可得而竊窺者乎范公忤呂丞相而去  
也未幾復用前日寅緣被斥者以次召還襄公自瑞徙泰  
乃獨請嶺南便郡以歸愈去愈遠豈非所謂同其退不同  
其進者耶蘇公世味素薄其記東軒謂顏氏簞瓢之樂不  
可庶幾而日與郡家收緝錄之利曾不以爲屈辱異時再  
謫三徙之餘退老穎濱杜門却掃不怨不尤使人之意也  
消若揚公則肆意吟哦筆墨淋漓瀉在郡自爲一集與疇昔  
道山群賢文字之樂無以異也若三賢者豈以擯斥踈遠  
累其心哉夫擯斥踈遠不以累其心者其流或至於儵然

遠舉超世遺俗而三賢又不然余用於慶曆蘇公用於元祐蹇蹇匪躬皆在困躓流落之後揚公當權姦用事屢召不起報國丹心竟以憂死凜然古人尸諫之風嗚呼此其所以為三賢歟繇前言之吾知在瑞之時樂天安土辭後言之吾知在瑞之時乃心罔不在王室嗚呼此其所以為三賢歟詩曰高山仰止景行行止太史公曰雖為之執鞭所欣慕焉瑞人之敬三賢也又於此思之當有以稱方君所為欲記斯堂之意某於先正無能為役

建昌軍青雲莊記

大農簿趙侯守旰之明年建青雲莊成侯旦夕受代行矣移書請記於廬陵文某曰大江以西縉紳衣冠旰為盛旰有與薦士三十七江山奇氣發天地之威未艾也郡有庫邑有莊皆以貢士名貢鹿鳴與計偕者僕馬道路而無虞矣則後自念士方奏名待對皇帝王伯之規模造端發軔如火始然柰何以旅瑣瑣病寒峻乎會南豐有寺曰安禪燬于寇田若干無所於屬於是復其租稅為屋四楹乃積乃倉於寺之廢址命曰青雲莊錢穀有司三歲一會凡旰之試御前者監各有差所為厚士於方來益庶幾焉某復於侯曰自異學興縉黃之官遍天下其徒委食阡陌相望有志之士嘗欲磨以歲月聽其消亡士大夫蔽於福田利

益之私非惟無救於敵更張之侯也炳然大觀右儒而左釋制其膏腴移彼于此正合前賢建置可謂執德而不回者矣孟子曰我善養吾浩然之氣夫浩然者際天地而常存不假外物而為消長士豈以侯為晚已哉詩云菁菁者莪在彼中陵既見君子錫我百朋釋者曰古者貨貝五貝為朋百朋得祿多也小雅之序菁菁者美其育材變小雅之次菁我者傷其廢禮以君師在上取其長育人材者禮如何其廢之矧諸侯奉天子命守土有國士賢者能者悉上送春官勸駕續食固其所也侯推廣國家樂育之意知盡禮而已與之者非以為恩受之者豈以為不屑哉莊生論鵬搏扶搖而上者九萬里風斯在下本放曠者寓言自隋唐以來世人尊異科第若青雲者放之而為之辭古之人其身益高其心益危人以為瞻望不可企及乃其憂責之始士之於一旦豈真以發身為汗漫乎哉易之象雲上於天需君子以飲食宴樂士待對時也雲雷屯君子以經綸士澤物時也侯誠有望於人物有意於世道有以為需之飲食侯事也無以為屯之經綸士責也侯不負士士亦不負侯是為不負所學不負天子侯名孟適董莊事者前通判臨江軍曾君稹新袁州萬載縣主學徐公應午貢士庫名存而實湮以白金二十鎰補其籍改庫為田以利久

遠其出內則隸是云

贛州重修清獻趙公祠堂記

郡所在祠先賢之爲守者守得祠以遺愛然而百世之下君子之澤有存焉者寡矣而聞其風爲之興起尸而視之不謀同辭識者於是上下世道而觀其大節焉故參知政事贈太子少師清獻趙公朴歷事仁宗英宗神宗以忠亮純直爲時名臣公嘗治虔治益治杭治越其政本之以清淡行之以簡易寬不爲弛嚴不爲殘使在漢氏課功第能當不在循吏下抑公所爲大過人者不寧惟是當王安石變更祖宗法海內騷動廷臣唯諾趨走莫敢後先獨與司馬文正光范忠文鎮唐質肅介頴領爭論不少假借至上疏言財利於事爲輕民心得失爲重不罷青苗使者非宗社之福公卒去位小人相繼用事濁亂天經彙牙禍根刑奇之罪穢汗簡冊如有一人臣斷斷荷無他技中原遺老炳然元龜天下後世感憤追想猶凜凜有生氣嗚呼此其所謂大節關繫於世道治亂升降而不可誣也咸淳六年知贛州大宗丞相易季侯雷應以公嘗辱爲是邦始至訪公祠所在郡治故有祠與濂溪並自濂溪移祀于學前守陳公宗禮始建公廟于城之東偏歲時安侑習爲故常屋弊且壓神不顧享侯慨然曰是不可憚改會歲豐人和庭

無徵發於是棟楹欄檻之腐敗撓折者僦甃丹雘之踈漏漉滂者神位祭器之缺失不如禮者所費儉約一日新美又更爲之門俯臨大衢非徒侈觀使過者敬恭焉明年夏五落成侯時已除湘南刑獄使者將行走書屬某記之某惟吏道苟且逐末忘本久矣侯之先公忠清有風裁於世侯得之見聞獨能專事文獻景行先哲示邦人以繹教思其淵源有自來哉清獻距今二百餘年贛石公所鑿也章貢臺公所創也公之事遠矣而其山川猶有衣被其餘者贛人之思之曰公生而德澤在吾土公之賜也公死而典刑在吾土公之賜也嗚呼公之在熙寧也當時小人號爲得志富貴漸盡終歸無有贛何地也而公祠在焉後公而爲贛者相望亦豈無可以繫去思者而公之祠歸然靈光何其懿也嗚呼士大夫之於當世其大節可不謹哉可不謹哉

贛州重修嘉濟廟記

今天子咸淳六禩大宗丞權侍左即官李雷應被旨知贛州贛地大而俗畧山寬而田狹俗畧故易以諫田狹故易以饑侯未至以爲難將至以爲憂乃七月下車膏雨霑流嘉氣全集民聲大和四郊以寧侯悅莫喻所從來也百姓歌之曰我土風風黍稷芄芄孰啓我侯我神之功我氓蚩

蚩牛犢熙熙執相我侯我神之威侯驚召父老進而問故曰是何神也父老相率告於庭曰州之東有廟曰嘉濟自秦漢以來血食至今我民司命匪神其孰尸之侯恤然曰我何以得此於神哉抑神實德我我其有不致力於神迺薦豆乃潔牲餘晨起詣廟以謝以祈既竣事周視庭宇不遑于寧始建議營度刊木于厓浮竹于津厥材既堅厥工惟時植圮支仆撤去庫陋傭力奔走咸勸於事堂皇言言廊廡嚴嚴有門秩然有亭翼然於是神位具宜廟制大備王宮皇皇袞冕裳衣祠既畢則以其餘脩道遠以便來游者葺二浮梁以便絕江者錢奇二百萬粟奇二百碩悉出侯所節縮故役成而人不知明年四月侯除荆湖南路提點刑獄未行粟米在市蠶麥滿野雞犬相聞達于嶺表訖侯去視始至如一日焉百姓復歌之曰奕奕廟貌我侯新之侯爲我民匪神是私田有稻梁野無干戈微侯之賜胡以室家屢舞德德伐鼓淵淵何以報侯萬有千年予時卧山中州從事具本末來屬予言其事予按祭法能禦大菑則祀之能捍大患則祀之神之爲靈昭昭矣謹叙下方納諸廟門爲記

贛州興國縣安湖書院記

贛興國縣夫子廟在治之北門縣六鄉其五鄉之人來游

來歌被服儒雅東二百里曰衣錦鄉其民生長斗絕險寒或爲龍蛇瀆于邦經有司龜勉以惠文從事咸淳八年宣敷即臨川何時來爲宰闕然曰使人不可化則性命之道熄矣顧邑校曠越不克施乃夏四月即其地得山水之勝議建書堂以風來學召其豪長率勵執事堂庭畢設講肄有位彙試館下錄爲生員凡二十八人又拔其望四人爲之長冬十月令率諸生以牲幣薦于先聖先師樽俎揖章等威孔嚴環觀愕眙屏息胥忭冀老婦子轉相傳呼然後翕然以儒者爲重令曰吾教可行矣載命胥正秩其比伍家使有塾人使有師如黨庠序序之意置進學日記令躬課其凡督以無息又上諸府改其鄉曰儒學植之風聲於是山長谷荒人是用勸成碩進習文事率由訓程傳曰天地之道浸言化以漸也風俗之積幾千百年而令一朝變之固若是速歟共惟國家五星聚奎實開文明皇祖制詔天下州縣立學所在表章儒先復創書院三代以下斯文彬彬焉先民有言地氣自北而南粵從衣冠正朔啓我吳會自江以南悉爲鄒魯今也遐荒陋僻沐浴教恩如狂得廖如迷得呼王澤之滲漉日深地氣之推移日至此豈偶然之故哉予於今爲同年進士適守是州今奉天子明訓以宇民爲職能廣學愛宣德化是爲不辱威命將上其事



於朝復論之諸生曰昔有文翁興學于蜀受業博士時則張叔學官弟子畏而懷之彼何人哉叔兮叔兮又進諸生之長論之曰昔有文公設教于湖潮人趙德以士見招維文與行倡于齊民其則不遠德哉若人諸生拱而前曰某等幸生明世惟師帥不鄙夷之俾獲有聞雖不敏敢不受教請刻諸石以詔百世書院之制前爲燕居直以杏壇旁爲堂左先賢祠祠後爲直舍繚齋以廡不侈不隘臨溪爲之門堂名絜矩齋名篤志求敏明辨主善率性成德其門總曰安湖書院某山中所題云

### 道林寺行六堂記

余行步長沙道湘西登道林寺舊有四絕堂指沈傳師裴休筆札宋之問杜甫篇章也堂之類吾鄉益國周公書之至是百二十年公又有記述蔣之奇語之奇取歐陽詢書韓愈詩而黜裴宋公獨合古今異同有行四爲六之說人之意度相遠如此僧志茂以屋壓字漫壽公字于石取公之意易名衍六將揭于新堂予嘉其有二善焉補唐賢故事實乾淳遺墨非俗衲所爲爲之嘉歎而記其後

### 五色賦記

孟春之二十五日發舟石鼓越三日過衡山宰趙孟係送懸志遺逸門一段云冠豹與謝觀同在唐崔喬孫門下以

文藻知名豹謂觀曰君白賦有何佳語對曰曉入梁王之苑雪滿群山夜登庾亮之樓月明千里觀謂豹曰君胡不作赤賦豹曰田單破燕之日火燎于原武王伐紂之年血流漂杵前輩游戲文字足以解人頤如此客曰更做之作黑賦如何予應聲曰孫臏銜枚之際半夜失踪達磨面壁以來九年閉目客絕倒予曰君盍賦黃賦青如何一客云杜甫柴門之外雨漲春流衛青塞馬之前沙含夕照又一客云帝子之望巫陽遠山過雨王孫之別南浦芳草連天曰黃曰青不于其蹟而于其神亦一時興致所到因反觀寇謝前作惟月明千里得白之神曰雪曰火曰血皆不免着迹且漂杵是武王一慶事燎原與田單不相干一客改之曰堯時十日並出燦石流金秦宮三月延燒照天燭地一客又曰夜登庾亮之樓月明千里如何對或對曰秋泊袁宏之渚水浸一天予謂前作已是劣劇後來者又進乎滑稽矣因次第其高下亦豪雄第一黑深妙第二黃神後第三白脫灑第四青風韻第五或以黑爲冠予亦莫知其定因記之以詒觀者

### 衡州上元記

歲正月十五衡州張燈火合樂宴憲若舍于庭州之士女傾城來觀或累數舍竭廢而至凡公府供張所在聽其往

來一無所禁蓋習俗然也咸淳十年吏部宋侯主是州予適忝陳臬事常平以王事請長沙會改除於是侯與予爲客主禮是晚予從城南竟城東夾道觀者如堵入州從者殆不得行既就席左右楹及階階及門駢有累足穢穢如魚頭其聲如風雨潮汐咫尺音吐不相辨侑者集三面之人趨而前執事幾不可曲折酒五行升車詣東廳聽之後稍偏爲燕坐俎豆設焉主人既肅賓車不得御乃步入燕坐之次至兒童婦女雜襲而爭先男子冠以上往往引去及獻酬州民爲百戲之舞擊鼓吹笛爛熳而前或蒙佞焉極其俚野以爲樂游者益自外至不可復次序婦女有老而禿者有羸無齒者有偃僕而相携者冠者髻者有盛塗澤者有無飾者有携兒者有負在手者有任在肩者或哺乳者有睡者有睡且蘇者有啼者有啼不止者有爲兒弁髻者有爲總角者有解后叙契閨者有自相笑語者有甲笑乙者有傾堂笑者有無所觀隨人笑者跛者倚者走者趨者相牽者相扶擊者以力相拒觸者有醉者有勸者咳者唾者噴者欠伸者汗且扇者有正簪珥者有整冠者有理裳結襪者有獲闔者有倚屏者有攀檻者有執燭跋惟恐墮者有酒半去者有方來者有至席徹者兒童有各隨其親且長者有無所隨而自至者立者半坐於地者有半

坐机下者有環客主者有坐復立者有立復坐者視婦女之數多寡相當蓋自數月之孩以至七八十之老靡不有焉其望於燕坐之門外趨趣而不及近者又不知其幾千計也當是時舞者如讎之奔狂之呼不知其幾也觀者如立通都大衢與俳優上下不知其肆也予與侯頽然其間如爲家人之長坐於堂而驕兒駭女充其間不知其偏也予起而舉酒祝侯曰以平易近民而民近之豈弟父母侯之謂矣侯醕且執爵前曰惟使者使民不寃無淫罰其和我是以大有民予避且謝則復諸侯曰使時和歲豐日星明輒舉海內得以安其生而樂其時衡與賜焉維天子之功臣等何力之有侯拱而立侯蜀人也因與予言益州承平時元夕宴遊其風流所親見蓋出于祖宗德澤天地涵育之久而今不可復得矣予愀然私念之開慶景定間衡以中州不得免於難今城郭室廬公私文物猶草創綿蕪元爾然以幾世幾年所爲郡而十數年間卒然脩復得其大體非國家忠厚積累於民力愛養有素豈望如今所成立哉蜀自秦以來更千餘年無大兵革至于本朝修繁鉅麗遂甲於天下不幸蕩析若鬼神之忌盈者今衡之民務本而勤力歲時一觀游之外衣食其耕棄餘而不春風氣淳厚猶南方建德之國其將進而未已者乎予爲親

懷歸得郡且行侯選表於朝有日矣惟一時民物之槩得於目擊相與嗟嘆闊絕而欣喜不厭於心者不富無所紀且懼夫可愛可愕之狀俯仰蹉跌忽不可以復追也燕之明日亟奮筆記之以庶幾觀風之意且使後來者於侯政有考焉侯名遇今居延平

### 雷州十賢堂記

國朝自天禧乾興迄建炎紹興百五十年間君子小人消長之故凡三大節目於雷州無不與焉按雷志丞相寇公準以司戶至丁謂以崖州司戶至紹聖後端明翰林學士蘇公軾正言任公伯雨以渡海至門下侍郎蘇公轍以散官至蘇門下正字秦公觀至樞密王公巖叟雖未嘗至而追授別駕猶至也未幾章惇亦至其後丞相李公綱丞相趙公鼎參政李公光樞密院編脩官胡公銓皆由是之瓊之萬之儋之崖正邪一勝一負世道以之爲軒輊雷視中州爲遠且小而世道之會乃於是觀焉我度皇之九年詔大府寺簿虞侯應龍知雷州侯雅公曾孫有文學凡登朝必與史事諸所聚斂得春秋大旨植之風聲尚有典刑其至雷也考圖謀訪耆老顧瞻山川怒如有懷乃黜丁氏章氏自萊公以至澹菴凡十賢爲祠於西之上使海邦興起前聞一朝皂白知所以勸敬賢如師疾惡如仇侯所爲豈

刀筆細故哉嗟乎雷何地也諸賢冠冕於此儼然而威自太守諸生以下敬恭登降制幣薦奠如先聖先師人有常言惟是風馬牛不相及也諸賢何以得此於南海南海何以得此於諸賢乎哉我祖宗待士大夫忠厚而有禮稽諸司敗嶺海則止此事上配帝王非漢唐所及雖施之姦回容有傷惠而賢者失路靡不獲全祈天永命萬有斯年噫嘻盛德事也祠經始于十年九月十月吉日落成侯謂予同館走書數千里至顛屬予記予不敏叙其凡復爲迎送神辭使祀則歌之辭曰 颶風起兮雲黃萬里兮故鄉桃李兮被不祥何懷乎斯宇兮惟獨有此衆芳海可竭兮神不可忘五嶽爲臂兮三辰爲光保我有國兮萬年其昌

### 雷州重建譙樓記

凡並海而爲州皆有颶風而雷爲甚中州多山地氣固密城郭公府苟非水火兵革之難雖累數千百年存焉可也南方歲有颶風拔大木蜚大屋以爲常矧雷三面際海當風之衝豈獨城樓難哉太史氏虞侯應龍來爲守是爲咸淳十年六月十有二日夜半颶風作厥明視譙壓而城壞方風之來也其暈如虹有蜃氣如樓臺及其欲霍凌轢旬哮撞擗其聲不可名狀侯曰斯樓郡以晝夜者非大且壯無以支木义乃筏鉅材鳩工並興設爲巍峩下臨鯨波人

聞而無然曰天下猶海也世變猶風也昔人有言大厦非一木可支又曰震風凌雨而後知厦屋之幃幪也侯所建立有安天下之道焉侯之為雷也寬而有制嚴不為暴始至蒐軍明律戮澤中為龍蛇者獄有三年淹破其貨內者戮丁籍實民賦老壯以時富貧有經又為之表賢哲與學校開其倫常示人有耻陶為清淳訟是用希凡此皆侯所為及風徙纏之本也天子聖神文武克有天命祝融受職海峽順令侯為政知所本价人維藩式是南邦城樓云乎哉

序

孫容菴甲葦序

容菴孫先生早以文學自召授徒里中門下受業者常數十晚與世不偶發其情性於詩今其家集甲乙丙景為三帙當先生無恙時乙官湖王公介為序丙今念菴陳公彬筆也獨甲篇首無所屬太史公將以自序云爾不幸未就耆志以歿後二十二年先生之子演之孫應角出其本命予序以補其遺先生之為詩縱橫變化千態萬狀前二公模寫極矣後生小子於前輩畦徑不能窺也獨嘗往來容菴知先生所以為詩者今天山一卷石之多及其廣大草木生之禽獸居之寶藏與焉今天山水勺之多及其不測龜

鼉蛟龍魚鱉生焉貨財殖焉天下之音觀莫且於山水山水非有情者莫之為而為何哉傳曰山藪蔽疾江海納汙則其所容者衆也先生之菴介於闡闡敵二尋高為楹不踰丈求其領畧江山收拾風月則亦無有乎爾然先生讀書自首不輟皇王帝霸之迹聖經賢傳之遺下至百家九流閭閻委巷人情物理纖悉委曲先生旁搜遠紹蓋朝夕斯焉是百世之上六合之外無能出於尋丈之間也以一室容一身以一心容萬象所為容如此此詩之所以為詩也先生名光庭字懋居廬陵富川以詩書世家今其子惟終放情哦諷為詩門再世眷屬其孫懋於文學方翹翹自厲發矢於持滿流波於既溢以卒先生為詩之志詩之道其昌矣乎予里人也知先生為詩之故與其所以積累繼述因發之以補二序之未及云

危知齋論序

近世有驪塘巽齋二危論行於世予讀其文庶幾前輩之彷彿者矣吾州恕齋危先生其所為論積成帙學者爭傳為矜式先生學為東梓之宗行為章甫逢掖之望放而為文所謂仁義之人其言藹如臨川廬陵之危是或一道也抑二危以此決科發身而先生不偶於場屋以死則所遇之足悲也雖然遇不過無足計也于其人而已然則學恕

齋爲文尚從其人求之

金匱歌序

金匱歌者卿前輩王君良叔之秘醫方也初良叔以儒者涉獵醫書不欲以一家名一日遇病數十輩同一證醫者曰此證陰也其用其藥無疑數人者駢死醫者猶不變良叔曰是證其必他有以合少更之遂服陽證藥自是皆更生焉良叔寃前者之死也遂發念取諸醫書研精探索如其爲學然久之無不通貫辨證察脉造神入妙如庖丁解牛樞僕承蜩因自撰爲方劑括爲歌詩草紙蠅字連帙累牘以遺其後人曰吾平生精神盡在此矣其子季浩以是爲名醫其子庭舉蚤刻志文學中年始取其所藏讀之今醫遂多奇中一日出是編予然後知庭舉父子之有名於人其源委蓋有所自來矣天下豈有無本之學哉世道不淑清淳之時少垂戾之時多人有形氣之私不能免於疾世無和扁寄命於嘗試之醫斯人無華同於巖壑程楷之歸者何可勝數齊高彊曰三折肱知爲良醫楚辭曰九折臂而成醫言屢嘗而後知也曲禮曰醫不三世不服其藥言嘗之久而後可信也人命非細事言醫者類致謹如此然則良叔齊楚人所云醫也若庭舉承三世之澤其得謂之善醫矣予予因謂庭舉曰凡物之精造物者秘之幸

而得之者不敢輕然其久未有不發周公金縢之置兄弟之秘情也至成王時而發藝祖金匱之誓母子之秘言也至太宗時而發君所謂金匱歌者雖一家小道然祖宗之藏本以爲家傳世守之寶其爲秘一也子之發之也以其時考之則可矣庭舉曰大哉斯言予祖之澤百世可以及人予爲子孫不能彰悼先志恐又遂沈泯上貽先人羞敢不承教以廣之於人予嘉庭舉之用心因爲序其本末如此良叔諱朝弼季浩諱淵庭舉名槐云

張宗甫木雞集序

三百五篇優柔而篤厚選出焉故極其平易而極不易學予嘗讀詩以選求之如曰駕言陟崔嵬我馬何虺隤我姑酌金罍維以不永懷如曰自子之東方我首如飛蓬豈無膏與沐爲誰作春容詩非選也而詩未嘗不選以此見選實出於詩特從魏而下多作五言耳故嘗謂學選而以選爲法則選爲吾祖宗以詩求選則吾視選爲兄弟之國予言之而莫予信也一日吉水張彊宗甫以木雞集示予何其酷似選也從宗甫道予素宗甫欣然便有平視曹劉沈謝意思三百五篇家有其書予歸而求之所謂吾道東矣

趙維城洗冤錄序

漢法殺人者死我國家式敬由獄尤於人命重致意焉情

法輕重相去一毛轉移敵欺其謬千里吾儒坐論書史志其大者固自以司空城旦之書柱後惠文之學為不必講不必講可也而一日臨事愴然受成其為誤不少愛人利物之心謂之何哉近世宋氏洗冤錄於檢覆為甚備宋氏多所跋歷蓋履之而後知吾邦趙君與樸甫階一命而能有志乎民反覆駁難推究其極於宋氏有羽翼之功矣使君自此有中外之迹日增月益豈曰小補之哉書曰獄貨非寶惟府辜功又曰無或私家于獄之兩辭祥刑之本也讀趙君此編而於書再三焉雖不中不遠矣

龔知縣帥正錄序

訟九五曰尚中正下四爻竟至於不訟子曰子帥以正孰敢不正惟上九一爻犯終凶至錫帶三襖豈帥之者之罪哉君卦之終為險捷之極莫其矯操非百倍其力有所不能茲易所以為憂康之書也龔君子樺宰吾廬陵其聽訟必据經守法不肯少委折以貳民聽凡斷筆備書之冊踰年幾三秩名曰帥正錄大哉君之用心乎廬陵訟最繁自君視事日以銷殺從所帥也然猶不免於有錄而錄不免於冊且三風俗所積其器也久矣夫豈一朝一夕之故縣古諸侯也使君私其土子其人教化之入人也深則是錄可以無作今之縣三年一替君之所試曾幾何時讀是錄

也庶幾期月而可者矣于路問政子曰先之勞之請益曰無倦君而以無倦行之是錄也固筌蹄之粗也歎君名曰升錄章人

蕭蕭夫采若集序

選詩以十九首為正體晉宋間詩雖通曰選而藻麗之習益日以新陸士衡集有擬十九首是晉人已以十九首為不可及十九首竟不知何人作也後江文通作三十首詩擬晉宋諸公則十九首邈乎其愈遠矣子友雲屋蕭蕭若蕭夫五年前善作李長吉體後又學陶自從子游又學選今則駸駸顏謝間風致惟十九首悠遠慷慨一唱三嘆而有遺音更數年雲屋進又未可量也十九首上有風雅頌四詩俟予山居既成俯仰温故又將與君細評之

羅主簿一鷄詩序

詩所以發性情之和也性情未發詩為無聲性情既發詩為有聲聞於無聲詩之精宜於有聲詩之迹前之二謝後之一蘇其詩環偉卓犖今世所膾炙然此句之韻之者耳寥寥池塘精神相付屬對來風兩意思相怡愉傳曰立見其參於前在輿見其倚於衡謝有焉樂則生則惡可已蘇有焉東溪君嗜詩故曰北谷而雲谷又其弟鶴鳴子和填傲麗應天和流動雍于一堂所謂無聲之詩也噫謝之

樂不能無蘇蘇之樂不能無謝東溪君合蘇謝而一之其樂庸有既乎若夫君所以句之韻之者予非能詩又焉能評其歸問之二谷

新淦曾季輔杜詩句外序

杜詩舊本病於篇章之雜出諸家註釋人爲異同淦北山子曾季輔平生嗜好於少陵最篤編其詩做文選體歌行律絕各爲一門而紛紛註釋自以意爲去取意之所合列於本文下方如東萊詩記例而總目之曰少陵句外予受而讀其凡蓋甚愛之既錄其副則復慨然曰世人爲事務出新說以不蹈襲爲高然天下之能言衆矣出乎千載之上生乎百世之下至理則止矣虛其心以觀天下之善凡爲吾用皆吾物也是意也東萊意也而北山子得之觀舞劍而悟字法因解牛而知養生予也受教於北山子矣

忠孝提綱序

江流滔滔日夜無聲水之常也至於有觸之鳴風激之爲波則水之所遭拂乎常矣爲臣忠爲子孝出於夫人之內心有不待學而知勉而行者古之人都俞吁嗟定省溫清行乎忠孝之實而不必以名知於人此人道之自然也若夫處時之變遭事之不幸始有不得已而忠孝之名歸焉則亦有可閔者矣帝齋即君其有感於忠孝之事既取古

人之大節貯分而爲之書又哀皇朝事爲後卷君之用心所謂先立其大者吾讀其書益世變存焉非徒纂集之末而已抑有願與君講者率土之濱莫非王臣守孰爲大守身爲大士君子之於天下固不必食君之祿而後爲忠親存而後爲孝也語曰仁以爲己任死而後己義理之責庸有既乎君更以是推廣其說使人人知忠孝之爲切已事常也由其道變也不失其節則於世教豈曰小補之哉

八韻關鍵序

八韻關鍵者義山朱君時叟所編賦則也魏晉以來詩猶近於三百五篇至唐法始精晚唐之後條貫愈密而詩愈漓矣賦亦六藝中之一觀雅頌大約可考騷辨作而體已變風氣愈降賦亦愈下由今視乾淳以爲古由乾淳視金在鎔有物混成等作又爲古矧長揚子虛而上胡可復見然國家以文取人亦隨時爲高下雖有甚奇傑之資有不得倖首於此若朱君立例嚴用功深益亦深達於時宜者朱君執此以往一日取先場屋然後舍而棄之肆力於爲文其於古也孰禦雖然又豈爲文哉

壬戌童科小錄序

景定壬戌童子十人挑誦國子監既中試中書如初考吾里王元吉爲首該恩許兩試太常以次九人一試童子歸

而課業當為來科新進士否則再試能又中即待年出官矣  
噫其亦咄嗟乎哉山林之士白首佔畢有終身不得名薦  
書齒下士於朝者童子未離幼學已得以所長頡頏當時  
雖其得於天者不凡而貴之也人無異辭然世之厄於命  
者何限若此獨不以自幸哉童子歲月方來而未艾也天  
下事有大於科目之學者矣則將何如韓子送張童子序  
曰暫息乎其所已學者而勤乎其所未學者予謂童子其  
所已學者經也經載道書也童子向記其言語而已而沉  
潛義理變化氣質蘊之為德行之為事業末之及也童  
子而能自其所已學者溫習紬繹深加履踐希賢希聖求  
之有餘師而其所未學者徐徐而勤之不為後也大學之  
法禁於未發之謂豫當其可之謂時童子有之予也有志  
乎兢辰者日斯邁而月斯征愧悔多矣敢無以相童子童  
子倘有利於予言矣乎

題家保狀序

吾鄉孫幼賓善與人周旋受人託必忠吾黨之士多與為  
知識三歲大比其欲結保就試者率以狀轉授俾上之有  
司幼賓無所愛力每科輒結至數百保榜揭之日籍中多  
得人由是中禮部者常有之從事數科今又將詔歲人爭  
以幼賓為有驗雖幼賓亦不能自己一日持其籍以告予

曰君疇昔籍中人也其為我序之予不能辭焉按周禮大  
司徒以鄉三物教萬民而賓與之此鄉舉里選之風也考  
諸族師則五家十家五人十人又使相保相愛刑罰慶賞  
相及相共凡保必有連坐古以德行取人於此猶有取爾  
周官之法度與關雝麟趾之意固不相悖也進士始於隋  
唐本朝沿襲不改日引月長弊倖浸出上之所以關防禁  
治者務盡其術若家保狀其一也科目與鄉舉里選自不  
同然其所以立法之意殆相似然吾州士風接歐周胡楊  
之遺知所自愛其麗於族師之禁固鮮矣幼賓作事必履  
實其所受託亦不輕所任刑罰之相及相共者吾又固為  
幼賓一保吉為州鉅應試二萬餘然他日得之率是知名  
之翹翹者幼賓自此網羅無遺使千佛之名盡萃於一籍  
則幼賓繼今皆慶賞之日也吾為子賀不既多乎幼賓曰  
嗜欲將至有開必先君言且驗矣吾籍屢驗不一驗將徵  
福於君請執此以徃

又家保狀序

吾嘗觀李肇記唐科舉事都會謂之舉場通稱謂之秀才  
投刺謂之鄉貢俱捷謂之同年有司謂之座主籍而入選  
謂之春闈將試相保謂之合保既捷列姓名於慈恩寺塔  
謂之題名大宴於曲江亭謂之曲江會進士之為貴於天



下其來尚矣某吉水人肯為吾黨棄梓家保狀使不煩自  
授於官殆好事者介予所知識以其籍求序予前一夕臺  
有持一卷來曰桂籍得此臺君驗焉者是籍之人由秀才  
試舉場出鄉貢試春闈拜座主叙同年赴題名所入曲江  
會將必自此合保始雖然使君籍而止得科目人也吾何  
觀焉天下事益有大於此者矣仁山蒼蒼文水泱泱歐周  
胡揚休有耿光獨無遺芳而昌之者歟吾之望君籍也  
如此

新淦曾叔仁義約籍序 名公世

財利在天地間為義理之賊三代以下選舉不以德行則  
士雖為聖賢猶將從科目以進舉于鄉里固得時行道之  
發軔也然士方窮時驟得一舉厲有千里之俊無所取資  
不得已倪首屈意以為此之求是不待仕固已賊其心矣  
此義約之所以不可廢也予至新淦親黨曾君叔仁出其  
所謂青雲約魁星約者其為約視他郡特有寓公助送之  
例可以觀是邦之風矣吾黨之士凡與斯籍名薦書走在  
所居者無深責行者無後顧昌其氣以從事於文舉舉謬  
謬進奉天子之對由此培植為他日賢公卿大夫殆此籍  
有助焉然則區區周急義之末者耳其於人才有關係則  
於後之世道不為無益其為義不亦大哉

送隆興鄒道士序

新吳昭德觀或傳西晉劉仙人飛昇之地其觀前井猶仙  
人時丹井也今鄒高士居其觀亦以煉丹名或曰高士仙  
人之徒與予詰其所以為丹則高士之丹非仙人之丹也  
仙人之所謂丹求飛昇也高士之所謂丹求伐病也仙人  
之心狹於成己高士之心溥於濟人且夫蕪人已為一致  
合體用為一原吾儒所以為吾儒也重己而道人知體而  
忘用異端之所以為異端也高士非學吾儒者而能以濟  
人為心噫高士不賢於仙人歟

送彭叔英序

彭叔英以秀才精躔度稚予命謂剛星居多意若他日可  
為國家當一面者巽齋歐陽先生以三命折之其為之說  
與叔英辨予命叔英既錯下一筭又累先生齒頰顧區區  
何足以當之抑叔英所以許予謂主命得火行限得金掌  
羅計故至於有主殺伐等語雖然此以論項籍關羽赦曹  
擒虎之流則可而世固有不如此而為名將帥者矣非  
叔英之所知也予獨以為陰陽大化網緼磅礴人得之以  
生其為性不出乎剛柔而變化氣質則在學力如叔英之  
說某星主剛某星主柔得剛者必不能柔得柔者必不能  
剛則是學力全無所施而一切聽於天命聖賢論性等書

俱可廢已予性或謂稍剛殆柳子所謂奇偏者察焉朝夕  
惟克治矯揉懼陷於惡敢以命為一定不易之歸乎叔英  
慨然曰予言命君言性命之矣抑予所以為君言者自謂  
不誣士固各有志予之志願聞所向請轉與巽齋直之昔  
諸著孔明與石廣元徐元直孟公威遊學荊州嘗曰卿三  
人仕進可至郡守刺史三人問其所志孔明笑而不言予  
非孔明也予之志豈叔英得窺哉

送王山立序

官湖王先生以文章名家其子山立無忝於弓冶之業蚤  
携琴書相從諸公筆硯間既而曰士不為司馬子長遊不  
足以為學於是上下四方者幾年于行今遊且倦矣湖海  
之風波浸惡山林之歲月漸長歎其如川方至之銳以就  
于霜降水涸之實山立將從事乎此昔孫泰山為餐索遊  
范文正公給以月俸三千遂得留意於學卒為一世師表  
誠齋素貧得劉氏館以故旁搜遠紹及讀世間未見之書  
南渡以來稱儒宗焉二先生之事夫人而可為也會有拈  
出故事以嘉惠山立者其靜以待之

與山人黎端吉序

與癡兒說癡終日悶悶使人欲索枕僵卧明者了了不踰  
頃刻能解人數百年中事恨相見晚矣山人黎端吉客書

門旬日風雨旦稍霽入吾山一瞬而還若有德色問之則  
山川巨細情狀變態信手圖畫如山中生長然者何其敏  
也黎氏祖為吾鄉羅氏葬地百年效驗翁不見端吉食其  
報又能以術世其家翁信未死哉端吉遺予地予方撰履  
出郊而端吉又泝十八灘上矣臨別敘其說其歸也為予  
復來乎

贈林梅所序

何所無花屈擅蘭陶擅菊林擅梅乃若有定所然古者以  
功為地之封建後世以文為花之封建屈之騷陶之辭林  
之詩皆有功於花是故花托於斯文而後得其所焉噫九  
畹三徑今無復存林之孫羲獨能世襲孤山與花周旋所  
謂居其所而不遷者君充拓門庭於詩道益進豈惟克有  
其土地抑亦光昭其先君之功懋哉懋哉

送項巽可入南序

東坡作韓文公廟碑詩云作書詆佛譏君王要觀南海窺  
衡湘坡在南方亦云茲遊最奇絕又云茲遊奇絕冠平生  
當文公諫佛骨豈故欲為揭陽之行坡不幸懼黨禍乃以  
炎方為奪自古詩人大言而非情性往如此吾鄉項兄巽  
可與權之度嶺也訪予於玉虹予問子非不得已是何  
為則曰巽可生也有四方之志弱冠時嘗一至番禺已而

走上饒參疊山拜東岡古爲然後經潯陽出赤壁登黃鶴樓今也又將往見東岡吾所學子長遊也他時入南者以風土爲憚與權年未三十神澤而氣強擔簦行數千里如適其東家是其要觀南海而從奇絕之遊者非詩人大言類也子長南遊江淮上會稽闕九疑浮于沅湘北涉汝泗講學齊魯過梁楚以歸而平生車轍獨未至廣與權今游子長之所未游從而徧歷吳楚按子長東南故跡登淮山以望中原以庶幾盡見天下之奇子長作史記序三千年事爲五十萬言漢至今又千有餘年不知與權後之所書其詳畧如何書成以論我

### 送賴伯玉入頼序

頼君成孫伯玉號竹澗五雲人自幼已好詩長而浸癡有甲乙輩行於人戊午出宜春道中得詩三十歸而哀以附於乙自是以行爲趣一日以書抵予曰某也將泝十八灘踐空同非子寵茲行彼之山靈水神未易屈降頼君之行殆不苟然頼之勝處如鬱孤如八境如蘆泉如塵外寺則如慈雲天竺在唐有香山品題至今墨蹟如新入本朝東坡山谷之流交有以發其奇而長其光價而東坡蹤跡之密精神之著又其尤者也頼君觸目爲思開口成句而騷人墨客之遺又有以動其靈靈焉者虛而徃實而歸此行

粹宜春童賁之得其有足以成丙藁可知也君之茲役予何能贊一辭抑予有請焉君方盛年於詩之道其所造已非他人以一句一字名世者比以君之資其當他有所進乎司馬子長足迹幾徧天下後來竟能成就史記一部或議子長所用小於所得少陵號詩史或曰讀書破萬卷止用資得下筆如有神耳頗致不滿韓昌黎因爲文章沒有見於道德之說前輩識其倒學然猶不爲徒文卒得以自附於知道橫渠卓年縱觀四方上書行都超然有凌厲六合之意范文正因勸讀中庸遂與二程講學異時德成道尊卓然爲一世師表其視韓公所爲蓋益深遠矣今君批包負笈將四方上下以求爲詩予也不止詢其爲前所稱騷人墨客者因誦言諸公之失得如此君且行矣歸而求之有餘師

### 送李秀實序

三月二日予有行後宿郊外次日昧爽有來謁者視之李君秀實也李君初不之識一見察其爲能言士坐定出詩三首其有序末句曰他事無求求者道莫教徒手只空鞍今人有好爲尊大以道統屬已自任終日瞑目夜半授伎已者二三言曰道在是矣隱居授書孺子取履昔人以爲近於鬼物徃徃類是李君之求其諸此之求歟李君曰予

知不及此予丈夫也棄弧蓬矢之志將於子長遊發之噫  
嚳子長盡天下之觀一部史記取資於此先民有言杜子  
笑讀書萬卷止用查得下筆有神耳予固爲子長惜也橫  
渠先生早年英邁之氣奮不可禦上書行都縱觀四方後  
乃精思力踐以其學接孔孟之緒朱文公替之曰早悅孫  
吳晚悅佛老勇傲卓比一變至道懿哉淵乎李君所欲求  
者道也則子長之終身不足師法橫渠何可當也顏何人  
哉唏之則是於李君之別也書此以贈

送彭和父遊學序

彭江西三瑞之一和父其孫也家傳詩書半世以教人爲  
業以兩歲無所於館特遊學以問於四方命予曰可行乎  
今天大冠我如大裙襜如談道理非不纒纒可聽一旦有  
飲食之累則棄三尺蕩四維苟可以求無飢者無所不至  
和父雖失館夷然無感容所爲皇皇問館之外無他等此  
之謂不失其本心悠悠穹壤獨無知心者歟

贈談命朱斗南序

天下命書多矣五星勿論若三命之說予大槩病其泛而  
可以意推出入禍福特未可知也惟太乙統紀鈎索深遠  
以論世之貴人鮮有不合然閭閻賤微有時而適相似者  
倉卒不可辨予嘗謂安得一書爲之旁證以窺見造化之

庶幾哉最後得朱斗南出白顧山人私傳書一卷以十干  
十二支五行二十七字旁施午豎錯綜交互之中論其屈  
伸刑衝六害察其變動生旺官印空而爲衰敗死絕衰敗  
死絕破而爲生旺官印祿馬不害爲貧賤孤劫未嘗不富  
貴盈虛消息觀其所歸和平者爲福反是爲禍其言親切  
而有證予切愛之獨其所著之文可以意得不可以辭解  
乃循其本文變其舊讀樂之以其九表之以其例其不可  
臆見者闕疑焉統紀十干各一詩其辭雖若專指一干  
而云而十干取用無不相通故詩雖以百數其大指數十  
而已亦復如白顧之例別爲之篇以附見其後使二書貫  
穿於一人之手彼此以補其所不及年月日時雖相去一  
字之差而於銖兩輕重爲不可証矣斗南吉水人拔起田  
間談命皆自得之妙予謂初事統紀失之者十之二三也  
繼得白顧書失之者百之二三也予觀斗南用二書奇中  
所不在論偶然而不中則反求之吾書書未嘗失顧用書  
者或未盡耳予又恨白顧書有闕疑也天命之至矣出於  
人之所俄度者不可一言而盡也吾所見斗南論命就其  
一家真白眉哉是爲序

又贈朱斗南序

甲巳之年生月丙寅甲巳之日生時甲子以六十位類推

之其數極於七百二十而盡以七百二十之年月加七百二十之日時則命之四柱其數極於五十一萬八千四百而無以復加矣考天下盛時九州主客戶有至千四百五萬或千七八百萬而荒服之外不與焉天地之間生人之數殆未可量也生人之數如此而所得四柱者皆不能越於五十一萬八千四百之外今人間巷閭固有四柱皆同而禍福全不相似者以耳目所接推之常有一二則耳目之所不接者安知其非千非百而命亦難乎斷矣且夫五十一萬八千四百之數散在百二十期中人生姑以百歲爲率是百歲內生人其所受命止當六分之四有奇則命愈加少而其難斷亦可知矣嘗試思之宇宙民物之衆謂一日止於生十二人豈不厚誣而星辰之向背日月之遠近東南比天地之氣所受各有淺深則命之布於十二時者不害其同而吉凶壽夭變化交錯正自不等譬之生物松一類也竹一本也或千焉或萬焉同時而受氣也然其後榮者枯者長者短者曲者直者被斧斤者歷落而倣年歲者其所遭遇了然不侔大命之同有矣而其所到豈必盡同哉然則參天地之運關盛衰之數此其間氣或數百年或百年或數十年而後一大發洩必非常人所得與者於五十餘萬造化之中不知幾何可以當此

而天地質之不常出鬼神祕之不使世人可測知也嗚呼論至此則命書可廢也耶因書于歐陽先生贈月窗說後

### 贈曹子政劍客序

江西劍客吾鄉曹子政篆命標榜也予曰子下也而取劍何君曰世人賣卜事諂媚捐苦口皇皇於一食之末予恨其道之不直也如是而福如是而禍一無所回護故予剛者之爲也予言必剛者而後能聽劍是以得名予曰噫嘻昔人有學字觀公孫大娘舞劍而神劍無與於字而廻朔赴仆之間乃足以相發今子雖爲卜而有取於劍之剛者亦詎曰不宜哉或曰然則是腹劍也予曰惡是何言子政豈口如蜜者邪或人語塞因書以遺之

### 贈山人黃煥甫序

黃景文煥甫乃祖顓風水名術也予里大家祖地多出其手而煥甫以術世其家前十三年予嘗以詩送之又數年覺煥甫小異亟取詩更其辭而實未深知煥甫也煥甫遊從日以密講辨日以多今也而後探其胸中之所存果有大異乎時人者噫知煥甫晚矣煥甫嘗與予上下阡隴凡予動心駭目以爲奇詭雄特輒掉頭不謂然至淡然平夷澆不起人意往往稱不容口予始甚訝之久而服其爲名言也大槩煥甫之術以爲崇岡復嶺則傷於急平原曠

野則病於散觀其變化審其融結意則取其靜勢則取其和地在是矣舍是而求地亦固有之而非煥甫之所謂地也山人之獻地者日至吾門予使煥甫往觀常不滿一笑煥甫曠數年始獻一地所獻真如其說予為山人所欺者多矣若煥甫真不欺我者惜也煥甫汲汲餬口以奔走於四方以予之近且久幾不相知卒然使人一見使人愛其術而不疑斯亦難矣予嘗謂能為煥甫百指計使煥甫安居一年必能時發天地之威以使予欣然而不厭予方冀石山中計必不能及此姑遂其說庶幾有因予而信煥甫煥甫必能出所學以報所知是楚人亡弓楚人得之予又何幸焉

贈黃璘翠微序

黃璘吾鄰人得祖父風水之學間與之登山鋪張造化口角瀾翻亦可愛吾館人議以翠微名之翠微山之腰蒼蒼鬱鬱之象山人所得稱抑微乎微者地理書所謂隱隱隆隆吉在其中此則處心者所不能得其彷彿黃生齒新而意銳更下入細工夫以庶幾吾所謂微者

贈仰顛峯折字序

顛峯仰宗臣以折字之術行京師諸公贈言陳往驗甚悉予未即信試之且數年每言輒酬訖矣哉予問顛峯曰禍

福將至必先知之吾聖人則有教矣就字而言字心畫也得於心應於手夫固動乎四體之一也由此而推資稟之強弱操術之正邪生死壽夭貧賤富貴之理於其字畫之大體而夫人之平生可一言而盡是則予固能知之今夫卒然而遇人曰請所欲書夫人者亦倘然應之會不經意而子於其偏旁上下之間細繹解說曰某宜禍某宜福則其臨書之際豈亦有鬼神歷乎其誘其中而運之肘歟不然字而字耳何靈之有顛峯曰未也天下禍福之占于其動而已未之榮枯康節不能索之於其靜一葉之墜筭法生焉世人見墜葉多矣誰知大化寄此耿末子之觀字也于其心予之觀字也于其心之動是法也得之異人異人誠勿言君退思之予推其理不可得而又動於顛峯之異則思夫聖人之於事其存而弗論者不少矣相視一笑就用其言贈焉

送僧了敬序

萬安僧了敬丙辰年來謁示予以夫子像予初怪之與之語彷彿儒者氣象閱諸公賞音則知其能為詩能讀先儒語錄又能築讀書堂以與邑之逢掖者處而後嘉其來意之有以也越五年予至其宮求其所謂讀書堂者觀之則方哀緡斂材召審曲面勢者而高度焉因知諸公所以亟

稱之者書其志也敬師之竟就是役者志之不忘也自佛入中國其徒半護其說遂與儒者之教並立於天下太顛止於海上韓公屈與之交當時羈窮寂寞之餘以其聰明識道理姑與之委曲於人情世故之內其於變化其氣質移易其心志攘除其師之教未必有焉以今敬觀之則其崛起於浮屠之中而若有得於聖賢君子之說而凡精業勤行以學韓之學者又與之周旋一室以上下於其間其爲聰明識道理也多矣陳良楚產也悅周公仲尼之道北學於中國孟子推爲豪傑然則敬師非僧之豪傑也歟

### 吉水縣永昌鄉義役序

吉水縣永昌鄉某都建義役復淳熙成規也予同升陳君某既爲序則貽書於予曰願贅一言使鄉黨鄰里有所憑依且庶幾徵福於君之筆俾勿壞予懼不敢當以其爲義設不得辭嗚呼義役之不行而差役之紛紛何甚也民無以相友助相扶持乙曰甲當役甲推之乙乙復曰甲展轉而聽命於長民者之一語時則其權在於官官無以自爲也薦鷺行鉗紙尾而進曰某宜差某有以私其人則改曰宜某時則其權在於吏一方之版籍吏胥主之高下其手紊於多寡之實時則其權在於鄉胥閭閻之間紛爭之微策點者乘間而起告訐因之而差法以亂時則其權在於

姦民受役者有二三年迄無一事有不幸而殺傷盜賊麗於其境不旋踵家破時則其權在於天今陳君與其鄉約曰爾役月日若干爾未減若干爾費若干至若干以上助若干一齊惟公是據屬之者無媿辭承之者無拒色是役之權不在官與吏與鄉胥與奸民與適至之天而在吾鄉里和氣間義之用大矣利又遠而無訟仁也使人知有遜讓禮也不以資奸智也盟而無敢後先信也一舉而五常備焉豈惟義哉鄉之長上其申告子弟曰如是而福如是而禍守約者久處敗群者交罰使一守是法求末無數則其於是邦之風俗不爲無小助噫亦安能下其法於天下哉

### 燕氏族譜序

嘗謂人之有祖也如水之有源木之有本也夫源之深者流必長本之固者末必茂此自然之理已然之驗也燕氏榮泰來自龍潭循州好山水之勝通陰陽之理歷吉之東鄉大北溪見其江山秀麗地勢盤旋於是遂徙居之榮泰生男貴玉勤而力卒未遂厥志而早卒孫長曰祐字天益號愛月領職都差次曰祺字天祥號瑞軒領職通判得其祿得其名廉公可畏治政有方年逾耳順乞歸骸骨故勅誥以還鄉積善成德宜求享其悠久也益生男宗美清白傳家謙恭處己以金石締交盟以詩書立門戶善繼人之

志善述人之事勸業守成實有光於前聞人矣美生三子長曰希禹次曰希仁三曰希舜兄弟俱有文名以仁睦族以札待人若河東之三鳳謝氏之彥秀者也是子孫蕃衍食指浩繁常於餘暇之際從容商略故有陸賈之分長禹受永昌鄉濟灘居焉次仁受永昌鄉青峒居焉三舜受但基家焉禹生國賢國賢三子曰德祥德勝德德鄉德祥領職司舉德勝領職司戶德鄉領職司理德祥之子曰均治徒泰和城南德勝之孫曰子實徙廬陵華美坊德鄉之孫曰子昇徙永豐桃源雖星羅棋布是皆同一源也恐後世久遠真偽不辯故命予修諸譜系載諸詳悉以見先公一人而來迄今有年矣雖族屬疏遠長幼尊卑按此譜歷歷始可見矣若夫水源木本培植深固支流柯葉蕃衍盛大亦在乎基之於前而有顯諸後矣為賢子孫者可不鑒哉

龍泉縣監漕鄉舉題名引

恭惟祖宗以取士為國三歲大比所謂從數路得人古遂江吾廬陵佳山水邑也廬陵諸老發身六一公澹庵以學舍益公誠齊以鄉舉獻簡公以漕貢而獻簡生遂江文獻風流又其最近且親者山川毓靈人物代興高山作止景行行止是為題名引

文山先生全集卷之九